





WAG 1335










DISPUTATIO  
DE SACRIS PRAVORUM  
ORDINATIONIBUS  
QUA VERA, VETUSQUE  
ECCLESIAE DOCTRINA

A F R A T R E

JO: HYACINTHO SBARALEA  
ORD. MINORUM S. FRANCISCI CONV.

EST NOVIS OSTENSA, AC PROPUGNATA  
MONUMENTIS,



FLORENTIAE MDCCL.  
EX TYPOGRAPHIO IMPERIALI.  

---

SUPERIORUM PERMISSU.

W. H. T. U. 92

W. H. T. U. 92

W. H. T. U. 92

W. H. T. U. 92

W. H. T. U. 92

W. H. T. U. 92

W. H. T. U. 92

W. H. T. U. 92

W. H. T. U. 92

W. H. T. U. 92





## P R A E F A T I O.



Uanquam sunt omnes in Theologia quaestiones tam longo temporum cursu naviter excussae; & sedula tantorum virorum opera, atque studio satis, ac luculenter explicatae: difficilis tamen adhuc, ac perobscura dici solet Quaestio de sacris quorundam *Ordinationibus* cum ad agnitionem hujus disciplinae pulcherrima; tum ad sacrorum Antistitum religionem, & judicium perquam necessaria: miratusque sum aliquando, cur quae tamdiu discussa fuit, & abunde explanata; haec ipsa videri, ac dici possit a quibusdam, iisque nequaquam ineruditis hominibus difficilis adhuc, & implexa, tametsi quam plures certissimam appellent. Nam maximam fuisse eam, ac perdiffici-

ficilem, magno argumento est, tam varias olim de ea doctissimorum hominum extitisse, tamque discrepantes sententias; ut Magister ipse Sententiarum vir doctrina, ac dignitate summus lib. 4. dist. 25. scripto tradiderit: *hanc quaestionem perplexam, ac pene insolubilem faciunt Doctorum verba, qui plurimum dissentire videntur.* Ac fuit quidem tempus, & diuturnum illud usque ad viii. Ecclesiae seculum; quo plane immota stetit, & sine dubiis: quum Septima in Synodo Oecumenica magis proposita, quam ventilata fere plagam accepit, ut veritas illic labefactata videretur. Siluitque postmodum ea quaestio ad sexquiseculum; quando quidam Auxilius Francus Ordinationes Formosi Papae palam in irritum adductas scriptis defendere tentavit a Petro Damiani insequenti seculo *Simoniacorum* causa secutus, ni mavis, exscriptus. Verum non multo post, vulgata per Gratianum Monachum celebri *discordantium Canonum Concordia*, res tota magnam in contentionem venit; & pluribus inter humani, Divinique juris Doctores est annis disceptatum: donec xiii. seculo Ducibus *Theologiae Scholasticae* in Gratiani partes descendantibus, facile posthac omnes in eam iverunt opinionem; quae quo falsior est reipsa, hoc est magis ita ubique recepta, atque defensa; ut usque in hodiernum diem & perseveret, & dominetur in Scholis. Sed non est adeo felix error, nec adeo potens, ut semper regnare queat: nostrorum enim Patrum memoria vixit Joannes Morinus vir sane doctus, ac diligens, ut illius scripta declarant, a nonnullis tamen paucis illis etiam secutus, qui quidem veritatem, quae demum per se ipsa lucere solet, acie

men-

mentis inspexit; eamque conatus est ostendere, caeteros condocere, & errorem animis alte imbibitum funditus evellere: verum auctoritate aliorum fractus, ( ut est quorundam natura ); & omnia, quae ad id videntur erant, cum ille non viderit; optimam, quam praeclare susceperat, causam nec satis tutatus est, & in fine prodidisse videtur illis par. 3. de Sac. Ordinationib. Exercit. 5. cap. 8. verbis: *hactenus tamen nullo Ecclesiae decreto quaestio tam perplexa, & obscura decisa est; sed tam multorum Doctorum concursus, & tam diuturnus consensus nobis est instar legis.* Quo factum est, ut in eum postea contrariae sententiae defensores insurgerent; & veluti victores dictis, scriptisque rem acrius urgerent; ac in primis Carolus Witasse Doctor Parisiensis, & Scriptor celebratus, quo nemo instructior in campum ad pugnandum venit, & nemo audentior: cum non tantum eos, qui aut dignitate sunt moti, aut extra Ecclesiam depulsi; verum etiam eos, qui intrusi, & invasores appellantur, dignitatesque Ecclesiasticas rapiunt, ac profanant; ratas Ordinationes habere propugnet. Ego vero, qui tam amicus sum veritatis, quam qui maxime; quique Quaestionem istam multum, diuque versavi utpote affinem alteri, quam nuper evulgavi, de *Haeticorum, Schismaticorumque baptismo*; dabo operam, ut incontrarium extare prae me feram & virorum doctrina, ac dignitate clarorum, & Sanctorum Patrum, & Romanorum Pontificum, & universae demum Ecclesiae auctoritates, atque decreta; momenta etiam rationum haud utique pauca; &, quod caput est, causamque terminare valet, facta complura, & manifeste-

feſta: expromamque una quoque, quid cauſae fuerit; cur tam obſcura, tamque difficilis ſemper ſit aeſtimata Quaestio; & cur tandiu ſit in hac ipſa a tot, tantisque viris erratum. Atque utinam, ut mihi iſta videre videor; aut etiam video; ita quemadmodum ea reperiuntur, poſſim aliis exponere: nam huius argumenti vim ſi quis exiſtimat aut ab iis, qui Theologicis de rebus diſſeruerunt, conſcripſeruntque, ſatis expoſitam fuiſſe; aut a me poſſe exponi tam facile, ac brevi; vehementer errat: neque ſolum inſcientiam meam, ſed ne rei quidem magnitudinem ipſe perſpicit.

Quid porro ( dicat aliquis ) illi ne aperta non viderunt, qui propter acumen occultiſſima perſpexerunt? illi non intellexunt ea, quae abs te etiamnum intellecta eſſe confidis? At quid erat illius aetatis, quod ſciri poſſet de iis, de quibus aut nulla monumenta loquebantur; aut illis ea nunquam innotuerunt? non enim illorum culpa fuit iſta neſcire, ſed temporum; in quibus plurima ignorari pene neceſſe erat: ſequioribus autem obfuit etiam atque etiam ſuorum Magiſtrorum, quorum in verba iuravit, autoritas; cum propterea deſierint ſuum adhibere iudicium; idque ratum habuerint, quod ab iis, quos probarant, iudicatum viderunt. Servierunt igitur illi temporibus ſuis, ſerviamus & nos noſtris: ſcribere namque uniuiuscuſque eſt; bene autem, non cuiuſcunque, neque cuiuſvis temporis. Me ſane & nonnullorum crebra commotio, & mea erga veritatem maxima propenſio valde hortata eſt; ut ea literis mandarem, quae & utilitati multorum conducere arbitrarer; & non aliena eſſe ab ipſa

ipsa ducerem veritate : multaue mihi venerunt in mentem, quamobrem istum laborem nobis si non emolumento, utilem tamen studiosis putarem fore . Qua in re porro mihi non assentor plane; nec mihi sumo tantum, ut plus ipse prospicere credam, quam alios videre, atque intelligere mihi persuaserim: sed tamen quia fieri potuit, factumque esse reor; ut alii alia mente quidem, ac animo revolverint; putavi esse meum, quid hac in re nactus essem; quidve sentirem, exponere: & memoriam in medium afferre cum eorum, quorum oportuit; tum illorum etiam, quorum nunquam alii fortasse cogitarant: quanquam id quidem licebit his existimare, qui & legerint; & scientiam rerum harum habuerint.

Si qui sunt autem, qui expostulent, quaerantve; cur in hoc Opere *Scholasticorum* quorundam ponamus exempla, & auctoritates; & candorem sermonis illorum sordibus polluamus; responsum breviter his damus ex Hieronymo: nunquam hoc quaesituros, nisi eos totos aut Tullius, aut alicui delicatissimi fastidii possiderent; si veram Theologiam legerent, & amarent; si interpretes ejusdem sepositis quibusdam evolverent. *Affueti enim hi dulcibus,* ( inquit Lactantius lib. 6. Divin. Instit. cap. 21. ) *& politis sive orationibus, sive carminibus Divinarum litterarum simplicem, communemque sermonem pro sordido aspernantur: id namque quaerunt, quod sensum demulceat: Cum tamen Salamon in exordio Proverbiorum commoneat; ut intelligamus versutias verborum, & obscurum sermonem, dicta sapientum, & aenigmata; quae proprie Dialecticorum, & Scholasticorum esse dicuntur. Nec*  
mi-

mihî modo plura praefari lubet; nec etiâ expedire videtur; cum reliqua, quae averi possunt, in Operis decursu legi debeant: addoque solum, huic me *Disputationi* nonnullas variis de rebus *Subsecivas Quaestiones*, quantas per locum, tempusque licuerit, ascripturum.




---

M O N I T U M.

**I**N fine hujus Voluminis duae sunt *Quaestiones*, quae Lectorem offedere possent, II. Nimirum, & VII Ego verò neutram ex his sententiis propugno. Sed quae in iisdem apposui eo dumtaxat collimant, ut Eruditi tota quaedam Augustini, antiquorum Canonum, atque veterum Ecclesiae Patrum Conciliant. Quae item sub initio quaestionis VII. de ministro Sacramenti Baptismi dixi, ita intelligenda sunt, ut tantum praeteritam contentione, quae diu vexavit Ecclesiam exponant.

IN-



# INDEX OPERIS DISPUTATIO.

IX

CAP. I. DE Ordine, ac ordinatione sacra; & de quarundam vacuum significatione.	Pag. 1.
CAP. II. De Characterē, ac potestate Ordinis, an secernantur, ac omnino separari possint.	13.
CAP. III. De illicitis Ordinationibus, ac primum eorum, qui a sacris Ordinibus prorsus arcentur.	41.
CAP. IV. De aliis illicitis Ordinationibus eorum scilicet, de quibus disponi potest aliter, ac leges sanciant.	53.
CAP. V. De Ordinationibus eorum, qui Intrusi, & Invalores appellantur.	72.
CAP. VI. De Ordinationibus Excommunicatorum, & Anathematizatorum.	109.
CAP. VII. De Ordinationibus Simoniacorum.	121.
CAP. VIII. De Ordinationibus Haereticorum.	145.
CAP. IX. De Ordinationibus Schismaticorum.	175.
CAP. X. De Ordinationibus Depositorum, & Degradatorum, nec non dignitate se abdicantium.	187.
CAP. XI. Argumenta ex SS. PP., & Conciliis ducta diluuntur.	210.
CAP. XII. Occurritur Argumentis DD. Theologiae Scholasticae.	235.

## QUAESTIONES SUBSECIVAE.

QUAESTIO I. DE Chorepiscopis, an Episcopi, vel Presbyteri tantum extiterint.	252.
QUAESTIO II. De Diaconibus, an aliquando Sacerdotum officium usurparint.	272.
QUAESTIO III. De Subdiaconibus, a quo, cur ve sacris Ordinibus addicti.	283.
QUAESTIO IV. De jejuniis quat. Temp. origine, ac institutore.	295.
QUAESTIO V. Quam fidei formulam Liberius PP. in exilio subscripserit, & quo anno.	312.
QUAESTIO VI. De Synodo II. Arelatensi, aliisque duabus S. Caesarii Episcopi.	325.
QUAESTIO VII. De Haereticorum, ac Infidelium Infantibus cum Baptismo in fide parentum decedentibus.	331.

x  
FR. CAROLUS ANTONIUS CALVI

D E B O N O N I A

ARTIUM, ET SACRAE THEOLOGIAE DOCTOR

Totius Ordinis Minorum S. Francisci Conventualium post Seraph.  
Patriarcham Minister Generalis LXXXV.

**C**um opus, cui Titulus = De Sacris Pravorum Ordinationibus &c. = a Patre Magistro Joanne Hyacintho Sbaralea Definitore perpetuo compositum duo Ordinis nostri Theologi jussu nostro recognoverint, & in lucem edi posse testati fuerint: facultatem impertimur, ut Typis tradatur: si iis, ad quos attinet, videbitur. In quorum &c.

Dat. Romae die 8. Augusti 1750.

Fr. Carolus Antonius Calvi Min. Gen. Ord.

Loco ✕ Sigilli

Fr. Franciscus Ant. Martinelli de Parma Profec. Ord.

---

**E**gregium Opus, cui titulus, Disputatio de Sacris Pravorum Ordinationibus &c., ab Admodum Rev. Patre Joanne Hyacintho Sbaralea Ordinis Min. Conv. Sacrae Theologiae Magistro singulari doctrina elaboratum, ac pene innumeris Sacrorum Canonum monumentis, Sanctorumque Patrum festimoniis fulcitum jussu Reverendissimi Patris Magistri Caroli Antonii Calvi nostri ejusdem Ordinis Ministri Generalis attente, ac maxima animi sollicitudine perlegimus: & cum in eo nihil offenderimus Catholicae fidei, aut honestissimis moribus dissonum; ideo dignissimum esse censuimus, ut ad publicam Litteratorum hominum utilitatem in lucem prodeat. In quorum fidem &c.

Dat. Florentiae in Conventu nostro S. Crucis die prima Augusti 1750.

Fr. Leonardus Donnini Ord. Min. Conv. Ex Provincialis, & in Pisana Universitate Sacrae Theologiae Professor.

Fr. Joannes Paulus Jacopini Ord. Min. Conv. Sac. Theol. Prof.



# DISPUTATIONIS

## C A P U T I.

*De Ordine, ac ordinatione sacra; & de  
quarundam vocum significatione.*

L



Uoniam quidem omnis, quae nunc a nobis instituitur, Disputatio de Ordine, ac Ordinatione sacra futura est; praestat ante definire, vel ex aliis utriusque definitiones afferre: non quod ignorare alios arbitrer; & ut intelligatur, quid sit id, de quo diliteratur; satis enim constat, quid sit uterque: sed ut & ratione, ac via procedat oratio; & quaedam, quae nec prorsus discussa videntur; nec omni haesitatione soluta; magis hoc loco explicentur; & clarius etiam omnibus innotescant. Primus igitur, quod sciam, Hugo Victorinus in Summa Sacram; eumque secutus Magister Senten. in 4. dist. 24. inquit: *Ordo dici potest signaculum esse, idest signum quoddam, quo spiritualis potestas traditur ordinato, & officium: character ergo spiritualis, ubi fit promotio potestatis, ordo, vel gradus vocatur.* Sed Gulielmus Antisiodorensis, & Gaufridus Pictaviensis ita definierunt: *ordo est gradus eminens in Ecclesia disponens ad actum aliquem sacramentalem exequendum:* aitque Jo: Scotus, eorum esse, qui Episcopatum Ordinem esse statuunt. Post hos Gulielmus Parisiensis Episcopus de Sacramento Ordinis cap. 1. scripsit: *Ordo est sanctitas prima,*

A

sive

sive sanctificativa, qua Divino cultui exercendo, qui sanctificatur, adscribitur; & quodammodo intitulatur; ut in numero Ministrorum ejusdem deinceps habeatur: primam autem se sanctitatem ait intelligere, quae tam in hominibus sanctificatis, quam Vasis, ac Templis nulla pollutione, ac profanatione tollitur; quam & characterem etiam esse dicit secundae sanctitatis, seu gratiae gratum facientis.

II. Exinde S. Thomas in 4. d. 24. q. 3. art. 3. habet: *Ordo nihil aliud est, quam quidam potestatis gradus in spiritualibus dispensandis*; & art. 2. §. ad 2. arg. dixerat, quod *Ordo principaliter potestatem importat*: in secundo autem scripto ad Hannibaldum, seu Hannibaldus ipse ejus discipulus ibi art. 1. §. ad 1. arg. *Ordo non dicitur hic habitudo diversorum; sed potestas, per quam quis super alios constituitur: vel ritus, in quo confertur talis potestas*. Sed & S. Bonaventura eodem loco q. 2. art. 2. p. 1. scribit: *dicitur Ordo ordinata potestas, secundum quam ipsum subjectum potens habet ordinari dupliciter scilicet ad opus, sive ministerium &c., hanc autem potestatem dicimus Ordinis Sacramentum*: vel ut aliqui volunt apud Scotum dixisse eum: *Ordo est potestas spiritualis ad aliquem actum spiritualem exequendum in Ecclesiastica Hierarchy*. Richardus vero Mediavilla art. 3. q. 2. ejusdem libri 4. d. 24. dicit: *Ordo dupliciter potest accipi, vel pro ritu, seu signo, quo traditur potestas ordinato, vel pro ipsa potestate tradita: primo modo est sacramentum tantum; secundo modo est sacramentum, & res*: nec multum ab his discedit Durandus Meldensis Episcopus, dum q. 1. n. 7. idipsum perhibet, ac subjungit: *Ordo est spiritualis potestas, vel deputatio ad dispensationem Sacramentorum*. Porro nonnullos horum constat definire ordinationem, aliquos vero Ordinem; & aliquos utrumque: nam ipsa nomina saepe confundi solent, & alterum accipi pro altero; cum tamen *ordinatio* reapse sit actio, qua confertur *Ordo*; & *ordinatio* fiat, non detur; detur autem, non fiat *Ordo*: sicut & *ordinatio* transit; permanet autem *Ordo*: de quo Zosimus Papa Epist. 1. ad Hesychium Salonitanum Episcopum ait: *hinc passim numerosa popularitas Presbyterorum... dum Parochias extendi cupiunt; aut quibus aliud praestare non possunt, divinos ordines lar-*

*largiuntur* : Autor vero libri Pontificalis semper scribit : *hic fecit ordinationes &c.*

III. Postremo Jo: Scotus, qui omnium curiosius res cribere censetur, q. 1. art. 1. ejusdem loci sic habet : *Ordo est gradus praeeminens in Ecclesia disponens ad actum aliquem Ecclesiasticum* : & postea specialius, inquit : *est gradus disponens ad aliquem actum sacramentalem* : quae est Ordinis secunda definitio supra commemorata : art. vero 3. *ordinatio* dicitur ab eo *institutio alicujus in gradu Ecclesiae praeeminente, cui convenit aliquod ministerium &c.* Et quamvis videatur asserere aliquando, Ordinem non esse potestatem ; loquitur tunc ipse de ordine pro ordinatione accepto, non de ordine proprie sumpto : nam Jo: Bassolius ejus discipulus, ac fidelis interpret inquit : *dico, quod Ordo secundo modo non est Sacramentum ; sed magis potestas, vel gradus exequendi aliquem actum sacramentalem in Ecclesia* : & Gulielmus Rubion alter ejus discipulus, posteaquam Ordinis definitionem a Scoto scriptam in medium attulit, subdidit : *ex hoc sequitur corollarie, quod Ordo non est proprie Sacramentum ; quoniam non est aliquod sensibile signum, sed tantum potestas congrue exercendi aliquem actum, ut praedictum est.* Quo quidem modo intelligi debet & Alexander Alensis, quando par. 4. q. 21. mem. 4. ait : *quod Ordo non est potestas ; tamen multiplex potestas est annexa Ordini consequenter se habens* : nam q. 9. mem. 5. art. 3. dixerat in collatione Ordinis conferri *auctoritatem potestatis ordinatae*. Qua in re & recte, praeclareque Vasquez in 3. par. S. Thom. to. 3. disp. 235. cap. 3. contra Sorum tuetur, ipsum Scotum non negasse hoc Sacramentum ; sed Ordinem ab ordinatione probe distinxisse ita, ut *Ordo* sit gradus ipse, seu potestas tradita : *ordinatio* vero actio, qua potestas ipsa traditur ; & cum Scoto convenire Almainum. Hinc Frassen nuper ejusdem Scoti interpret ita scriptum reliquit : *Ordo est Sacramentum novae legis, quo spiritualis potestas ordinato tribuitur ad rite peragendum aliquod ministerium circa Divinam Eucharistiam conficiendam, vel ministrandam.*

IV. Ex quibus illud elicitur, & naturam Ordinis esse *potestatem* ; & Ordinem ipsum tripliciter sumi posse : primo pro ipsa *potestate* spirituali, quemadmodum unaquaeque res

per suam intelligitur naturam : secundo pro ritu, actione, ac signo, quo ipsa traditur potestas, sive pro *ordinatione*, quae proprie Sacramentum est ex Scoto supra relato art. 3., quare sacra Tridentina synodus sess. 23. can. 3. sanxit: *si quis dixerit Ordinem, sive sacram ordinationem non esse vere & proprie Sacramentum . . . anathema sit*. Tertio sumi potest pro *character* illo, quem semel impressum indelebilem affirmant; quemque Eugenius IV. in decreto pro Armenis appellat *spirituale quoddam signum a caeteris distinctionum in anima indelebile*: signa namque pro re signata non semel enunciari liquet etiam ex Svetonio in Octavio Augusto n. 71. ubi tradit: *Talis enim jactatis, ut quisque Canem, vel Senionem miserat, in singulos Talos singulos denarios in medium conferebat; quos tollebat universos, qui Venerem jecerat*. Plane figuram hominis, & Equi, ac cujuscunque rei hominem, & Equum dicere solemus; cur igitur figuram, seu characterem Ordinis Ordinem interdum non appellabimus? Et quid aliud innuit S. Augustinus lib. 2. contra Parmen. cap. 13. illis verbis: *cum videamus nec Apostatas carere Baptismate, quibus utique per poenitentiam redemptis non restituitur; & ideo amitti non posse judicatur: nisi Baptismi characterem? nil aliud enim retinent Apostatae nisi Baptismi characterem; & nihil aliud amittere non possunt; aut ipsis non restituitur, nisi character: praesertim cum praemiserit: an forte minus haerent Sacramenta Christiana, quam corporalis haec nota militaris? & Epist. 138. al. 5. ad Marcellinum scripserit: signa, cum ad res Divinas pertinent, Sacramenta appellantur: etsi Jo: Scotus his Augustini locis non characterem hunc, sed alterum, subde ordinationem ipsam indigitari putet; de quo dicitur postea.*

V. Ut autem non omnis, qui baptizatus est, & characterem Baptismi habet, Christianus est, ut Apostatae, & fidei ad Baptismum accedentes: ita nec omnis, qui ordinatus est, & characterem Ordinis sacri tenet, Sacerdos est, aut Clericus, ut iidem Apostatae, & fidei ordinati, alique, de quibus paulo post erit sermo. S. enim Augustinus serm. xi. de verbis Domini ait: *sed nec ille dicendus est esse in Ecclesia, & ad istam societatem spiritus pertinere, qui ovibus Christi corporali tantum commixtione ficto corde miscetur: sanctus enim spiritus di-*

*disciplinae fugiet fictum*. Quippe quod solus *Ordinis character* Clericum non facit; sed signum est, aliquem esse, vel fuisse, aut fore Clericum, sive signum praesentis, vel praeteritae, aut futurae dignitatis, potestatisque Clericalis: quemadmodum solus *Baptismi character* christianum minime constituit, sed signum est aliquem esse, vel fuisse, aut fore christianum, sive signum extantis fidei, ut in fide Christi praeditis; vel praeteritae, ut in Apostatis; aut etiam futurae, ut in aliquo modo fide ad baptismum accedentibus, & sine fide: nemo enim sine fide Christi christianus existit; quod si non christianus; neque igitur Sacerdos, neque Clericus erit. Porro *character* ideo nunquam aufertur, ac indelebilis asseritur, quia Deus ita vult, ut recte vidit Scotus 4. d. 6. q. 9. Deum autem ita velle, non caret ratione; quandoquidem ut in bonis ministris ad gloriam, & utilitatem inest character; ita in malis, ac perversis ad ignominiam, & poenam remanet; ipsisque solis obest, non autem aliis: *dignitas* vero propterea tollenda est, quod aliis nocere posset; deinde non prae se poenam, & ignominiam fert, sed decus, & honorem. Unde S. Augustinus Epist. 167. al.: contra Donatianos inquit: *non sacramenta, quae similiter acceperunt, quae ad poenam suam portant, & habent, quanto indignius habent, sed tamen habent*: & lib. 2. in Parmen. cap. 13. *utrumque quidem ad perniciem suam, quamdiu charitatem non habent unitatis, manebit ad poenam usurpatoris... sed in bonis permanent ad praemium, in malis permanent ad iudicium*: cap. vero 16. *perversum ergo non potes adornare; quia non ei ad ornatum valeret Sacramentum, quod acceperat, si in fide perversa persisteret; sed potius ad supplicium*: & lib. de bono conjug. cap. 24. n. 32. *Sacramento Domini semel imposito non carebit, quamvis ad iudicium permanente*. Cum igitur sacro Ordine insignitus sit aut bonus, aut malus; ideoque aut praemio, aut poena dignus; utrique parti *character* inservire potest; quapropter non est, cur unquam auferri debeat.

VI. Et sicut sola, aut potissima Dei, atque adeo Ecclesiae voluntate statuitur *character* indelebilis; ita sola, praecipuaque Ecclesiae auctoritate decernitur *ordinationem* iterari non posse; eo quod istud ipsum pendet ab illo: nam Eugenius IV.

in decreto pro Armenis ait: *inter haec Sacramenta tria sunt Baptismus, Confirmatio, & Ordo, quae characterem, idest spirituale quoddam signum a caeteris distinctivum imprimunt in anima indelebile; unde in eadem persona non reiterantur: & Concilium Trident. sess. 7. can. 9. credendum edixit, characterem esse signum quoddam spirituale, & indelebile, unde ea iterari non possunt.* Scilicet non pauca habentur in Ecclesia Dei, quae aliqua quidem consecratione, aut benedictione conferuntur, nullo characterē impresso; attamen cum defecerint ii, qui receperunt; aut exauctorati fuerint; si revocantur; vel pristino gradui, sive ministerio restituantur; non iteratur eorum ordinatio; nec iterum illi consecrantur, aut benedicuntur; uti Rex, Abbas, Monachus, Monialisque, & benedictio nuptialis, atque nonnulla alia hujuscemodi, de quibus S. Thomas in 4. d. 2. q. 1. art. 2. §. ad 9. dicit, *quod ad quamlibet eminentiam status datur aliqua sanctificatio; cum sit ibi necessarium speciale auxilium gratiae, sicut in consecratione Regum, & Monachorum, & Monialium; & ideo sunt actiones hierarchicae; & propter hoc Dionysius de eis determinat: non tamen habent rationem Sacramenti, sed solum illam eminentiam, per quam homo efficitur sacrorum dispensator.* Visus est quidem Alexander Aletis aliquam assignasse causam, quum 4. par. q. 14. mem. 6. art. 2. de Poenitentia publica non iteranda §. ad 2. inquit: *ipsa solemnitas dicit quandam confirmationem, & excellentiam, propter quod repugnat, ut in quantum sollemnis iteretur: quod enim solemniter fit, perpetuitatem importat; & ideo repugnat ei mutabilitas, & per consequens iterabilitas: tamen & Vasquez tom. 3. in 3. par. S. Thomae disp. 237. cap. 3. n. 39. docet, multa haberi sola Ecclesiastica constitutione in Ecclesia introducta, quae iterare non licet, qualis est consecratio Ecclesiae, Altaris, & Calicis; benedictio etiam Ecclesiae, & vestium sacrarum.*

VII. Cum itaque, ut dictum est, sacer Ordo potissimum, ac principaliter *potestatem* significet; potestas autem sit quidam *gradus, honor, dignitas, & officium*: omnia haec ipse Ordo etiam sit oportet; etsi non e converso. Quocirca persaepe fit, ut Ordinis loco memoretur modo gradus, modo dignitas, & honor, & modo officium: Optatus enim Milevitanus Epi-



Episc. lib. 1. contra Parmen. n. 24. scribit: *invenistis Diaconos, Presbyteros, Episcopos, fecistis Laicos... quid prodest, quia vivunt homines; & honore a vobis occisi sunt? Valent quidem membris, sed ereptae portant funera dignitatis: & n. 25. Vixerunt postea homines; sed a vobis occisi sunt in honoribus Dei sacerdotes.* S. etiam Augustinus lib. 2. contra Parmen. cap. 13. de Donatistis habet: *cum expedire hoc judicatur Ecclesiae, ut... honores suos non administrent; non eis tamen sacramenta ordinationis detrahuntur: & Epist. 61. ad Theodorum testatur, Donatistas Clericos ad Ecclesiam venientes a se recipi, ut non solum baptismum Christi, quem acceperunt, ipsum habeant; sed etiam honorem, idest ordinem Cleri.* Chalcedonense Concilium cum can. 2. sanxerit: *si quis Episcopus propter pecunias ordinationem fecerit... de proprio gradu in periculum veniat; & qui est ordinatus... sit a dignitate, vel officio alienus:* Tolosana Synodus anno 1056. idipsum confirmans ait can. 1. *sit alienus ejus dignitatis, & ordinis, quem per pecuniam acquisivit:* ubi officium, & ordinem liquido constat idem esse: ita privari officio idem interdum esse, ac removeri e Clero, colligitur ex c. *Praeterea*, nec non ex c. *Quoniam* tit. ne Praelati vices &c. Interdum vero officium sumi solet pro ministerio, ac opere, ut habet prima Ordinis definitio, quam supra retuli; & Concilium Melphit. anno 1089. sub Urbano II. can. 12. inquit: *eos, qui in Subdiaconatu uxoribus vacare voluerint, ab omni sacro Ordine removemus; officio, atque beneficio Ecclesiae carere decernimus... si vero Episcopi consenserint eorum pravitatibus; ipsi officii interdictione multentur.* Quibus accedit id, quod S. Thomas 4. d. 24. q. 3. art. 2. ac in supplem. 3. par. q. 40. art. 5. tradit, ordinem sumi posse dupliciter, uno modo ut est *Sacramentum*; altero vero ut est *officium* respectu quarundam actionum sacrarum; quo quidem modo Episcopatum Ordinem esse dicit; idque habet & S. Bonaventura eodem loco: ut omittam, quae Balsamon Graecus tradit.

VIII. Praeter haec autem quotiescumque in hujus disputationis argumento dicitur *illicitum* (saepe saepius enim occurrit) non continuo intelligatur oportet id, quod minus decenter fit, ac minus ordinate; firmiter tamen valere, ac

raturum haberi dicitur; ut a plerisque solitum observavi; sed saepe numero contra. Quoniam si quod *licitum* est, id profecto dicitur esse, quod jure fit, aut fieri potest: igitur quoque *illicitum* interdum erit, quod nullo modo, nulloque jure fit, aut fieri potest. Cicero sane ad Atticum Epist. 1. lib. 2. scripsit: *quod nibilo magis ei licitum esset plebejo Rempublicam perdere, quam similibus ejus me Cons. patriciis esset licitum*: & Philip. Orat. 13. *quid vero magis vituperandum, quam id facere, quod non liceat? licet autem uemini contra patriam ducere exercitum: siquidem licere dicimus, quod legibus, quod more majorum, institutisque conceditur: neque enim quod quisque potest, id ei licet: & alio in loco: neque enim licebat locum Numini consecratum turpi flagitio contaminare*: lib. vero 5. Tusculan. quæst. *etsi peccare nemini liceat; sed sermonis errore labimur: id enim licere dicimus, quod cuique conceditur: ut & in Parad. 3. & in Orat. contra Lullum: aliquanto serius quam per aetatem, ac per leges liceret*: Ulpianus etiam de manum. l. *cum per leges licebit, liber esto*: & Quintilianus Instit. lib. 4. cap. 4. *Procuratorem tibi esse non licuit*: numquid autem ille, si ante legis tempus egisset, liber fuisset? aut hic Procurator, si sibi id muneris usurpasset? nullo modo: nam *quæ contra jus fiunt, debent utique pro infectis haberi* ex 64. Regula juris. S. etiam Thomas 22. q. 8. art. 1. *discrimen quoddam adduxit §. Respondeo inquit: quod aliquid dicitur alicui non licere dupliciter: uno modo quia habet in se, quod contrariatur ei, quod dicitur non licere; sicut nulli homini licet peccare... & hoc modo dicitur alicui non licere prædicare, vel docere, vel aliquid hujusmodi facere; quia habet in se aliquid, quod his repugnat vel ratione præcepti... vel propter peccatum... alio modo dicitur aliquid non licere alicui non propter contrarium, quod habeat; sed propter hoc quod deficit ei, unde illud possit; sicut Diacono non licet Missam celebrare, quia non habet Ordinem Sacerdotalem &c.* Scotus vero in 4. d. 25. q. 2. §. *Hic breviter dicit; non posse suscipere Ordinem posse intelligi tripliciter; videlicet vel non posse debite, & honeste; vel non posse licite, quia est contra præceptum; vel nullo modo posse etiam de facto ita, quod si attentetur fieri, nihil fiat.*

IX. Sed hoc ipsum magis elucet ex antiquis, sacrisque Ecclesiae scriptoribus, & ex Conciliis, ex quibus apparet, *illicitum* etiam illud esse, ac dici, quod sit repugnante jure, & aequitate; factumque ipsum irritum esse, ac nullum, inane, vacuum, invalidumque pronunciatur. Sic Marci 6. dicitur Herodi a Jo: Baptista; *non licet tibi habere uxorem fratris tui*: & Firmilianus Caesariensis in Cappadocia Episcopus Epist. ad S. Cyprianum, quem constat una cum illo sensisse, invalidum, nullumque fuisse Hereticorum baptismum, scribit: *Haeretico enim sicut ordinare non licet, nec manum imponere; ita nec baptizare... post illicitam, & profanam eorum unctionem baptizare dubitemus?* S. etiam Cyprianus Epist. ad Jubajanum: *unde intelligimus nonnisi in Ecclesia Praepositos, & in Evangelica lege, ac Dominica ordinatione fundatos licere baptizare.* Sed & Concilium Carthaginienſe I. sub Grato Episcopo anno 349. can. 1. habet: *Illicitas esse sanctimus rebaptizationes, & satis alienum a sincera fide: quod confirmarunt & Capuense anno 389. & Carthaginienſe III. anno 397. c. 38. illis verbis: non liceat fieri rebaptizationes, & reordinationes, vel translationes Episcoporum.* Similiter Siricius Papa Epist. 1. ad Himerium Tarracon. Episcopum de quibusdam ab Arianis baptismo initiatis; & ad Ecclesiam Catholicam venientibus, an rebaptizandi essent, sciscitantibus rescripsit: *quod non licet; cum hoc fieri & Apostolus vetet, & Canones contradicant:* & S. Augustinus lib. 2. contra Parmen. cap. 13. de Sacramentis Baptismi, & Ordinis ait: *utrumque enim Sacramentum est; & quadam consecratione utrumque homini datur; illud, cum baptizatur; istud, cum ordinatur: ideoque in Catholica Ecclesia utrumque iterari non licet.* Denique Concilium Hispalense II. anno 619. celebratum c. 5. ita effatur: *sicut Presbytero illicita consecratio est Altaris, ita & constitutio... siquidem nec licere eis Ecclesiam, vel Altarium consecrare... haec enim omnia illicita esse Presbyteris; quia Pontificatus apicem non habent, quem solis debere Episcopis auctoritate Canonum praecipitur: ut quamplura alia omittam.*

X. Primus omnium, quod legerim, inter scriptores Ecclesiasticos (ut S. Ignatii Mart. Epistolani ad Smirnen. praetermittam edit. Voss. & Usser., quae habet: *non licitum est sine Epi-*

*Episcopo neque baptizare, neque agapen facere:*) Cornelius Papa illicitum usurpavit, velut quod indecenter fit, ac inordinate, sed tamen *valide*; quum Epist. ad Fabium Antiochenum Episc. apud Eusebium Hist. lib. 6. cap. 35. de Novatiano in Presbyterum assumpto contra Cleri, ac plebis consensum, *quoniam*, inquit, *minime licebat quemquam in lecto propter morbum baptizatum, sicut huic contigerat, in Clerum assumi*. Post hunc S. Augustinus lib. 2. contra Parmen. cap. 13. Laici extra necessitatem baptizantis actionem *illicitam usurpationem* appellat; & illum *illicite* dare, & alium *illicite* accipere; baptismum tamen valere non diffitetur. Tandem S. Isidorus lib. 2. Offic. cap. 24. hoc modo loquitur: *constat Baptisma solis Sacerdotibus esse tractandum; ejusque mysterium nec ipsis Diaconis explere est licitum absque Episcopo, vel Presbytero; nisi &c.* Plurimae leguntur ejuscemodi auctoritates tum Conciliorum, tum Romanorum Pontificum, tum SS. Patrum, Doctorumque, quas referre omnes supervacaneum existimavi; cum ex allatis abunde constet, *illiciti* vocabulum etiam ab Ecclesiasticis scriptoribus modo usurpatum esse pro eo, quod irritum est, inane, inefficax, ac omnino nullum; nuncque in scholis *invalidum* appellari solet; modo vero pro eo, quod indecenter, ac inordinate, minusve honeste fieri contingit, sed tamen valet: id quod etiam ea, quae posthac fusius dicentur, plenius manifestum facient. Atque quidem mihi istud hoc dicendum fuit, quod legerim plerosque ex recentioribus rerum theologiarum scriptoribus; qui vocem hanc *illicitum* a priscis adhibitam non verentur, etiam cum non oportet, nec debet, pro indecenti, ac inordinato dumtaxat semper interpretari, ac uno tantum modo dici.

XI. Oppositum autem accidit in verbo *irritum*, quod saepissime in hac ordinis disputatione memoratur; & quod plerique, vel etiam omnes affirmant significare modo nullum, ac invalidum omnino; modo dumtaxat nullum quantum ad effectum, & executionem, vel quantum ad alios; non quantum in se est, & ad naturam rei: idque discrimen primus invenit Gratianus ad c. *Quod quidam* 1. q. 1., postquam multum haesitasset; nesciretque, quid sibi ad auctoritates Augustini respondendum esset. Sed cum scriptores omnes, ac uni-

universa Ecclesia unanimi consensu vocem hanc *irritum* aliud nihil significare dixerint, quam vacuum, inane, nullum, ac nullius omnino momenti, valorisque in se, nec non pro non facto; cur solum in ordinationibus sacris significare dicetur nullum, ac inane tantummodo quantum ad effectum, & exercitium, & non itidem quantum ad se, & ad naturam ordinis? idque etiam in quibusdam ordinationibus, in quibusdam vero non? Quis unquam dixit *Baptismum* irritum, *Matrimonium* irritum &c., qui non autumaverit illud omnino nullum in se, & quantum ad illius naturam, & essentiam? si tam falsae, quam verae ordinationes perhibentur interdum irritae, & inanes; quando nam dignosci poterit, utrum iterandae sint, an non? C. *Archiepiscopus* dist. 66. de ordinationibus Episcoporum habetur, ut *Archiepiscopus* ab omnibus *suffraganeis* ordinetur: *sin aliter praesumptum fuerit, viribus carere non dubium est; quia irrita erit ejus ordinatio*: est igitur *irritum* id, quod nunc *invalidum* Theologi appellant, viribusque caret. At est ex Epist. Aniceto PP. supposita: Utique; sed tamen antiqua, & quae vim hujus vocabuli probe demonstrat: & quanquam ordinatio Archiepiscopi a non *suffraganeis* facta antiquitus etiam alicubi valida censebatur; id tamen variam Ecclesiarum disciplinam, & varium temporum morem spectat. Similiter cum Concilium Trident. sess. 23. de Sacramento Ordinis cap. 4. edixit: *docet insuper sacrosancta Synodus in ordinatione Episcoporum, Sacerdotum, & caeterorum Ordinum nec populi, nec ejusvis secularis potestatis, & Magistratus consensum, sive vocationem, sive auctoritatem requiri, ut sine ea irrita sit ordinatio*: an non hoc loco irrita intelligitur ordinatio non modo quantum ad effectum & alios; verum etiam in se, & quantum ad ejus naturam? cur igitur ita non erit & aliis in locis? ut omittam illud ejusdem Concilii sess. 24. de Reform. c. 1. de *Matrimoniis Clandestinis*.

XII. Ac fuit quoque, qui ad illud Nicolai I. & Urbani II. c. *de caetero*, & *si qui* 1. q. 1. de Simoniaciis apud Sco. 4. d. 25. q. 1. art. 2. §. *ad argumenta in oppositum* ad primum, responderet: „ concedo, quod Simoniaci ordinatio est *irrita* quantum ad executionem; tamen ordinem recipit; & ideo non indiget, nisi ut ejus *suspensio* relaxetur „: perinde ac  
ir-


irritum declarare sit suspensionem inferre; vel una suspensionem percelli. Sed primum refellitur, a Concilio Lateran. III. anno 1179. coacto; ubi can. 2. sancitum fuit: *Ordinationes ab Octaviano, & Guidone Haeresiarchis factas, & ab ordinatis ab eis irritas esse censemus... Illos verò, qui sponte iuramentum de tenendo schismate praestiterint, a sacris ordinibus, & dignitatibus decrevimus remanere suspensos.* Deinde Urbanus II. tradidit aperte, quidnam sit irritum in sacris maxime ordinationibus; dum Epist. ad Metensem Ecclesiam de quodam Simoniacae ordinato scripsit: *nos Spiritus Sancti iudicio irritum esse censemus; ut eisdem Ordines ab aliquo sortiatur Episcopo Catholico &c.*: ut fufius idipsum paulopost ostenderetur. Propterea quod si illud, quod *ratum* esse dicitur, tale profecto non erit in executione, atque affectu, nisi sit etiam in se tale: igitur, quoniam oppositorum eadem est disciplina, nec irritum erit aliquid quantum ad effectum, & executionem, quin etiam sit in se tale.

XIII. Concilium plane Lateran. II. sub Inno. II. anno 1139. can. 28. hoc statuit: *Obeuntibus sane Episcopis... ne Canonici de Sede Episcopali ab electione Episcoporum excludant religiosos viros... Quod si exclusis eisdem religiosis electio fuerit celebrata; quod absque eorum assensu, & convenientia factum fuerit, irritum habeatur, & inane:* extatque c. *Obeuntibus* dist. 63., c. vero *In Genesi* tit. de Electione Innocentius III. inquit: *praemissam electionem utpote contra formam Concilii attentatam decernimus irritam, & inanem:* & Epist. 444. lib. 1. Upsalensi in Suetia Episcopo data de tribus illegitimo thoro genitis ad Episcopatum promotis, quorum duo jam consecrati fuerant, tertius vero solum electus, ait: *Episcopos illos a Pontificali officio... nostra fretus auctoritate deponas; & electionem tertii decernas irritam, & inanem.* Quibus locis an non electio pronunciatur irrita prorsus, & omnino & quantum ad effectum, & quantum ad essentiam? igitur & ordinatio similiter, quoties irrita dicta invenitur. Sic & cum dicitur *inefficax*, idem est ac irritum; ut habet Synodus Palmaris, seu IV. Symmachi Papae c. 2. *Si quis vero aliquid eorum (praediorum Ecclesiasticorum) alienare voluerit; inefficax, atque irritum iudicetur:* & Capi-  
tu-

tulare Aquisgran. Caroli Magni anno 787. ordinationem eam appellat *inefficacem*, quam Canon 6. Chalcedon. Concilii dixerat *irritam*, & *invalidam*; sicut & Nicolaus I. ordinationem Photii *inefficacem*, & Photio *nihil praestantem*; uti Cap. V. n. 25. videbitur.

## C A P U T II.

*De charactere, ac potestate Ordinis; an secernantur,  
ac omnino separari possint.*

- I.  Tñ character, quantum ad institutum attinet sermonem, multifariam dictus invenitur; cum Scotus 4. d. 6. q. 9. art. 1. scripserit; *generalius autem accipitur character pro signo*; & hoc modo Baptismus potest dici character, quia signum quoddam est: forma etiam verborum in Sacramento aliquo potest dici character; sicut Magister loquitur de charactere dist. ista, ut dictum est q. praecedenti 7., & Magister senten. 4. d. 24. habeat: Character ergo spiritualis, ubi fit promotio potestatis, ordo, vel gradus vocatur: ipsaque ordinatio, siue Ordinis collatio externi characteris nomen interdum obtineat: tamen in praesentia verba facienda erunt de interno charactere illo, quem signum quoddam spirituale, & in anima indelebile vocant & Eugenius IV., & Patres Tridentini Concilii supra n. 6. commemorati; is enim communi characteris nomine in hac Ordinis dissertatione venire solet, & in ipsius Ordinis descriptione poni: propterea quod Ordo, vel Ordinatio sacra potest, soletque ita describi *Sacramentum novae legis, quo alicui potestas traditur; character imprimitur; & gratia ad quaedam munia Ecclesiastica obeunda confertur*: cui consonat Catechismus Romanus, seu Tridentinus illis par. 2. cap. 7. n. 10. verbis: *cum Sacramentum sit rei sacrae signum; id vero, quod hac consecratione extrinsecus fit, gratiam, & potestatem significet, quae illi tribuitur, qui consecratur ... accipe potestatem offerendi sacrificium &c.*: quibus verbis semper docuit Ecclesia, dum materia exhibetur; potestatem consecrandae Eucharistiae, character-

*clere animae impresso, tradi; cui gratia adjuncta sit, ad illud munus rite, & legitime obeundum: ubi clare potestas, & character secernuntur.*

II. Tria itaque cum dentur sacra in ordinatione; qui quoque dici consueverunt Ordinis effectus; quorum primus, scilicet *potestas*, proprius est; secundus, idest *character*, partim proprius, partim communis; tertius vero, *gratia* nimirum, prorsus communis omnibus Sacramentis: inter omnes convenit Catholicos quidem illos, *gratiam* facile deperdi: *characterem* nunquam ipsum deleri: sed de *potestate* video dubium esse, utrum ab ordinato auferri possit, an non. Propter quid enim omnes fere Theologiae doctores verbo, scriptoque propugnant, Haereticos, & Apostatas, nec non ordine nudatos, graduque sacro motos *valide* conferre Ordines, & Sacramenta Ecclesiae ministrare; nisi quia *potestatem* adhuc extra Ecclesiam, ac sine dignitate illos habere condocent? & ideo *potestatem*, quod *characterem* adhuc retineant: quasi aut *character* sit idem, ac *potestas*; ut quidam voluisse videntur; aut ita *characteri* connexa *potestas*, ut ubi *character* est, ibi & *potestas* sit oporteat, nec ista auferri queat, quando ille tolli non possit; quemadmodum plurimi docuerunt, adhucque docent. Quocirca illud mihi demonstrandum sumam, & *characterem* esse a *potestate* diversum; & illum sine ista permanere posse; idque *ratione, autoritate, & facto.*

#### §. 1. Probatur ratione.

III. **E**T primum *character* Ordinis signum est potestatis: est autem diversum signum a re, cujus est signum: igitur & *character* a *potestate*: summptionem edocet Alexander Alensis, cum 4. par. q. 8. art. 1. tradit, *characterem Baptismi* esse signum fidei; *characterem Confirmationis* esse signum sanctificationis; & *characterem Ordinis* esse signum potestatis.

Deinde ostensum est, Ordinem sacrum tribus constare *potestate, characterem, & gratia*; ut aperte Catechismus Romanus habet; dum ait *potestatem* tradi, *characterem* imprimi, & *gratiam* adjungi in ordinatione: quorum *potestas* sola *propria* sit Ordinis; *character* vero *communis* duobus aliis Baptismi, & Con-



& Confirmationis Sacramentis : atqui proprium, & commune prorsus diversa sunt : igitur diversi quoque character, & potestas.

IV. Characterem porro nedum a potestate diversum esse, verum etiam ab eadem disjungi, ac separari posse, facile probatur; nam character *Baptismi* stare potest sine fide, ut inficte baptizatis, Apostatis, ac infidelibus occultis; & character *Confirmationis* sine sanctificatione, ut in iisdem; ergo & character *Ordinis* sine potestate: Cur enim illud; istud vero non? Nam de Baptismo nemo negare solet; ut & de Confirmatione.

Deinde certum est, Ecclesiam, omnesque Catholicos asseverare, unum solummodo in tribus Sacramentis, Baptismi, Confirmationis, & Ordinis tolli, delerique non posse, subde *characterem*: at characterem non esse potestatem satis jam demonstratum arbitror: relictat igitur potestatem tolli posse; ideoque & a characterem separatam permanere.

V. S. Thomas quidem 4. d. 18. q. 1. art. 2., & in Supplement. q. 17. art. 2. §. ad primum habet: *nihil est aliud character Ordinis Sacerdotalis quam potestas exercendi illud, ad quod principaliter Ordo Sacerdotii ordinatur, sustinendo quod sit idem quod spiritualis potestas; ideo character, & potestas conficiendi, & potestas clavium est unum, & idem per essentiam, sed differt ratione*. Verum hoc opus composuit Sanctus iste, cum valde juvenis esset, & nondum doctor, uti scribit Ptolemaeus Lucensis ejus discipulus, & socius in Hist. Eccles., nam si ita esset, & potestas clavium ita tolli possit, ut ea ablata nihil fiat; eodem modo & potestas conficiendi, & ipse character tolleretur. Et si quoque in Summa p. 3. q. 63. art. 2. referat *Characterem* Sacramenti esse *potestatem*, & habere rationem signi comparate ad Sacramentum sensibile, a quo imprimatur; at secundum se habere rationem principii; revincitur tamen a Scoto 4. dist. 6. q. 10., quippe quod ipse Thomas ibi art. 1. & 3. tradit, *quod character proprie est signaculum quoddam, quo aliquid insignitur ut ordinatum in aliquem finem, sicut characterem insignitur denarius ad usum commutationum, & milites characterem insigniuntur quasi ad militiam deputati*: numismatis autem nota, & militaris tessera, seu cha-

rafter non est potestas, neque principii rationem habet, sed alicujus potestatis signum est: igitur ita & character Sacramenti.

VI. Doctissimus P. Vasquez in 3. par. S. Thomae 10. 2. disp. 134. cap. 5. docet, post mortem manere quidem *characterem* Sacerdotalem, sed non Sacerdotalem *potestatem*; ideoque characterem non esse Sacerdotis *physicam* potestatem, sed solum illius potestatis signum, ut si Sacerdos defunctus divinitus ad vitam revocaretur, non foret iterum ordinandus, eo quod characterem haberet, sed reviviscente eo revivisceret potestas, ita exigente ejus natura ex ordinatione Divina; ut sit potestas *moralis* characteri huic pro mortali hac vita solum, non autem pro alia vita annexa; idque sentire etiam Ledesnam notat. Quod quidem verum; nam frustra censetur potentia, quae actum habere non potest, ut in confesso est: & in alia post mortem vita potestas Ordinis quem actum habebit? profecto nullum: nulla igitur potestas erit ipsa. Idem S. Thomas 3. p. q. 63. art. 5. §. ad tertiam an non ait: *post hanc vitam remanet character & in bonis ad eorum gloriam, & in malis ad eorum ignominiam: sicut etiam militaris character remanet in militibus post victoriam & c.* igitur si mortuo, vel exauctorato militi inest character, non autem potestas; ita in mortuo, vel exauctorato Sacerdote, vel Clerico inerit tantum character, & non potestas. Sed quod illi recte philosophati sunt de *potestate* hac post mortem hominis; idipsum ex parte dicendum est de eadem in hac vita, nimirum aliquando ob quaedam crimina amitti posse, & iterum acquiri immoto *characterem*.

VII. Probatum rursus posse *potestatem* Ordinis etiam in hac vita deperdi persistente characterem: constat enim ordinatos interdum ordinandi potestatem amittere; velut *Hermaproditus* est, in quo quando virilis sexus praevalcat, *valide* ordinatus asseritur; verum si post ordinationem incipiat in eo sexus faemineus praevalere; non amplius valide consecrare, absolvere, ordinare, aliaque sacrorum Ordinum munia praestare potest; & tamen Ordinis *characterem* habere dignoscitur. Ac ne quis dubium de viro in foeminam converso moveat, (nam de foemina in virum dubitari non so-

folet) testatur Aufonius, qui anno 379. Consul fuit, Epig. 68. his versibus:

- „ Vallebonae res nota, & vix credenda Poetis;  
 „ Sed quae de vera promitur Historia.  
 „ Foemineam in speciem convertit masculus Ales;  
 „ Pavaque de Pavo constitit ante oculos.

„ Nolo tamen veteris documenta arcescere famae:

„ Ecce ego sum factus foemina de puero.

Idem asseritur de Episcopo, vel Sacerdote, qui aut mutus fiat, aut perpetuo mente motus: nec quis existimet, carere eos Ordinis usu, non *potestate*; nam ulum quidem, & exercitium habere possunt; sed irrita quoque, ac nulla iudicantur eorum ordinationes, exercitia, ac sacramenta; hoc autem est potestate carere, non exercitio, ac usu.

VIII. Insuper ordinatus fîcte, aut coacte *characterem* quidem suscipit, sed non *potestatem*, & *gratiam*: ergo sine potestate character stare potest: sumptionem probo: fîcte, aut coacte quis ad Baptismum accedens accipere fertur *characterem*, non autem *fidem*, & *gratiam*, ut habetur ex Augustino de Baptismo lib. 1. cap. 12. lib. 3. cap. 14. & lib. 7. cap. 53., & ex Innocentio III. c. *Majores* de Baptismo; ubi docet, non quemcunque fîctum, neque quemcunque coactum, sed occulte fîctum, & coactum non tamen expresse contradicentem characterem, non rem Sacramenti suscipere: igitur eodem modo fîcte, aut coacte quis ad *Ordinem* accedens characterem quidem accipiet, sed non potestatem, & gratiam: sicut etiam ad *Confirmationis* Sacramentum taliter affectus si sit admodus, illius *characterem* habebit, sed non *sanctificationem*, & *gratiam*: quomodo enim haec haberi possunt sine fide? fîctus autem, & coactus nondum Christi fidem admisit; & fidem non habenti non datur Ordo sacer, neque sanctificatio, neque gratia; nam *sine fide impossibile est placere Deo*.

IX. Amplius ea actione, ac ordinatione, qua Sacerdotibus, & Episcopis datur potestas *Ordinis* cum characterem, datur & potestas *jurisdictionis*: atqui potestas jurisdictionis auferri potest immoto characterem: ergo & potestas Ordinis.

B

Sum.

Sumptio concedi debet; praesertim si de Episcopis sermo est, quos constat constitutos a Christo tum, quum Jo: 20. dixit Apostolis: *accipite Spiritum Sanctum, quorum remiseritis peccata, remittuntur eis &c.*, & cum utranque potestatem esse a Deo major, potiorque Theologorum caterva doceat illo Apostoli Act. 20. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei*: quare sive pendeat a charactere potestas jurisdictionis, sive non; si haec auferri potest; cur non & potestas Ordinis? Assumptum probatur ex Con. Trident. sess. 23. de Reformat. cap. 15., ubi legitur: *quamvis Presbyteri in sua ordinatione a peccatis absolvendi potestatem accipiant; decernit tamen S. Synodus, nullum... posse Confessiones secularium etiam Sacerdotum audire, nec ad id idoneum reputari, nisi &c.*, & longe antea Jo: Scotus 4. d. 24. art. 2. dixerat: *quaecunque enim jurisdictio in Ecclesia vel per superiorem suspendi potest ita, quod si tempore suspensionis attentet quis aliquid facere, nihil facit: vel totaliter pro omni tempore tolli*. Ut autem potestas Judicis exposcit, quos judicet; ita & potestas Ordinatoris, quos ordinet: quare si potest Judex ab Ecclesia inhiberi, ne hunc, vel illum omnino judicet: poterit & ordinator impediri, ac prohiberi, ne hunc, vel illum ordinet ullo modo.

X. Item potest Ecclesia conferendorum Ordinum *potestatem* dare; ergo potest & auferre. Et cum respondent, nullum esse consequens; *quia Ministro Ecclesiae datum est, ut sit Minister in conferendo, non in auferendo*; seu ut alii volunt, potestatem Ministro datam esse *in aedificationem, non in destructionem*: facile refelluntur; propterea quod nec Ecclesia potestatem *jurisdictionis*, quam contulit, auferre posset; non executionem, & usum Ordinis; non exauctorare, punire &c., quod quam falsum sit, nemo est, qui ignoret. Porro dictum est supra Cap. I. n. 7. Ordinem esse *potestatem*; & non semel honoris, gradus, ac dignitatis nomine venire: atqui Ecclesia potest, soletque criminosos privare honore, gradu, dignitate, ac ordine; igitur & potestate. Neque mihi repugnant, dignitatis, honoris, & gradus, atque Ordinis Ecclesiam intelligere usum, ac exercitium Ordinis, non potestatem: quoniam Ecclesia, & SS. Patres utrumque commemorant, &

utro-

utroque indignos se spoliare pronunciant. S. enim Basilii Epist. Can. ad Amphilochoium c. 70. scribit: *Diaconus, qui pollutus est labiis ... a ministerio probibeatur ... si quid autem amplius peccasse quis deprehensus fuerit; in quocunque sit gradu, deponatur*: & Leo Magnus Dioscorum Alex. Episcopum ob ea, quae nota sunt, *Episcopali eum dignitate nudavit; & ab omni Sacerdotali opere fecit extorrem*: ut legimus Aët. 3. Concilii Chalcedon., c. vero *Pro humani tit. de homicidio nefariis dicitur; depositionis ab ordine, officio, & beneficio incurrat sententiam ipso facto*.

XI. Denique si Rex nonnullos vel Milites, vel Ministros nota, seu *charactere* corporibus infixio insigniat, qui signum sit *gratiae*, certaeque in suo *poteſtatis* Regno: & illi vel Milites, vel Ministri postmodum aut alio transfugiant; aut ab Rege aliqua ex causa trudentur e Regno; sive exauctorentur, ministerioque priventur: spoliantur quidem illi & *gratia*, & *poteſtate*, sed *characterem* non amittunt: ita & Ministri Ecclesiae sacro insigniti *charactere*, si ab Ecclesia deficient; aut expellantur; vel deponantur, ministerioque spolientur; *characterem* Ordinis secum deferent, retinebuntque; sed *gratiam*, & *poteſtatem* deperdunt. Inquit enim S. Augustinus lib. 2. contra Parmen. cap. 13. *an forte minus haerent Sacramenta Christiana, quam corporalis haec nota? ... an ducenda de militia similitudo non fuit; cum & Apostolus de agnoscendis certaminibus clamet &c.?*

Fuit, qui responderet apud S. Tho. 4. d. 25. q. 2., ac in Supplem. q. 38. art. 2. §. *ad tertium*, ordinatos ab Haereticis, quamvis Ordinem accipiant, non tamen executionem accipere, ut *licite* suis in Ordinibus ministrare queant. Verum hoc lemma differit de constitutis ab Rege, vel a Republica delectis; & ab eisdem aut expulſis, aut exauctoratis; non de Militibus, vel Ministris a perfugis, seu desertoribus ordinatis: postea sive de his, sive de illis agatur: Haeretici antea in Ecclesia ordinati, post ab eadem deficientes, perfugaeque facti & Ordinem, & Ordinis executionem jam acceperant; ut illi Milites, vel Ministri Regis ministeria Regni, vel militiae: ergo si Milites, vel Ministri Regis vel perfugae facti, vel expulſi, aut spoliati officia Regni vel militiae nec *licite*, nec *valide*

possunt exercere; ita & Haeretici, & ab eis ordinati extra Ecclesiam nec *licite*, nec *valide* Ordines Ecclesiae conferre, aut officia exercere valebunt.

XII. Nec est, quod quis ad *characterem* Ordinis utpote spiritualement confugiat, perinde ac iste necessario *potestatem* tribuat. Nam primum cur idem non praestabit etiam corporeus character? deinde neuter character potestatem confert, sed signum est potestatis; quod sine ea permanere posse liquido satis demonstratum puto. Postea futilis esset, & vana comparatio, quatinus adhibet memoratus proxime Augustinus, cum inquit: *si quispiam sive desertor ... forte illum militiae characterem in corpore suo non militans pavidus exborruerit, & ad clementiam Imperatoris confugerit; ac prece fusa, & impetrata jam venia militare coeperit: numquid homine liberato, atque correcto character ille repetitur; ac non potius agnitus approbatur? an forte minus haerent Sacramenta Christiana, quam corporalis haec nota &c.*? dum quis opponere posset: desertor ille ut *characterem* non amiserit, *potestatem* tamen ab Imperatore susceptam amiserat: ita Sacerdos, vel Episcopus Ecclesiae desertor *characterem* non amittit, *potestatem* tamen ab Ecclesia receptam amittit; aut si potestatem iste non amittit, militis desertoris exemplum nihil cogit, nihil similitudo illa.

XIII. Postremo si Haeretici, & Apostatae Ecclesiastici, vel depositi, graduque moti sacros Ordines *valide*, ac vere ministrare, conferreque possent; absurda sequi oporteret; Ecclesiam nimirum, ac ejus Praepositos impedire, aut cohibere indignos, criminosos, & subditos non valere, ne ministeria semel suscepta prorsus exercerent; quoties illi quantuncunque suspensi, aut amoti, depositique adhuc vere, & *valide*, etsi non *licite* sui Ordinis munia peragero credantur. Igitur invita Ecclesia, & pene invito Deo agere quis poterit *valide* ea, quae Ecclesiae sunt, & quae sunt Dei: igitur damnatus ad triremes infelix, perfidusque Antistes quoscunque remiges, aliosque ibi poenam multatos ordinare posset; & locum supplicii, itidemque infamiae implere Clero; aut tortorem ipsum, carnificemque indignum creare Sacerdotem; igitur melioris conditionis esset secularis potestas, quam Ecclesiastica; haec omnino impedire subditum non potest, quin agat quidquid vult;

vult; illa potest: haec etiam aliquando subderetur illi; semel ac isthaec illi traderetur punienda. At, inquiunt, volente Ecclesia subjiceretur; & secularis iudex tunc iudicis Ecclesiastici minister esset. Verum etsi consensu Ecclesiae traditur Clericus Curiae seculari; tamen transit de foro ad forum, & de potestate ad potestatem, velut cum quis multorum criminum reus e foro unius Principis ad alterius Principis forum traducitur. C. namque *Ad abolendam* tit. de Haereticis dicitur: *totius Ecclesiastici Ordinis praerogativa nudetur; & sic omni officio, & beneficio spoliatus Ecclesiastico secularis relinquatur arbitrio potestatis*. Et propterquid non plectitur ille funditus ab Ecclesia? nisi quia cum ad Ecclesiam amplius non pertineat, semel ac quis traditur e Clero ad *Laicos*, neque potestatem Ordinis, Ecclesiaeque ultra tenere cognoscitur. Clericos autem criminum reos interdum amoveri e Clero, & ad *Laicorum* statum expelli, infra suo loco demonstrabitur Cap. xii. n. 21. Et haec ad rationes attinentia, nunc ad auctoritates.

§. 2. *Probatur auctoritate Conciliorum.*

XIV. **C**oncilium Iconiense in Asia anno circiter 215. clare definivit, *potestatem auferri ab ordinatis, qui ab Ecclesia discedunt*, teste Firmiliano Caesareae Cappadociae Episcopo, qui interfuit, Epist. ad S. Cyprianum data, qua scribit: *Sed & caeteri quique Haeretici, si se ab Ecclesia Dei sciderint, nihil habere potestatis, aut gratiae possunt; quando omnis potestas, & gratia in Ecclesia constituta sit, ubi praesident majores natu, qui & baptizandi, & manum imponendi, & ordinandi possident potestatem...* Quod totum nos jampridem in Iconio, qui Phrigiae locus est, collecti in unum convenientibus ex Galatia, & Cilicia, & caeteris proximis Regionibus confirmavimus. Sed & S. Dionysius Alexandrinus Antistes eodem tempore Sixto Papae per literas significat id factum in maximis Episcoporum Conciliis, in Ecclesiis maxima hominum frequentia celebratis, Synodis fratrum tum Iconii, tum Synnadis, tum aliis multis in locis convocatis: ut est apud Eusebium Hist. lib. 7. c. 4., idque etiam decreverunt Africani Praefules coacto Concilio per Agrippinum Carthagini Episcopum; & quotquot opinati sunt



sunt Haereticorum Baptisma nullum fuisse, ac irritum; nam ubi Baptisma nullum, multo magis ordinatio.

XV. In Carthagin. lxx. Episcoporum Concilio ad annum 311. sententia lata est, qua per Donatistas Antistites nondum tamen Schismaticos *Caeciliano Carthaginiis* Episcopo abrogata est dignitas; quod dicerent eum a Felice Aptungitano Praefule sacrorum Codicum traditore, ideoque a gradu excusso, ac deposito ordinatum. Quae quidem calumnia fuit, sed quae veterem Ecclesiae morem, ac disciplinam praeferret, a dignitate Ordinis emotos ordinandi potestatem amittere: unde a *Caeciliano mandatum est, ut si Felix in se, sicut illi arbitrabantur, nihil contulisset, ipsi tanquam adhuc Diaconum ordinarent Caecilianum*, inquit S. Optatus lib. 1. contra Parmen. n. 19. & S. Augustinus Coll. 3. cap. 16. n. 29., de qua re fusius etiam Cap. iv. n. 18. dicetur.

XVI. Concilium Nicaenum anno 325. de Meletio Lycopolis urbis Aegypti Episcopo, qui sibi ordinationes Alexandrini Antistitis arrogaverat etiam dignitate privatus, & postquam fuerat damnatus, statuit; *ut in sua Civitate maneat; potestatem autem nullam habeat vel ordinandi, vel ministrandi, vel manus imponendi...* Illi vero, qui ab eo in sacrum Ordinem lecti sunt; simul atque sanctiore ordinatione confirmati fuerint, ad communionem posthaec admittantur &c.: ubi de iterata, non autem confirmatoria, ut quidam explicare nituntur, ordinatione actum fuisse, alias ostenderetur Cap. x. n. 6. & 7. Igitur si ministrare, manusque imponere nullo modo poterat; & nullo modo ordinare Meletius: id quod plane confirmat factum. Theodori Oxyrinchi in Aegypto Episcopi, qui paucis post annis sedit; quique produceretur infra n. 47. & 48., nec non Cap. x. n. 7.

XVII. Taurinense Concilium anno 400. can. 2. ita loquitur: *Illud deinde inter Episcopos urbium Arelatensis, & Viennensis, qui de Primatus apud nos honore certabant, a S. Synodo definitum est; ut qui ex eis approbaverit suam Civitatem esse Metropolim; is totius Provinciae honorem Primatus obtineat; & ipse juxta Canonum praeceptum ordinationum habeat potestatem: si character idem esset ac potestas, vel cum ea necessario connexus; cum idem esset character Ordinis Arelatensi, & Viennensi*



nensi Episcopis; eadem ipsis fuisset & potestas: nec immo-  
 charactere potestas variari, transferri, minui, ampliarique pos-  
 set. Similiter can. 3. de quatuor Episcopis Octavio, Ursone,  
 Remigio, al. Remedio, & Triferio super quadam ordinatio-  
 nis Sacerdotum usurpatione sanxit: *quod eis eatenus videtur  
 indultum, ut de caetero hac auctoritate committi nihil tale usur-  
 pare conentur*... sciat is, qui ordinatus fuerit, Sacerdotii se bo-  
 nore privandum; ille vero, qui ordinaverit, auctoritatem se in  
 ordinationibus, vel in Conciliis minime retenturum: quod confir-  
 mavit & Regense in Gallia Concilium anno 439. can. 2. At in  
 Conciliis nulla erat futura hujus auctoritas; ergo ita & in or-  
 dinationibus.

XVIII. Concilium itidem Romanum sub S. Hilario Papa  
 anno 465. coactum, ut habetur ex ejusdem Hilarii Epist. 8.  
 ad Galliarum Episcopos, edixit n. 1. *Ei, qui nunc Ecclesiae  
 Narbonensi praesidere permittitur, ordinandorum Episcoporum  
 ob haec, quae prave facta sunt, sustulimus potestatem; quam ita  
 ad fratrem, & coepiscopum nostrum Constantium Ueticae Eccle-  
 siae Antistitem; quia aetate honoris primus esse creditur, pertinere  
 censuimus: ut si supersite Herme Episcopo defunctus fuerit, il-  
 lum haec cura respiciat, quem repererit Episcopalis Ordo Pri-  
 matem: Herme autem Episcopo deficiente, faciendorum mos An-  
 tistitem Narbonensi mox reddatur Ecclesiae; quem non Civitas,  
 sed causa praesumptionis amisit: eo quod Hermes e Biterrensi  
 Sede ad Narbonensem Metropolitanam irrepserat Ecclesiam.*

XIX. Concilium Vermeriense in Gallia anno 753. decre-  
 vit n. 14. *ut ab Episcopis ambulantiis per Patrias (idest Re-  
 giones) ordinatio Presbyterorum non fiat: si autem (facta ordina-  
 tione) boni sunt illi Presbyteri, iterum consecrentur: hoc enim  
 non fieret, nisi Ecclesia potestatem talibus Episcopis adimeret:  
 & factum fuisse, sanctio memorata suadet; cum canones prae-  
 cipiant, nec extra propriam Dioecesim a quoquam ordinatio-  
 nes fiant; inconsulto Dioecesis Episcopo; alioquin ordinatio-  
 nes irritae censentur, ac nullae.*

XX. Concilium Svesionense anno 853. ab Hincmaro Rhe-  
 mensi Archiepiscopo coactum, cui alii tres Archiepiscopi,  
 triginta Episcopi cum Chorepiscopo, Abbatibusque VII. inter-  
 fuere, super ordinationibus ab Ebbone Rhemensi Antistite,

deposito facili pronuntiavit eas irritas, ac inanes Act. 4., quod qui ab ipso voluerant, & visi fuerant ordinari in gradus Ecclesiasticos ab eodem, quod idem non habuit, nemo eorum accipere potuit: damnationem utique, quam habuit, per pravam manus impositionem ei dedit &c. & alia, quae Cap. x. n. 10., & seqq. adducentur. Et quanquam hujus Concilii Acta rescidit Nicolaus I. anno 866., quum ostenderet, non solum saepesatos Clericos praejudicialiter absque Canone ab officio sequestratos; verum etiam ordinatorem eorum inconvenienter, ac sine consequentia Ecclesiastica regimine praesulari privatum ex ejusdem Nicolai Papae Epist. 46., tamen Galliarum Episcopi morem Ecclesiae exhibuerunt, irritas, ac inanes declarandi eas ordinationes, quae ab Episcopis ordine, graduque suo spoliatis factae fuerant. Neque id improbavit Nicolaus; sed Ebbonis depositionem contra Canones Ecclesiae factam reprehendit.

XXI. Ravennatense Concilium anno 877. a Johanne VIII. celebratum c. 1. haec habet: *Quisquis Metropolitanus intra tres menses consecrationis suae ad fidem suam exponendam, Palliumque suscipiendum ad Apostolicam Sedem non miserit; commissa sibi careat dignitate: & tandiu illi sedi cedat, omnique consecrandi licentia careat; quandiu &c. Sit Metropolitanis aliis licentia post secundam, & tertiam commotionem viduatis Ecclesiis cum consilio Romani Pontificis ordinando Episcopos subvenire. Quem canonem Gratianus c. Quoniam quidam d. 100. Pelagio Papae attribuit, uti & Ivo, & Innocentius III., sed Burcardus, Anselmus, & Autor Pannormiae Damaso Papae adjudicant cum errore tamen; ut Pallii nomen, ejusque suscipiendi mos urbicus prodit. Caeterum si licentia, idest potestas, consecrandi, ac ordinandi aufertur uni; & datur alteri; quis non intelligit, potestatem a charactere disjunctam esse; & hunc sine illa haberi posse?*

XXII. Concilium Bituricense anno 1031. ita can. 10. sensit, ac pronuntiavit: *Qui autem de aliquo gradu Ecclesiastico ad laicalem Ordinem ex toto reversi sunt; & ad conjugium legitimum accesserunt; & postea agentes poenitentiam dignam ad pristinum gradum reversi sunt, eorum filii legitimi sunt, quia in laicali Ordine, & legitimo conjugio procreati sunt: nec dici possunt filii Clericorum; vel etiamsi laici permanserint, idem est.*

Quo

Quò nihil liquidius dici potest ad ostendendam *potestatem*, sive *Ordinem* Cleri auferri, ac desinere; non autem *characterem*. Et si quis aestimet loqui Concilium de Clericis minorum *Ordinum*; advertat illud; & *postea agentes poenitentiam diguam ad gradum pristinum reversi sunt*: majorum, sacrorumque *Ordinum* esse, non minorum.

XXIII. Romanum Concilium Nicolai II. anno 1059. congregatum contra Simoniacos decrevit, ut *deinceps quicunque se paterentur a Simoniano provehi, nihil penitus deberent ex ea promotione lucrari: & sic ministrandi jura deponerent, tanquam si hæc nullatenus percepissent*: uti testatur S. Petrus Damiani Opusc. xxx. ad Florentinos cap. 1., qui Concilio interfuit ut Episcopus Ostiensis. Concilium autem non ait, usum, & exercitium deponant, sed *ministrandi jura*, sive *potestatem*. De quo etiam paulo post, cum de Simoniacis agam Cap. vii. n. 13. & seq.

XXIV. Concilium Gerundense in Hispania anno 1078. ab Amato Episcopo Olotensi Sedis Apostolicæ Legato convocatum inter alia constituit, ut *Ecclesiae a Simoniano Antistite consecratae a legitimo canonicè consecrentur Episcopo: & ut Clerici a Simoniano ordinati Presule eodem modo a Catholico ordinentur Episcopo*: non enim, inquit, in his fit reiteratio, sed ipsa consecratio; quoniam nihil præcesserat, quod ratum haberi queat. Similiter Urbanus II. Epist. 17. Appendicis ad Vibonem Tulen. Episcopum c. 5. jussit, ut *Ecclesiae a Simoniacis execratae benedictione, & unctione Catholici Antistitis consecrentur*. Quo sane quid illustrius, & clarius esse potest; quod ostendat exauctoratos, & depositos ab honoribus Ordinis, ordinandique perdere potestatem? De quo Concilio iterum agetur Cap. vii. n. 17.

XXV. Concilium tandem Lateranense III. ab Alexandro III. anno 1179. coactum de nonnullis c. 13. edixit: & *qui receperit, quod contra sacros Canones accepit, amittat: & qui dederit, largiendi potestate privetur*: can. vero 15. & *Episcopus conferendi hoc officium potestatem amittat*. Quid autem recipit ordinatus; & quid dedit ordinator nisi ipsum *Ordinem*, & non tantum *Ordinis* usum, & exercitium? amittit igitur ille, & iste privatur non tantum *Ordinis* usu, atque exercitio, sed ipsomet *Ordine*, sive *potestate*.

§. 3. *Probatur autoritate Romanorum Pontificum.*

XXVI. **S** Sanctus Innocentius I. Epist. 12. ad Macedones Episcopos c. 3. quum scripsit: *asseritur, eum, qui bonorem amisit, bonorem dare non posse: nec illum aliquid accepisse, quia nihil in dante erat, quod ille posset accipere. Acquiescimus; & verum est: certe qui quod non habuit, dare non potuit: nonne potestatem amitti significavit? Diximus enim supra, Ordinem esse gradum, honorem, ac dignitatem; & saepe saepius his nominibus indigitari; & Ordinem primo, ac principaliter potestatem referre: igitur qui bonorem amisit, amisit & Ordinem, & Ordinis potestatem: quo quidem loco nequit intelligi usus, & exercitium Ordinis, ut alias ostenderetur Cap. ix. n. 10. de Haereticorum ordinationibus.*

XXVII. S. Leo Magnus Epist. 1. al. 87. ad Mauritaniae Episcopos scripta habet c. 2. *si qui Episcopi talem consecraverint Sacerdotem, qualem non licet; etiamsi aliquo modo damnus proprii honoris evaserint; ordinationis tamen jus ulterius non habebunt: nec ei Sacramento intererunt, quod neglecto Divino iudicio immerito praestiterunt: quod legitur & c. si qui 1. q. 1. Epist. vero 11. al. 89. ad Episcopos Viennen. Provinciae n. 3. inquit: Privilegium sibi debitum (idest ordinandi Episcopos) in alium transferre se posse noverit non licere: Quod si quis negligens... sui honoris desertor esse voluerit, privilegium suum in alium transferre se posse credens; non is, cui cesserit; sed is, qui intra Provinciam antiquitate Episcopali caeteros praetemis, Sacerdotes ordinandi sibi vindicet potestatem.*

XXVIII. Zosimus Papa Galliarum, septemque Provinciarum Episcopis Epist. 5. haec mandavit: *Metropolitanus Episcopus Arelatensium Civitatis in ordinandis Sacerdotibus teneat auctoritatem... quisquis vero posthac... quemquam ordinare praesumpserit... uterque sacerdotio se carere cognoscat. Quid Sacerdotii nomine portendit Pontifex? non quidem charactrem, quo numquam Sacerdos carere potest; nec etiam usum, ac exercitium; nam qui eo caret vel ob infirmitatem, vel alia de causa, non dicitur Sacerdotio carere: igitur potestatem, qua potissimum Ordo sacer significatur: maxime quod Zosimus*  
ad-

adjecit: *quomodo enim potest auctoritatem summi Pontificis oblinere; qui, quae erant Pontificis, servare contempsit: summum autem appellat Pontificem pro temporum usu, ac more Metropolitano.*

XXIX. Simplicius Papa Epist. 2. Joanni Ravennati Antistiti; qui Gregorium Imolensibus Episcopum invitum ordinauerat; minatus est, nisi similia agere desisteret, *ordinationes ei Ravennatis Ecclesiae, vel Emiliensis auferendas: cum jam dixisset: privilegium meretur amittere, qui permissa sibi abutitur potestate: ordinandi videlicet Episcopos Eemiliae: & Epist. Florentio, Equitio, & Severo Episcopis transmissa scripsit: Gaudentium Ausiniensis Ecclesiae Sacerdotem contra statuta Canonum, ac nostra praecepta ordinationes illicitas perpetrasse, quarum illi totam penitus auferri praecipimus potestatem... ita ut hi, qui illicite ab eodem sunt provecti, ab Ecclesiasticis ministeriis sint remoti.* Nam quid est totam penitus auferri potestatem, nisi ut nullo modo, ideoque nec *valide* posset ordinare? quod autem *illicitas* dicat ordinationes; supra ostensum est, *illicitum* antiquis plerumque idem fuisse ac nunc *invalidum*.

XXX. Geladius I. Epist. 9. ad Episcopos Lucaniae &c. ita commonet Presbyteros c. 6. *nec sibi meminerint ulla ratione concedi, sine summo Pontifice Subdiaconum, aut Acolythum jus habere faciendi: summique Pontificis vocabulo intelligit aut Metropolitanum Episcopum, quemadmodum proxime memorati Zosimi Papae autoritas ostendit; aut Cathedralis Episcopos; ut Leo III., & magna Synodus Ratisponen. anno 803. in Capitul. Caroli Magni ad eum annum habet tit. 4. de Chorepiscopis cap. 2. & 3., si Capit. illud admittatur.* Potest igitur Metropolitanus Antistes, vel Episcopus Presbyteris dare, & auferre *potestatem* ordinandi Acolythi, & Subdiaconi saltem jure antiquo; *characterem* autem nequaquam: ergo character stat sine potestate; nisi velint eam esse potestatem delegatam, non ordinariam; quod tamen negare videtur Alexander III. c. *Requisivit* de ordinatis ab Episcopo, qui renunciavit &c.

XXXI. Nicolaus I. primum, deinceps Adrianus II., mox Synodus VIII. anno 869. ordinationem Photii in Episcopum Constantinopolitanum, utpote a Gregorio Syracusano Antistite jam communione fidelium privato, & Episcopali dignitate  
exu-

exuto factam, pronunciarunt irritam, ac nullam: aitque Nicolaus Epist. 10. n. 6. *Gregorius ergo, qui canonice, ac Synodice depositus... quemadmodum posset quemquam provehere, vel benedicere, ratio nulla docet. Igitur nihil Photius ex Gregorio percepit, nisi quantum Gregorius habuit: nihil autem habuit, nihil dedit... si inefficax profecto Photio nihil praestans &c.* Hinc Synodus viii. can. 4. etiam Photii ordinationes, & Acta omnia in irritum adduxit; Ecclesiasque ipsas a Photianis dedicatas, *rursus dedicari* mandavit; uti fusius rem exponam Cap. v. n. 18. & seqq.

XXXII. Adrianus II. anno 868. in Epistola, quae legitur in Actis Rom. Concilii Leonis IV. anno 853., contra Anastasium Presbyterum Card. S. Marcelli olim profugum, inde honore privatum, & anathemate ictum scribit: *sane si vel ab urbe Roma quantisper discesserit; vel Sacerdotium, vel Clericalem aliquem Ordinem; sive ministerium quodlibet repetere, aut recipere praesumpserit;... anathemati perenni subiaceat: distinguitque Ordinem ab exercitio, sive ministerio Ordinis, quorum utrumque ei interdictum esse dicit; proindeque non solum usu, & exercitio, verum etiam Ordine spoliatus fuerat Anastasius ille, atque adeo potestate Ordinis; cum de charactere intelligi non possit.*

XXXIII. Alexander III. c. *Sane super tit. de Temp. Ordin.* rescripsit Herfordiensi Episcopo super more Scotiae, & Valliae extra jejunia quatuor Temporum Clericos ad sacros Ordines promovendi: *significamus, quod consuetudo illa utpote institutioni Ecclesiasticae inimica est penitus improbanda... nam apud nos sic ordinati deponuntur; & ordinantes privantur auctoritate ordinandi.* Ita temporibus illis; etsi jure novo postmodum secus sit institutum; quod confirmat can. 2. Concilii Tolosani jussu Victoris Papae II. anno 1056. celebrati, quo irrita judicatur, & asseritur ea *ordinatio*, quae non fieret *temporibus secundum Canones statutis*: est autem *irritum*, quod nullum, & invalidum; uti dictum est Cap. I. n. 11. Similiter cum c. *Requisivit* de ordinatis ab Episcopo, qui renunciavit Episcopo, Toletano rescribens Antisliti distinguit: *utrum quis renunciarit loco tantum; an loco simul & dignitati*: sumit pro certo, aliquos posse nuncium remittere dignitati Ordinis, idest *Ordini*, ejusque potestati: uti videbitur etiam Cap. x. n. 29.

XXXIV. Lu-

XXXIV. Lucius III. c. *Super eo* tit. de Bigamis Spalaten. Archiepiscopo respondet: *Super eo, quod tua fraternitas de Bigamis requisivit, respondemus; quod ordinatores eorum potestate, & officio ordinandi; & ordinati, si ad sacros ordines fuerint promoti, ideo eis sunt privandi, quia in Bigamis contra Apostolum dispensare non licet, ut debeant ad sacros Ordines promoveri; vel in eis, si promoti fuerint, remanere: in ordinatore vero potest dispensatio adhiberi, ut ordinandi potestate; & officio non privetur: quibus manifeste potestas, & officium, seu exercitium secernuntur; & utrumque tolli posse profertur.*

XXXV. Innocentius III. Epist. 219. lib. 1. Herveo Trecenti Episcopo directam his eam clauditis verbis: *si qua igitur in futurum Ecclesiastica ... persona hanc nostrae Constitutionis paginam sciens contra eam temere venire tentaverit, ... potestatis, honorisque sui dignitate careat: & c. Inter corporalia de translatione Episcopi inquit: Cum quis Episcopali praeditus dignitate nullius tamen Ecclesiae possit esse Episcopus: quemadmodum de illo contingit, qui oneri Pontificali renunciat, non bonori; idest ordini: igitur qui renunciat bonori, non remanet Episcopali praeditus dignitate: sicut & c. Post translationem de Renunciat. clarius edisserit: praesertim si locum tantum, & non ordinem resignavit ... si veritate subnititur, quod dictus I. loco tantummodo cesserit, & non ordini, vel etiam dignitati: ponit cum Alexandro supra memorato, posse aliquem dimittere Ordinem, sive potestatem: ut fusius ostendetur Cap. x. n. 29. Honorius etiam III. c. *dilectis filiis* tit. de Temp. Ordin. scribit se Episcopum itidem Trecentem, eo quod uno, eodemque die ad tres sacros Ordines C. Ymilien. Canonicum promovisset; tandiu ab ordinandi suspendisse potestate; donec suam meruisset gratiam obtinere: docetque potestatem ad tempus auferri posse; moxque restitui.*

XXXVI. Respondent quidam apud Sco. 4. d. 13. q. 2. §. ad 2., istos privari potestate ad ordinate quidem agendum, sed non ad simpliciter operandum: quod posterioris aetatis Theologi ad licite, non ad valide faciendum dicunt. Verum cum ea priventur potestate, qua ab ipsis factae ordinationes ita nullae judicantur, ut iterari illae jubeantur; si quando qui fuerunt privati, revocantur ad honores amissos; quemadmodum

in-

infra videbitur: defendi non potest, privari eos potestate tantum ad *ordinate* agendum; sed etiam ad *simpliciter* privari statuendum est.

XXXVII. Respondent alii, *potestatis* nomine venire usum, seu ipsius potestatis actum, ac *exercitium*. Contra quos assertur & superioris responsionis oppugnatio; & quia si aliis in locis venit ipsa potestas, non autem ipsius potestatis executio; quare non in ante dictis locis? uti quum in Constitutionibus Apost. lib. 3. cap. 11. assertitur: *potestatem non damus nomine Apostolorum Presbyteris ordinandi Diaconos ... sed solis Episcopis*; & in Concilio Rom. vii. Gregorii VII. anno 1080. c. 6. de Episcoporum electione: *quod si corruptus aliquo vitio aliter agere praesumpserit; electionis perperam factae omni fructu carebit*; & de caetero nullam electionis potestatem habebit: ubi, ut videbitur cap. III. n. 15., consecratio comparatur electioni. Gregorius vero IX. c. *Cumana* de electione: unde nos electiones ipsas ... duximus irritandas, electores hac vice eligendi potestatem privantes: nec non Concilium Trident. sess. 23. cap. 4. *sacrosancta Synodus declarat ... Episcopos ... Sacramentum Confirmationis conferre, Ministros Ecclesiae ordinare, atque alia pleraque peragere ipsos posse; quarum functionum potestatem reliqui inferioris Ordinis nullam habent*: & can. 7. *Si quis dixerit Episcopos ... non habere potestatem confirmandi, ordinandi; vel eam, quam habent, illis esse cum Presbyteris communem: anathema sit*. Quibus in locis certum est, sermonem esse de potestate ad agendum simpliciter; & *valide*; & non ad *ordinate* vel *luite* tantum, seu de potestatis usu, ac executione sola: praefertim cum Concilia, & Pontifices utrumque dicendi modum adhibere soleant, ubi necesse sit, ad internoscendam in plectendis his, vel illis variam Ecclesiae disciplinam; nempe modo privari potestate; modo vero Pontificalis officii executione secundum varium uniuscujusque crimen.

§. 4. *Probatur autoritate Patrum, & Theologorum.*

XXXVIII. **S** Anctus Cyprianus Epist. 52. ad Antonianum ait: *Qui ergo ... se ab Ecclesiae vinculo, atque a Sacerdotum collegio separat, Episcopi nec potestatem potest habere,*  
nec



*nec honorem, qui Episcopatus nec unitatem voluit tenere, nec pacem: & Epist. 76. ad Magnum: dicimus, omnes haereticos omnino, & Schismaticos nihil habere potestatis, ac juris: cur? quia illam amiserunt, cum ex Ecclesia profugerunt. Nunquam autem scripsit, amisisse eos Ordinis, aut Baptismi characteres: immo cum reverterentur ad Ecclesiam, eos rebaptizandos non esse conducit: cui ad unum assensu sunt & Afri, & in Oriente omnes, quotquot Baptismum Haereticorum esse nullum censuerunt; uti supra n. 13. scripsi.*

XXXIX. S. Basilius Magnus Caesarien. Episcopus Epist. can. ad Amphilochoium de Haereticis hoc modo loquitur: *qui autem abrupti sunt (ab Ecclesia) Laici effecti nec baptizandi, nec ordinandi habent potestatem: & cum Basilio sensit insequenti seculo S. Gennadius C. P. Episcopus, cum in Epist. ad Martyrium Antiochenum Antistitem de Haereticis ad Ecclesiam accedentibus rescripsit, eos tanquam egregios Laicos ad eum gradum ordinandos, in quo prius apud suos erant: de quo & Cap. viii. n. 17. iterum dicitur: idque senserunt & plures alii, de quibus dixi jam in Germana S. Cypriani, & Firmiliani, aliorumque de Haereticorum baptismo opinione. At illi de Baptismi ministro falsa dixerunt; ergo & de Ordinis Sacramento, ejusque ministro errores induisse credendum est. Verum enim vero de Baptismo alia ratio est, atque ea, quae de Ordine refertur; ibi magna Sacramenti necessitas asseritur, quam talem, tantamque forsitan illi non agnoverunt; quaeque hic nulla, aut minima creditur intercedere.*

XL. Gratianus Monachus Canonum, decretorumque Collector, vel quidam apud eum, in notis ad c. 92. *Quod quidam 1. q. 1. relatis S. Augustini contra Donatistas verbis subiungit: Opponitur autem huic sententiae Augustini, quod potestas dandi Baptismum, & jus consecrandi Dominicum corpus, & largiendi sacros Ordines plurimum inter se differunt: suspensio enim, vel deposito Sacerdote, nulla ei relinquitur potestas sacrificandi. Sacramentum tamen Baptismi non solum a Sacerdote deposito, vel laico Catholico, verum etiam ab Haeretico, vel Pagano, si ministratum fuerit, nulla reiteratione violatur: nulla enim ratio finit, ut inter Sacerdotes babeantur, qui de manibus laici, vel Pagani oleum sacrae, immo execrandae unctionis assumunt...*  
de-

*degradatus enim Episcopus potestatem largiendi sacros Ordines non habet; facultatem tamen baptizandi non amisit. Et apud eundem c. Excommunicati 9. q. 1. legimus: Excommunicati illicite manus imponunt; quia potestatem ordinandi non habent: ibique de ordinatione invalida, ipsaque potestate, non autem exercitio loqui constat ex eo, quod subditur: unde reiterari necesse est, quod minime probatur esse collatum.*

XLl. Joannes Theutonicus Autor glossae ad decr. Gratiani, vel Bartholomaeus Brixienſis ejus expolitor, seu annotator c. *Accedens* dist. 50. dicit: *ergo Clericus degradatus non retinet Ordinem ... per hoc quod dicitur infra, inter Laicos communionem ab eo recipiendam: sed tamen dico, quod characterem semper retinet ... nec credo, quod conficiat (sacrum), quia omnem potestatem amisit: quo loco Ordinis nomine cernis venire potestatem; & hanc a characterē seſungi ita, ut alterum sine altero manere dicatur.*

XLII. Raynerius vetus sacrorum Canonum Doctor apud Autorem glossae ad decr. Gregorii IX. c. *ſi quis Presbyter* de Clerico excommun., deposito &c. ſentit, Presbyterum degradatum nequaquam ſacrum conficere; quia, inquit, *potuit Ecclesia ei auferre illam potestatem, quam contulit; quamvis non poſſit character auferri; ſicut nec insignia militi.* Qua in re nemo me iudice melius & ſenſit, & ſcripſit; eſtque id, quod ante dictum eſt Cap. iſto n. 11.

XLIII. Rufinus, & Joannes Faventinus celebres J. V. Doctores antiqui apud Gratiani glossae Autorem ad c. *Quod ordinatio* 9. q. 1. dicebant, *quod Episcopus, qui recipit ultimam manus impositionem extra Ecclesiam, ideſt Ordinem Episcopalem; quia poſt illum nullus eſt Ordo; Ordinem conferre non poſteſt; & qui ordinatur, nihil recipit: ſecus ſi intra Ecclesiam recipiat manus impositionem: & paulopoſt additur, dici ab eiſdem, Episcopum fidelium communionē privatum, ſi intra Ecclesiam ordinetur, recipere Ordinem, ſed non executionem: ſi autem extra Ecclesiam ordinetur; nihil confert nec ordinem, nec executionem; cum tales nihil habeant ex c. Daibertum 1. q. 7., c. Propter d. 19. de Maximi Cynici intruſi ordinationibus, & c. Si quis confugerit 1. q. 1. de Paulianistis.*

XLIV. Gulielmus Pariſienſis Episcopus, & vir doctiſſimus

mus de Sacramento Ordinis cap. 7. laudat eorum opinionem, qui non solum *potestatem* Ordinis ab Apostatis, Haereticis, ex-auctoratisque auferri tradiderunt; sed ipsos etiam *characteres* in his ipsis perditis hominibus aboleri posse rebantur: eamque ad id certe attulit rationem, vel ab illis adductam retulit, quae a nemine nisi autoritate Ecclesiae pervelli queat; adiecitque: & hoc ipsum forma exauctorationis, & exordinationis indicat evidenter, qua vestimentis sacerdotalibus sigillatim, & illis inversatis exuuntur; per quod indicare intendit Ecclesia manifeste, nihil eis dignitatis, potestatis, officiique sacerdotalis relinqui; sicut de vestimentis sacerdotalibus nec unum eis relinquitur: quapropter & in 3. par. Pontificalis dicitur deleri consecrationem, unctionem, & benedictionem: & Franciscus Mayronus 4. d. 25. q. 3. §. de Episcopo degradato quaerens, an possit ordinare; respondet: dicunt aliqui, quod non; quia iurisdic-tio, & character sibi auferuntur.

XLV. Sinibaldus Fliscus, qui postea fuit Innocentius IV., ob summam Juris peritiam Pater juris appellatus in eam ivit opinionem, summum Pontificem uti Vicarium Christi posse per legem probabili tamen ex causa Episcopis non solum ordinandi, sed etiam baptizandi potestatem auferre ita, ut si tunc illi Sacramenta ea conferre tentarent, nihil omnino parrarent: Abbasque Panormitanus magni nominis Jurisconsultus de Consuetudine c. Quanto reputat Innocentium optimam sententiam habuisse ob quandam potissimum hac in re distinctionem. Quod Adrianus VI. lib. 4. sent. art. 3. de Sacramento Confirmationis etsi non prober, plenumque periculi dicat; quantum quidem ad baptizandi potestatem attinet; hoc ipsum tamen nequaquam ausus est condemnare.

XLVI. Gulielmus Rubion Aragonius Minorita, quem Scoti discipulum fuisse tradunt, in 4. sent. d. 25. q. 2. haec habet: Quarta conclusio est; quod si potestas Episcopalis traditur a Deo Episcopo consecrato sic conditionate, non absolute, sicut potestas absolvendi traditur Sacerdoti; tunc Episcopus potest a superiori privari potestate absoluta alium ordinandi. Haec apparet ... ergo sicut quia potestas absolvendi poenitentem traditur Sacerdoti non absolute, sed cum conditione, ut & ea non possit uti prohibitus a suo superiore; ideo potest ipse Sacerdos a

*fu suo superiore privari hujusmodi licet a Deo sibi tradita potestate: ita in proposito de potestate ordinandi, si consimiliter traditur Episcopo, consimiliter est dicendum.* Additque in hanc rem longe plura & digna, quae legantur; & veritati apprime consentanea: nisi quod ipse dubitanter, & conditione apposita conscribit; id ego asseveranter esse demonstro.

XLVII. Omnes denique scriptores; qui ante XIII. seculum admodum plures fuerunt & quorum aliqui quoque suis memorabuntur locis; cum tuerentur Sacramenta praeter Baptismum ab Haereticis, exauctoratis, aliisque similibus extra Ecclesiam administrata esse prorsus inania, irrita, atque nulla; ordinesque sacros conferre nullo modo posse illos: quid aliud voluerunt, nisi eos *potestate*, si non *charactere*, fuisse spoliatos: ideoque potestatem esse a charactere diversam, & hunc sine illa permanere posse? Robertus enim Flammesburiensis apud Morinum inquit: *utrum Episcopus Haereticus Ordines conferat; quaestio maxima est, de qua diversae sunt opinioniones*: & Magister sententiarum 4. d. 25. solet quaeri, si haeretici ab Ecclesia praecisi, & damnati possint tradere sacros Ordines; & si ab eis ordinati redeuntes ad Ecclesiae unitatem debeant reordinari. Hanc quaestionem perplexam, ac pene insolubilem faciunt Doctorum verba, qui plurimum dissentire videntur. Ita & Autor summae Astesanae, qui floruit initio seculi XIV., lib. 6. tit. 3. art. 4. quaeritur, utrum Episcopus degradatus possit conferre Ordines. Respondeo; aliqui dicunt, quod non; quia degradati non tantum sunt suspensi ab officii executione, sed etiam sunt spoliati Episcopali dignitate; unde non manent Episcopi: quod habet & paulo ante vivens Riccardus Mediavilla in 4. d. 25. art. 1. q. 3. Sed jam ad facta veniendum.

#### §. 5. Probatur factò.

XLVIII. **S**I quando rite quis ordinatus Episcopus in id luegendi criminis prolabitur, ut ejus ordinationes, quas fecerit, irritae, ac invalidae pronuncientur; & ab eo ordinati rursus ordinari, consecrarique jubeantur; illum tum Ordinis *potestatem* exuisse, ac perdidisse dicendum est: at facta quamplura leguntur; quae hujusmodi ordinatos, qui talem vel

vel meruerunt, vel crediti sunt commeruisse poenam, extitisse praeferunt: igitur ex factis lucet *potestatem* ordinandi probe disjungi a charactere; atque ab ordinatis divelli posse. Assumrum ostendo pluribus exemplis. *Theodorus Oxyrinchi* in Aegypto Civitatis Episcopus ad ann. 360. *Apollonii cujusdam*; (quem illum dicis Apollonium, qui ei in Episcopatu socius fuit, & anno 359. Seleucienſi Concilio interfuit;) Presbyteros, & Diaconos *Meletiani* Schismatis iterum ordinavit juxta functionem Nicaenorum Patrum; uti scribunt Marcellinus, & Faustinus Presbyteri in libello precum ad Imp̃p.; qui habent, & eum ab Arianis seductum e Catholicae Ecclesiae castris ad ipsos Arianos defecisse; adhaerentemque Georgio in Alexandria sedem intruso fidem orthodoxam ejurasse, & Sacerdotio, quod in Catholica acceperat Ecclesia, execrato, se laicum professum petiisse ab eodem sacrilego Georgio ordinari; itaque in Ecclesia Episcopum ministrare. Factum quidem, non abnuo, Haereticorum, sed qui veteres Ecclesiae canones, aut mores tenere potuerunt.

XLIX. Sed ipsos Presbyteros praestat audire ita differentes: *Execrabiles Ariani in partibus Orientis, & maxime in Aegypto non fuerunt hoc solo contenti, ut Episcopi damnata fide integra in eorum impiam sententiam declinarent; sed hos ipsos, qui primum fuerant per Catholicos Episcopos ordinati; ubi pro eorum desideriis subscripserunt; in Laicorum numerum redigebant; & postea iterum eos iidem haeretici Episcopos ordinabant: ut non solum fidem Catholicam damnare viderentur; sed & ordinationem factam per Episcopos Catholicos. Oxyrinchi Civitas vidit Episcopum Theodorum in impiam praevaricationem fuisse collapsum, itaut non solum fidem integram condemnaret, sed & Laicum se fieri ab impio Georgio pateretur, & de novo ab ipso haeretico Episcopum ordinari. Hic est egregius, & sanctissimus ille Episcopus, qui cum fuisset primum a Catholicis ordinatus, postea ab impio Georgio in Laicorum numerum reductus nihilominus ab ipso Georgio Episcopus ordinatus est in vexatione fidelium sedens, & communicans in una, eademque Civitate Apollonio Meletianorum Episcopo consentienti impietatibus Georgii; cum ipso item Apollonio idem Theodorus persequens beatum Heraclidem vindicem Catholicae fidei: & paulopost: Theodorus*

*binc se vult Catholicum videri, quod & ipse nunc quosdam Presbyteros, & Diaconos Apollonii facit Laicos, & eos iterum ordinat; ut videatur turpissimae istius ordinationis vicem referre, quam passus est: igitur Catholicorum erat, ordinationes haereticorum, & quorundam Schismaticorum uti Meletianorum iterare. Caeterum Heraclides ille fuit Oxyrinchi Episcopus partis quidem Catholicae, sed mox aseccla Luciferi Calarit. Episcopi ex iisdem Presbyteris.*

*L. Cyrillus cum a Maximo (Episcopo Hierosolym.) fuisset Presbyter ordinatus; & post mortem ei ab Acacio Episcopo Caesariensi, & caeteris Arianis Episcopis Episcopatus promitteretur, si ordinationem Maximi repudiasset; Diaconus in Ecclesia ministravit: ob quam impietatem Sacerdotii mercede pensatus in Heraclium, quem moriens Maximus in suum locum substituerat, varia fraude sollicitans de Episcopo in Presbyterum regradavit: inquit S. Hieronymus in Chronico ad annum 351. Perperam id quidem, & perverse, impieque ab Arianis patratum; sed qui Catholicos, & Homousianos pro Sabellianis haereticis habebant; ideoque more Ecclesiae ordinationes eorum irritas, ac nullas esse judicabant. Hic autem est ille Cyrillus Hierosolymitanus Antistes, qui postmodum ita vixit, ac egit; ut in Martyrologio Romano ad diem 15. Kal. April. locum obtinuerit. Qui namque perhibent Hieronymum valde juvenem Chronicon elucubrasse; ipsi quidem valde hallucinantur; cum illud ediderit jam quinquagenarius. Deinde etiam in VII. Synodo contra Iconoclastas Aët. 1. Cyrillus asseritur promotus Episcopus ab Acacio, & Patrophilo Arianis. Tandem legi possunt & ea, quae de iteratis Evagrianorum ordinationibus referam Cap. IV. n. 4.*

*LI. Vivendi cum finem fecisset Johannes Niceota Episcopus Alexandrinus; favore Anastasii Imp., vel aulicorum ejus anno 517. Dioscorus junior eam invasit Ecclesiam, & consecratus est: quo cognito Oppidanorum multitudo a reliquo Ecclesiae coetu secessionem fecit dicens: non sedet Episcopus; nisi qui, prout sancti Apostolici Canones praescribunt, fuerit institutus: Principis enim Magistratus eum ad thronum subvexerant. Igitur ad S. Marci Dioscoro profecto, convenientes Clerici iterum induerunt, & ordinationis ritum circa ipsum iterato per-*

*perfecerunt &c.*: uti memoriae prodidit S. Theophanes in Hist. ad ann. 509. Alexandr., & post eum Anastasius Bibliothecarius in Hist., neque factum hujuscemodi ullus unquam improbavit; etsi personam Dioscori non omnes probarunt. V. Cap. v. n. 13.

LII. Joannes I. Papa ad ann. 525. *Arianorum* Ecclesias iterum Catholico ritu consecravit ex ejus Epist. ad Episcopos Italiae; quam licet suppositam opinentur plures, eam tamen adoptavit Paschalis II. Epist. 50. ad Rotardum Moguntinum Episcopum; & factum literis mandavit Gregorius Turonen. de *Gloria Mart.* cap. 40., imitatusque est etiam Gregorius Magnus Epist. 19. lib. 3., & Dial. lib. 3. cap. 30., quod quidem & antea observari praeceperat Synodus Aurelianensis l. anno 511. c. 10., & postea Caesaraugustana II. anno 592. c. 3., aliaeque plures, ut infra suis apparebit locis. Est autem ejusdem Ordinis Episcopalis & consecratio *Ecclesiarum*, & ordinatio *Clericorum*: igitur si *Ecclesiarum consecrationes* ab Haereticis factae ita sunt irritae judicatae, ut iterari debuerint; cur non idem dicetur contigisse de *Clericorum ordinationibus* ab eisdem haereticis patratiss? De hoc etiam Cap. viii. n. 21. De ordinatione autem *Ceaddae* Eboracen. intrusi seculo sequenti a Cantuarien. Archiepiscopo, viroque doctissimo Theodoro repetita dicam c. v. n. 15., n. vero 16. & seqq. disseram diffusius de *Constantini* Pseudopapae facto, ejusque ordinationibus a Romano Stephani Papae III. Concilio exfufflatis, iteratisque.

LIII. Joannes PP. VIII. anno 881., quoniam Anspertus Mediolanen. Archiepiscopus *pro suis criminibus in Synodo sacra communione* privatus, nihilominus *contra canonica statuta* in Vercellensi Ecclesia quendam Joseph Episcopum ordinare praesumpserat; in alia Synodo Rom. utrumque *omni Episcopali honore* privatum, & alienum pronunciavit: quia *praedictus Anspertus dudum Mediolanen. Archiepiscopus ... quod non habuit, dare profecto nequivit* ex Epist. 123. ejusdem Johannis PP. ad Vercellenses. Et cum Anspertus obtenta post venia ad dignitatem reductum obtinuisset, & Joseph memoratum promoveret curasset; ei quidem Astensem contulit Ecclesiam sed *nova electione, ac ordinatione*, quam idem PP. Joannes confirmavit Epist. 160. ad ipsum Anspertum data inquires: *sicut qui nihil ab ordinatore prius acceperis, in Episcopum crearetur &c.*,

de praefati *Joseph iterata creatione sanctitas tua in nullo penitus haesitet &c.* Quae literae producentur Cap. vi. n. 8., quo clarius elucescat, *poteftatem* Ordinis ob crimina auferri posse. Sed & paucis ante annis *Aitardum* Namneten. Episcopum postea Turonen. Antistitem iterum ordinasse eos, quos quidam Gislardus itidem Nanuetensis Episcopus ordinaverat, haud paucis enarrabo Cap. v. n. 23.

LIV. Nec possum hic praeterire Concilii Rom. anno 896. sub Stephano VI. al. VII. memorabile factum, quo Formosi Papae acta cuncta rescidit; & ordinationes sacras ab illo factas in irritum adduxit; *cunctosque, quos ipse ordinaverat, gradu proprio depositos iterum ordinavit*: ut est apud Luitprandum lib. 1. cap. 8. Quoniam etsi detestandum & novum factum omnes fuisse conclamant; non ego factum defendo; sed in novo facto veterem Ecclesiae morem, ac disciplinam inveniri dico. Fuerat Formosus Portuensis Episcopus ab Johanne VIII. ob crimina multa dignitate spoliatus; ac, ne restitui tentaret, juramento obstrictus: & quanquam a successore Johannis Marino juramento absolutus, & pristinae dignitati restitutus is fuit; putavit nihilominus Stephanus, utrumque contra Canones Ecclesiasticos esse; proindeque Formosum nullum fuisse Papam, & nullas ejus ordinationes. Quod si erravit Stephanus cum Concilio in facto; errasse non videtur in more: propter quid enim iterandas ejus ordinationes edixit; si mos, & canon in Ecclesia non exstabat, qui doceret, depositos ab ordinibus sacris Ordinis *poteftatem* amittere? Plura de hac re dicentur Cap. x. n. 14. & seqq.

LV. S. Leo IX. gravis, sed justus Simoniacorum hostis ad annum 1050. in Romano Concilio quosdam deposuit Episcopos, quos praedicta haeresis naevo suae nequitiae maculaverat; inquit Wibertus in ejus Vita lib. 2., & *plerosque Simoniacos, & malae promotos tanquam noviter ordinavit*, teste S. Petro Damiani Epist., seu Opusc. 5. de suis apud Mediolanum actis; qui & Opusc. 6. *Gratissimus* cap. 1. scribit, in ea de Simoniacis disputatione diu ventilata *catenus esse processum; ut nonnullis constet Episcopos ab illis ordinatos Clericos denuo consecrassse*: nimirum de iis, qui *gratis* a Simoniacis ordinati fuerant Antistitibus, longa disceptatio fuit; nam de veris Simoniacis nul-



nullum extabat dubium. De quibus & Cap. vii. n. 11. & seqq. iterum verba facienda erunt.

LVI. De S. Herembaldo Equite Mediolanensi, magno S. Gregorii VII. contra Simoniacos, Nicolaitasque propugnatore, ac Martyre narrat Arnulfus civis, & aequalis ejus Hist. lib. 4. cap. 3., anno 1075. cum ab Apostolica Sede communionem privatos Episcopos Schismaticos Insubriae persequeretur, *S. Pentecostes sabbato fieri prohibuisse in urbe baptismum. Postea vero Chrisma, quod unus illorum (Episcoporum Schismaticorum) dominicae coenae mysterio Metropolitanae direxit Ecclesiae, sicut mos est deficiente Pontifice, profusum humi coram omni populo calceibus proculcasse, suumque in medium produxisse: & tamen sanctimoniae vitae Herembaldi factum illud nil obfuit; nec vetuit, quin ab Urbano II. in Sanctorum album relatus asseratur. Quod non fuisset, si Sacramenta eorum, qui ab Ecclesia separantur, & Ecclesiasticis Ordinibus exuuntur, vera essent, & ideo vera non sunt, quia conficiendorum eorum potestatem illi non habent.*

LVII. Urbanus II. anno circiter 1087. *Daibertum* a Wezilone in Moguntinam Sedem intruso, Simoniaco, & ab Haereticis promotum in *Diaconum ordinatum ex integro necessitate ingruente Diaconum* ordinavit, subdens: *quod non reiterationem existimari censemus, sed tantum integram Diaconi dationem; quoniam, ut praediximus, qui nihil habuit, nihil dare potuit: antea namque dixerat: S. Innocentii Papae sententia constat declaratum, quod Wezilone, quem constat ab Haereticis ordinatum, quia nihil habuit, nihil dare potuit ei, cui manus imposuit ex c. Daibertum 1. q. 7. Et frustra conantur quidam tam apertum factum aut in dubium vocare, aut verborum involucris obscurare, & in oppositum sensum fraudulenter trahere: cum extet alia ejusdem Urbani Epistola de quodam alio in Diaconum similiter ordinato, ut suspicabatur, a Trevirensi Archiepiscopo Simoniaco, qua scribit, se eam ordinationem irritam censere; ac praecipere, ut eosdem ordines ab aliquo sortiatum Episcopo Catholico: idque fusius demonstrabo Cap. viii. n. 16. & seqq.*

LVIII. Chronicon Mauriniacense Acta Concilii Lateranensis. II. anno. 1139. ab Innocentio II. celebrati describens ejusdem

dem Innocentii verba de Petro Leonis Schismatico, & Antipapa producit hujusmodi: *Unde quia inordinatae personae inordinata sunt decreta; quodcunque ille statuerat, destruimus; quoscunque exaltaverat, degradamus; & quotquot ordinaverat, exordinamus, & deponimus &c.* Quid autem est hoc loco *exordinamus*, nisi ordinem auferre, & *potestatem* ordinis nullam declarare? ita sane & Sigebertus ad annum 907. scribit Stephanum VI. al. VII. *exordinasse* eos, quos jam Formosus Papa ordinaverat; & Gulielmus Parisiensis Episcopus, quem n. 44. retuli, *exordinationem* accipit pro actu, quo Ecclesia dignitatem omnem, & *potestatem*, & *officium sacerdotale* adiimit aliquibus. De qua re etiam Cap. ix. n. 8.

LIX. Quare nemini dubium esse debet, quin eodem modo, quo quae proxime sunt allata, intelligenda sint quoque ea, quae Robertus Flammesbur. lib. 3. Paenit. scribit; Alexandrum III., & Lucium itidem III. iussisse *reordinari ordinatos ab illis, qui ultimam manus impositionem acceperant extra Ecclesiam*, videlicet in Schismate, haeresique illius aevi; ut magis explicabitur Cap. x. n. 9. & 10., praesertim cum Alexander iusserit *irritas* pronunciari in Veneto Concilio anno 1177.; & Lateranensi III. anno 1179. eorundem Schismaticorum *ordinationes*; quod & antea factum fuerat in Conciliis Rhemenfi an. 1148., Lateranensibus 1139., & 1123., Romano 1099., Placentino 1095., Quintilinoburg. 1085., & Romano 1078., aliisque in locis: *irritum* autem diximus esse id, quod omnino est nullum, & invalidum quantum quidem ad naturam rei, non quantum ad executionem solum; & *potestatem* Ordinis penitus explodere.


LX. Sed nec dubium etiam esse debet, quominus quamplura alia existant facta; quae aut me profecto fugiunt; aut literis plane tradita non fuerunt: sed quae conicere facile quis poterit, si ea, quae haecenus hac de re sunt exposita, attente perpendat; potissimumque Concilia Rom. Nicolai II., & Gerundense in Catalaunia; ubi praecipitur, ut *Clerici a Simoniacis ordinati iterato a Catholico ordinem* Episcopo: nam etsi factum ibi manifeste non exprimitur; tamen cum *Simoniaci* in Ecclesiis id temporis ubique pollerent, & grassarentur; quis dubitat, alicubi saltem non factum fuisse? quinimmo valde

veri-

verisimile est, plurimās fuisse eorum *ordinationes*, quae ob eam causam *iteratae* fuerunt; ideoque & facta plurima contigisse. Praesertim si ea probeatur opinio, quam complures tutati sunt; quamque docuit Alex. Alensis par. 4. q. 8. mem. 5. art. 1. §. 6. his verbis: *in Ordine Episcopali non imprimitur character sicut in Sacerdotali, qui impressus in anima deleri non potest; unde solummodo aufertur illi officium consecrandi: non enim aufertur illi potestas, sed executio potestatis. Sed quia in ordine Episcopali non imprimitur character; in degradando aufertur ei potestas conferendi ordines, & officium executionis. Quod ipsum acute vidit, & expendit Scotus loco supra memorato.*

## CAPUT III.

*De illicitis ordinationibus, ac primum eorum, qui a sacris Ordinibus prorsus arcentur.*

- I.  Uandoquidem Ecclesiae est declarare, quando nam *ordinationes* sacrae hoc, vel illo modo dicantur illicitae ex c. *Venerabilem* de electione, ubi Innocentius III. Duci Carinthiae scribit de iuramento *licito*, vel *illicito*: nunc ostendendum est, an etiam ejusdem sit Ecclesiae; ut hoc vel illo modo fiant illae aliquo pacto illicitae, vel non. Certe S. Innocentius I. Epist. 4. ad Felicem Nucerinum Episcopum cap. 3. de *Laicis* haec habet: *designata sunt genera, de quibus ad Clericatum pervenire non possunt*: & quamquam quatuor dumtaxat ibi genera recenser; forsan quod de illis praecipue tum quaecebatur; tamen & idem aliis in Epistolis, aliisque & Rom. Pontifices, & Concilia, & SS. Patres longe plura commemorant, ut Zosimus PP. Epist. 1. ad Hesichium Salonitanum Episcopum, Caelestinus I. Epist. 2. ad Episcopos Vienn., & Narbon. Provinciae, Leo Magnus Epist. 87., Hilarius PP. Epist. 2., Autor Epistolae 1. Stephano PP. I. adscriptae, Gelasius PP. I. Epist. ad Brundusinos, & Gennadius Massilien. Presbyter de Ecclef. Dogmat. cap. 39. al. 72., post omnes autem, sed fufius *Concilium Toletanum IV.* canone 19., quae videri possunt. Unum tamen hic liceat exci-

scribere, nimirum *Gelasii* decretum, vel Epistolam ad Brun-  
dusinos, quae mutilata extat & c. *Concesso* 12. q. 2., ubi de  
Episcopo illis concessio scribit Pontifex: *cui dedimus in man-  
datis, ne unquam ordinationes praesumat illicitas; ne bigamum,  
aut qui virginem non est sortitus uxorem; qui neque illiteratum;  
vel in qualibet parte corporis vitiatum; aut ex poenitentem; vel  
curiae, aut cuilibet conditioni obnoxium; notatumque ad sacros  
ordines permittat accedere. Afros passim ad Ecclesiasticos Ordi-  
nes praetendentes nulla ratione suscipiat; quia aliqui eorum  
Manichaei, aliqui rebaptizati saepius sunt probati: idemque ha-  
bet & Gregorius Magnus Epist. 25. lib. 2. Episcopo Scylla-  
tino Joanni, & Gregorius II. Epist. 4. ad Thuringios; est enim  
Synodale, quod accipit Episcopus ordinatus in lib. Diurno Rom.  
Pontificum; in quo non omnes quidem referuntur, qui pro-  
hibentur ordinari; sed tamen praecipui, iique permisse tam-  
qui semper, & omnino; quam qui quandoque rejiciuntur, quan-  
doque vero admittuntur; &, ut ajunt, dispensantur.*

II. Sunt autem, qui nostrae adversantur opinioni, existi-  
mantes tantam, ac talem *characteri* Ordinis inesse virtutem,  
ac efficaciam; ut ubicunque ille insit, nequeat non efficere quod  
significat; & homo quicunque, qui eo sit ornatus, non possit  
non esse Minister Ordinis, & non ordinare quemcunque ve-  
re, ac *valide*, etsi aliquando minus decenter, & *illicite*, quan-  
tum quidem ad characterem Ordinis Episcopalis: atque ita de  
aliis &c. Verum si potest Ecclesia nonnullos a *matrimonio* ita  
arcere, ac inhabiles declarare, ut si invicem illi inire conju-  
gium, atque contrahere tentaverint; irritum sit, ac nullum  
matrimonium: cur non poterit nonnullos etiam ita ab *Ordi-  
num* factorum susceptione prohibere, & non idoneos pronun-  
ciare, ut si ad Ordines accesserint, eosque susceperint; irriti  
sint ordines illi, ac prorsus nulli? Quod quidem argumentum  
sibi Scorus proposuit in 4. d. 25. q. 1. §. *Argumentum tertium  
in oppositum*; & in fine quoque quaestionis vim ejus infringere  
est conatus ad characterem in Ordine, non in matrimonio  
reperitum confugiens; sed Mayronus ejus discipulus dissimulare  
nequivit difficultatem; aitque ibidem q. 4. §. *sed dubium: hic  
videtur difficile, quare non esset, si fieret de facto, ibi, sicut  
hic: unde videtur, quod aeque bene possit illegitimare in propo-  
sito,*

*fito, sicut ibi:* idest declarare aliquos ad ordines nequaquam esse idoneos; sicut declarat inhabiles ad matrimonium. Sed & Rubion alius Scoti discipulus q. 1. §. *quantum ad secundum* respondet; ideo Ecclesiam non posse quemquam declarare ad sacros Ordines inhabilem, sicut inhabilem pronunciat ad Matrimonium, quod aut vidit non expedire; aut auctoritatem non habuit a Deo: ac ita praeceptoris effatum non probavit. Et quidem *character* non est causa ordinis, sed signum; & si quoque esset causa, non semper causam effectum consequi necesse est: sic falsum est etiam, Ecclesiam non posse quemquam ad sacros Ordines inhabilem declarare; an non *foeminam, non baptizatum, fictum*, ac prorsus *invitum, bigamumque* ad id inhabiles pronunciat? Quaerendum est itaque, de quibus pronunciet Ecclesia; de quibus vero non: & primum de iis, qui omnino prohibentur; deinde de iis, de quibus aliter disponi potest, ac leges sanciant; sive qui *dispensari* possunt.

§. 1. De Foeminis, aliisque &c.

III. **F**oeminas igitur ordinari non posse inter omnes convenit non solum Catholicos, verum etiam Heterodoxos, paucis dumtaxat exceptis eorum, qui extra fidelium castra morantur: idque probari solet ex Apostolo 1. ad Corinth. 14.; ad Ephes. 5., & 1. ad Timoth. 2., ex more veteris testamenti, ex Tertulliano lib. de *velandis Virginibus* cap. 9., Epiphanio haer. 49. Cataphrygum, & 79. Collydiorum; S. Augustino haer. 27., & ex Autore Comment. in Epist. Paulli S. Ambrosio adjudicati in 1. ad Timoth. 3. 11., ut omittam rationes, quae & notae sunt satis, & legi possunt apud alios: addamque solum, *Androgynos*, in quibus tamen praepolleat sexus muliebris; foeminis accenseri; ideoque a sacris ordinibus penitus arceri; ut etiam dixi Cap. 11. n. 7.

IV. *Cathecumenos, & non baptizatos* sacris initiari, sacrisque Altaribus ad moveri non posse ducitur primum ex can. 19. Concilii Nicaeni de Paullianis Clericis prave baptizatis, ideoque non baptizatis, qui jubentur iterum & baptizari, & ordinari; deinde ex Compendienfi Concilio c. *Si quis* de Presbytero non baptizato; nec non ex Innocentio III. c. *Majores*

res ibidem de Presbytero non baptizato, qui & ipse ex Con. Compendiensi hunc canonem adducit: *Si quis Presbyter ordinatus deprehenderit se non esse baptizatum, baptizetur, & iterum ordinetur*, qui extat & c. *Si Presbyter* 1. q. 1., referturque a Burchardo lib. 4. cap. 74., Ivone p. 1. cap. 268., & Panormiae Autore lib. 1. cap. 96. Collectores Conciliorum exputant hunc esse canonem 9. Compendien. Concilii anno 757. celebrati, qui habet: *Si quis baptizatus &c.* sed perperam, cum illo de Baptismo disponat; hic vero de Ordine; ille a Burchardo, & Ivone dicitur canon 15., hic autem est canon 9., qui & a Fulberto Carnotensi aequali Burchardi tribuitur *Leptinenfi* Synodo anno 743. coactae: est igitur hic canon alterius Concilii *Compendien.* incerti. Refert & Nicephorus Callisti lib. 16. cap. 27. Petrum Fullonem, al. Cnapheum haereticum, & Antiochenae sedis incubatorem ordinasse Hierapolitanis Episcopum quendam *Xenajam* genere Persam conditione servum, & nondum baptizatum, quem & Philoxenum nominavit: ob quod facimus cum se traduci Petrus deprehendisset, dixisse fertur, *sufficere ei pro baptismo consecrationem*: propterea ab Episcopis Persis accusatum scribit Theodorus Lector.

V. *Fictos, & invitos*, coactosque penitus, ut expresse contradicant, & simulat, sacros Ordines non accipere docet Innocentius III. c. *Majores* de Baptismo; ubi edisserit, eum, qui nunquam consentit, sed penitus contradicit; nec rem, nec characterem percipere Sacramenti: sicut & amentes, & dormientes, si ante dormitionem, & amentiam contradixissent: tunc ergo, subjungit Pontifex, *characterem sacramentalis imprimit operatio*; cum obicem voluntatis contrariae non invenit obfistentem: eruiturque etiam ex c. *Gesta*, Ubi ista, Episcopus, Honoratus d. 74., & ex can. 7. Concilii Aurelianen. III., tametsi ibi sermo sit de invitis utcunque. Jo: Scotus 4. d. 4. q. 4. sentit, dissentientem *negative*, aut *contrarie*, aut etiam *indifferenter* se habentem nullo modo Sacramentum accipere; quae de re videre est Philippum Fabrum ejus doctum interpretem. Certe S. Augustinus lib. 7. de Baptismo cap. 53. dubitare se negat, *habere eos baptismum, qui ubicunque, & a quibuscunque illud verbis evangelicis consecratum sine ulla simulatione, & cum aliqua fide accepissent*: quanquam eis ad salutem spiritalem

*non prodesset; si charitate caruissent, qua Catholicae infererentur Ecclesiae: igitur ab opposito sentit Augustinus cum simulatione non haberi baptismum; quemadmodum nec idem haberi potest sine fide. Neque his refragatur, quod S. Gregorius VII. Epist. 36. lib. 1. ad Humbertum Lugdunen. Episcopum scribit praecipiens, ut Alduinum Matifconen. electum ordinet, vel ordinare faciat in Episcopum: si vero ipse hunc ordinem suscipere reuerit; & inflexibilem se exhibuerit; volumus, ut cum Episcopo suo vim sibi inferas; eumque ad recipiendum Episcopalem ordinem vigilantibus studio, atque pastoralis rigore constringas: nam ibi Pontifex non de vi prorsus cogente loquitur; neque de eo, qui penitus obstitat; sed de eo, qui quanaquam constrictus verbis, liber tamen ad dissentiendum manet: quod etiam de nonnullis aliis similibus exemplis, & autoritatibus affirmari debet; cum hoc ipsum autemet & Innocentius memoratus his verbis: is, qui terroribus, atque suppliciis violenter attrahitur, & ne detrimentum incurrat, Baptismi suscipit Sacramentum; talis, sicut & is, qui fide ad Baptismum accedit, characterem suscipit christianitatis impressum, & ipse tanquam conditionaliter voleus, licet absolute non velit, cogendus est ad observantiam fidei Christianae.*

VI. *Ordinatum a pluribus; quorum unus manum imponat; alter vero formam, seu consecrationis verba pronunciet; illicite, & ut ajunt, invalide ordinem suscepisse determinatum est in Concilio Hispalensi II. ad annum 619. a S. Isidoro Episcopo Hispal. congregato c. 5., & c. Quorundam dist. 23. refertur ex Con. Toletano, sed apud Burchardum lib. 1. cap. 3. est ex Con. Bracaren. Sane & Concilium Mechlinense in Belgio anno 1607. celebratum, & a Paulo V. confirmatum habet tit. 3. cap. 6. Et quia frequens experientia docet, modernos haereticos saepe contra receptam Ecclesiae consuetudinem, & antiquissimam traditionem baptizare, uno aquam fundente, alio formam ipsam pronunciante: ab Haereticis, (qui non sunt ad baptizandum admittendi, ubi aliquis Catholicus praesto est) baptizati similiter sub conditione baptizentur; Id autem de caeteris quoque Sacramentis affirmari debet, cum sit de hac re communis consensus; & ratio, quae potest struere pro uno, possit & pro reliquis.*

Si-

Similiter nemo *seipsum ordinare potest, nec confirmare, nec baptizare* ex c. *Debitum* de Baptismo. Nec *non ordinatus* potest unquam esse Ordinis Minister: id autem quare? forsan quia aut hoc loco valet illud effatum: *nemo dat, quod non habet*: aut sic decrevit Ecclesia, & per Ecclesiam Deus; nam extraordinarie dicuntur *Angeli* posse sacros Ordines conferre, & contulisse; ideoque & quicumque, qui a Deo deligerentur, etiam *non ordinati*.

## §. 2. De Bigamis.

VII. **B**igamos ordinari nullo modo posse habemus ex Apostolo 1. ad Timotheum 3., & ad Titum 1., ex can. 17. al. 18. Apostolorum, & ex S. Basilio Epist. can. c. 12., ubi inquit: *Digamos canon omnino a ministerio excludit*: S. vero Ambrosius Epist. 82. lib. 10. ad Vercellenses habet: *Sed prius cognoscamus non solum hoc Apostolum de Episcopo, & Presbytero statuisse; sed etiam Patres in Concilio Nicaeno tractatus addidisse, neque Clericum quenquam debere esse, qui secunda conjugia sortitus sit*: sed cum inter Nicaenos Canones ille non legatur; quis non intelligit, pro Nicaeno Apostolorum Canonem indicare voluisse vel memoria lapsum, vel quod Nicaenus canon ipsi obtrusus fuit? Innocentius I. Epist. 22. ad Macedones c. 1. ait: *Eos, qui viduas accepisse suggerentur uxores, non solum Clericos effectos agnovi, verum etiam usque ad Infulas summi Sacerdotii pervenisse; quod contra legis esse praecepta nullus ignorat. Nam cum Moyses legislator clamatet: Sacerdos uxorem virginem accipiat: ac ne in hoc praecepto aliquid putaretur ambiguum, addidit: non viduam, neque ejectam: contra quod praeceptum Divina auctoritate subnixum nulla defensio mandati alterius opponitur nisi consuetudo vestra . . . Nos autem, omnesque per Orientem, Occidentemque, noverit vestra dilectio, haec penitus non admittere; nec ad ultimum Ecclesiastici Ordinis locum tales assumere; & si reperti fuerint, submovere*: Epist. etiam 4. ad Felicem Nucerinum Episcopum c. 2. id dicit esse contra *legem veterem*, nempe Leviticum c. 21., & Ezech. c. 44.

VIII. Sic paulo ante eum Siricius Papa Epist. 1. ad Himerium Tarracon. Episcopum n. 8. dixerat: *Dei nostri, quantum*



tum in se est, praecepta contemnunt... ubi illud est, quod Deus noster data per Moyſen lege conſtituit dicens: Sacerdotes mei ſemel nubant? & alio loco: Sacerdos uxorem virginem accipiat, non viduam, non repudiatam, non meretricem: quod ſecutus Apoſtolus ex perſecutore praedicator unius uxoris virum tam Sacerdotem, quam Diaconum fieri debere mandavit. Et poſtea Leo Magnus Epist. 1. al. 3. ad Episcopos Campaniae &c. n. 1. ſcripſit: Hos ergo, quicunque tales admiſſi ſunt, ab Eccleſiaſticis officiis, & a Sacerdotali nomine Apoſtolicae ſedis autoritate iubemus arceri: nec hoc enim ſibi poterunt pro arbitrio vindicare, cujus capaces per hoc, quod illis obſtiterat, non fuerant: Epist. vero 87. ad Episcopos Mauritaniae n. 1. Eos enim, qui vel ſecundas nuptias inierunt, vel viduarum ſe conjugio ſociarunt; nec Apoſtolica, nec legalis autoritas Sacerdotium obtinere permittit: cum praemiſſet: nec putandus eſt bonor ille legitimus, qui fuerit de praevaricatione (al. contra praecepta divina) collatus. Innumerae ſunt Scriptorum, Rom. Pontificum, & Conciliorum de hac re autoritates; ſed ad rem noſtram ſatis eſſe puto, quas retuli: unamque tantum addam Concilii Hiſpanlenſis II. ſub S. Iſidoro congregati can. 4., quae eſt huiusmodi: Nunciatum eſt nobis, apud Aſtigitanam Eccleſiam quasdam nuper ordinationes illicitas extiſſe ita, ut quidam viduarum mariti Levitarum miniſterio ſacrarentur; quos quidem convenit a gradu ſuſcepto in irritum devocari; nec ultra provebi ad Diaconi miniſterium, qui contra Divina, atque Eccleſiaſtica jura inſtituti reperiuntur. Quod ſi de jure non ſolum Eccleſiaſtico, verum etiam Divino eſt, non admittere ad ſacros Ordines Bigamos, ac viduarum maritos; quis non videt, horum ordinationes, ſi quando ſient, irritas eſſe, hoc eſt invalidas?

IX. Ea propter Lucius III. c. *Super eo*, & Innocentius III. c. *Nuper*, nec non c. *A nobis* de Bigamis non ordinandis aſſerunt, cum Bigamis diſpensare non licere contra Apoſtolum. Itaque quod legimus apud Autorem Gloſſae in c. *Lector* d. 34. & inde apud S. Thomam 4. d. 27. q. 3., Scotum 4. d. 33. q. 2., & alios; Lucium in hac re diſpenſaſſe cum Archiepiſcopo Panormitano; aut id factum fuiſſe non in vere Bigamo; ſed in eo, qui videtur, & non eſt, atque ſimilitudinario; aut falſum eſt, & Autori gloſſae impoſitum; cum non legatur huiusce-

modi dispensationis diploma. Nam idem Innocentius III. ibidem c. *Debitum*, & c. *Quia circa* rescriptis, ostenditque interdum quae videbatur, non esse bigamiam. Quod autem habet memoratum c. *Lector* d. 34., *Martinum Papam dispensasse Lectorem*, & *Subdiaconum* bigamum, vel viduae maritum: primum caput illud, vel canon non est Martini Papae, sed Martini Bracaren. Episcopi c. 3., Toletanique Concilii l. c. 3., deinde id non est contra Apostolum, qui de *Diaconis* solummodo, *Presbyteris*, & *Episcopis* praecipit 1. ad Timotheum 3., & ad Titum 1., non de ordinandis in *Minoribus* ordinibus, de quibus explicandus est Siricius PP. Epist. 1. ad Himerium n. 15. Et cum Innocentius praedicto c. *A nobis Subdiaconum*, qui cum vidua contraxerat, dispensare noluit; quod diceret, non licere *contra doctrinam Apostoli*; loquitur ex novo jure, quo Subdiaconus factus fuerat unus ex tribus *Ordinibus sacris*, de quibus tantum differit Apostolus: etsi canon 17. al. 18. Apostolorum omnes quoscunque Ordines completi voluit; uti & Siricius laudatus Epist. 1. n. 11., & Innocentius l. Epist. 22. n. 1., sed id jure dumtaxat Ecclesiastico.

X. Hinc elucet, quantopere hallucinati sint & Canonum, & Theologiae Doctores, qui ab Autore Glossae, & c. *Lector* Martino Papae adjudicato decepti literis tradiderunt, *Romanum Pontificem* super quacunque bigamia dispensare posse, seu relaxare, aliterque disponere, ac leges velint; cum id tantummodo legatur factum in bigamia *similitudinaria*, non in vera, neque in *interpretata*. Et cum opponunt; etiam ex Apostolo nec ordinari debere *Neophitum*; & tamen interdum pro ipsis laxatas fuisse praecepti habenas; ordinatosque apparuisse: sciunt legem de *Neophitis* esse solius Apostoli; illam vero de *Bigamis* etiam Divinam esse. Quocirca quod ait S. Thomas Quol. 4. q. 8. art. 1. *manifestum est autem, quod bigamum non promoveri, neque est de lege naturae, neque pertinet ad articulos fidei; neque est de necessitate Sacramenti; quod patet ex hoc, quod si Bigamus ordinetur, recipit ordinis Sacramentum: sed hoc pertinet ad quandam determinationem Divini cultus: unde circa hoc potest Papa dispensare: & §. ad 2. similiter etiam quod dicitur de Bigamo non promovendo, non est juris Divini, sed institutio auctoritatis humanae divinitus homini concessae: aut expli.*

plicandum de Bigamo non vero; aut dimittendum ob ea, quae jam de hoc ejus opere notavi Cap. II. n. 5.

XI. Sed id, quod Alexander Natalis Theolog. Dogmat. & Moral. lib. 2. de Sacramento Ordinis cap. 4. art. 7. ad illud Lucii III. c. *Super eo* respondet, Pontificem significare solum *dispensationis* illius potestatem Episcopo non esse conceditam, sed Rom. Pontifici reservatam; falsum est omnino; cum ipse Rom. Pontifex fuerit requisitus, ut dispensaret; responderitque, *non licere*, quod est hoc loco *non posse*: nam id cum sit contra vel sacros Canones secundum istos; quis nescit, nonnisi ad *Conditorem Canonum* subde Rom. Pontificem pertinere super canonibus dispensare? Deinde non solum ibi de Bigamis *ordinatis* sermo est, sed etiam de eorum *ordinatoribus*: ordinatores autem sunt Episcopi; & Episcopos *dispensare* spectat ad Rom. Pontificem. Tandem si in bigamia *similitudinaria*, quae omnium infima est, nonnisi Papa relaxare potest; quanto magis in aliis duabus bigamiae speciebus: tamen D. Thomas 2. 2. q. 88. art. 1. negat Papam super hac tertia Bigamiae specie dispensare posse. Ceterum c. *Requiritis* 1. q. 7. Autor glossae tradit, quid sit *dispensatio*; & quando Episcopus dispensare valet; quando vero non: c. etiam *Ex multis* 1. q. 3. admonet, solum Papam dispensare posse cum eo, qui scienter est *Simoniacus*: quod si ira de Simoniaco, eo magis de Bigamo. Cum ulterius doceat Innocentius III. Epist. 195. lib. 13. *dispensationem* pro tribus ordinibus sacris uno, eodemque die conferendis *ad solum Romanum Pontificem* sine dubitatione pertinere.

XII. Afferet aliquis adversus ista haec Valentinae Synodi I. anno 374. congregatae Canonem 1., qui est hujusmodi: *Sedit igitur, neminem post hanc Synodum, qua ejusmodi illicitis vel fero succurritur, de Digamis, aut internuptarum maritis ordinari Clericum posse. Nec requirendum; utrumne initiati Sacramentis Divinis, anne Gentiles hac se infelicis sortis necessitate macularint; cum Divini praecepti casta sit forma. Sed quia fratrum nostrorum vel imperitiam, vel simplicitatem, vel etiam praesumptionem damnare non possumus; nec per omnes Ecclesias, quae sunt jampridem male gesta, corrigere: placuit etiam de eorum statu, qui prius ordinati sunt, nihil revolvī; si nulla extrinsecus causa procedat, qua indigni ministerio comprobentur.*

D

Cui

Cui dicendum viderur; aut Synodum loqui de *Clericis* minorum ordinum, non de Diaconibus, ac Sacerdotibus; aut ea usam esse oeconomia, de qua dicitur Cap. vi. n. 16. Similiter S. Basilus Epist. Can. ad Amphilochoium c. 27. scripsit: *de Presbytero, qui per ignorantiam nefariis nuptiis implicatus est, definiri quae oporteat; esse quidem Catbedrae participem, a reliquis autem actionibus abstinere: ei enim sufficit, ut veniam consequatur... nec aliquod aliud sacrum ministerium obeat; sed quod praesideat contentus apud alios, & apud Deum desceat, ut sibi ignorantiae peccatum condonetur.* At primum non satis constat, an nuptiae illae nefariae fuerint vere *bigamia*, an specie tenus; cum, ut n. 9. dixi, interdum quae non est, videatur *bigamia*: deinde cum Presbyter ille nudatus fuerit sui ordinis officio, remansit titulo tenus *Presbyter*, ideoque sine potestate, ac ordine velut administrator, & *Commendatarius*. Nec secus forsitan accipiendum, quod habet Socrates lib. 5. cap. 21. *Digamos* Constantinopoli neque aperte recipi, neque palam removeri: in *Occidentis* vero partibus aperte recipi: alias cum revincit Innocentii I. Epist. 22. ad Macedones supra recitata.

XIII. Posset & nonnullis videri Concilium Agathen. anno 506. secus disposuisse de *Bigamis*, ac velint Canones, legesque memoratae; cum can. 1. habeat: *placuit de Bigamis, aut internuptarum maritis; quanquam aliud Patrum statuta decreverint; ut qui hucusque ordinati fuerint, habita miseratione, Presbyterii, vel Diaconatus nomen obtineant; officium vero Presbyteri consecrandi, & ministrandi Diacones non praesumant: quod & repetitur can. 43. etsi aliquantulum interpolate.* Veruntamen cum *Officii* nomine veniat interdum *Ordo*, ut dictum est Cap. 1. n. 7., igitur qui spoliatur officio, spoliatur & Ordine, seu Ordinis potestate ita, ut titulo tenus tantum sint Presbyteri, & Diaconi; ut dicitur etiam Cap. x. n. 27., quod ita disposuisse Concilium liquet ex eo, quod ait: tantum *Presbyterii, vel Diaconatus nomen obtineant.* Certe Leo Magnus proxime relatus Epist. 87., cum de duobus potissimum agat, de *Bigamis*, & Laicis ad Ordines sacros promotis; *Laicos* scribit quanquam uxores habentes in suis ordinibus posse tolerari; *Bigamos* autem omnino deponendos edixit: sic & Hilarius Papa Epist. 2. ad Ascanium Tarracon. Episcopum n. 4., & Innocen-

centius III. Epist. 146. lib. 11. ad Rectores fraternitatis Romanae. Theodosius vero Imp. anno 448. in edicto suo, quod legitur in Actis Concilii Ephes. cap. 29. contra Nestorium &c., promulgato dicit: *statuimus, ut Irenaeus, qui I. nescio quomodo post secundas nuptias. (sicut accepimus) contra Apostolorum Canonem Tyrriorum Episcopus est creatus, a S. Tyrriorum Ecclesia statim expellatur; ornatusque, & nomine Sacerdotii penitus exutus, privatus in patrio tantum solo vivere permittatur: id est ut Laicus: & Concilium Aurelianense IV. anno 541. can. 10. de Bigamis inquit: illi vero, qui illicite promoti sunt, regradentur: id est gradu, ordineque spoliarentur. Turbare posset & canon 3. Trullanus; sed cum sit Synodi praejudicatae, & 2. Latinis exufflatae, non multum de eo curae nobis erit. Quod autem habet S. Hieronymus Epist. 82. ad Oceanum, erat de re dubia, nondumque discussa; quam post Ambrosius, & Innocentius I. cum Augustino definierunt. De reliquo *Bigamos omni privilegio Clericali nudatos* declaravit Gregorius X. in Lugdunen. Concilio c. *Altercationis* in 6. de Bigamis; adductoque coercionis fori secularis *neque tonsuram, neque habitum clericalem ferre posse* sancivit; quod est meros Laicos esse.*

### §. 3. De non Presbytero &c.

XIV. **I**S, qui *Presbyter* non est, in Episcopum assumi, ordinarique non potest; ut eruitur ex Synodo Hierosolymirana anno 350. in causa S. Athanasii congregata, teste eodem Athanasio Apol. 2., ubi tradit de quodam *Iscbira* Synodum pronunciaſſe: *eum, qui Presbyter non eſſet, contra antiquam traditionem Episcopum nominare conati sunt Ariani*: Theodoretus etiam lib. 2. Hist. cap. 8. tradit Sardicense Concilium anno 347. edixiſſe, *Iſcbiram* ab Arianiſ conſtitutum Episcopum nequaquam verum fuiſſe Episcopum; ejuſque ordinationem eo *irritam* extiſſe, quod antea *Presbyter* non eſſet. Atque quidem hoc modo apud Graecos, & Orientales; ſed apud Latinos adhuc dubitatur, & controvertitur; veriufque videtur, oppoſitum Graecorum eos morem interdum tenuiſſe. Sane in magno, ac univerſali Concilio Francofordienſi anno 794. c. 10. definitum eſt, *ut Gerbodus, qui ſe Episcopum*

*esse dicebat a Magenardo Rothomagenſi Metropolitano Epifcopo ordinatum; confeſſus tamen ſe Diaconum, & Presbyterum non ſecundum canonicam ordinationem ordinatum; ab eodem gradu Epifcopatus, quem ſe habere dicebat, deponeretur.*


XV. Corpore vitiatos turpiter, ac vehementer Ordinibus ſacris inhabiles declarant Eccleſiae Canones, & SS. Patres, non quidem quocunque vitio, ſed inſigni, ac definito correptos, ut habet can. 76. al. 77. Apoſtolorum: *qui vero ſurdus eſt, & coecus, ne ſit Epifcopus, non quaſi pollutus, ſed ne impediatur Eccleſiaſtica.* Quapropter Ditmarus Merſepurgen. Epifcopus lib. 7. prodidit, Benedictum VIII. PP. anno circiter 1014. in Ravenna duos, & Romae totidem Synodali iudicio depoſuiſſe ab Archiepiſcopo Leone jam muto conſecratos: quod eſt irritas, ac invalidas cenſuiſſe ordinationes ab Archiepiſcopo Ravennae Leone, qui jampridem murus erat, peractas: & Joſcorus 4. d. 13. q. 2. edocet & mutos, & amentes conſecrare non poſſe ob defectum, illos pronunciandi formam, iſtos vero intentionis, quod uſu venire neceſſe eſt & in ordinatione non ſolum iſtis; ſed etiam iis, qui manibus ſunt truncis ob defectum adhibendi materiam; quod & docuit Innocentius III. c. *Expoſuiſti* tit. de corpore vitiatis. De quibus omnibus videri poſſunt & Innocentius I. Epif. 4. Nucerinus Epifcopo Felici n. 1., & Gelatius I. Epif. 9. ad Lucaniae Epifcopos n. 16., Concilium Aurelian. III. can. 6., & Romanum ſub Hilario Papa anno 465. can. 3., quò inquit: *quiſquís talium conſecrator extiterit, factum ſuum diſſolvet:* id autem eſt, nullum, irritumque eſſe, quod fecit, agnoſcet: extratque & c. *Si evangelica* diſt. 55., ut & ejusdem PP. Hilarii Epif. 2. ad Aſcanium Epifcopum Tarraconen. n. 4. Inſuper *Energumenos, & Arreptiſios* ab Eccleſiaſticis Ordinibus rejiciunt Canones 78. Apoſtolorum, 29. Illiberitani Concilii, 16. Arauſicani l., 41. Arelatenſis II., 6. Aurelianenſis III., & 13. Toletani XI., nec non Gelatius I. Epif. 9. n. 19., & Gennadius Maſſilienſis lib. de Eccleſ. Dogmat. cap. 39. al. 72.

XVI. *Electum* etiam, & ſine quadam inqueſtione praemiſſa confirmatum illicite, ac invalide ordinari ſanxit Bonifacius VIII. in 6. c. *Provida conſideratione* de electione dicens: *Cum nonnulli conſeſſione hujusmodi abuſentes... ad confirmandas electiones*

cliones, & consecrandos electos temere procedendo: Nos super hoc expressius providere volentes confirmationes, & consecrationes huiusmodi... decernimus nullius penitus existere firmitatis; & confirmantes, & consecrantes eosdem, ut in eo, in quo peccaverint, puniantur, ab Episcoporum confirmatione, ac consecratione per annum continuum ipso jure fore suspensos: ad quae Glossa inquit: Ponamus, quod superior confirmet electionem sine tali inquisitione, an valeat consecratio postea secuta? Respondet (Pontifex) quod non; immo talis ordo est substantialis ipsius confirmationis; videlicet quia requiritur, quod praemittatur illa inquisitio: & in Addit. ibidem habetur, notaturque, quod consecrationem praecedere debet confirmatio, alias non valet consecratio tit. de dolo, & contum. Cum olim... patet ergo, quod non tenuit consecratio. Sed & ad insequens c. Si eo tempore de electione admonet glossa, quod si Papa sibi provisionem Ecclesiae Cathedralis reservavit; licet electio non sit nulla; tamen omnia, quae sequuntur illam reservationem, sunt nulla ipso jure: ideo si electus velit habere confirmationem, & consecrationem; opus est, ut adeat Apostolicam Sedem; alias consecratio nulla foret. Nec multum dissimile videtur id, quod legimus c. In plerisque de electione, & electi potestate in Clementinis.

## C A P U T IV.

*De illicitis ordinationibus eorum, de quibus lex relaxari potest, ac dispensari.*

- I.  Ebaptizatos, nec non extra Ecclesiam baptismo initiatos sacris Ordinibus nequaquam idoneos esse discimus ex Innocentio I. Epist. 22. ad Macedones Episcopos illis verbis: nostrae vero lex est Ecclesiae, venientibus ab Haereticis, qui tamen illic baptizati sunt... nec ex his aliquem in Clericatus honorem vel exiguum subrogare. Item ex S. Augustino lib. de unico Baptismo cap. 12., Leone Magno Epist. 3. al. 14. ad Januarium Aquilejen. Episcopum, Felice II. al. III. Epist. 7. ad omnes Episcopos, qui praecipit, ne rebaptizati, aut extra Catholicam Ecclesiam baptizati

zati prorsus ad Ecclesiasticam pervenire militiam permittantur: mox Gelasius I. in suo Decreto, seu Epist. ad Brundusinos, Concilium Toletanum IV. c. 18., Carthaginense V. c. 11., & VI. sub Aurelio Episcopo can. 27. Cod. Afric., & c. *Confirmandum* d. 50., Gregorius Magnus Epist. 25. lib. 2. ad Jo: Scyllatinum Episc., Gregorius II. Epist. 3. al. 4. ad Thuringios, & Theodorus Cantuarien. Episcopus in Poenitentiali c. *Quibus* de Consecrat. dist. 4. idem docuerunt, & docendo firmaverunt. Item *minime licebat quemquam in lecto propter morbum baptizatum in Clerum assumi*; quemadmodum affirmat S. Cornelius Papa ad Fabium Antiochenum Episcopum de *Novatio* Schismatico scribens apud Eusebium lib. 6. cap. 35., quod asserit & Concilium Neocaesariense can. 12., quo cavetur, ne talis saltem *Presbyter* fieret. Sicut & omnes, qui peregre fuerint baptizati, eo quod eorum minime sit cognita vita, placuit ad Clerum non esse promovendos in alienis Provinciis: inquit Illiberitanum Concilium can. 24., qui extat & c. *Omnes qui* d. 98.

#### §. 1. De privatis Ordinationibus.

II. **S**ine Synodo, & assensu Metropolitanis Antistitis Episcopus olim non ordinari poterat, nec Clericus initiari: Quare S. Cyprianus Epist. 68. ad Emeriten., & Asturicen. Legionensemque Ecclesias scripsisse scitur ita: *videtur de Divina autoritate descendere, ut Sacerdos plebe praesente sub omnium oculis deligatur; & dignus, atque idoneus publico judicio, ac testimonio comprobetur: sicut in Numeris Dominus Moysi praecepit ... instruit, & ostendit ordinationes Sacerdotes non nisi sub populi assistentis conscientia fieri oportere, ut plebe praesente ... sit ordinatio justa, & legitima, quae omnium suffragio fuerit examinata. Nec hoc in Episcoporum tantum, sed & Sacerdotum, & iu Diaconorum ordinationibus observasse Apostolos animadvertimus. Propter quod diligenter de traditione Divina, & Apostolica observatione observandum est, & tenendum, quod apud nos quoque, & fere per Provincias universas tenetur; ut ad ordinationes rite celebrandas ad eam Plebem, cui Praepositus ordinatur, Episcopi ejusdem Provinciae proximi quique conveniant; & Episcopus deligatur plebe praesente: & Epist. 52. ad Antonianum*



num: factus est Cornelius Episcopus... de Clericorum pene omnium testimonio, de plebis, quae tunc affuit, suffragio; & de Sacerdotum antiquorum, & bonorum virorum collegio. Sane Isaac Armenorum Catholicus, vel Archiepiscopus, & Primas, qui anno 1140. vivebat, cum a suis ad Graecos defecisset, in 1. adversus ipsos Armenos *Invektiva* cap. 13. asserit: quod Armenii neque ordinationem babeant, sed ab omni Sacerdotio sint alieni, liquet: Nam... in innumeras prolapsi haeresees, & extranei facti ab Ecclesia Catholica; cum non accipiant ordinationem ab Ecclesia Caesariensi, nonne omnino profani sunt, & Laici? Erat enim Caesarea Cappadociae Metropolis totius Dioecesis Ponticae, in qua & Armenia continebatur, suberatque ordinationibus Exarchorum, seu Archiepiscoporum Caesareae.

III. Nicaeni Concilii canon 4. ad Episcopi consecrationem complures jubet adesse Episcopos; & canon 6. habet: illud generaliter est clarum; quod si quis praeter sententiam Metropolitanam fuerit factus Episcopus; hunc magna Synodus defuivit, Episcopum esse non oportere: quod est invalide esse ordinatum. Sic & Antiochenum Concilium can. 19. statuit: Episcopus non ordinetur absque Synodo, & praesentia Metropolitanam Provinciae... sin autem aliter praeter haec, quae decreta sunt, fiat; non valeat ordinatio: ex versione Herveti; vel nullas ordinatio vires habeat: ex illa Dionysii; quod in idem recidit, ac invalidum esse. Nec aliud sensit Leo Magnus Epist. 92. ad Rusticum Narbonen. Episcopum n. 1. inquires: Nulla ratio finit, ut inter Episcopos babeantur, qui nec a Clericis sunt electi, nec a Plebibus expetiti, nec a Provincialibus Episcopis cum Metropolitanam iudicio consecrati: unde cum saepe quaestio de male accepto honore nascatur; quis ambigat, nequaquam istis esse tribuendum, quod non docetur fuisse collatum? ut & Gregorius Magnus Epist. 15. lib. 3. Dalmatiae Episcopis praeciens, ne cui sine suo consensu in Salonitana urbe manus imponere; aut ordinare praesumerent. Quod si contra haec quidpiam... tentaveritis agere; decernimus vos a Domini corporis, & sanguinis participatione privatos: nec is, quem ordinaveritis, babeatur Episcopus: idque tri Metropolitanus. Quibus consentientes sunt Siricius PP. Epist. 4. n. 1., Innocentius I. Epist. 2. n. 1., Zosimus Epist. 5. & 6., Bonifacius I. Epist. 3., Hilarius Epist. 2.

n. 1., & Joannes VIII. Epist. 70. ad Aribertum Ebredunen. Episcopum, in qua Caelestini I. Epist. 1., & Leonis M. 88. & 92. adducit; concordantque Concilia Laodicenorum c. 12., Carthagin. II. cap. 11., & IV. c. 22., Rejenſe c. 3., Arauſican. I. c. 21., & Toletanum IV. c. 18., atque Romanum Eugenii II. an. 826. c. 5. Scripsit quidem S. Hilarius Papa Epist. 2. ad Ascanium Tarracon. Episcopum n. 4. *ordinatos ergo nunc Episcopos, qui licet te ignorante procelli sunt, cum suis autoribus meruerunt submoveri; hac ratione firmamus, si nec viduarum maritus fuerit quisquam &c.*, quasi qui sine Metropolitanis auctoritate facti fuerant Episcopi, aut *valide ordinati* essent; aut si *invalide*, Rom. Pontificis potestate firmari, ac instaurari valeant: Sed id ea ratione factum affirmo, quam Cap. VI. n. 16. producam.

IV. Huc spectat illud, quod legitur de *Paulino* Antiochenae Ecclesiae Episcopo; qui cum anno 389. *Evagrius* sibi successorem constituisset, suisque manibus Episcopum solus consecrasset; Antiochena Ecclesia talem ordinationem utpote *contra Canones* factam aspernata est, irritamque censuit; & exinde ad eam ex illis *Evagrianis* accedentes iterum ordinare non dubitavit; donec sub Innocentio I. res ad concordiam deducta est; uti docet ejusdem Innocentii Epist. 14. ad Bonifacium Presbyterum de *Antiochena Ecclesia*: quae Romam ad ipsum Innocentium PP. missis Legatis ita pacem postulavit, & meruit; ut & *Evagrianos* suis ordinibus, ac locis intemerata ordinatione, quam acceperant a *Memorato*, susciperet; & *Joannis* (Chrysostomi) sanctae memoriae vel Clericos, vel Laicos in unum colligeret, atque congregaret; promittens ipsius Civitatis Episcopus frater meus *Alexander*, etiamsi quis forte vel a nobis, vel aliunde posterioris ordinationis ad eosdem venerit, se suae controversiae recepturum; ac nomen Episcopi *Memorati* inter quiescentes Episcopos recitaturum. De qua re agit & Theodorus Hist. lib. 3. cap. 5., & lib. 5. cap. 35., ubi de *Alexandro* Antiochenae Ecclesiae Episcopo anno 413. assumpto scribit: *idemque factionem magni Eustathii causa inchoatam, (quae quo minus jam pridem esset cum reliqua Ecclesia denno sociata, Paulinus impedimento fuit, & post eum Evagrius,) sua persuasione, & consilio caetero Ecclesiae corpori adjunxit.* No-

tare est autem, Innocentium tradere, *Evagrianos suis ordinibus, ac locis intemerata ordinatione* suscipi ab Alexandro; & ob hanc causam ab Romana Ecclesia pacem cum meruisse: igitur antea Evagrianorum ordinationes temerabantur, hoc est iterabantur ab Antiochena Ecclesia; nam *Evagrium* ( ut ut nonnulli conscripserint ) contra Canones ordinatum fuisse & Theodoretus laudatus affirmat lib. 5. cap. 23., & S. Ambrosius Epist. 78. lib. 10. non diffiteri videtur scribens ad Theophilum Alexandr. Episcopum.

V. Rhemense Concilium anno 624. can. 25. decrevit; *ut decedente Episcopo in locum ejus non alius subrogetur, nisi loci illius indigena, quem universale, & totius populi votum, ac Provincialium voluntas assenserit: aliter qui praesumserit; abjiciatur e sede, quam invasit potius, quam accepit: cur abjicitur e sede, seu deponitur velut intrusus, nisi quia ex Antiocheno Concilio ordinatio illa non valet? & ille Episcopus esse non debet ex Nicaeno? Cum anno 885. Lingonen. Episcopus Isaac diem obiisset; & Aurelianus Lugdunen. Metropolitae, Clero, populoque inconsulto, Egilonem quendam Monachum nuper de seculo venientem in Episcopum ordinasset: eo protinus vita functo, Clerus, & populus Lingonensis Teuthboldum sibi Praefulem delegit; quem quia Lugdunen. Archiepiscopus consecrare differebat, vel nolebat, ordinavit Stephanus V. al. VI. scribens: *Nos autem; qui omnium Ecclesiarum in B. Petro Apostolorum Principe curam suscepimus; scientes inter Episcopos non haberi eum, qui neque a Clero, neque a populo est expetitus; saepeditum Teuthboldum venerabilem Diaconum ipsorum lamentabilibus precibus inclinati Lingonensi Ecclesiae Episcopum consecravimus: ut apud Frodoardum est Hist. Rhemen. lib. 4. cap. 1. Similiter Concilium Rom. a Gregorio V. anno 998. coactum can. 5. de Stephano Vellaven. Episcopo in Britannia statuit; eum omni ordine sacerdotali carere, quod a Widone Antistite suo avunculo, ac praedecessore fuerit electus; & post illius obitum a duobus tantum Episcopis consecratus, atque successor datus sine Cleri, populi que consensu, ac voluntate.**

VI. Quocirca Nicolaus II. Epist. 2. ad Gervasium Rhemen. Archiepiscopum scripsit de quodam Belvacensis Episcopa-

parus in vasore: *Audivimus relatione multorum, quod Belvacensis Episcopus contra statuta Canonum sine vobis, & sine vestro assensu fuerit consecratus, immo execratus; & quod pejus est, ad Episcopatum sublimatus &c. execratus autem est non consecratus. Concilium vero Romanum V. S. Gregorii VII. an. 1078. can. 5. ita sanxit: ordinationes . . . quae non communi consensu Cleri, & populi secundum Canonicas sanctiones fiunt; & ab his, ad quos consecratio pertinet, non comprobantur; infirmas, & irritas esse dijudicamus. Quid est autem infirmas, nisi invalidas? quod si invalidas, ergo & nullas Concilium dixit. VII. item Concilium Rom. ejusdem S. Gregorii anno 1080. can. 6. decretum hujuscemodi condidit: Quoties defuncto Pastore aliquis Ecclesiae alius est ei canonice subrogandus instantia visitatoris Episcopi, qui ei ab Apostolica, vel Metropolitana Sede directus est: Clerus, & populus remota omni seculari ambitione, timore, atque gratia, Apostolicae Sedis, vel Metropolitanus sui consensu Pastorem sibi secundum Deum eligat. Quod si corruptus aliquo vitio aliter agere praesumpserit, electionis perperam factae omni fructu carebit; & de caetero nullam electionis potestatem habebit: electionis vero potestas omnis in deliberatione Sedis Apostolicae, sive Metropolitanus sui consistat. Si enim is, ad quem consecratio pertinet, non rite consecrando teste B. Leone gratiam benedictionis amittit: consequenter is, qui ad pravam electionem declinaverit, eligendi potestate privatur. Quibus cum electio consecrationi comparetur; si prava electio invalida, ac nulla statuitur; nulla quoque erit similis consecratio.*

VII Nam & anno 1082. cum Hugo Dicensis Episcopus Sedis Apostolicae Legatus in Meldenſi Synodo Robertum Abbatem Resbacen. Meldenſibus Episcopum ordinasset; quia sine Senonen. Archiepiscopi Richerii, ac Provincialium Episcoporum consensu id fuerat patratum; irrita, atque invalida pronunciata est ea consecratio: Robertus ille sacra communione multatus ab Archiepiscopo, ejusque suffragatoribus; & anno 1085. Walterus in Episcopum Melden. ordinatus ab eodem Archiepiscopo, aliisque illius Provinciae Antistitibus sedit usque ad annum 1102., Robertus vero in regimine suae Abbatiae decessit anno 1095. ex Clarii Chronico, & Annal. Bened. Sed & anno 1093. cum Mediolanensis Archiepiscopus

An-

Anselmus III. vivere desiisset, ei sufficitur *Arnulphus*, al. *Arnoldus* a Porta argentea ab uno tantum Catholico Episcopo consecratus, teste Synchrono Anonymo Vitae Urbani II. Papae Autore; propterquod a Legato Sedis Apostolicae abdicatur, rejiciturque; quemadmodum scripto tradidit Sigonius lib. 9. de Reg. Italiae: sed Urbano II. Placentiae magna Synodo celebrata Mediolanum biennio post progresso, *Arnulphum* diu quidem electum, sed nondum consecratum eodem tempore ex concessione Domini Papae Mediolani consecraverunt Saltsburgensis Archiepiscopus, & Patavienſis, ac Constantienſis Episcopi, inquit Bertholdus Constantienſis in Chronico; qui ab uno consecratum appellat electum, non ordinatum.

VIII. Hoc loco referri potest & illud Concilii Romani II. a S. Gregorio VII. anno 1075. celebrati; in quo statutum fuit: *Si quis deinceps Episcopatum, vel Abbatiam de manu alicujus personae laicae susceperit, nullatenus inter Episcopos, vel Abbates habeatur... similiter etiam de inferioribus Ecclesiasticis dignitatibus constituimus*: idque dicitur factum ex Patrum exemplis videlicet VII. Synodi Oecumenicae, & VIII. Concilii universalis: Septima namque can. 3. habet: *omnis electio Episcopi, Presbyteri, vel Diaconi a Principibus facta irrita maneat secundum regulam, quae dicit: si quis Episcopus secularibus Potestatibus usus Ecclesiam per ipsos obtinuerit, deponatur, & segregetur &c.* qui est canon 30. Apostolorum confirmatus ab Antiochena Synodo: idipsum in suo VII. Romano Concilio anno 1080. constituit idem Gregorius VII., & in Beneventano anno 1087. Victor III., Paschalis vero II. etiam memoratum Canonem Apostolicum adduxit Epistola 22. ad Henricum Regem contra *Investituras* edita; qui & ratum habuit constitutum Concilii Viennensis anno 1112. a Guidone Archiepiscopo, & Sedis Apostolicae Legato, ac postmodum Callisto II. cum pluribus Archiepiscopis, & Episcopis factum his verbis: *Investiturarum Episcopatum, & Abbatiarum, & omnium Ecclesiasticarum rerum de manu laica S. Romanae Ecclesiae auctoritatem sequentes haeresim esse judicamus.*

## §. 2. De Servis.

IX. **S**ervos, seu mancipia ab Ordinibus sacris prohiberi liquet ex can. 81. Apostolorum: *Servos in Clerum praeberi sine voluntate Dominorum non permittimus*: ex Concilio Eliberitano can. 8., Leone M. Epist. 1. ad Campaniae Episcopos; & Gelasio I. Epist. ad Brundusinos, & 9. ad Lucaniae Episcopos, ut & c. *Quis aut leges, ac Ex antiquis d. 54.*, ubi dicit, id cautum in moderno Concilio, quod tantorum virorum collectione Pontificum sub omnium saluberrimae provisionis assensu constat esse perfectum: & quamquam addit: *si quis jam ex his (servis) Presbyter reperitur, in eodem gradu peculii sui (al. sola) amissione multatus maneat*: Diaconus vero aut Vicarium praestet; aut si non habuerit, ipse reddatur: nec dissimilia habet c. *Frequens* ibi: tamen Concilium Altheimi an. 916. al. 931. a Legatis Sedis Apostolicae, ac tribus Germaniae Archiepiscopis cum Episcopis, Abbatibus, aliisque multis celebratum can. 38. sanctionem edidit: *si enim propter Dei dilectionem quis de servis suis quenquam elegerit, & docuerit literas, & libertati condonaverit; & per intercessionem erga Episcopum Presbyterum effecerit: ille autem postea in superbiam elatus Missam Dominis suis, & Canonicas horas observare, & psallere renuerit... accusetur apud Episcopum, qui eum ordinavit, & degradetur; & fiat servus illius idem Domini sui, sicut natus fuerat &c.*, cui consonat Concilium Triburien. c. Nulli d. 54. illis verbis: *porro servus non canonice consecratus; postquam de gradu ceciderit; ejus conditionis sit, cujus fuerat ante gradum*. Numquid autem qui celebrandi, sacrificandique potestatem servat; estque verus Sacerdos; ad conditionem servi, atque mancipii ab Ecclesia detruderetur? Nec est, quod dicant, servare cum Sacerdotii characterem: quoniam, ut supra docui, Presbyter non *charactere* solo constituitur, sed *potestate*; qua sublata Presbyter ulterius appellari non debet; sed quondam Presbyter.

X. His adjungi possunt Epist. 4. Innocentii I. Felici Nucerino Episcopo scribentis n. 3. *de Curialibus autem manifesta ratio est, eos ordinari non posse; propterea quod cum additi*  
sint

sint Curiae, reddi deberent, si quando repeterentur, uti *Servi*: & Concilia Aurelian. I. anno 511. can. 5., Arvernense II. can. 6., Toletanum IV. can. 18. & 72., Triburiense can. 29., & Martinus Bracarenfis can. 46., Gregorius Magnus Epist. 25. lib. 2., & Gregorius II. Epist. 4. ad Thuringios; nec non c. *Nullus*, & *de Servorum* d. 54., item c. *Instruendi, de famulis, de servorum*, & *Consuluit De servis non ordinandis*; & c. *Ut filii* de filiis Presbyterorum. Sed illud non omittendum omnino, quod Concilium Bituricense anno 1031. constituit can. 11. inquit: *Ut Episcopi, quando faciunt Ordines, vel Clericos, audiente populo excommunicent; ut nullus eis offerat ad Clericatum filium Presbyteri, neque Diaconi, neque Subdiaconi; neque Servos, neque Colibertos nisi libertate donatos. Et si cuiquam de talibus sacrum Ordinem, aut Clericatum ignoranter tribuerit Episcopus; mox ut cognitum fuerit, Archidiaconus deponat eos; quia irrita est illicita ordinatio, sicuti Sancti Patres dixerunt: irritum autem diximus idem esse, atque invalidum, & nullum.*

§. 3. *De subditis alienis &c.*

XI. **A** *Lienas subditos, alienaeque Dioecesis Clericos, vel in aliena Dioecesi ordinare vetuit Nicaena Synodus; irritum, infirmumque, si fieret, edixit can. 16. huiusmodi: Sin autem etiam ausus fuerit quispiam eum, qui ad alium pertinet, surripere, & in Ecclesia ordinare, non consentiente proprio Episcopo, a quo recessit; qui in Canone censetur, irrita sit ordinatio: sic & Sardicense Concilium can. 19. Ut quicumque ex alia Parochia voluerit alienum Ministrum sine consensu Episcopi ipsius, & sine voluntate ordinare; non sit rata ordinatio ejus: ex versione Dionysii, sed graecus textus ab Herveto conversus can. 15. habet: Si quis Episcopus ex alia Paroecia velit alienum Ministrum sine consensu Episcopi proprii in aliquo gradu constituere; irrita, & infirma ejusmodi constitutio existimetur. Carthaginense vero v. Con. can. 13., qui est. can. 8. Cod. Afric., & c. Si quis d. 58. decernit: Si quis de alterius Monasterio susceptum vel ad Clericatum promovere voluerit; vel in suo Monasterio Majorem Monasterii constituere; Episcopus, qui hoc fecerit, a caeterorum communione se junctus suae tantum plebis*

*communione contentus sit; & ille neque Clericus; neque Praepositus perseveret: At nullo modo pertulisset Praepositus; ergo & nullo modo Clericus. Praeterea in Moguntino Concilio il. anno 888. statutum fuit can. 14. Nullus Episcopus alterius Parochianum praesumat retinere, aut ordinare absque ejus voluntate, vel judicare: quia sicut irrita ejus erit ordinatio, ita & judicatio. Quoniam censemus nullum alterius judicis nisi sui sententia teneri; nam qui eum ordinare non potuit, nec judicare ullatenus poterit: affigiturque etiam Sixto II. Epist. 2., nec non Callixto I. c. Nullus primas 9. q. 2. interpolate tamen. Concilium autem illud generale fuit Germaniae a tribus Archiepiscopis Moguntino, Colonienſi, & Trevirensi cum Episcopis suis, & Abbatibus celebratum: porro si judicatio fuisset irrita prorsus, & omni ex parte; ita & ordinatio, & non dumtaxat quantum ad executionem.*

XII. Apostolorum canon 34. al. 36. tradit: *Episcopum non audere extra terminos proprios ordinationes facere in Civitatibus, & Villis, quae illi nullo jure subjectae sunt: si vero convictus fuerit fecisse praeter eorum conscientiam, qui Civitates, & Villas detinent; & ipse deponatur; & qui ab illo sunt ordinati: sed can. 13. Antiochenus ita poenam ordinatoris expresse: irrita quidem, quae ab eo geruntur, existant; ipse vero... damnatus a sancto Concilio: & can. 22. habet: Episcopus in alienam Civitatem, quae ei subjecta non est, non ascendat; nec in Regionem, quae ad eum non pertinet, ad alicujus ordinationem; nec Presbyterum, vel Diaconum constituas in locis alii Episcopo subjectis nisi cum voluntate proprii illius Regionis Episcopi: si quis tale quid ausus fuerit, infirma sit ordinatio; & ipse a Synodo puniatur: juxta translationem Herveti; vel irrita sit ejus ordinatio, ut placuit Dionysio. Idipsum vetuerunt & Siricius Papa Epist. 4. ad Afros n. 6., & Innocentius I. Epist. 2. ad Vietricium Episcopum Rothomagen. n. 7., Concilia itidem Carthaginienſe III. can. 21. & 44., Taurinense can. 7., Arausicanum I. can. 8., Turonense an. 361. can. 9., Veneticum an. 465. can. 10., Ephesinum can. 8., Toletanum XII. can. 4., ac XIII. can. 11., & Romanum Zachariae Papae an. 743. can. 11.*

XIII. Quum Aegidius Rhemorum Antistes, ac Belgicae Il. Metropoliſta Presbyterum quendam *Promotum* nomine confe-

cras-



crasset Episcopum Dunensis Castri vulgo *Chateau Dun* in agro Carnutino; qui locus nec ad Rhemensem Dioecesim, nec ad Belgicam il. pertineret, sed ad Ecclesiam Carnutinam, Sennonensemque Provinciam; idque, quantum conjicere licet, opera Sigeberti Francorum Regis: anno 573. magna est Pariliis Synodus coacta; cui interfuere quatuor Archiepiscopi, ac undetriginta Episcopi, quorum vii. vel in Tabulis Ecclesiasticis, vel suis in Ecclesiis pie coluntur; deditque ad memoratum Aegidium literas his verbis: *indicamus, ut Presbyterum ipsum nomine Promotum; qui omissa severitate Canonica a vobis dicitur tam temere consecratus, ut iuste debeat de gradus ipsius dignitate deponi, sicut canonum constituta sanxerunt; ad vos evocetis, vel vobiscum retineatis, ut injuriam nec Ecclesiae, nec Sacerdoti suo ulterius debeat irrogare...* Idcirco noverit beatitudo vestra hoc apud universum praesenti tempore Concilium constitutum; ut si memoratus Presbyter aut propria contumacia, aut cujuscunque potestatis assentatione in praedicta Dunensi Ecclesia praesumpserit sub hujus subrepti honoris argumentatione ulterius residere; vel res Ecclesiae ipsius amplius usurpare; aut Altaria benedicere; infantes confirmare; vel ordinationes per quasque Parochias facere; aut Episcopo suo fratri vestro Domno Pappulo (Carnutino) resistere prava intentione praesumpserit; ab omni coetu Episcoporum, vel a communionis consortio perpetuo anathemate feriatur: & frater noster Domnus Pappulus Episcopus, vel Ecclesia Carnotina Parochias, quas hucusque habuit sub sua ordinatione, debeat auxiliante Domino gubernare &c. Quae literae & apud Gregorium Turonen. lib. 7. cap. 17., & in Conciliorum Collectione leguntur; ostenduntque, quum Concilium Promotum illum nonnisi Presbyteri titulo cohonestavit; Patres Gallicanos censuisse nullam, & invalidam ejus ordinationem fuisse.

XIV. Vermerienſe tandem in Gallia Concilium an. 753. congregatum hoc edidit decretum can. 14. *Ut ab Episcopis ambulantiſ per patrias (ideſt per Regiones) ordinatio Presbyterorum non fiat: ſi autem (facta ordinatione) boni ſunt illi Presbyteri; iterum conſecrentur*: cur hoc, niſi quia irrita, & invalida fuit conſecratio? Concilium vero Vernenſe l. itidem in Gallia biennio poſt celebratum can. 13. ita habet: *De Epiſco-*

*scopis vagantibus . . . placuit juxta constituta SS. Patrum, ut nec in alterius Parochia ministrare; nec ullam ordinationem facere debeant sine jussione Episcopi, cujus Parochia est: & si hoc facere praesumpserint, ab officio suspendantur interim, quod ad Synodum exinde venerint, & ibidem secundum canonicam institutionem accipiant sententiam* S. etiam Innocentius I. Epist. 23. ad Tolletanam Synodum can. 2. scripsit: *Rufinus, & Minicius in alienis Ecclesiis contra Nicaenos Canones Episcopos usurpaverunt ordinare . . . & quia perperam facti sunt; intelligant id, quod vitioso initio adepti sunt, se diutius obtinere non posse: id est deponendos esse.* Tridentinum tamen Concilium sess. 23. de Reformat. cap. 8. jure novo, atque mitiori tantum suspensionis poenam hujuscemodi ordinationibus infligit, & sess. 14. de Reformat. cap. 2. inquit: *Nemo Episcoporum, qui titulares vocantur, etiam si in loco nullius Dioecesis, etiam exempto, aut aliquo Monasterio cujusvis Ordinis resederint, aut moram traxerint, vigore cujusvis privilegii sibi de promovendo quoscunque ad se venientes pro tempore concessi, alterius subditum etiam praetextu familiaritatis, continuae commensalitatis suae absque sui proprii Praelati expresso consensu, aut literis dimissoriis ad aliquos sacros, aut minores Ordines, vel ad primam Tonsuram promoveri, sive ordinare valeat* Contrafaciens ab exercitio Pontificalium per annum; taliter vero ordinati ab executione Ordinum sic susceptorum, donec suo Praelato visum fuerit, ipso jure sint suspensi: quanquam multo ante suspensionis poenam adhibuit Innocentius III. Epist. 11. lib. 14., & Epist. 218. lib. 15.

§. 4. *De ordinatis sine titulo.*

XV. **S**ine titulo, ac loco Ecclesiasticos Ordines suscipere ita prohibuerunt antiqui Canones, ut irritam, ac nullam voluerint eam ordinationem esse. Canon enim 6. Chalcedonenſis vetat, *neminem absolute ordinari nec Presbyterum, nec Diaconum . . . nisi specialiter in Ecclesia Civitatis, aut Pagi, aut in Martyrio, aut Monasterio, qui ordinandus est, pronuncietur. Eos autem, qui absolute ordinantur, decernit S. Synodus irritam, ac invalidam habere hujusmodi manum impositionem: juxta Herveri versionem: extatque & c. Neminem d. 70., & Leo*

Leo Magnus Epist. 92. ad Rusticum Narbonen. Episcopum. n. 1. confirmat scribens: *aliter autem vana habenda est creatio (Clericorum), quae nec loco fundata est, nec autoritate munita.* Quapropter Carolus M. anno 789. in Capitul. Aquisgranen. n. 25. renovans hunc Canonem Chalcedonen. inquit: *horum ordinationem constituit S. Synodus inefficacem; quod est invalidam: & Ratisponen. Concilium (si verum est,) anno 803. ex rescripto, sententiaque Leonis III. Papae censuit, Choroepiscopos ideo non esse Episcopos praeferri, quia nec ad quandam Civitatis Episcopalem sedem titulati erant; ut legitur cap. 4. & 6. Capitularium Regum Franc., ducique etiam videtur ex praefari Concilii Chalcedonen. can. 10., & magnum, ac universale Concilium Francofordien. anno 794. can. 28. & ipsum de Clericis edixit, ut non absolute ordinentur.*

XVI. Nam c. *Sanctorum Canonum* d. 70. ex Concilio Placentino ab Urbano II. anno 1095. coacto perspicue docetur: *Sanctorum Canonum statutis consona sanctione decernimus; ut sine titulo facta ordinatio irrita babeatur; & in qua Ecclesia quilibet titulatus est, in ea perpetuo perseveret: omnino autem in duabus aliquem titulari non licet: Nec duos in una; sicuti jam sanxerat Nicaena Synodus 1. can. 8. de Catharis, ne duo in una Civitate noscantur esse Episcopi; & Chalcedonen. Concilium can. 10. ne Clerici in duabus conscribantur Ecclesiis: ut & Hilarius PP. Epist. 2. ad Ascanium Episcopum, & Synodus VII can. 15. Hinc cum M. de Chimelejo in Abricensem Episcopum fuisset electus, & a Metropolitano suo confirmatus aliquandiu eam administrasset Ecclesiam; inde a Turonensi Archiepiscopo ad Andegavensem Cathedram Episcopalem translatus, & consecratus extitisset, facta ei etiam ad id a Rothomageni Metropolitano suo potestate; Innocentius III. ea de re Epistolam 533. lib. 1. dedit Decano, & Capitulo Andegavensi hoc exemplo: *Nos super facto ejus cum fratribus nostris communiter tractatum habentes, & subtiliter indagantes, quod licet munus sibi consecrationis impensum nec prioris Ecclesiae ipsum Pontificem fecerit, nec secundae; cum ad primam non fuerit consecratus; & ad secundam, prioris vinculo perdurante, non potuerit canonice consecrari adhuc alteri alligatus conjugatu: illud tamen &c.* Idemque Innocentius c. *Per tuas nobis de**

simonia respondit; quendam in Subdiaconum ordinatum quidem *cum titulo*, sed & *cum pacto* non petendi quicquam ab eo, non debere in suscepto Ordine ministrare, nec ad superiores ascendere *sine dispensatione*.

XVII. Si quidem Lateranense ul. Concilium anno 1179. sub Alexandro III. factum can. 5. rem ita temperavit, ut caveret quidem, ne quis ordinaretur *sine titulo certo*, sed ordinationem *irritam* minime pronunciavit; verumtamen ut ordinator Episcopus Ordinatis providere teneretur; quod postea Londinense Concilium anno 1200. can. 5. exscripsit; confirmavitque etiam praedictus Innocentius III. Epist. 76. lib. 1. Zamoren. Episcopo scribens: *licet autem praedecessores nostri ordinationes eorum, qui sine certo titulo promoventur, in injuriam promoventium irritas esse voluerint, & inanes; nos tamen benignius agere cupientes &c.*

Hoc autem loco mihi liceat referre etsi nonnihil dissonum Concilii Toletani IX. anno 655. editum decretum can. 2., quo dicitur: *Decernimus; ut quamdiu fundatores Ecclesiarum in hac vita supersites extiterint; pro eisdem locis curam permittantur habere sollicitam; atque Rectores idoneos in eisdem Basilicis iidem ipsi offerant Episcopis ordinandos. Quod si tales forsitan non inveniantur ab eis; tunc quos Episcopus loci probaverit Deo placitos, sacris cultibus instituat cum eorum conventia servituros. Quod si spretis eisdem fundatoribus, Rectores ibidem praesumpserit Episcopus ordinare; & ordinationem suam irritam noverit esse; & ad verecundiam suam alios in eorum loco, quos iidem ipsi fundatores condignos elegerint, ordinari. Quo appareat, quot modis fieri possit irrita, ac invalida ordinatio; nimirum cum Ecclesiae variis ex causis videbitur.*

#### §. 5. De Criminosi.

XVIII. **C**riminosos, & *Expoenitentes*, ac publice lapsos Ordinari non debere docuit in primis Apostolus 1. ad Timotheum 3., & ad Titum 1., can. 59. al. 60. Apostolorum, Origenes lib. 3. contra Celsum, S. Cyprianus Epist. 64. ad Epictetum, alique plurimi SS PP., & Concilia, ut frustra factum sit, omnes in medium velle proferre. Praestat

ramen ex Augustino audire, quid criminis nomine hoc loco veniat: *Apostolus Paulus*, inquit *Tract. 41. in cap. 8. Joannis, quando elegit ordinandos vel Presbyteros, vel Diaconos, & quicumque ordinandus est ad praeposituram Ecclesiae; non ait: si quis sine peccato est: hoc enim si disceret; omnis homo reprobaretur; nullus ordinaretur; sed ait: si quis sine crimine est: sicut est homicidium, adulterium, aliqua immunditia fornicationis, furtum, fraus, sacrilegium, & caetera hujusmodi... crimen autem est peccatum grave accusatione, & damnatione dignissimum. Hinc Innocentius I. Epist. 1. ad Decentium Episcopum: n. 8. de Oleo sancto infirmis dando scribit: nam poenitentibus istud infundi non potest, quia genus est Sacramenti: nam quibus reliqua Sacramenta negantur, quomodo unum genus putatur posse concedi? & Hilarius Papa Epist. 4. in Romano Concilio anno 465. pronunciavit de bigamis, & expoenitentibus: quisquis talium consecrator extiterit, factum suum dissolvit: id est irritum erit, quod fecit. Gregorius vero M. Epist. 26. lib. 3. ad Januarium Calarit. Episcopum data dicit: qui igitur post acceptum sacrum Ordinem lapsus in peccatum carnis fuerit; sacro ordine ita careat, ut ad Altaris ministerium ulterius non accedat: ubi si primo loco faceret Ordo, significat nob. solum Ordinis exercitium; sed etiam Ordinis potestatem; cur non itidem erit & secundo loco? & Epist. 5. lib. 4. ad Venantium Episcopum Lunensem: respondentes statuimus, Diaconum, & Abbatem de Portu Veneris, quem indicas recidisse, ad sacrum Ordinem non debere, vel posse ulla modo revocari: quod est nec libere, nec valide.*

XIX. Ex facto autem Donatistarum cum Caeciliano perspicue patescit vetus mos Ecclesiae irritas declarandi ordinationes lapsorum, & criminosorum. Nam Optatus Milevitan. lib. 1. contra Parmen. scribit: ab his tribus personis (Lucilla Matrona, Botro, & Caelestio Presbyteris) contra Caecilianum causae conjectae sunt, ut vitiosa ejus ordinatio diceretur, facta circiter anno 311. a Felice Aptungitano Episcopo; igitur congregati fere LXX. Episcopi Carthagine irritam, ac nullam ejusdem Caeciliani consecrationem publicaverunt, eo quod ordinatus in Episcopum Carthaginis a Felice Aprungen. Antistite, qui olim in Diocletiani, Maximianique persecutione sacros igni codices comburendos tradiderit; ideoque dignitate exci-

derit: unde a Caeciliano mandatum est; ut si Felix in se, sicut illi arbitrabantur, nihil contulisset, ipsi tanquam adhuc Diaconum ordinarent Caecilianum: inquit Optatus n. 19., vel si traditores sunt, qui me ordinauerunt, ipsi veniant, & ordinent me: ut est apud S. Augustinum in Brevic. Collat. 3. cap. 16., qui & lib. de unico Baptismo cap. 16. tradit, Donatistas illud inclamasse, quod ipse Felix esset manifestissimus traditor; & ideo Caecilianus Episcopus esse non posset, quod ab illo traditore fuerit ordinatus: propterea loco ejus ordinauerunt Majorinum; idque cum adhuc essent Catholici, etsi tumultuantes Donatiani. Ut quid enim dati sunt iudices, qui causam & Caeciliani, & Felicis cognoscerent; utrum traditor hic fuerit; & ille a traditoribus ordinatus; nisi mos, & lex extitisset in Ecclesia, ne lapsi, & criminosi Episcopi, ac dignitate exuti ordinare valerent? cum Catholici reponere quivissent: siue traditor fuerit Felix, siue non; Caeciliani ordinandi potestatem habebat: ideoque Caeciliani ordinatio irrita, seu nulla dici nequit: nunquam autem hoc dixerunt, sed toti fuerunt in ostendendo Felicem non fuisse proditorem, nec Caecilianum criminosum, aut a traditoribus ordinatum.

XX. Notus est abunde canon x. Nicaeni Concilii: *Quicumque ex iis, qui lapsi sunt; vel per ignorantiam, vel scientibus iis, qui promoverunt, ordinati sunt; hoc Ecclesiastico Canon non praecipit: ii enim cogniti deponuntur: quia non rite, & valide ordinati.* Quapropter S. Isidorus Hispalen. Episcopus Epist. ad Helladium Toletanum, illiusque Provinciae Episcopos graviter eos commonescit de redigendo in ordinem Cordubensi Antistite, qui in carnale crimen lapsus fuerat: sciat, adjiciens, enim se amisisse nomen, & officium Sacerdotis, qui meritum perdidit sanctitatis: ex qua Epistola falsi convincitur, inquit Jo. Morinus de administratione Sacram. Poenitentiae cap. 15. n. 6., & Mabillonius lib. 12. Annal. Benedict. n. 27. sub an. 632., alia sub ejus nomine confecta ad *Masonem Episcopum*, quae lapsorum Sacerdotum restitutionem approbat; & quae refertur c. *Domino sancto* d. 50., & c. *Hoc ipsum* 33. q. 2., quod tamen non probo: nam aliud est, Sacerdotem lapsum poenitentiae addicere; aliud poenitentia functum dignitati restituere. S. enim Isidorus tam Epist. ad Helladium, quam lib.

lib. 2. de Divinis Officiis cap. 5. docet, eum, qui in *Sacerdotio*, vel *Episcopatu* peccatum admiserit, non debere panes offerre Domino, quia lex peccatores a Sacerdotio removet: non tamen negat poenitentia functos, atque purgatos suis posse ordinibus restitui, uti perhibet Epist. ad Masonam, quam referunt etiam Burcardus, & Ivo: quippe *Clericos* post lapsum reparari per poenitentiam posse, pluribus ostendit Gratianus d. 50. c. 13. & seqq. ex Conciliis, sanctisque Patribus, & maxime ex SS. Hieronymo, Augustino, & Gregorio M. ante Isidorum. Quantum autem ad crimen homicidii c. *Clericis* extra de Homicidio Alexander III. tale responsum edidit: *Clericis in sacris Ordinibus constitutis ex Concilio Toletano iudicium sanguinis agitare non licet. Unde prohibemus, ne aut per se truncationes membrorum faciant; aut iudicent inferendas. Quod si quis tale quid fecerit; honore privetur, & loco. Concilium vero Tridentin. sess. 14. cap. 7. de homicidio voluntario statuit, ut nullo tempore ad sacros Ordines promoveri possis patrator.*

XXI. Et cum Glossa ad c. *Placuit* ejusdem d. 50. notavit, difficilius dispensari cum *poenitente*, quam cum *Bigamo*: vel intelligi debet de bigamo *similitudinario*, ac infra ordines majores; vel de eo, qui nondum poenitentiam egit, explevitque; aut juxta jus, moremque priscum, quo nunquam *poenitentiae* addicti ad sacros Ordines promovebantur, seu instaurabantur: praeterquamquod Autor glossae non tantae auctoritatis est; ut in omnibus sit amplectendus. Caeterum liberitani Concilii canon 30. ait: *Subdiaconum eum ordinari non debere, qui in adolescentia sua fuerit moechatus; eo quod postmodum per subreptionem ad altiorem gradum promoveretur: si autem aliqui sunt in praeteritum ordinati, amoveantur: quem Rabanus Maurus exscripsit in Poenitentium lib. 2. cap. 4., & Symmachus PP. Epist. 25. Episcopis Hispaniae inter alia n. 1. & 2. praecipit, ne ad sacros Ordines *Poenitentes* promoveant; quod legitur & c. *Si ille qui* d. 50., Paschalis vero II., & Patres in Concilio Guastallen. anno 1106. *Schismaticos* Episcopos, Clericosque in suis honoribus, ac officiis admiserunt; modo *criminosi*, aut *simoniaci*, aut *invasores* non essent.*

## §. 6. De Illiteratis &amp;c.

XXII. **I**lliteratos quoque minus idoneos ad sacros Ordines veterum quamplures iudicarunt, & voluerunt; ac in primis Zosimus Papa Epist. 1. ad Illichium Salonit. Episcopum his verbis: *Qui Ecclesiasticis disciplinis imbutus per ordinem non fuisset, & temporis approbatione Divinis stipendiis eruditus; nequaquam ad summum Ecclesiae Sacerdotium aspirare praesumeret: & non solum in eo ambitio inefficax haberetur, verum etiam in ordinatores ejus, ut carerent eo ordine, quem sine ordine contra praecepta Patrum crediderunt praesumendum: c. Qui Ecclesiastici d. 59., eumque secuti Hilarius, Gelasius, Gregorius I. & II. cum Leone Magno; nec non c. Cum sit ars, atque c. Quamvis multa de aetate, & qualit. ordinan., uti & Concilium Toletan. iv. can. 18. Spurius, & Illegitimos similiter inhabiles esse declaratos ad sacrorum Ordinum ministrationem omnibus constare scimus; sed de tempore non item. Autor Operis de re Sacram. tom. 2. id factum scribit post sextum seculum: sed ego vetustiore existimo morem; haberique ex Epistola Gelasii I. ad Brundusinos, ejusque Constituto; quo inter *illicitas ordinationes*, quas ab Episcopis fieri prohibet, enumerat & illas *Bigami, Expoenitentis, Notatique*: quid autem est *notatum*, nisi infamiae nota inustum, uti *Spurius* est, & *illegitimus*? De his Concilium Melden. anno 845. can. 64., Lateranense II. anno 1179., & Innocentius III. Epist. 444. lib. 1., qua praecepit Vpsalensi in Suetia Episcopo, ut binos Episcopos hac nota promotos a Pontificali officio deponeret; & *electionem tertii irritam, & inanem* decerneret.*

XXIII. *Laicos*, ac *Neophytos*, nec non *Curiales*, seu *Curiae adstrictos*, & qui post baptismum *militiae nomen* dedissent, a sacris Ordinibus prohibitos habemus ex antiquis SS. PP., & primum de *Neophytis* liquet ex Apostolo 1. ad Timoth. 3.; qui tamen id de Episcopis dumtaxat affirmat. De *Laicis* vero extrat Caelestini I. Epist. 2. ad Episcopos Vien., & Narbon. Provinciae, quae n. 6. habet: *Abstineatur ab illicitis ordinationibus: nullus ex Laicis; nullus Digamus; nullus, qui sit Viduae maritus ordinetur, sed irreprehensibilis, & qualem eligit Apo-*



*Apostolus, fiat ... & si quae factae sunt ordinationes illicitae, removeantur: & 3. ad Apuliae, Calabriaeque Praefules: Audivimus quasdam propriis destitutas Rectoribus Civitates Episcopos sibi petere velle de Laicis; tantumque fastigium tam vile credere, ut hoc bis, qui non Deo, sed seculo militaverunt, aestiment nos posse conferre; non solum male de suis Clericis, in quorum contemptum hoc faciunt, judicantes; sed de nobis pessime, quos credunt hoc posse facere, sentientes. Quinam autem sint illi Laici, exposuit n. 2. inquit: qui viventes seculo, & omnem Ecclesiasticum ordinem nescientes saltu praepropero in alienum honorem ambiunt immoderata cupiditate transcendere; & in aliud vitae genus calcata reverentia Ecclesiasticae disciplinae transire. Sed & ante eum Siricius PP. Epist. 3. ad Orthodoxos, & 4. ad Afros, ut & Innocentius I. Epist. 2. ad Vistricium n. 2. si quis post remissionem peccatorum cingulum militiae secularis habuerit, ad Clericatum omnino admitti non debes: qui & Epist. 4. ad Felicem Episcopum n. 3. ait: Designata sunt genera (Laicorum), de quibus ad Clericatum pervenire non possunt; idest si quis fidelis militaverit; si quis fidelis causas egerit... de Curialibus autem manifesta ratio est &c. Quos omnes praeivit Tertullianus de Praescript. Haeret. cap. 41., securusque est Leo M. Epist. 87. ad Mauros, & 88. ad Anastasium.*

XXIV. *Extra tempora designata notum est ordinari non posse; sed quibusdam in locis ita aliquando etiam inhibitu esse legimus, ut irrita ordinatio eo patrata modo declarata fuerit; quemadmodum in Tolosano Concilio anno 1056. per tres Archiepiscopos jussu Victoris II. PP. celebrato; in quo can. 2. statutum est; ut eadem ordinatio ne fiat nisi temporibus secundum Canones statutis; aliter quidem irrita fiat ordinatio: quam tamen Lupus Dissert. Prooem. de Crimine Simoniae cap. 16. irritam putat dictam quantum ad executionem, non quantum ad Ordinis naturam, ac essentiam; hoc autem est illicitam quidem fore, sed non invalidam. Verum annon constabat ex antiquis Ecclesiae regulis maxime ex Epistolis Leonis M., & Gelasii I., illicitas esse, ac inhibitas hujusmodi ordinationes? supervacaneus ergo fuisset canon memorati Concilii, nisi aliquid ultra, & praeter morem addidisset, nimirum non solum illicitam, sed & invalidam fore eam ordinationem.*

Quod comprobare videtur Alexander III. c. *Sane super* de Temp. ordinat. Herefordiensi Episcopo scribens *depositionem* irrogari hujusmodi ordinatis; quae poena non semel ordinationem irritam, nullam, ac invalidam denotabat: tametti Urbanus III. ibidem c. *Cum quidam*, & Pius II. Bul. 7. *Cum ex sacrorum suspensionis* tantummodo poenam iisdem influxerint; ut & alii post illos; sed id jure novo, quo in omnibus hujus capituli Ordinationibus saepe variatum est, ac *dispensatum* a priscis legibus, ut in *Laicis*, *Neophytis*, *Illegitimis* &c.

XXV. Est & canon 9 Nicaenus, qui habet *Si qui citra examinationem promoti sunt Presbyteri; vel examinati sua peccata confessi sunt; eisque confessis praeter canonem moti homines manus imposuerunt; eos canon non admittit*: estque fere idem atque can. 9. Neocaesariensis; referturque c. *Si quis Presbyter* d. 24. ex c. 24. Martini Bracaren., quod quidem confirmatum fuit anno 374. in Valentina I. Synodo can. 4. Sed utrum id, quia ordinatio ea censeatur *irrita*, atque nulla; an vero *depositio* solum innuatur; incertum. Illud demum addendum, Concilium Carthag. IV. can. 67. ab ordinibus jam dictis excludere *Usurarios*, *Seditionarios*, & *Vindicatores*; Gennadium vero Massilien. *Scoenicos*, & *Histriones*; & alios fortasse plures; sed qui facile ad eos, qui dicti sunt, revocari possunt. *Peregrinos* etiam, & *Incognitos* ordinari prohibet Gelasius I. Epist. ad Brundusinos data, qua illis Episcopum constituit; legiturque inter fragmenta Epistolarum ejusdem ex Collect. Canonum Card. Deusededit: quod ipsum postea prohibuit & S. Gregorius I. Epist. 25. lib. 2. Joanni Episcopo Scyllatino missa.

## CAPUT V.

*De Ordinationibus eorum, qui Intrusi, & Invalores appellantur.*



Inter eos, qui cunctas pravorum, & illicitas ordinationes probant, & admittunt, sunt quoque, qui ordinationes eorum, qui *Intrusi*, dignitatumque Ecclesiasticarum *Invalores* indignantur, ratas esse volunt, & validas esse defendunt; iique plane recentes; nam

nam veteres hac de re ne dubitarunt quidem, nedum non differuerunt. Sed istos nullo negotio expugnant partim ea, quae paulo ante de *Privatis ordinationibus* dicta sunt; partim ratio, & multae SS. Patrum, Conciliorum, Romanorumque Pontificum auctoritates. Et primum quantum ad rationem attinet: Quicumque intruditur, sive alterius Principatum, aut Regnum invadit, ac invito vel populo regnare contendit; verus, ac legitimus Princeps, seu Rex non est, sed usurpator, & Tyrannus; propterea unicuique licet ipsum velut hostem, & *invasorem* pellere, nec non & perdere: igitur a simili, qui intruditur, vel alterius Ecclesiam invadit, ac invita etiam plebe eam regere, ac gubernare praesumit; non verus, ac legitimus Sacerdos, seu Episcopus ille est, sed usurpator, & raptor; quare licet, debetque ipse repelli, atque puniri tanquam usurpator, & hostis: & ut unctio, ac *consecratio* usurpatoris Regni irrita judicatur, & nulla; ita promotio, ac *consecratio* usurpatoris Ecclesiae irrita censenda est, & nulla. Nec est, quod quis confugiat ad vim *characteris* Ordinis in eo, qui confert ordinem, quasi nequeat non conferre: Nam huic responsum est jam Cap. III. n. 2., postea minus verisimile videtur, Deum exposita voluisse Sacramenta sua cuicumque raptori, ac *invasori*. Tandem *Laica* potestas potior esset, ac praestantior, quam *Ecclesiastica*; illa enim potest *invasores* Regni prorsus coercere; ista non posset raptores Ecclesiarum: quoniam non prorsus arcet, qui tantum *exercitium* aufert; sed qui *potestatem* extinguit. Atque id quidem quantum ad rationem; nunc ad auctoritates veniendum.

### §. 1. De Novatiano Pseudopapa.

II. **A**C primum de *Novatiano* omnium in Ecclesiam invadentium, Schismaticorumque Antesignano, de quo S. Cornelius Papa ad Fabium Antiochenum Episcopum apud Eusebium lib. 6. Hist. cap. 35. scribit, eum *Episcopos tres homines agrestes, rudes, ac simplices ex exiguo Italiae angulo abduxisse; quos inclusos hora decima temulentos, & crapula oppressos adumbrata quadam, & inani manuum impositione Episcopatum sibi tradere per vim coegit; eumque nullo sibi jure compe-*

*petentem per fraudem, atque insidias vindicat &c.* Quis est autem, qui rerum Ecclesiasticarum vel leviter gnarus nesciat, Ebrum ordinare, & consecrare non posse; cum & ratione, & recta intentione destituatur; uti & vi coactum, qui contrarium intendere, ac velle potest? Igitur Novatianus *valide* ordinatus non fuit; quare nec Episcopus verus fuit. Hinc Pacianus Barcinon. Episcopus Epist. 2. ad Sympronianum dicit, eum *sine consecratione legitima Episcopum factum, ideoque non factum*. Quo loco habendus est & *Fortunatus* ille a Privato haeretico paulopost adversus S. Cyprianum in Carthagin. Cathedralam intrusus, de quo idem Cyprianus Epist. 55. ad Cornelium Episcopum agit, & *Pseudoeписcopum* appellat.

III. De Novatiano vero, ejusque in Ecclesiam Romanam invasum haec scribit S. Cyprianus Epist. 52. ad Antonianum: *factus est Cornelius Episcopus de Dei, & Christi ejus judicio; de Clericorum pene omnium testimonio; de plebis, quae tunc affuit, suffragio; & de Sacerdotum antiquorum, & bonorum virorum collegio; cum nemo ante se factus esset; cum Fabiani locus, idest cum locus Petri, & gradus Cathedrae Sacerdotalis vacaret: quo occupato de Dei voluntate, atque omnium nostrum consensione firmato; quisquis jam Episcopus fieri voluerit, foris fiat necesse est; nec habeat Ecclesiasticam ordinationem, qui Ecclesiae non tenet unitatem. Quisquis ille fuerit, multum de se licet jactans, & sibi plurimum vendicans, profanus est, alienus est, foris est: & cum post primum secundus esse non possit; quisquis post unum, qui solus esse debeat, factus est; non jam secundus ille, sed nullus est... Nisi si Episcopus tibi videtur, qui, Episcopo in Ecclesia a sexdecim Coepiscopis facto, adulter, atque extraneus Episcopus fieri a desertoribus per ambitum nititur: & cum sit a Christo una Ecclesia per totum Mundum in multa membra divisa; item Episcopatus unus Episcoporum multorum concordie numerositate diffusus; ille post Dei traditionem, post connexam, & ubique conjunctam Catholicae Ecclesiae unitatem, humanam conatur Ecclesiam facere; & per plurimas Civitates novos Apostolos suos mittit, ut quaedam recentia institutionis suae fundamenta constituat. Cumque jampridem per omnes provincias, & per urbes singulas ordinati sint Episcopi in aetate antiqui, in fide integri, in pressura probati, in persecutione proscripti; ille super*  
cos

*eos creare alios Pseudoepiscopos audet; quasi possit aut totum Orbem novi conatus obstinatione peragere, aut Ecclesiastici corporis compaginem discordiae suae seminatione rescindere, nesciens Schismaticos semper inter initia fervere, incrementa vero habere non posse; nec augere quod illicite coeperint... Qui ergo nec unitatem spiritus, nec conjunctionem pacis observat; & se ab Ecclesiae vinculo, atque a Sacerdotali Collegio separat; Episcopi nec potestatem potest habere, nec honorem, qui Episcopatus nec unitatem voluit tenere nec pacem: & in Epiit. 76. ad Magnum: Novatianus in Ecclesia non est; nec Episcopus computari potest, qui Evangelica, & Apostolica traditione contempta nemini succedens a se ipso ordinatus est: habere namque, aut tenere Ecclesiam nullo modo potest, qui ordinatus in Ecclesia non est. Quae literae forma sunt, & exemplum omnium eorum, quae dici possunt ad labefactandas illorum ordinationes, qui in Ecclesiasticas dignitates invadunt, aut intruduntur.*

§. 2. De Gregorio, & Georgio Alex.

IV. **S** Ardicensis Synodus anno 347. de Gregorio Ariano in Alexandrinam Cathedralam anno 341. contra S. Athanasium ab Eusebianis intruso ista haec pronunciavit, ut apud eundem Athanasium est Epist. ad solitariam vitam agentes: *Gregorii autem nomen Alexandriam missi ita in damnando recitarunt; ut nec unquam eum Episcopum; nec dignum, qui Christianus appellaretur, censerent: resciderunt enim omnes illius in Ordinibus dandis constitutiones; interdicentes, ne quisquam ab eo Ordinatus in Ecclesia vel nomen sui Ordinis obtineret; idque in odium inauditorum scelerum Gregorii: (utor Nannii versione, quia meliorem ad manum non habeo.) De altero vero in eandem Alexandr. Ecclesiam anno circiter 351. invasore Georgio Cappadoce itidem Ariano Lucifer Caralitanus Episcopus in Apol. pro Athanasio lib. 1. ita Constantium Aug. alloquitur: Numquid potest Deus esse cum inimico Georgio? Numquid ei, quem non ordinaverit, quem non elegerit, poterit esse propitius? Quem autem non elegit, & non ordinat Deus; non eligit, nec ordinat Ecclesia: inquit enim Pacianus proxime memoratus Epist. 1. ad Sympron. quod per Sacerdotes facit Deus,*

*Deus, ipſus poteſtas eſt: igitur Gregorius, & Georgius ab Eufebianis, vel Arianis in Eccleſiam intruſi, & non ab Eccleſia ordinati minime cenſendi ſunt Episcopoi.*

§. 3. *De Maximo Cynico.*

V. **E**T de Maximo Cynico, de quo Damasus Papa Epist. ad Acholium, & alios in tertio Bonifacii II. Concilio Romano anno 531. relata ſcripſit: *neſcio quos ex Aegypto venientes in poſtulatione contra regulam Eccleſiaſticae diſciplinæ alienum a noſtra profeſſione in Conſtantinopolitana Civitate Cynicum ad Sacerdotium vocare voluiſſe: nec diſſimilia multum ei reſcripſit Acholius Theſſalonic. Episcopus; annon Concilium Conſtantinopolitanum I. anno 381., quod dolo, atque pecunia Conſtantinopolitanam Eccleſiam invaliſſet anno 379., ita decrevit can. 4. juxta verſionem Herveti; Placuit etiam de Maximo Cynico, & ejus petulantia, & inſolentia, quae fuit Conſtantinopoli; ut Maximus Episcopus nec fuerit, vel ſit; nec qui ab eo ordinati fuerunt, in ullo, quicumque ſit is, gradu Cleri; omnibus, & quae circa ipſum fuerunt; & quae ab illo facta ſunt, infirmitatis: quae Dionyſius can. 3. vertit: cum omnia, quae ab eodem perpetrata ſunt, in irritum deducta eſſe videantur? Eſt igitur irritum idem ac iuſſum; infirmum vero idem. atque invalidum: quod ſi *invalida* fuit Maximi Cynici ordinatio; igitur & nulla: quid autem his opponent, qui ſecus ſentiunt, atque haec habeant?*

VI. Opponunt, respondentque, pro nullis habitas eſſe a CP. Concilio ejusmodi ordinationes quantum ad uſum, & exercitium poteſtatis; non quantum ad *characterem*, ſeu, ut hodie loquuntur, *illicitas* quidem illas fuiſſe, ſed non *invalidas*. Verum invalidas jam dixit Concilium, quandoquidem infirmas eſſe voluit: & alio loco dictum eſt, *irritum* eſſe idem, ac nullum, & invalidum: igitur *invalidae* fuerunt Maximi Cynici utpote intruſi ordinationes. Poſtea ſi tam facile eludi poſſent tam perſpicuae autoritates; quis erit, qui non idoneus ſit ſacris Ordinibus? non Foemina, non Hebraeus, non omnino coactus, & inſanus, bigamus &c. rejicientur; cum iisdem plane loquendi modis ſacri Canones repellant iſtos, eorumque

or.

ordinationes exsufflent, quibus intrusos, & *invasores*: praefer-  
tim cum a Concilio CP. *Maximus* declaratus sit *non Episcopus*  
esse, aut fuisse; vere autem non Episcopus est, & etiam dici-  
tur, non qui usu, ac exercitio caret; sed qui potestate; alio-  
quin suspensione multatus Antistes esset, aut diceretur *non Epi-*  
*scopus*; quod tamen nemo dicit.

VII. Hic porro non possum Doctoris Witassis lapsum  
praeterire, qui q. 4. *de charactere* sect. 4. obj. 1., ut & sect. 7.  
Prob. 1. deputat, Anastasium Bibliothecarium in scholio ad  
viii. Synodi finem discrimen inter *Haereticos*, & *Invasores* con-  
stitueret; quando quaerit, cur Sedes Apostolica a *Photio* dam-  
nato ordinatos sine recuperatione deposuerit; ab *Ebione* vero  
sacratos, & post ab Episcopis depositos instaurari decreverit:  
returque eum loqui de Hebione Apostolorum aevo haeresiar-  
cha, cum de Ebone Rhemensi Antistite suo tempore digni-  
tate privato verba faciat; conferatque Photium *Maximo* Cy-  
nico, & Ebbonem *Acacio* CP., *invasorem* invalori, & *deposi-*  
*tum* deposito; non haereticum haeretico, ut ille arbitrat.  
Neque enim *Acacius* CP. Episcopus dignitate motus est, ac  
depositus, quia haereticus, sed uti haereticorum fautor, que-  
madmodum *Natalis Alex.*, & *Pagius* ostendunt; & *Ebbo* quo-  
que Episcopus privatus fuit, quod in *Ludovicum Pium Aug.*  
conjurasset, non autem ob haeresim: nam *Hebio* haeretiarcha  
nunquam Episcopus fuisse legitur, ut de illo loqui quiverit  
*Anastasius*; & si in Conciliorum Collectionibus mendose legi-  
tur *Ebio*; tamen in Codice a *Baronio* adhibito ad ann. 871.  
n. 14. dicitur *Ebbo Rhemensis Episcopus*, ut & apud *Lupum* in  
Notis ad Act. vi. Synodi viii.

Lapsus est etiam, cum adjecit, causam discriminis hanc  
*Anastasium* asserre; nimirum in *haeresim lapsos* (dicendum *de-*  
*positos*) fuisse *veros, ac genuinos* Episcopos, exercitiumque Or-  
dinis aliquando habuisse; nunquam autem eam facultatem ha-  
buisse *invasores*, & intrusos. Nam *Anastasius* *invasorem* spurio  
confert, & *depositum* legitimo filio, inquiens: *si pater meus*  
*adulter est, & ex adulterio nascor; profecto ut non legitimus*  
*ex hereditate repellor &c.* atqui spurius nullo modo, & nunquam  
legitimus est filius, ut patris haereditatem adipiscatur *valide*;  
igitur & *invasor* nullo modo est Episcopus, ut *valide* digni-

tate potiat: non autem quia *haereticus* Episcopus usum ordinis aliquando, ac exercitium habuit; *invasor* vero nequaquam; cum extent in oppositum exempla de haereticis Antistitibus, qui nunquam ad dignitatis gradum restitui potuerunt praesertim duces, ac Haereliarchae.

§. 4. De Arfacio, & Attico CP.

VIII. **A**Nno 424. cum S. Johannes Chrysostomus calumniis improborum oppressus sede sua Constantinopolitana fuisset in exilium pulsus, eique subrogatus, seu potius intrusus *Arfacius*; S. Innocentius I. Epist. 29. ad Clerum, populumque Constantinopolitanum, quam recitat & Sozomenus lib. 8. cap. 27., & Nicephorus Callisti lib. 13. cap. 32., ita scribit: *in locum viventium Episcoporum alii subrogantur ... nunquam sane Patres nostros talia ausos fuisse; sed potius vetuisse cognovimus; ne cui in locum viventis per consecrationem alium substituendi sit potestas. Minime enim consecratio reproba bonorem adimere Episcopo potest: quandoquidem neque Episcopus ille esse potest, qui inique substituitur; quoniam haec contra Canonum observationem sunt.* Propter quod recte a Baronio ad an. 405. n. 15. & 20. *Arfacius* intrusus dicitur *Pseudoepiscopus*; *Atticus* vero quanquam & ipse ante interitum S. Joannis intrusus fuit; postea tamen communi omnium consensu receptus sancte vixit; factumque de eo id, quod Cap. vi. n. 16. adnotabitur.

§. 5. De Leonis Magni autoritate.

IX. **E**Xtat & celebris illa Magni Leonis sententia Epist. 92. ad Rusticum Narbonen. Episcopum n. 1. *Nulla ratio finit, ut inter Episcopos habeantur, qui nec a Clericis sunt electi; nec a Plebibus expetiti; nec a Provincialibus Episcopis cum Metropolitanis iudicio consecrati: unde cum saepe quaestio de male accepto honore nascatur; quis ambigat, nequaquam istis esse tribuendum, quod non docetur fuisse collatum? quam auctoritatem & Adrianus II., & Leo III., & Urbanus II. adduxerunt, cum ordinationes omnino nullas, & invalidas ostendere voverunt, ut infra suis videbimus locis: adduxit etiam Ni-*

CO-



colaus II. in decreto suo *de electione Rom. Pontificis* anno 1059. Romano in Concilio condito; qua probaret, electionem, promotionemque Rom. Pontificis sine ea, quam perhibet S. Leo, conditione nullam, & inanem fore; subjunxitque: *Quod si quis contra hoc nostrum decretum . . . electus, aut etiam ordinatus, seu inthronizatus fuerit . . . a limine sanctae Dei Ecclesiae separatus abjiciatur sicut Antichristus, invasor, & destructor totius Christianitatis: & alias ibi: Auctoritate Apostolica decernimus, quod in aliis Conventibus nostris decrevimus; ut si quis pecunia, vel gratia humana, vel populari, seu militari tumultu sine consensu, & canonica electione, ac benedictione Cardinalium Episcoporum, ac deinde sequentium Ordinum religiosorum Clericorum fuerit Apostolicae sedi inthronizatus, non Papa, vel Apostolicus, sed Apostaticus habeatur: liceatque Cardinalibus Episcopis cum religiosis, & Deum timentibus Clericis, & Laicis invasorem etiam cum anathemate, & humano auxilio, & studio a Sede Apostolica repellere, & quem dignum judicaverint, praeponere. Quod & habetur c. Si quis pecunia d. 79.*

X. Quare quod responderet Witasses Obj. 2., illos quidem non haberi Episcopos quantum ad *usum potestatis*, sed tamen haberi quantum ad ipsam *potestatem*, characteremque Episcopalem; idque aperte ex eo elici, quod licet abjiciantur, eorum nihilominus ordinationes pro ratis judicari; cum addat idem Leo: *Si quis autem Clerici ab ipsis Pseudoepiscopis in Ecclesiis ordinati sunt, qui ad proprios Episcopos pertinebant; & ordinatio eorum judicio Praesidentium facta est; potest rata haberi ita, ut in ipsis Ecclesiis perseverent*: atqui ratae, inquit, haberi non possent, si nullam ipsi ordinandi potestatem habuissent; quod & sensisse Auxilium Francum, & post etiam Petrum Damiani memorat: id, inquam, facile refellitur. Nam cum olim *Presbyteris* concessum esset ordinare Clericos in *Minoribus Ordinibus*; ut & prae caeteris docet Alexander III. c. *Requisivit* de ordinatis ab Episcopo, qui renunciavit Episcopatu; & nunc quoque eorundem Ordinum extraordinarii censeantur Ministri; cur eorum ordinationes ratae censeri non poterant, uti egit memoratus Alexander III.? nisi quis putet, intelligendum Leonem, quemadmodum Vermerien. Synodum, quam Cap. IV. n. 12. produxi; & quae jussit manere qui-

quidem in Ecclesiis *Presbyteros* male promotos, sed iterum consecrari: praesertim cum S. Leo addiderit: *aliter autem vana habenda est creatio, quae nec loco fundata est, nec auctoritate munita.*

XI. Frustraque Quesnellus Autor notarum ad hunc locum in postrema Epistolarum M. Leonis editione contendit, illos fuisse non quidem *legitimos* Episcopos, sed tamen *veros*, eo quod Episcopalem susceperant consecrationem: & quia juxta Ecclesiae regulas minime ordinati fuerant, incirco pro *Pseudoepiscopis* habitos fuisse. Quandoquidem inquiri; quomodo *verus* est Episcopus, & non *legitimus*? etsi enim, ubi natura, & lex operantur, non idem sit verum, & legitimum; tamen ubi lex una ac sola peragit, idem est verum, atque legitimum, ideoque sacris in ordinationibus, in quibus natura nihil, lex vero cuncta facit; idem est verus, & legitimus Episcopus, quamquam interdum minus licite, & parum ordinate promotus. Certe quum S. Leo adjecit: *unde cum saepe quaestio de male accepto honore nascatur; quis ambigat, nequaquam istis esse tribuendum, quod non docetur fuisse collatum?* annon perspicue tradit, illis *Pseudoepiscopis* dignitatem Episcopalem non fuisse collatam? id quod *Pseudoepiscopi* vocabulum evincit; cum istud non *illicite*, sed *invalidè* tantum ordinatis tribuatur: nam si falsus est Episcopus; igitur non vere, sed falso, ac invalidè promorus.

XII. Idem Leo Magnus Epist. 125. al. 75 ad Leonem Augustum de *Timotheo Aeluro* in Alexandrinam sedem, vivente adhuc S. Proterio Antislite, intruso; de eo, qui ante jam damnatus fuerat ut haereticus a Concilio Aegyptiaco, & in exilium pulsus Episcopatum invalit ordinatus a *duobus Episcopis tantum*, & ipsis etiam jure damnatis, ac in exilium detrusis nullo penitus *Orthodoxorum Episcoporum ex Dioecesi Aegyptiaca praesente*, ut moris est... mox ordinationes effecit *Episcoporum simul, & Clericorum Episcopus sine impositione manus existens*: dixerunt Episcopi Aegyptiaci, Clerusque Alexandrinus in Epistola, seu libello precum ad Leonem Aug. de hac re, ut in 3. par. Concilii Chalcedonen. n. 12., de eo inquam scribit Leo Magnus: *manifestum quippe est. per crudelissimam, immanissimamque vesaniam omne illic caelestium Sacramentorum lu-*

*lumen extinctum; intercepta est sacrificii oblatio; defecit Chrismatis sanctificatio; & parricidalibus manibus impiorum omnia se subtraxere mysteria: quod exstat & c. Manifestum est 1. q. 1. S. enim Proterium ipsis Paschalibus festis anno 457. necari mandavit. Epist. vero 76. ad Anatolium CP. Episcopum de eadem re hortatur, ut omnia haereticorum machinamenta confringat (Imperator); neque illis quicquam in Ecclesiis Christi licere patiatur; ne in eorum potestate sint Divina mysteria, quibus in domo Dei pro scelerum suorum magnitudine nec habitandi jus refidet, nec orandi: & c. In Ecclesia 1. q. 1. ex ejusdem Epist. 48. ad ipsum Anatolium dicitur: In Ecclesia, quae corpus Christi est, aliter nec rata sunt Sacerdotia, nec vera sacrificia; nisi in nostrae proprietate naturae verus nos Pontifex reconciliet; verus immaculati agni sanguis emundet. Quapropter Timothei ordinationes irritas fuisse declaratas nos docet Felix II. al. III. Papa in Libello ad Zenonem Imp. anno 485. contra Acacium CP. Episcopum ex decreto Romani Concilii conscripto.*

#### §. 6. De Dioscoro juniore.

XIII. **N** Arrat S. Theophanes in Historia ad ann. 509. Alexandr., qui vulgaris est 517., de Dioscoro juniore Alexandrino Antistite Timothei Aeluri nepote, vel consobri-  
no, qui defuncto Johanne Niceota Episcopo Alex. Imp. Anastasii favore Cathedram eam invasit, ista haec: *Dioscoro Episcopo creato, Oppidanorum multitudo a reliquo Ecclesiae coetu segregavit se dicens: non sedet Episcopus, nisi qui, prout sancti Apostolici Canones praescribunt, fuerit institutus: Principis enim Magistratus eum ad thronum subvexerant. Igitur ad S. Marci Dioscoro profecto, convenientes Clerici iterum induerunt; & ordinationis ritum circa eum iterato perfecerunt; atque ita ad S. Joannis progressus sacram Synaxim peregit: quod refert & Anastasius Bibliothecarius in Hist. fere Theophanem exscribens. Porro canon, contra quem Dioscorus fuerat promotus, est 29. al. 31. Apostolorum, habetque: Si quis Episcopus secularibus Principibus usus per eos Ecclesiam adeptus sit, deponatur, & segregetur; & omnes, qui illi communicant. Qua in re quam-*

vis ab Haereticis id factum dixeris; tamen in facto notabis & morem Ecclesiae ab ipsis vel Haereticis observatum iterandarum ordinationum eorum, qui praeter Canones Ecclesiae, & sine Synodo sese in Ecclesias intrudebant, invadebantque. Sic enim & S. Stephanus Papa I. contra *rebaptizantes* Haereticorum exemplum attulit, cum inquit: *cum ipsi Haeretici proprie alterutrum ad se venientes non baptizent, sed communicent tantam*: in suo decreto apud S. Cyprianum.

§. 7. De Macedonio, & Petro Monothel.

XIV. **S**anctus Martinus I. Papa Epist. 5. ad Joannem Philadelphiae Episcopum de Macedonio in Antiochenam Ecclesiam intruso, ac Petro Monothelita Ecclesiae Alexandrinae Cathedram occupante scribit, commonetque dicens: *ejus vero, qui falso Episcopatus sibi nomen affinxit, Macedonii dico importunas literarum minas, sive protestationem fortiter despuo ut rabidi canis, & temerarii latratum...* Hunc enim Episcopum Catholica Ecclesia nullo modo novit, non solum quod is praeter Canones in externa Regione, sine consensu, & absque ullo decreto hanc sibi appellationem usurpavit; sed & quod consentiat Haereticis, qui haereseos suae appendicem ejus electionem per contemptum tumultuarie fecerunt: quemadmodum & Petri, qui ab eis nominatus est, & assimulatus Episcopus Alexandriae, ut per plures, & ascriptitias personas haeresim suam munitiorem utique reddant &c., & Epist. 11. ad Ecclesias Antiochenam, & Alexandrinam: *Macedonium haereticum; quem contra Canones sibi finxerunt falsum Antiochiae Episcopum praedicti haeretici, quemadmodum & Petrum Alexandriae tumultuarie creaverunt. Hos enim sibi consentientes nacti... fidei Sacerdotii ipsis imposuerunt appellationem non ab ullo legitimo suffragio, aut Ecclesiastica successione ad hoc inducti; sed a prava & haeretica excogitatione. Plures igitur causae hos falsos, ideoque nullos Episcopos extitisse demonstrant.*

## §. 8. De Ceadda Eboracen.

XV. **A**Nno 666. jussu Oswii Northumbrorum Regis Ceadda Eboracensis Episcopus est ordinatus a Wine Wintoniensi Antistite; nihilominus tamen quia ante eum anno 665. Wilfridus, cum esset in Gallia, & ipse fuerat Episcopus Eboracensis ordinatus, insciente quidem Ceadda, sed scientibus Rege, & aliis; ideoque & *indocte*, & *contra Canones* Ceadda factus fuerat Praeful, inquit Eddius in vita S. Wilfridi cap. 14., triennio post a Theodoro Cantuarien. Archiepiscopo depositus est, & exauctoratus: mox ejus humilitatem admiratus Theodorus eum ordinavit *nova consecratione* Episcopum Lichfeldien., teste Beda lib. 4. Hist. cap. 2. Falsusque est Radulphus Dicetonsis ad ann. 666., cum perhibet, ideo Theodorum denuo consecrasse Ceaddam, quod a Wine Episcopo *Simoniaco* fuerat consecratus: nam Wina Simoniae crimen tum patravit, cum est ab Episcopatu Wintoniensi expulsus: tunc enim *secedens ad Regem Merciorum vocabulo Wifberi emit pretio ab eodem sedem Lundoniae Civitatis*, ut ait Beda lib. 3. cap. 7., cum autem Ceaddam ordinaverit, dum adhuc Wintonien. esset Episcopus; igitur antequam simonia pollueretur; Et quidem laudatus Beda lib. 3. cap. 18. testatur, iccirco a Wine fuisse Ceaddam ordinatum, quia *non enim erat tunc ullus excepto illo Wine in tota Britannia canonicè ordinatus Episcopus*. At ut iterum ordinaretur Ceadda, in causa fuit, non quod ab uno tantum Episcopo consecratus fuisset; sed quod post Wilfridi ordinationem eidem Ecclesiae fuerat promotus, ideoque & intrusus. Theodorus enim Cantuarien. Episcopus vir valde doctus fuit, restante Beda; vocaturque *Philosophus* ab Agathone PP. Epist. ad Impp. pro Synodo vi., extatque adhuc ejus liber *Poeniten*.

## §. 9. De Constantino Pseudopapa.

XVI. **S**ed quid clarius haberi potest factò Constantini zn. 767. in Cathedram Romanam intrusi, cum Paulus Pontifex in aegritudine positus nondum spiritum exhalaret? De quo Au-

tor libri Pontificalis in Vita Stephani III. al. IV. memoriae prodidit, post elapsum annum tandem turpiter ejectum, ac depositum fuisse; decretumque in Rom. Synodo, de *Episcopis, Presbyteris, & Diaconis*, quos ille consecravit; ut *Episcopi* pristinum in gradum reverterentur; si autem populo Civitatis suae essent accepti, *denuo facto decreto electionis more solito* ad Apostolicam sedem se conferrent; & ab eodem SS. Stephano Papa benedictionis susciperent consecrationem: pauloque post subjungit: *hujusmodi vero promulgatis sententiis illico Episcopi illi, qui ab eodem Constantino ordinati sunt, revertentes juxta ejusdem Concilii sententiam in pristino honoris gradu, electi denuo a Clero, & plebe, factoque solito decreto ad sedem Apostolicam properantes ab eodem SS. Papa consecrati sunt.* Ita enim in eodem Concilio statutum est, ut omnia; quae idem Constantinus in Ecclesiasticis Sacramentis, ac Divino cultu egit, iterata fuissent, praeter sacrum Baptisma, & sanctum Chrisma. De Presbyteris vero, & Diaconis similiter factum, ut ibi etiam enarratur.

Qua de re & in Act. 3. Concil. Romani a Joanne XII. anno 964. coacti legimus: *Eos vero, quos ipse Leo Neophytus, & invasor S. Catholicae, & Apostolicae Romanae Ecclesiae in quolibet Ecclesiastico Ordine provexit; Apostolica, atque Canonica autoritate, & Synodali decreto in pristinum revocamus gradum, quia ordinator eorum nihil sibi habuit, nihil illis dedit. Sicut olim noster praedecessor pie memoriae Papa Stephanus sententiam tulit de iis, qui ordinati fuerant a Constantino quodam Neophyto, & invasore S. Sedis Apostolicae; & postmodum quosdam eorum sibi placabiles Presbyteros, aut Diaconos consecravit &c.* Quod quidem enunciatum: *nihil sibi habuit; nihil illis dedit: nonnisi de iis, qui nullam ordinandi potestatem habent, esse ferri solitum, alias ostenditur.*

XVII. Quae dicta tam aperta sunt, ut Auxilius Francus quamquam invitus. (non longe post enim vixit, & scripsit) lib. 2. cap. 4. non potuerit non fateri, in Rom. Concilio Stephani PP. anno 769. pro irritis habitas esse Constantini ordinationes, iteratasque fuisse; sed perperam, & perversè factum exclamat; sentitque a Constantino secundum Canones illos extitisse ordinatos; alioquin frustra S. Leonem Papam censuisse, Pseudoepiscopos quidem abjici, eorum tamen ordinationes

ratas haberi; frustra *Anastasium* Pontificem *Acacii* ordinationes recepiſſe; & *Liberii*, *Vigiliis*que conſecrationes illibatas permaniſſe. Verum non vidit *Auxilius*, aut utpote propriae cauſae defenſor videre noluit, *Constantinum contra Canones* ordinatum fuiſſe, ideoque non ordinatum; ut ſupra n. 2. vidi-mus dixiſſe *Pacianum* *Barcinonenſem*. *Episcopum* de *Novatiano*; ejuſque ordinationes proinde non ſecundum *Canones* dici poſſe factas; utpote *invaſor*, & intruſus qui noſcitur; & intruſorum ordinationes perperam dici ſecundum *Canones* peraſtas, viſum eſt jam proxime; oſenſumque eſt etiam n. 10., quomodo intelligendus eſt *S. Leo*, de *Anaſtaſio* vero, nec non *Liberio*, *Vigiliis*que dicitur poſtea.

XVIII. Multa ſane occurrunt, quae hujus *Constantini* promotionem irritam, nullamque fuiſſe comprobant. Primum quod *Laicus* nondum, vel vix mortuo Pontifice *Paullo* fuerit in *Romanum Antiftitem* electus contra ſtatuta *Symmachi PP. c. Si quis Papa*, & c. *Si tranſitus* d. 79., & *Bonifacii IV. anno 608.* in *Rom. Concilio* 72. *Episcoporum*, 34. *Presbyterorum*, omniſque reliqui *Cleri*. Deinde quod *Presbyter* non fuerit, ſed ex *Diacono* ad ſummum Pontificatum aſcenderit; quem *Graeci omnes*, & *Latini plurimi*, quibus aſſentitur & *VViſtaſſe* q. 7. art. 4. q. 10., irritum, ac nullum eſſe defendunt: *Presbyterum* autem eum non fuiſſe evincitur ex *Libro Pontificali*, ſeu *Autore Vitae Stephani III.*, al. *IV.*, qui de eo perhibet: alio die ab electione, qua *Clericus* effectus eſt, illuſcente ſeria ſecunda *Subdiaconus*, atque *Diaconus* ab eodem *Episcopo*... contra ſanctorum *Canonum* inſtituta conſecratus eſt... & adveniente *Dominico* die... *Pontifex* ab eodem *Georgio* conſecratus eſt... antedictus vero *Georgius Episcopus Praeneſtinus*, qui eum *Diaconum*, & *Pontificem* conſecravit. Tandem quod ordinatus fuerit ab *Episcopo* *Georgio* perquam invito, & manifeſte coacto, quique omnino hoc renuebat facere; corruenſque in terram proſtravit ſe pedibus... ſed concitati plurimi ex ipsis malignis, qui eandem impiam electionem fecerant, inſurgentes ſuper eum, atque fortiter comminantes, a quibus ipſe timore correptus orationem illi *Clericatus* tribuit &c. Cum igitur ordinatio ea fuerit patrata ex metu gravi cadente in virum *constantem*, ac vi fortiter illata; quis non intelligit, fuiſſe eam ſine

debita *intentione*, sine qua nulla est Ministri sacra ordinatio; immo oppositum eum voluisse? hinc idem Vitae Stephani PP. scriptor *impiam ordinationem* appellat; dum populi Romani publicam coram ipso Pontifice confessionis, ac poenitentiae professionem refert.

XIX. Et tamen nunc omnes non verentur in contrarium ista contorquere sensum. Baronius enim primus ad ann. 769., alique, ne Stephanus Papa, ejusque celebre Concilium, cui prae caeteris doctissimi septem Archiepiscopi Galliarum, & Germaniae interfuerunt, Constantini ordinationes iterasse dicantur; quod si patratum fuisset, deputant flagitium, committuntur *consecrationis* nomine apud Autorem Libri Pontificalis significari benedictionem, ac reconciliationem a Papa Stephano factam, non autem ordinationem sacram: & tamen idem Baronius ad ann. 767. n. 6. scripserat, Constantinum novisse suam *ordinationem sacris Canonibus penitus lobefactari, ac reddi irritam*; idest nullam, & invalidam. Sed falsum est, morumque commentum, Autorem illum *benedictionis consecratione* intelligere ritus illos solennes adhiberi in reconciliatione Schismatici, vel haeretici confectos: nam praestat audire Acta ipsius Concilii, vel ejusdem fragmentum, quod Ache-rius in Spicil. to. 2. & in sua Conciliorum Collectione vulgavit Labbeus ex Epist. 2. Ratherii Veronen. Episcopi; habetque Patres ita dixisse Act. 3. *Primum omnium decernimus, ut Episcopi, quos consecravit (Constantinus); si quidem Presbyteri prius fuerunt, aut Diaconi; in eodem pristino honore revertantur: & postmodum facto more solito decreto electionis eorum, ad sedem Apostolicam cum plebe, atque decreto ad consecrandum eveniant; & consecrationem a nostro Apostolico suscipiant, ac si prius fuissent minime ordinati... At vero Presbyteri illi, vel Diaconi, quos in hac S. Romana Ecclesia ordinavit, in pristino Subdiaconatus ordine, vel alio, quo fungebantur officio, revertantur. Cum & postmodum in vestrae sanctissimae almitatis potestate sit, sive eos ordinandi; sive ut vobis voluerit, disponendi: ubi aperte vocabulo ordinandi utitur; & illi minime ordinati dicuntur; quo nihil clarius nisi illis, qui lucem videre recusant.*

XX. Enim vero urbinam tale quid haberetur, legiturque; ut in *reconciliatione* Episcoporum lapsorum debuissent illi in pri-



pristinum redire locum; inde *denuo facto electionis decreto more solito cum Clero, & plebe ad Apostolicam Sedem accedere pro consecratione*? nullibi gentium: hoc namque omnimodam, & manifestam indicat ordinationem sacram, cum dicitur *more solito*; siquidem certum est, ex more, ac usu loquendi illorum praesertim temporum, *reconciliationem* Clericorum lapsorum etiam Episcoporum sola *manus impositione* fieri solitam, sive suis redderentur honoribus, sive non: Quare si in hoc facto denuo fuerunt *electi*, ergo & denuo *ordinati*; non autem reconciliati. Quippe quod scriptor Vitae memorati Stephani PP. Romanus erat, & aequalis; utebaturque verbis & Romae, & Apostolicae sedi, curiaeque consuetis; at ibi nunquam in usu fuit usurpare *consecrationis* nomen pro reconciliatione, ac restauratione; sed pro solita, propriaque Cleri ordinatione, & consecratione; igitur & Autorem illum eo modo intelligendum esse pronuncio; maxime cum ea ipsa voce utatur, quando de Constantini *ordinatione* ab Episcopo Georgio facta verba miscet: & minus apte egisset, si duo facta diversa uno verbo legenti proposuisset; si ambiguum illud erat.

XXI. Frassen itaque, quod videret Baronii, aliorumque pronunciatum potius contortum esse, quam rectum; eo demum se contulit, ut asseri posse dixerit, Stephanum errasse *in facto*, cum existimaret, *Constantinum* non fuisse verum Episcopum. At non unius Stephani error fuisset, sed universi Concilii, cujus Episcopi Galli *in sacris erant Canonibus docti, & probatissimi*, inquit praedictus Libri Pontificalis Autor. Postea factum illud cum jure conjunctum erat, intrusos, & *intrusos* ordinari non posse. Quapropter VVirasse Obj. 3. in Baronii sententiam ivit ob duo; primum quia sibi verisimile non fuit, tot eruditos viros, tot Episcopos, summosque Pontifices *a traditione* deflexisse: secundum quia qui a Constantino fuerant *ex Laicis ordinati, in habito Religioso* permanere jubeantur: quorsum enim, inquit, istiusmodi sanctio, si meri Laici fuissent, nec ullo ordinationis caractere insigniti? Sed horum utrumque facile confutatur: illud, eo quod Patres Concilii non solum *a traditione* non deflexerunt, verum etiam summo opere eam servaverunt, colueruntque; quae docet, intrusos nequaquam sacris aptos ordinationibus esse; ideoque eo-

rum ordinationes irritas esse, ac nullas, iterandasque; & *traditione* quidem *divina*, uti prodit Johannes VIII. Epist. 4. ad Valventes, quae alias produceretur: istud vero, quod vetus Ecclesiae mos fuit *Laicos* nonnullos poenitentiae loco in Monasteria trudi; cum & idem Autor Vitae Stephani III. memoret *Gracilem Tribunum* Alatrinae urbis confectaneum Constantini invasoris, per quem plurima mala in Campaniae parte perpetrata sunt, captum quasi eum in Monasterium deportantes &c. & *Passivum* Totonis Ducis fratrem in Monasterium S. Sylvestri deductum fuisse: ac ne plura, quae afferri possent, confiter; post decretum Nicolai II. de electione Rom. Pontificis an. 1059. in Romano Concilio conditum legitur hic canon: *Si quis Laicus juramentum violando profanat, quod debet Regi, vel Domino suo; ejusque Regnum dolose, atque perversè traclaverit; in Christum Domini manum miseris: prius seculum relinquat; arma deponat; & in Monasterium eat; & serviat ibi cunctis diebus vitae suae; quem Clemens III. Antipapa anno 1085. Augustino attribuit.*

XXII. Illud hic objicient, Concilium Stephani PP. Constantini Pseudopapae *Chrisma* comprobasse: at Episcoporum solum, vel interdum etiam Presbyterorum est *Chrisma*, seu Confirmationis Sacramentum conferre: ergo Concilium illud Constantinum probavit Episcopum, vel etiam Presbyterum; si enim Presbyterum eum agnovit, agnovit & Episcopum: igitur ordinationes ejus ratae, ac validae fuerunt. Cui respondeo, id quidem ab Autore Libri Pontificalis referri, seu apud eundem legi; sed per errorem, cum sit lacinia, ac interpolatoris additamentum; ut evincitur primum ex ipsius Concilii Actis, cujus fragmentum publicavit Acher. in Spicil. to. 2., & Labbaeus ex Epist. 2. Ratherii Veronen. Episcopi in Concil. Collect. ibique legimus dixisse Patres Aët. 3. *Sed & quae alia in sanctis officiis idem Constantinus peregit, praeter tantummodo Baptismum, omnia iterentur*: Deinde ex Actis Concilii Sveffionen. 11. ann. 853. celebrati, quae Aët. 4. de ordinatis ab Ebbone Rhemenſi Archiepiscopo post ejus exauctorationem sancitum esse perhibent: *ut quicquid in ordinationibus Ecclesiasticis idem Ebbo post damnationem egerat, secundum traditionem Apostolicae sedis, ut gestis Pontificum legitur, praeter*

sa-

*sacrum Baptisma, quod in nomine S. Trinitatis perfectum est, irritum, & vacuum habeatur. In gestis autem Pontificum subde Romanorum non alibi legitur ejusmodi sanctio, quam in Vita Stephani III. al. IV., nimirum, ut omnia, quae Constantinus invasor in Ecclesiasticis Sacramentis egit, iterarentur praeter sacrum Baptisma, & sanctum Chrisma. Cum igitur Svesfionen. Concilii Patres, qui gesta illius Pontificis paucis ante annis legerant, nonnisi Baptisma commemorent; reliquum est, ut Chrisma in Libro Pontificali memoratum sit interpolatoris additamentum.*

§. 10. *De Gislardo Nannetenfi.*

XXIII. **V**eterem Ecclesiae morem, legemque iterandarum eorum ordinationum, qui dignitates Ecclesiasticas invadunt, utpote nullius valoris, ostendit factum Aetardi Nannetenfis in minori Britannia Episcopi, de quo Nicolaus I. Epist. ol. 56. nunc 22. Append. 1. ad Salomonem ejusdem Britanniae Regem in causa Episcoporum, qui illic dignitate nudati fuerant, scripsit: *licet non beneficiat Aetardus, quia denuo consecrat, quos Gislardus in eo gradu dignoscitur ordinasse: tamen Aetardus invenitur ante Gislardum Episcopatus officium suscepisse. Denique SS. Leo Papa Nomenojo scribens inter caetera praecipuum virum Aetardum appellat... Gislardum vero tanquam praedicti Aetardi sedulum invasorem denotat... Nam cum antecessores mei Praesules ejectionem eorum Episcoporum, qui ab Ecclesiis suis expulsi sunt; nec admiserint, nec approbaverint; nec ipsos, qui eis subrogati sunt viventibus illis, legitimos Episcopos dixerunt. Quod refert & Baronius ad annum 859. n. 35. & seqq.*

At, inquit Lupus dissert. 2. Prooem. de Simoniae crimine cap. 16. & 17., ob id graviter Nicolaus culpavit Aetardum. Utrique eum perstrinxit Pontifex sed non ob iteratas Gislardi ordinationes; verum eo quod pendente lite incertum adhuc erat, an intrusus, vel legitimus Episcopus esset Gislardus; quare subjunxit Nicolaus: *stude duos Episcopos de expulsiis, & duos de subrogatis... ad Apostolicam sedem B. Petri transmittere; ubi digna examinatione praemissa, qui legitimi Episcopi sunt,*

*sint, appareat; & suas Ecclesias irregulariter non amittant.* Nomenojus enim Dux Britonum anno 848. quosdam Episcopos Simoniaca labe conspersos, vel traductos jure suo privavit, deposuitque; alios vero illis substituendos curavit; uti legere est Mabillon. sec. 4. Bened. par. 2., quos inter videtur extitisse *Gislardus* vel intrusus, vel subrogatus, ut controvertatur; non autem barbarus, ac *Semicristianus*, ut Lupus autumavit. Caeterum tam abest, ut Aetardus prave se gesserit, quia noverat Gislardum re vera intrusum; ut nedum non multatus, sed exaltatus etiam invenitur: nam anno 868. Hadrianus II. literas pro eo exaravit; & anno 871. *Archiepiscopum Turonen.* constituit; cum tamen juxta can. 67. Apostolorum iterantes ordinationes sacras deponi, abjicique deberent.

§. 11. *De Photio Constantinopolitano.*

XXIV. **S**equitur & longa, & salebrofa de Photio CP. controversia; de quo quoniam vivente S. Ignatio Episcopo CP. in illius sedem invaserat, & sua Ignatium sede pepulerat; Concilium viii. anno 869. decrevit can. 4., *Photium contra jus, fasque praecipiti temeritate velut atrocem Lupum in gregem Christi insipientem . . . nunquam antea Episcopum fuisse, neque nunc ulla ratione esse justo decreto declaramus: nec ab illo creatos in eo Sacerdotii gradu, in quem ab eo promoti sunt, manere:* juxta Raderi versionem; additque altera Anastasii Bibliothecarii: *omnibus maxime, quae in ipso, & ab ipso ad Sacerdotalis gradus acceptationem, vel damnationem acta sunt, in irritum ductis.* Et in cassum respondent, dici Photium non Episcopum juxta communem vulgi intelligentiam, qui non Episcopos appellare solet malos Episcopos. Nam Ecclesia non vulgi glossemata sequitur, sed propria: & si a Concilio dictus est etiam non *Christianus*, uti & a Nicolao I. Gregorius Syraculanus ejus ordinator, cum tamen uterque Christianus esset; id factum est ob *anathema*, quo irretitus erat; sacra enim communione privati utpote extra fidelium coetum, & quasi extra Ecclesiam positi dicebantur non *Christiani* ab Ecclesiasticis viris, & scriptoribus; & *Christianitatem* auferre erat rebus sacris interdicere; & *Christianitatem* reddere, eisdem restituere;

uti

uti legere est praesertim Hugonem Flaviniacen. in Chron. Vir-  
dun. ad annum 1098., hic autem Photius dicitur *nulla ratio-  
ne Episcopus*; quod est nullo modo, & *invalide*.

Nec etiam facit satis, qui respondet, non *Episcopum* dici  
quantum ad usum, & exercitium; non quantum ad caracte-  
rem; itidemque quantum ad usum tantum illius omnia irrita  
declarari: quoniam ista jam supra confutata leguntur; & sum-  
mi Pontifices Nicolaus I., & Adrianus II., alique dilucide pro-  
nunciarunt Photium nullo modo Episcopum extitisse.

XXV. Nicolaus enim I. Epist. 1. ait: *Photii vero conse-  
crationem non solum minime admittendam esse decrevimus, ve-  
rum etiam Legatis nostris, ne cum illo nisi quasi cum Laico usque  
ad notitiam nostram communicarent, frequenti, ac omnimoda  
jussione praecepimus: unde Aët. 4. Concilii viii. Apostolicae se-  
dis Legati dixerunt: per nullam occasionem rationabilem demon-  
strare Photius valet, quod receptus aliquando fuerit a Romana  
sede; sed semper inter Laicos eum computabat; & Nicolaum  
Papam nunquam Photium, & ordinationem ejus recepit.* Epist.  
vero 7. idem Nicolaus in Rom. Synodo anno 863. inquit:  
*Photius, qui ex Schismaticorum, & se a sanctae communionis  
participatione avertentium parte... Episcopus ordinatus est; &  
vivente, & superstite consacerdote nostro Ignatio S. Ecclesiae  
Constantinopolitanae Patriarcha sedem ipsius invasit; & spon-  
sam... non per ostium, quod Christus est, sed aliunde ex ad-  
verso in ovile Dominicum more furis, & latronis ingrediens, ac  
sic violentus, rapax, & sceleratus adulter irrupit; atque cum  
damnatis, & anathematizatis, atque cum iis, qui ne sacerdo-  
tale officium ante audientiam praesumerent, a praedecessore meo  
beatae memoriae Benedicto Papa fuerant obligati; quotidie, &  
indifferenter communicans, & conversans &c.*

Sed & Epist. 10. de Gregorio Syracusano Episcopo damna-  
to, atque deposito, Photiique consecratore habet n. 6. Gre-  
gorius ergo, qui canonice, ac Synodice depositus... quemadmo-  
dum posset quemquam provebere, vel benedicere ratio nulla do-  
cet. Igitur nihil Photius ex Gregorio percepit, nisi quantum Gre-  
gorius habuit: nihil autem habuit, nihil dedit... si inefficax,  
profecto Photio nihil praestans; nimirum qui vulneratum caput  
per illam manus impositionem potius habere dignoscitur... &  
sic

sicut etiam exposuimus; nec damnatus sanctificare; nec depositus erigere, nec ligatus potest quemquam per impositionem manus provebere: impossibile est enim eorum aliquid fieri: idque demonstrat ex Nicaenis, Antiochenis, & Carthagin. Canonibus. Quibus dicendi modis usus est & Joannes VIII. Epist. 223. & 260., cum ordinationem cujusdam Joseph irritam, ac nullam edixit, iterarique mandavit; uti Cap. VII. n. 5. & 6. videbitur. Johannes autem & sub Nicolao I., & tempore Concilii Rom. anno 863. contra Photium coacti Romanae Ecclesiae Archidiaconus erat; unde formulam dicendi accepit; didicitque morem Ecclesiae nullas declarandi, ac iterandi intrusorum, ac invasorum, similiumque pravorum ordinationes.

XXVI. Adrianus etiam II. Epist. ad Basilium Imp. pro Oecumenico Concilio, lapsisque in suis gradibus recipiendis, ac dispensandis scribentem anno 869. respondit, id se facturum temporum necessitati consulendo... Photii dumtaxat ordinationem ab hujus moderamine pietatis interim prorsus excipientes, eamque passim & praeter examen nullatenus admittentes. Dicit enim altissima Ecclesiae tuba sanctus videlicet sedis Apostolicae Papa Leo... cum saepe quaestio de male accepto honore nascatur; quis ambigat nequaquam istis esse tribuendum, quod non docetur fuisse collatum? Neque enim inter Photium moechum, & Maximum Cynicum a Synodo secunda damnatum; vel inter ordinationes hujus, ac illius distinctionis aliquid esse conjicimus. Atque ideo pari sine constringi debere videtur, qui par babuisse cum eo principium modis omnibus comprobatur. Sic quidem & juxta quod praefatus magniloquus Pontifex universis per Caesariem. Mauritiam constitutis Episcopis scribit... nec putandus honor ille legitimus, qui fuerit contra Divinae legis praecepta collatus: quo loco loquitur Leo M. de Digamis, quos vidimus, nequaquam sacrorum Ordinum dignitatibus idoneos judicari, sed prorsus ab illis excludi. Et Epist. ad Ignatium CP. Episcopum Act. 3. Synodi memoratae relata scribit: quos idem Photius in gradu quolibet ordinasse putatus est, ab Episcoporum numero, vel dignitate, quam usurpative, ac fidei dedii, merito sequestrantes.... quia Photius Maximo, & ordinatio ejus, vel potius execratio istius ordinationi pene in cunctis videtur esse similissima... quia Photius vir forensis, curialis, neophytus, invasor,  
at-

atque adulter, nec non & anathemate condemnatus existens nihil habuit praeter damnationem, quam se sequentibus propinaverit... ab anathematizato, & damnato per impositionem manus non lucrum, sed vulnus in capite susceperunt. Quae dici solent de iis solummodo, qui potestatem ordinandi non habent.

XXVII. Stephanus vero V. a. VI. Epist. ad Basilium Imp. anno 885. scripta dicit: *Peto a te, cuinam scriberet Romanorum Ecclesia? Laico scilicet Photio? si enim haberes Patriarcham, frequentius nostra Ecclesia illum literis visiteret. Sed beati mihi, quod ista gloriosa, & a Deo custodita Civitas Constantinopolis Pastoris solatio est orbata: & in alia ad Episcopos, & Clericos Orientis insequenti anno data repetit: praedictus itaque Photius laicus homo, si regiam viam ambulasset, & decretis SS. Patrum inhaesisset; ad tantam insaniam nunquam devenisset. Similiter ejus successor Formosus PP. Epist. ad Stylianus Neocaesariensis Episcopum, ut volunt, anno 891. scripsit: Petis misericordiam; & non scribis, quomodo sit exhibenda; neque cui, seculari videlicet, vel Sacerdoti. Si enim secularem dixeris, venia dignus is erit tanquam a seculari dignitatem adeptus; si vero Sacerdotem dicas; non adhibes mentem, quod dignitatem praebere non potuit, qui dignitatem non habebat. Nihil potuit dare Photius praeter damnationem, quam habuit per impositionem obliquae manus; & damnationem praebuit. Quomodo dignitatem potuit accipere, qui particeps factus est condemnato?... numquid potest ficus uvam producere; vel vitis ficus?... Cum iis vero, qui a Photio fuerunt ordinati, misericorditer nos gerentes... istis enim & a nobis, & a reverentia tua in communionem fidelium receptis ut Laicis scandalum delebitur.*

Stylianum autem cum aliis ex Oriente scripserat jam antea ad Stephanum V. *Qui Photium sponte renunciasse dignitatem scripserunt; illi ipsi Photium ut Sacerdotem receperunt. Nos autem nullum in Photio agnoscentes vestigium Sacerdotii juxta legitimam, & canonicam sententiam aeternorum, & BB. Pontificum Nicolai, Adriani; sicut etiam sancta, & generalis Synodus Constantinopoli congregata Legatis Apostolicae sedis, & trium sedium Orientalium promulgavit; quomodo potuimus in hunc modum damnatum tanquam sponte abdicatum scribere?*

XXVIII. Quae sensa, dictaque & multa, & maxime dilucida, magneque autoritatis, video sudare Witasse Obj. 4. jamdudum laborantem, quomodo interpretari valeat; quae quia ita vere non possunt, depravari necesse est. Et primum ait, dictum Photium *Laicum* quantum ad jura, dignitatem, & officium, non quantum ad characterem: quo nihil falsius; nam si fateris, eum cum characterem Ordinis *potestatem* habere; dignitatem quoque, jura, ac officium habere eum fatearis oportet; quoniam cuncta haec potestatem Ordinis necessario consequuntur: non enim quia istis *illicite* quis utitur, ideo *valide* non utitur; quod si valide, ergo verus est Episcopus, & nunquam dici potest *Laicus*: quemadmodum *Schismaticus*, suspensus, irregularis, communione privatus &c. Episcopus *illicite* usum sacrorum Ordinum habere dignoscitur; nec tamen *Laicus* unquam ab Ecclesia dictus invenitur. At Photius, inquit, ejusque sectarii *deponuntur*, seu deponi jubentur; qui vero *Laici* sunt, deponi nequeunt; igitur characterem habent, suntque ex ordine Cleri. Verumtamen non a legitimo, veroque honore, atque officio deponi dicuntur; sed ab usurpato, falsoque; cum id affirmetur & de Laicis, iisque, qui *invalide* ordinati noscuntur; ut alio loco ex Conciliis ostendetur. Tandem cum instat, Episcopos suo de gradu motos olim ad *laicam* fuisse communionem redactos, nec tamen *characterem* amisisse. Cedo; sed & illud assevero, amisisse eos *potestatem* Ordinis, atque adeo ipsum Ordinem; ob idque *Laicos* effectos, & nuncupatos fuisse, ut alias suo loco videbitur ex SS. Patribus, & Conciliis; cum *character*, ut Cap. 1. dictum est, non praestet dignitatem; sed vel praesentis, vel futurae, aut praeteritae signum existat dignitatis.

XXIX. Et quum Nicolaus I. scripsit, Gregorium *nihil* Photio dedisse, quia *nihil habuit*: non dubitat Vitasse asserere, inde satis patere Photium a Gregorio accepisse, quod Gregorius habuit; hic autem utpote in Ecclesia ordinatus *characterem* habuit; ergo characterem dedit. Sed non vidit vir doctus; Gregorium, tametsi characterem habebat, *potestatem* tamen, sine qua Ordo conferri non potest, non habuisse; quamobrem cum ordinem dare nequiverit, nec characterem dedit: qui vero potestatem non habet, nihil habere dicitur; cum



cum *character* non sit nisi signum, & figura, ac velut umbra Ordinis, ut & qui signum, ac figuram, umbramque hominis habet, nihil hominis habere dicimus: queniadmodum enim vestigium hominis non est homo, ita vestigium Ordinis non est ordo, quod si non ordo, igitur neque *potestas* ejus, quam dixi naturam Ordinis esse.

Similiter quum respondet, Stylianum, & alios nullum in Photio agnovisse *vestigium Sacerdotii secundum Canones, & Ecclesiae disciplinam*, quae nullum in intrusis, & *invasoribus* vel minimum ordinationis jus admittit: non autem *secundum divinam institutionem*, quod ad ipsum characterem attinet: secum pugnantia dicit, & prorsus falsa; non enim Canones, & Ecclesiae disciplina divinae institutioni refragantur: & si non diffiteris, Ecclesiam nullum in intrusis, & *invasoribus ordinationis jus* admittere, quod quidem verum; cur igitur in iisdem *potestatem* admittis ordinandi, & quidem *valide*? an non Christus Deus Ecclesiae suae potestatem omnem contulit maxime in Oecumenicis Conciliis, in quibus Canones conduntur; & ubi dicitur: *Visum est Spiritui sancto, & nobis*? haec igitur intrusos, & *invasores* ad Ordines sacros minime aptos esse decrevit. Sed & eandem institutioni Divinae prorsus hac in re consentanea tradere, docet Johannes VIII. Epist. 4. ad Valenses de quodam illorum Ecclesiae *Invasore*, vivente adhuc Arnulpho eorum Episcopo, scribens: *quod tantum fieri prohibemus, tantumque detestantes abominamur; quantum contra canonicae auctoritatis censuram, & contra Divinae legis traditionem, veterum Patrum exempla tale quid attentari cognoscimus; ut vivente uno Episcopo, ac superstite consistente, aliter vel non petitus, vel qui peti non potest, nec etiam debet, sedem viventis invadat; & hanc vel sine nostro consultu, ut ita dixerim, expetat: nec dissimilia protulit Victor III. anno 1087. in Be-neventano Concilio contra Guibertum Antipapam.*

XXX. Ad illud vero Adriani II., quos idem Photius in gradu quolibet ordinasse putatus est, ab Episcoporum numero, vel dignitate, quam usurpative, ac ficle dedit &c., respondet ille idem, quem dixi, ut semper solet, a Pontifice dici ordinationem *putativam*, & *fictitiam* quantum ad honorem, & dignitatem, non quantum ad characterem. Verum id quoque sem-

semper cum errore dicitur: nam si Photii ordinatio fuit *rata*, & *valida*; igitur non solum characterem, sed etiam honorem contulit, & dignitatem; quia contulit ordinem, & ordinis potestatem: non stat autem ordo sacer sine honore, ac dignitate; quantumvis *illicita* sit ordinatio. Deinde si quum Concilium can. 4. sanxit, *Ecclesias, quas, ut putatur, tam Photius, quam alii... dedicaverunt... rursus dedicari*; sensit Photium, & alios potestate dedicandarum Ecclesiarum, quae est potestas Ordinis, caruisse; igitur & quum Hadrianus dixit, Photium *putasse* quosdam a se ordinatos, sensit eum ordinandi potestate caruisse: sicut & in memorata Epistola idem Hadrianus Ignatii *depositionem putativam* dixit, quam constat nullam, & invalidam fuisse; quare ergo & de *ordinatione putativa* non idem dicitur? Tandem cum Nicaetas in Vita Patriarchae Ignatii scribat: *Photius in primis hoc agebat, ut ordinationes Patriarchae Ignatii transmutaret; atque ab eo damnatos sedibus restitueret. Sed cum Imperatori non probaretur; videte, quid tentavit: consecratos a S. Ignatio refecrare conatur: quod cum aequae parum succederet; omnesque indignissime ferrent, atque execrarentur; ne ita quidem defecit iniquitas &c.* VVitasse respondet Inst. 11. ex hoc illud haberi, *iteratas ordinationes* velut gravissimum scelus apud omnes tunc habitas fuisse. Sed longe a scopo scriptoris aberrat: non enim Imperator, alique iteratas improbabant ordinationes, sed ordinationum verarum abolitionem, seu inficiationem; cum id eo conaretur Photius, ut ostenderet *Ignatium* jure, ac merito depositum olim fuisse ceu CP. sedis *invasorem*, ideoque ejus ordinationes uti nullas iterandas esse: quod omnes improbarunt, execratique sunt; utpote qui eum non solum Antistitem verum reputabant; sed etiam sanctum, miraculisque clarum venerabantur.

XXXI. Ad haec accedit, idem Concilium VIII. versionis Anastasii Biblioth. can. 4. habere: *Sed & Ecclesias, quas, ut putatur, tam Photius, quam ii, qui ab ipso consecrati sunt, dedicaverunt; vel si commotas mensas stabilierunt, rursus dedicari, & inthronizari, atque stabiliri decernimus.* Quibus innuitur, Photium, ejusque gregales dedicandarum Ecclesiarum potestatem non habuisse; ideoque Episcopos non fuisse; cum Ordi-

divinis Episcopalis sit tam ordinatio Cleri, quam dedicatio Ecclesiae. Attamen VVitasse Inst. 13. ac Tournely respondent, *Ecclesiarum ordinationem* esse juris Ecclesiastici, & ad solam spectare disciplinam; unde quando contra Canones peracta est, iterari posse, ac debere: non ita de *ordinatione*; idque accepisse videntur vel a Martino Peresio de Divinis Tradition. par. 3. Confid. 4., vel a Vasquezio in 3. par. S. Tho. to. 3. disp. 236. cap. 10. Quod plane falsum affirmo: cum Hispalensis II. Synodus anno circiter 619. a S. Ilidoro coacta cap. 7. dicat: *In Divinis enim literis praecipiente Domino* (Exo. 40., & Num. 7.) *solus Moyses in tabernaculo Dei crexit Altare; solus ipse unxit; utique quia summus Sacerdos Dei erat; sicut scriptum est: Moyses, & Aaron in Sacerdotibus ejus:* (Pl. 98.) & Toleranum Concilium VIII. anno 653. factum can. 7. habeat: *Nosse nos convenit, quod Episcopalis eminentiae Divina autoritas non immerito sacris omnibus esse summa percensuit, prae caeteris Sacerdotibus exercenda prohibuit... scilicet Templorum Dei sacrationem, Chrismatis benedictionem, sacrorum Ordinum institutionem; quae tam divinaliter ordinata persistunt, quam excellentissime conferuntur... nequaquam ergo aliquando poterit profanari, quod Divina jussione, simulque Apostolicae traditionis autoritate sacrum noscitur extitisse: ac Innocentius III. c. Cum venisset de sacra unctione scribat: ungitur praeterea secundum Ecclesiasticum morem, cum consecratur Altare; cum dedicatur Templum; cum benedicitur Calix non solum ex mandato legis Divinae, verum etiam exemplo B. Sylvestri &c., nec non Epist. 124. lib. 11. Abbati, ac Monasterio Fossae novae data: si olim in veteri Testamento Altaris consecratio celebris habebatur; quanto magis nunc in novo debet solemniter haberi &c.* Quocirca Gregorius IX. c. *Aqua per Episcopum* de Consecratione rescripsit, *consecrationes, & reconciliationes Altarium* spectare ad Episcopum, atque *Ordinis Episcopalis* esse; & idcirco Presbyteris committi non posse: tribusque tantum ex causis iterari debere earum consecrationem edocet c. *Ecclesiis* dist. 68., & dist. 1. de Consecrat., uti Cap. VIII. n. 22. videbitur.

XXXII. His nostris nihilominus obijciunt, post obitum Patriarchae Ignatii Photium, ejusque assecras ab eo sacris Ordinibus admotos, & ordinatos ab Johanne VIII., consentien-

tibus Alexandrina, Antiochena, Hierosolymitana, caeterisque fere omnibus Orientis sedibus, *citra novam ordinationem* in pristinas, seu invasas Ecclesias receptos fuisse: igitur, inquirunt, antea vere, & valide ordinati illi fuerant. Respondetur, ob id ipsum etiam ortum esse grave illud, ac diuturnum *Schisma* non modo inter Graecos, & Latinos, sed & inter Graecos, & Graecos, interque ipsos Romanae Ecclesiae Antistites: mortuo *Johanne VIII.*, nemo Rom. Pontificum *Photii* nomen, ejusque ordinationes admisit usque ad Stephanum VI. al VII., quo sedente anno 896. Antonius Caulea Patriarcha CP. Leonis Sapientis Aug. iussu *in unum coegit Orientalia, & Occidentalia*, ut *vetus Ecclesiae ulcus, seu schisma ad cicatricem* deduceret, inquit Nicephorus Philosophus in Oratione pro morte ejusdem Patr. Antonii habita: & exinde *Stephanum* hunc Photium recepisse colligitur ex Epist. 2. Johannis IX. PP. ad Stylianum, ut volunt, edita anno circiter 899., & ex eo quod *Christophorus* Papa anno 903. Synodicam Epist., sive fidei professionem de more Constantinopolim transmiserit; ut refert vetus Autor Graecus apud Baronium ad ann. 883. n. 35. Et quae in contrarium habet Autor *Breviarii Synodi VIII.*, parvis faciendi sunt, utpote Scriptoris, qui mihi neque Graecus est, neque vetustus, & parum sibi constans, aut plane interpolatus.

XXXIII. Caeterum Photius, quod esset vir doctus, eruditus, eloquens, unaque veterator, plurimis persuaserat, Ignatium prave, & contra Canones Ecclesiae promotum, intrusumque fuisse; sparferat & in vulgus, eum Patriarchatui sponte sua nuntium remisisse; se vero invitum onus illud subire coactum: quapropter nil mirum, si universo propemodum Orienti, & pluribus in Occidente imposuit, circumvenitque; ut eum rite promotum, ac valide ordinatum arbitrantur. Quo facto si error communis cum titulo juxta *Moralis* Theologiae placitum *jurisdictionis* potestatem tribuit; cur non idem error *Ordinis* potestatem praestabit? Praesertim cum Johannes VIII. Epist. 199. ad Imp. rescripserit, se ad Photium, ejusque ordinationes admittendas adduci *illa potestate* fultum, *quam Ecclesia toto Orbe diffusa credit nobis in ipso Apostolorum Principe a Christo Deo nostro concessam, eodem Salvatore B. Petro Apostolo prae caeteris specialiter delegante: tibi dabo claves Regni Coelorum,* & quae-

& quaecunque ligaveris super terram &c., idque necessitatis, ac pacis consulendae causa; line qua talium hominum ordinationes irritas esse, ac inanes docuit ipse Papa Johannes paulo ante relatus n. 25. & 29., ut hic omittam ea, quae dicentur Cap. vi. n. 16.

XXXIV. Postremo quod affert VVitasse de *Stephano Leonis Imp. fratre* a Photio in *Diaconum* ordinato, & in Photii locum anno 886. ex Stephani V. Papae *dispensatione* substituto, negotii nihil nobis fecisset: desumptum est enim id ex Autore *Additionis* ad Epistolam Styliani, & aliorum apud Baronium ad ann. praedictum 886. n. 16., & ex ipso Baronio n. 15.; sed utrobique cum errore; quandoquidem neque ea in Epistola, quae Stephano Papae scripta est, ulla sit Stephani *Diaconi* mentio; neque Papa Stephanus *dispensationem* concessit; sed rescripsit, mittendos prius utriusque partis Episcopos ad literarum veritatem plenius cognoscendam, quam quicquam decerneretur: & sane in aliis literis sub ann. 889. relatis idem Stylianus, ejusque socii Orientales iterum a Stephano Papa *dispensationem* efflagitarunt; & tamen anno 886. Stephanus Imperatoris Leonis frater a Theophane Heracleae Metropolitae ordinatus fuerat, teste Leone Grammatico. Deinde Scholastes Epistolae Styliani non ait, *dispensationem* pro Stephano Leonis Aug. fratre petitam fuisse, qua ad Cathedram Constantinopolitanam promoveri posset; sed jam promotum, & Patriarcham fuisse ponit eum; quum Leonem Augustum referat deposuisse invasorem Photium, fratremque suum Stephanum illi substituisse: mox advocato Sryliano Neocaesariensi Episcopo, aliisque multis suasisse eis, ut *communicarent cum fratre suo, & fieret unum ovile*; schismaque tolleretur: quod si renuerent cum illo communicare utpote a Photio in Diaconum ordinato; scriberent *Romam ad Pontificem, ut dispenset absolutionem anathematis iis, qui a Photio fuerant ordinati*. De qua re tamen, de qua, quae dicerem, plura habeo, quae non sunt hujus loci; ad alium locum, & tempus, siquidem erit, reservanda puto.

## §. 12. De Leone VIII.

XXXV. **S**upereſt nunc illud Johannis XII., ejuſque Con-  
 cili Romani anno 964. contra Leonem VIII., ut  
 æſtimant, Romanæ ſedis invaſorem; in quo Act. 3. habetur:  
*Eos vero, quos ipſe Leo neophytus, & invaſor ſanctæ Catholi-  
 cæ, & Apoſtolicæ Romanæ Eccleſiæ in quolibet Eccleſiaſtico  
 Ordine provexit; Apoſtolica, atque canonica auctoritate, & Sy-  
 nodali decreto in priſtinum revocamus gradum; quia ordinator  
 eorum nihil ſibi habuit, nihil illis dedit. Sicuti olim noſter præ-  
 deceſſor piæ memoriæ Papa Stephanus ſententiam tulit de iis,  
 qui ordinati fuerant a Conſtantino quodam neophyto, & invaſore  
 S. Sedis Apoſtolicæ; & poſtmodum quosdam eorum ſibi placabi-  
 les Presbyteros, aut Diaconos conſecravit &c.* Cui perpetuum  
 illud unicum, ſed falſum, ac deploratum adhibent reſponſum;  
 nihil ſibi Leonem habuiſſe, nihilque aliis dediſſe quantum ad  
 honorem, dignitatem, & legitimum poteſtatis uſum; non au-  
 tem quantum ad characterem: additque VVirafſes Obj. 6., qui  
 ſemper aliquid novi præ cæteris excogitaſſe ſe putat; id duci  
 ex illis ejuſdem Concilii verbis Act. I. *ſic eos exutos privavit bo-  
 nore, quem dederat eis ipſe invaſor, & neophytus, atque cu-  
 rialis; & revocavit eos in priſtinum gradum:* cum prius Con-  
 cilium edixiſſet: *priventur honore, quem dederat illis:* ideoque,  
 ſubdit, *de honore, non de characterẽ intelligenda ſunt illa.*  
 Verum enim ſi Concilium dixit: *priventur honore, quem de-  
 derat eis:* quomodo quum poſtea prolatum eſt: *nihil habuit,  
 nihil dedit:* intelligi poteſt de honore, quem dediſſe; fatetur?  
 Cum igitur Leo honorem verum, quem non habebat, non  
 dederit; ita nec characterem dedit; ſed Pontifex Johannes pri-  
 vavit ab illo ordinatos honore falſo, ac uſurpato, quem ſo-  
 lum habebat, dederatque ordinator. Nam quid eſt honor, ac  
 dignitas in hac re, niſi Ordo? nihil igitur honoris, & digni-  
 tatis Leo habuit, & nihil dedit; quia *Ordinem* non habuit, &  
 ſine ordine character non confertur, ut dictum eſt ſupra: ni-  
 hil autem Ordinis habuiſſe dici nequit, ſemel ac admittis eum  
*valide* ordinare poſſe: non enim *uſus* Ordinis facit Episcopum,  
 ſed Ordinis *poteſtas*. Amplius ſi Johannes XII. Stephani Papæ  
 fa-

factum, & exemplum de *Constantino invasore* sequi se profite-  
tur: visum est autem n. 16. & seqq. illius ordinationes nullas  
declaratas fuisse, ac iteratas: igitur itidem dicendum erit &  
de istis. Atque id quidem, ut ostendatur, morem Ecclesiae  
semper fuisse ordinationes intrusorum, ac *invasorum* irritas,  
nullasque pronunciandi: nam de facto *Johannis XII.*, ejusque  
an Concilio, an Conciliabulo alia quaestio est alias mihi per-  
tractanda, ac ventilanda.

§. 13. *De aliis intrusis.*

XXXVI. **P**raeterea & nullam fuisse ordinationem *Guardardi*  
in Episcopum Aufonensem promoti declaravit  
Romanum Concilium anno 998. a Gregorio V. celebratum,  
& a Baluzio publici juris factum Miscell. to. 7., iccirco quod  
vivente Frujano Episcopo, & sedem illam invaserat, & ab Od-  
done Narbonensi Metropolitano non suo fuerat consecratus:  
unde Concilium inquit: *tunc nos caepimus perquirere sanctos*  
*Canones, & recitando invenimus Capitula a S. Nicaeno Concilio*  
*constituta non debere usurpari alicui Episcopatum Episcopo vi-*  
*vente; nec ab alio Metropolitano nisi Dioecesano ordinari; etiamsi*  
*talem Clerus, & plebs eligerent; sed hujus rei factorem secu-*  
*dum suam professionem, & Canonicam, & Apostolicam autori-*  
*tatem debere deponi &c.* si tamen quid certi continet haec Sy-  
nodus. Itaque ad certiora descendens referam, *Guibertum Ra-*  
*vennatem Antistitem* anno 1080. sedente S. Gregorio VII.  
Romanam sedem invasisse; de eoque Victor III. in Beneventi  
Concilio anno 1087. inter alia dixit: *Apostolicae sedis invasor*  
*effectus est contra praecepta Evangelica, contra Prophetarum,*  
*Apostolorumque decreta, contra Canonum, & Romanorum Pon-*  
*tificum, jura, nullo Cardinalium Episcoporum praecedente judi-*  
*cio, nullo Romani Cleri approbante suffragio, nullo devoti populi*  
*requisito consensu in S. Romana Ecclesia totius nequitiae, ac per-*  
*ditionis caput effectus est.* Et erunt ratae, validaeque ordinatio-  
nes illius, qui contra *praecepta Evangelica*, quod est *Divina*,  
factus est, vel voluit fieri summus Pontifex? irritas certe illas  
pronunciaverunt Concilia Placentinum anno 1095., & Roma-  
num 1099. sub Urbano II.

XXXVII. In Synodo Quintilinoburg. anno 1085. ab Odone Otienſi Epifcopo, ac ſedis Apollolicae Legato cum pluribus Archiepiſcopis, & Epifcopis celebrato legitur: *In eadem Synodo ordinatio Weclonis Moguntini inſaſoris, & Sigefredi Auguſtensis, & Norberti Curienſis. . . penitus irritae judicatae ſunt juxta decreta SS. Patrum &c.* non quidem irritae dumtaxat quantum ad uſum, & ordinis exercitium, ut reſpondere ſolent; ſed *penitus* quantum ad ipſummet ordinem; ut iterari deberet, ſi quando honoribus illi digni judicaretur. Quare Daiberti ordinationem ab ipſo VVecilone factam idem Otto, cum jam Urbanus II. eſſet, veluti nullam iteravit ex c. *Daibertum* 1. q. 7., ut Cap. VIII. ſolius demonſtrabitur. Nullae ſimiliter ſunt dictae ordinationes & Walonis S. Arnulphi Abbatis in Meten. Cathedram intruſi, ut habet Chronicon Virdunenſe; & Petri Cardinienſis Abbatis ſub Urbano II. Compoſtellanam ſedem invadentis; ut apud Mabillon. eſt lib. 68. Annal. Bened. n. 25. Idem ſane Urbanus II. c. *Alienationes* 12. q. 2. iſta decrevit: *Alienationes omnium per intruſionem, ſeu non canonice electorum ſub Epifcopi nomine, aut Abbatis, qui ſecundum Eccleſiae ſuae uſum conſecrandus eſt; alienationes dico quocunque modo factas; nec non & ordinationes perſonarum ab eiſdem ſine communi conſenſu Clericorum Eccleſiae, ſive per ſimoniam itidem factas, irritas judicamus: qui eſt etiam canon 22. Concilii Lateranen. I. anno 1123. ſub Calliſto II. celebrati nonnihil tamen interpolatus. Hinc Gloſſa in c. *Factus eſt* 7. q. 1. adnotat, quod quae ab intruſo ſiunt, non tenent. Certe ſi alienationes intruſorum dictae ibi irritae fuerunt nullae, & invalidae; cur non & ordinationes eorundem?*

XXXVIII. Patres Concilii Guſtalleniſis an. 1106. cum Paſchali II. hanc ediderunt ſanctionem c. 1. *Patrum noſtrorum exemplis, & ſcripturis inſtructi, qui diverſis temporibus Novatianos, Donatiſtas, & alios haereticos in ſuis bonoribus ſuſceperunt, praefati Regni (Theutonici) Epifcopos in ſchiſmate ordinatos; niſi aut inſaſores, aut Simoniaci, aut criminoſi comprobentur; in officio Epifcopali ſuſcipimus. Idipſum de Clericis cujuſcunque Ordinis conſtituimus, quos vita, ſcientiaque commendat: tale, tantumque eſt intruſi, inſaſorisque crimen, ut etiam cum Simoniacis comparetur; quem videbimus ita ab*

or-



ordinibus sacris prohibitum, ut ejus ordinatio nulla semper, & invalida fuerit declarata. Omnes porro *Pseudopapae* reipsa intrusi, & *invasores* fuerunt, & dicuntur; in quos exstat decretum Nicolai II. jam n. 9. recitatum; quapropter quaecunque dicta leguntur in Guibertum Raven., Burdinum, Octavianum, Guidonem, aliosque, referrenturque Cap. ix., ad hunc quoque pertinent locum. Nam & Acta Alexandri III. de illis, qui pace inter Pontificem, & Imperatorem anno 1177. composita sunt Ecclesiae reconciliati, haec habent: *absoluto autem Imperatore, sequaces quoque ejus intrusi, & Schismatici ad sinum matris Ecclesiae catervatim confluentes ... schisma, haeresim, & factionem Octaviani, & Guidonis Cremenfis, & Joannis de Struma, eorumque ordinationes irritas esse pronunciantes ... reconciliati sunt &c.* iterumque ordinati, ut suo loco videbitur.

XXXIX. Illud postremo occurrit, quod *Innocentius IV.* anno 1252. iis literis Raymundo de Zottonis Beneventano Electo Trivicano, nec non Capoferreo electo Beneventano datis, quas publici juris fecit Ughellus to. 8. Italiae sacrae in Trivicanis Episc. n. 4., scripsit, mandavitque memorato Electo Beneventano, ut Johannem Archipresbyterum Beneventanum in Episcopum Frequentinensem promoveret; ac munus consecrationis ei impendi procuraret: *contrarius*, inquit, *non obstantibus, quod in Ecclesia Frequentina quidam laicali fultus potentia intrusus asseritur; & ad mandatum Beneventani Capituli sede vacante consecratus postmodum, vel potius execratus:* quod est non consecratus; sicut *excommunicatus* ille est, qui sine communione est, & non communicatus; & *exanguis, exanimus, exarmatus, exauctoratus*, similesque dicuntur ii, qui sine sanguine sunt, sine animo, sine armis, & sine auctoramento. Quamobrem si intrusus ille fuisset vere, & *valide* ordinatus, dici non potuisset *execratus* a Pontifice; qui profecto usus est phrasi suorum antecessorum, universaeque Ecclesiae; qua qui prave, invalideque ordinantur, appellare consuevit *execratos*: unde supra n. 13. vidimus junioris *Diofcori* similem hujus ordinationem iteratam fuisse. Et haec satis esse crediderim ad ostendendum intrusum, & *invasorem* ab Ecclesia prorsus arceri, ne sacris Ordinibus initietur: nunc ad rationes in contrarium.

§. 14. *Objectiones ex autoritatibus.*

XL. **C**ontrariae sententiae defensores ut probent, *Intrusorum*, ac *Invasorum* ordinationes esse veras, validasque, utuntur exemplis, & rationibus; quae quidem aliquid veri praeseferre videntur, sed verum esse, quod vellent, non evincunt. Et primum illud adducunt *Felici*s contra Liberium Papam in Romanam Sedem intrusi a Constantio Imp., idque ex Auxilio Franco lib. 1. cap. 25., ac Petro Damiani Opusc. 6. cap. 16., qui Liberium tradunt Arianæ haeresi tandem subscripsisse; tuncque Felicem teste Baronio uti legitimum Pontificem a Romanis agnitum; Liberique loco receptum fuisse; ordinationes autem utriusque intemeratas extitisse.

Verum Auxilius ab aliquo vel Luciferiano, vel Feliciano schismatico scriptore deceptus est; & Petrus Damiani ab Auxilio, quem fere exscribere solet; dum Liberium *haereticum*, & *apostatam* appellant; & per ejus transgressionem nefandissima scelera esse perpetrata; multitudinem Sacerdotum, & Clericorum interfectam, martyrioque coronatam; sex insuper annos *apostatam* vixisse conscribunt: quae quantum a veritate distent, & abhorreant; Catholicorum nemo, qui sapit, ignorat. Liberius enim etsi coactus Sirmiensem subscripsit Eusebianorum formulam; constat tamen eum nunquam a fide Catholica excidisse; ideoque neque a Pontificia sede; quemadmodum testatur prae caeteris S. Athanasius Epist. ad Solitarios. Quo factum est, ut neque idem Athanasius, neque Optatus Milevitanus, Hieronymus, Augustinus, aliique usque ad 6. vel 7. Ecclesiae seculum *Felicem* intrusum inter Rom. Pontifices adnumerarent; neque etiam hodie admittent, qui recte sapiunt; ut ut regerant Baronius, & Bollandiani, ac si qui alii sunt, qui illos se sequi profiteantur.

At, inquit, ordinationes *Felici*s *irritae* non sunt judicatae. Ostendant ordinationes ejus receptas fuisse; cum scribat Theodoretus lib. 2. cap. 17., neminem *ex habitatoribus in Ecclesia*, dum ille intus erat, ingredi voluisse; & cum federit absente Liberio paulo amplius anno: cum igitur nihil literis mandatum legatur de ejus ordinationibus; cumque certo constet, eum in-

intrusum fuisse, & nunquam legitimum Pontificem; quis ambigat, ejus ordinationes, si quas fecisset, irritas quoque, ac nullas extitisse?

XLl. Alterum, quod afferunt, est *Anatholii* Constantino-  
politani Episcopi factum itidem ex *Auxilio* cap. 24., & *Petro* Damiani. cap. 17., qui volunt eum intrusum fuisse, ac ordinatum adhuc vivente S. Flaviano Episcopo CP. ab Haereticis, & tamen ejus ordinationem ne ab ipso quidem S. Leone Papa improbatam legi. Quo in facto. tamen notare est, *electionem* Anatholii factam fuisse forsitan vivente S. Flaviano, sed non *ordinationem*; cum S. Flavianus depositus fuerit in fine mensis Augusti anno 449., & in exilium trusus paucis post diebus vivere desierit: Leo vero M. Epist. 52. al. 32. ad Theodosium Aug. data xvi. Kal. Augusti anno 450. suum ad Anatholii *ordinationem* consensum suspenderit; id quod etiam ex Autore Breviculi Historiae Eutychianorum duci videtur: nam & anno 431. deposito in Synodo Ephesina Nestorio, nonnisi *elapso quatuor mensium spatio a depositione Nestorii Maximilianus* *eligitur Episcopus*, inquit Socrates lib. 7. cap. 35. Deinde ordinatus fuit Anatholius a Schismaticis, haereticisque latrocinialis Synodi Ephesinae, qui nondum *haeretici* palam declarati fuerant; nec condemnati, ac dignitate privati; sed id tantum biennio post noscitur factum in Chalcedonen. Concilio anno 451., quamobrem ejus *ordinationem* probarunt omnes etiam Catholici, & ipse Romanus Pontifex S. Leo; cum ille nihil in fide peccaret, eodem Leone in sua ad eum Epistola testimonium perhibente; nec unquam peccasset, ut Andreas Cheviller Dissert. in Synodum Chalcedon. *de formulis fidei* subscribendis ostendit. Itaque probari certo non potest, Anatholium re vera intrusum, ac *invasorem* fuisse; aut contra Canones ordinatum; quandoquidem S. Leo Epist. 54. ad Marcianum Aug. de eo scribit: *cum secundum suae consecrationis auctores ejus initia titubarent*: manebant ergo, si titubabant solum.

XLII. Huic affine est, quod quidam obijciunt; *Maximum* anno 449. in eodem latrociniali Conc. Ephesino per depositionem Domni Antiocheni Episcopi in illius locum, & sedem fuisse intrusum; & tamen ejus ordinationem Chalcedonense Concilium approbasse Aët. x., sed Quenellus in Dissert.

de

de causa Domni Episcopi n. 29. & seqq. falsum esse ostendit, Maximum ab Eutyrianis ordinatum fuisse; cum ab illis quidem electus, & designatus fuerit successor Domini jam exauclorati, consecratus tamen ab Anatholio CP. Episcopo tamen contra Canones Nicaenos, Apostolicos, & Constantinopolitanos; ut auctoritat Leo Magnus ad Marcianum Aug. anno 452. 11. Kal. Junii scribens de hac re: *neque sibi aestimet* (Anatholius) *licuisse, quod Antiochenae Ecclesiae sine ullo exemplo contra statuta Canonum Episcopum ordinare praesumpsit: quod nos amore reparandae fidei, & pacis studio retractare cessavimus.* Non igitur Maximus vere intrusus fuit, sed subrogatus Domino; qui quamquam ab Eutyrianis dignitate privatus, jure tamen, ac merito privatus; proptereaquod & Theodorum Mopsvestenum defendisse, & S. Cyrilli capitula impugnasse narratur; ideoque etiam in Concilio Chalcedonen. ejus exauctoratio confirmata fuit.

XLIII. Illud demum adducunt de *Vigilio* contra Sylverium PP. intruso etiam ex Auxilio, Petroque Damiani memoratis, qui produnt eum pro summo Pontificatu invadendo Papae Bonifacio insidias struxisse; uti *Simoniacum*, & *invasorem* a Sylverio anathematis vinculo obligatum Imperiali potentia; falsisque testibus eundem Sylverium aggressum esse; ejusdemque Cathedram invalisse; & tamen *ordinationes* ejus in sua stabilitate permansisse. Quae cuncta, praeterquam de ordinationibus, sunt ex Epistola Sylverii ad ipsum Vigilium de prompta, quam recitat Baronius ad ann. 539., quamque nunc omnes eruditi uti supposititiam, ac merum commentum explodunt. *Simoniacum* porro eum non fuisse, si quis demonstrare vellet; uti nec *invasorem*; non deessent, quibus tueretur, momenta: cum omnes pene scriptores, qui haec ipsi affixerunt, *trium Capitulorum* fautores extiterint; in eumque veluti trium Capitulorum profligatorem invehi studentes & vera, & falsa congerere non dubitarunt; Autorque libri Pontificalis ex illis ipsis, similibusque noscitur hausisse, quae de eo scribit. Certe cum *Simoniacis*, & *Invasoribus* sedis praesertim Apostolicae mos semper fuerit, & lex Ecclesiae Romanae quam maxime refragari, eosque repellere: quo pacto de hujus intrusione, ac simoniae crimine nunquam Romanus Clerus quaestionem movit; nihil op-

opposuit; nec de Rom. Pontificum albo eum delere cogitavit? Quid est, quod huic parcere voluerit; aliis nequaquam? Vigilio igitur vel intruso, vel subrogato, *Sylverius* in exilium actus semeltri tantum expleto mortuus est; nesciturque, an interea loci fecerit Vigilius ordinationes: ejus sane promotio, ac ordinatio omnibus probata fuit utpote ab Episcopis facta, qui rebantur eum jure promotum; *Sylverium* vero non injuria dejectum tanquam, ut jactabant, patriae proditorem; vel ut conjicit Pagius ad ann. 540. n. 5., quia videri poterat *Sylverius contra Canones* evectus, ordinatusque; cum Autor libri Pontificalis de eo tradat: *hic levatus est a tyranno Theodato sine deliberatione decreti: qui Theodatus corruptus pecuniae dato talen timorem indixit Clero, ut qui non consentirent in ejus ordinatione, gladio punirentur &c.* Quare & hunc Baronius intrusum pronuntiavit; quem paulo post Romanus Clerus uti legitimum receperit: id autem quomodo fieri possit, dictum est jam num. 33.

§. 15. *Objectiones ex rationibus.*

XLIV. **T**Andem ad rationes descendens Witasse contendit, *Intrusorum, & Invasorum* scelus gravius non esse illo *Schismaticorum, & Haereticorum*: horum autem profiteretur se probaturum validas esse ordinationes: ergo & illas intrusorum. Deinde si invalidae sunt, inquit, ejusmodi ordinationes; aut id ex jure Divino, vel humano: non ex Divino; cum nihil sit neque in scriptura, neque in traditione, quod ipsum prodatur: non etiam ex humano; cum nihil in *Sacramentis* homines possint: igitur nullo jure explodi possunt ut nullae intrusorum ordinationes.

Quorum ad primum dico, (ut ut sit, an horum, vel illorum gravius crimen sit; nam comparate modo haeresis, & schisma; modo intrusio, ac invasio graviora sunt) hac in quaestione gravius esse *Intrusorum, & Invasorum* scelus, hinc elici, quod istos nunquam legimus dictos esse Episcopos, sed semper fures, & latrones, adulteros, moechos, ac Pseudoepiscopos; quum certo constaret, intrusos fuisse, ac invasores: *Haereticos* vero, uti & *Schismaticos* non item, quos fere semper Episco-


scoporum titulo nuncupatos, etiamſi horum quoque ordinationes non ſemper ratas haberi, paulo poſt demonſtrabitur: poſtea quod Haereticos, & Schiſmaticos in ſuiſ honoribus ſuſcipiant Concilia, non autem intruſos, & *Invaſores*; ut liquet ex Concilio Guafallen. n. 38. proxime relato; praeter quamplura alia Eccleſiae monumenta, quae iſtud palam oſtendunt.

XLV. Ad alterum autem reſpondeo, & ex *Divino* jure, & ex *humano* praediſtorum ordinationes prorfus invalidas eſſe; ut ex haecenus adductis autoritatibus apparet praefertim Adriani II. Epift. ad Baſilium Imp., qua ſcripſit ordinationem Photii *contra divinae legis praecepta* factam, idque Magni Leonis teſtimonio; nec non Joannis VIII. Epift. 4. ad Valenſes, in qua docuit, invadere ſedem viventis Epifcopi *contra canonicae autoritatis cenſuram, & contra Divinae legis traditionem* fieri; ſeu *contra praecepta Evangelica*, ut habet Concilium Beneventanum Viſtoris III. Nam homines nihil in *Sacramentis* poſſe, verum eſt quantum ad eorum inſtitutionem, & deſtructionem; falſum autem quantum ad eorundem adminiſtrationem, ac diſtributionem: ſiquidem eſt ſupra jam probatum, in poteſtate Eccleſiae poſitum eſſe, eique a Deo conceſſum, hos, vel illos a ſacris penitus ordinibus arcere; alios vero nequaquam: aliquibus nonnunquam conferre, nonnunquam vero negare, vel auferre. Ut omittam ea, quae legimus c. *Inter corporalia*, c. *Quanto perſonam*, & c. *Licet in tantum* de translatione Epifcopi; nec non Epift. 316. lib. 1. Innocentii III. Faventino Epifcopo, ut & Concilium Trident. ſeſſ. 24. cap. 1. de Matrimonio clandestino; quibus elucet, quantum Eccleſia, & Pontifex Romanus uti Vicarius Chriſti in *Sacramentis* valeat.

Nec ſinem huic Capiti faciam, quin admoneam, etiam Goſfredum Vindocinenſem Abbatem ſub Paſchali II. in *Traſtatu de Ordinatione Epifcoporum, & Investitura Laicorum* docuiſſe, nullam, invalidamque eſſe conſecrationem Epifcoporum ſine recta electione; ut eſt eorum, qui aut vi occupant, aut intruduntur in Eccleſiarum adminiſtrationem.

## CAPUT VI.

*De Excommunicatorum, & Anathematizatorum ordinationibus.*

I.  Uod olim primis Ecclesiae seculis dicebatur aliquem *abstinere*, ac de Ecclesia *ejicere*, & *segregare*, quarto exeunte seculo dici coepit *excommunicare*; voce quidem minus latina, sed a latinis diligenter ducta, & exemplo quorundam verborum; ut ab *auguro* exauguro; ab *auctore* exauctoro, ab *armo* exarmo &c., ita a *communico* excommunico factum est. Quam vocem eo magis retinere decet, quod & vetustissimam, usitatissimamque in Ecclesia reperimus; & eam Ecclesiae poenam exprimat, quam non alia tam commode forsan explicare valeat. Illam legimus ab Afris usurpatam in Concilio Carthagin. sub Genethlio Episcopo anno 390. c. 8., mox a S. Augustino pluribus in locis; postea ab aliis quam saepissime. Sunt, qui voce Graeca *anathematizare* magis delectentur, ac utantur, sed non semper apte: quamquam enim qui excommunicatus est, anathemate quoque ictus vulgo nunc censetur, ac dici soleat; non parum tamen inter se discriminantur juxta veterem Ecclesiae morem; nam ille ab hominibus, iste vero etiam a Deo segregatus asseritur: sic in Symmachi Papae Romana Synodo v. dicitur: *Si quis haec, quae bodie in hac Synodo probibita sunt, infringere praesumpserit... si vero Monachus, aut Laicus fuerit, communionem privetur: & si non emendaverit vitium, anathemate feriatur*: & S. Gregorius M. Epist. 34. lib. 2. Januario Calaritano Episcopo scribens eum redarguit, quod quendam Isidorum & *excommunicatam*, & *anathematizatum* esse voluerit. Hinc *anathema* nihil aliud est, nisi *separatio a Deo*; inquit vii. Synodus Oecumenica Act. 7., & Concilium Turonen. ii. anno 567. c. 24. habet: *ut non solum excommunicatus, sed etiam anathematizatus moriatur, & caelesti gladio feriatur*: quemadmodum & Leonis IV. Romanum Concilium an. 853., & clarius Johannes VIII. c. *Engeltrudam* 3. q. 5. euidam Episcopo per literas significat: *Engeltrudam uxorem Bussouis nave-*  
*ris*

*ris non solum excommunicatione, quae a fraterna societate separat; sed etiam anathemate, quod ab ipso Christi corpore, quod est Ecclesia, recidit, crebro percussam esse: plus igitur est anathemate, quam excommunicatione ictum iri.*

II. Huc plane spectare videtur, quod perhibet Urbanus II. c. Notandum est 24. q. 3., dum ait: *unde apparet liquido, aliud esse excommunicationem; aliud eradicationem: qui enim excommunicatur, ut Apostolus ait, ad hoc excommunicatur, ut spiritus saluus fiat in die Domini: disciplina enim est excommunicatio, & non eradicatio: & Innocentius IV. in Lugdunensi Concilio anno 1245. inquit: Cum excommunicatio sit medicinalis, non mortalis; disciplinans, non eradicans; dum tamen is, in quem lata fueris, non contemnat &c.*, estque c. Cum medicinalis in 6. de sententia excommunicationis. Paschalis item II. Epist. 12. ad Gebeardum Constantiensem, & Odoricum Pataviensem Episcopos scribit, docerque non quoslibet excommunicatos esse vitandos; sed *si quis criminosus juxta Apostolum vocatur, hujusmodi omnino vitandus; & qui voluntate, ac opere ei junguntur: caeteri non item: quibus quidem nobis indicatur ea, quae modo nuncupatur major, & minor excommunicatio; non autem anathema; quod etiam his majus esse supra dicta demonstrant. Nam & Concilium Meldense anno 845. c. 56. decrevit: Ut nemo Episcoporum quemlibet sine certa, & manifesta peccati causa communione privet Ecclesiastica: Anathema autem sine consensu Archiepiscopi, aut Coepiscoporum praelata etiam Evangelica admonitione nulli imponat, nisi unde canonica docet auctoritas: quia anathema aeternae est mortis damnatio; & nonnisi pro mortali debet imponi crimine; & illi, qui aliter non potueris corrigi: quod habetur & c. Nemo Episcoporum* II. q. 3.

III. Proinde factum est, ut varia excommunicationis, & anathematis ratione spectata, varie etiam Autores de excommunicatorum Antistitum ordinationibus judicium ferrent; ut mox videbitur. Laurentius enim Abbas S. Vitoni in Belgio, qui floruit sub Paschali II., in Apologetica Epist. ad Canonicos Virduen. apud Mabillon. in Append. to. 5. Annal. Benedict. n. 8. patere dicit, *Excommunicatorum, qui extra Ecclesiam sunt, sacrificia irrita esse, ac nullius omnino momenti: Gal-*  
liel-



lielmus vero Parisiensis Episcopus de Sacramento Ordinis cap. 7. contrarium sensit hac ratione : *quia ergo suspensio, vel excommunicatio non aufert officium, nec ab illo amovet; sed ejus executionem inhibet ad tempus, nec tollit ratificationem postea ipsius Ecclesiae; ideo nec falsos efficit Procuratores hujusmodi; nec evacuat ministerium ipsorum: at Petrus Aureolus Doctor Parisiensis, & Aquensis Archiepiscopus dubius videtur fuisse ac in hypothesi loquutus, dum sent. 4. d. 25. art. 1. ait: excommunicatus etsi forte characterem reciperet; tamen gratiam, & rem ultimam Sacramenti non reciperet; hoc est officium, atque ministerium.*

IV. Veteres omnes nihilominus quum excommunicationis poena aliquos multarent; vel *anathema* nonnullis infligerent; eos etiam & extra Ecclesiam esse, & veluti depositos, exautoratosque reputabant; ideoque eorum ordinationes irritas judicabant, inanes, atque invalidas: idque quidem ea, quae facile convelli non poterit, ratione. Nam si eum Episcopum, quem Ecclesia sua privandum communione judicat, punit, privatque *communibus fidelium bonis*; non privabit eum & jure administrandorum ordinum, sive *potestate ordinis*? annon inter communia fidelium bona hoc ipsum quoque connumeratur? nullum enim pro communi fidelium bono majus possidet Episcopus, quam *Ordinem*, quo dignitate pollet, ac operari *valide* potest: quandoquidem Episcopus non est, qui Ordinis exercitium habet; sed qui potestatem; nam exercitium habere, ac usurpare potest quisvis etiam non Episcopus; sed potestatem habere non potest nisi Episcopus: quoties igitur non aufertur, aut inhibetur Ordinis potestas; nihil magni tollitur ab Episcopo; si *valide* etiam excommunicatus ordinare potest. Hinc idem *extra Ecclesiam* esse, *ejici ab Ecclesia*, & *non Christianus* appellatur: quod si non Christianus, si extra Ecclesiam est; quam Christianorum, & quam Ecclesiae potestatem habebit? eam, quam habet Apostata, & Haereticus, & si qui tales: at istos nullam ordinandi retinere potestatem infra demonstrabitur; igitur nec *excommunicatus*, aut *anathemate* plexus: id quod magis exempla, & auctoritates comprobabunt.

V. Sanctus enim Hilarius Pictaviensis Episcopus lib. de Synodis ita essatur: *cogitemus tot Sacerdotes sanctos etiam quiescentes: quid de nobis Dominus judicabit, si nunc anathematizantur a nobis? quid de nobis erit, qui rem eo deducimus, ut quia Episcopi non fuerunt; nos quoque non coeperimus esse? ordinati enim ab his sumus successores. Renunciemus Episcopatu, quia officium ejus ab anathemate sumpserimus: ubi perspicue declarat, sentire se, anathemate multatos desinere esse Episcopos; ideoque irritas, ac nullas eos habere ordinationes: idque etiam sensisse SS. Romanae Ecclesiae Pontifices Innocentium I., Leonem Magnum, Pelagium, & Magnum Gregorium testantur Patres Concilii Quintilinoburgen. in Germania anno 1085. ab Ottone Episcopo Ostiensi, ac S. Sedis Apostolicae Legato, qui post factus est summus Pontifex Urbanus II., celebrati; in quo omnes ordinationes, & consecrationes excommunicatorum penitus irritae judicatae sunt juxta decreta SS. Patrum Innocentii, Leonis I., Pelagii, atque ejus successoris Gregorii I., & quidem irritae ita, ut iterari deberent; si ordinatorum aliquis interdum admitteretur in prave obtentis honoribus, ut infra suo loco apparebit.*

VI. Cum anno 431. Nestorius fuerit in Ephesino Concilio condemnatus, & exautoratus; ejusque loco Maximianus ordinatus; Johannes Antiochenus Episcopus Nestorio favens omnes Ephesinos Patres communione privaverat prius, eo quod haereticis subscripserint Cyrilli Capitulis, eorumque impietatem roborare praesumpserint: dumque excommunicationis conculcaverunt terminum, & comministrant condemnatis; & secundum SS. Patrum regulas per hoc ipsi quoque depositi sunt; suspensiones contra nos, segregationesque miserunt simile aliquid facientes; velut si quis vinculus, & adhuc ipsis vinculis obudatus vincientem se vincire conetur...: quia quicumque a damnatis, atque excommunicatis ordinatus fuerit, ordinationem habet illicitam, & iniquam. Quomodo autem venit spiritus gratia orantibus eis, quibus interdicta est Sacerdotis oratio? Hoc & olim docuimus magnificentiam vestram; & notum facimus in praesenti, quia nos nec istos esse scimus Episcopos; nec illum (Maximianum CP.), qui ab istis est factus. Nam illi quidem transgressione regulae sub regulae facti sunt poena: ille vero ab eis  
ni-

*nihil accepit; quia nihil habebant, quod impertirentur illi, qui semetipfos ante privaverunt: inquit idem Johannes Antiochenus Epist. Praefecto missa, quae legitur cap. 38. Synodici adversus Tragaediam Irenaei. Sic & Gelasius I. Epist. ad Elpidium Episcopum c. Sacrosancta 1. q. 1. dixit: quomodo ad Divini mysterii consecrationem caelestis spiritus invocatus adveniet; si Sacerdos, & qui eum adesse deprecatur, criminosis plenus actionibus reprobetur? non quidem quocunque crimine; sed eo, quod potestate privat.*

VII. S. vero Gregorius Magnus Epist. 20 lib. 3. Maximo Salonitano scribit: *licet caetera cujuscumque talia sint vitae merita; ut nihil sit, quod ex his Sacerdotalibus valeat ordinationibus obviare: tamen solius nefas ambitus severissima Canonum distributione damnatur... quam rem nos consecrationem dicere nullo modo possumus, quae ab excommunicatis est hominibus celebrata: Sed etiam Nicolaus I. Epist. 10. de Gregorio Syracusano Episcopo dignitate nudato, ac omnium communione privato, Photiique CP. ordinatore pronunciavit n. 6. & sicut etiam exposuimus; nec damnatus sanctificare; nec depositus erigere; nec ligatus potest quemquam per impositionem manus provebere: impossibile est enim horum aliquid fieri: idque ex Nicaenis, Antiochenis, & Carthaginensibus Canonibus demonstravit; convenitque cum Johanne Antiocheno proxime memorato, qui dixit: veint si quis vinculus; & adhuc ipsis vinculis obnodatus vincientem se vincire conetur: & Joannes Antiochenus cum Innocentio I., Nicolao I., Joanne VIII., & Urbano II., quum scripto tradidit: ille ab eis nihil accepit, quia nihil habebant, quod impertirentur illi: quod & fenserunt Concilia Romanum Joannis XII., & Sveffion. anno 853. sub Hincmaro Rhemen. Archiepiscopo; nec non sentiendo firmarunt.*

VIII. Omnium autem loco sit una Joannis PP. VIII. auctoritas, qua dilucide docetur, eorum interdum, qui communione Ecclesiae privantur, ordinationes irritas prorsus esse, & nullas, & invalidas ita, ut cum oporteat, ab eo iterandae dicantur. Cum enim Anspertus Mediolanen. Archiepiscopus ab ipso Joanne VIII. pro suis criminibus in Rom. Synodo fuerit sacra communione privatus; illeque nibilo secius contra canonica statuta, & contra Apostolicum, Synodicumque judicium agens ante audientiam, & absolutionem ministerium sacrum agere; atque

*ad hoc excommunicatus in Vercellensi Ecclesia quendam Presbyterum nomine Joseph Episcopum ordinare praesumpisset; ab eodem Pontifice tam ille, quam ab eo consecratus est dignitate spoliatus, ac depositus; ut ejusdem literae prodant 222. & 223. ad Carolum Regem, & Vercellenses exaratae, quibus Episcopum Consperum a se consecratum eis mittere, quem suscipiant, scribit, imperatque dicens: ideo & eundem Archiepiscopum, & hunc ipsum Joseph invasorem, ac praesumptorem non intrantem per ostium, sed aliunde quasi furem ingredientem in ovile Domini cum virtute sancti Spiritus, & autoritate BB. Petri, & Pauli Apostolorum Principum, nostroque Apostolico judicio una cum Synodali coetu Reverend. Episcoporum omni Episcopali honore decrevimus esse privatos, & alienos... Nam cum praedictus Anspertus dudum Mediolanen. Archiepiscopus esset regulariter excommunicatus, aliquam vel minimorum in Ecclesia Dei consecrationem graduum facere nullo modo potuit: quia quod non habuit, dare profecto nequivit... Jubemus etiam omnes scripturas, vel dationes cujuscumque tenoris, quas fecit de Plebibus, Casalibus, & Villis ipsius Ecclesiae Vercellensis, nullam habere firmitatem; sed omnia, quae fecit, esse judicamus vacua, & inania; quia legitimus ipse non fuit Episcopus: & ideo quippiam dare non potuit: eum vero, qui ex his, quae fecit, aliquid firmum esse dixerit; Ananiae, & Saphirae anathemate feriendum esse censemus. Actum autem id fuit anno 879. idibus Octobr. in generali Synodo ex ejusdem Pontificis Epist. 221., ad quam vocavit Archiepiscopum Ravennat. cum illius Provinciae Episcopis, nec non & Provinciae Mediolanen. Antistites; quos ibi interfuisse colligimus ex Joannis Epist. 218. 220. 221., & 222., qua Pontifex Carolo Regi scribit, se Consperum Vercellens. Episcopum consecrasset consentientibus omnibus comprovincialibus Episcopis: Anspertus porro egerat & contra can. 29. Cod. Afric. statuentem: si excommunicatus Episcopus... ante audientiam communionem praesumpserit; ipse in se damnationis judicetur protulisse sententiam.*

IX. Hujus enim Joseph ordinationem nullam omnino fuisse, declarat alia ejusdem Joannis Papae Epist. n. 260. ad ipsum Anspertum Archiepiscopum opera Caroli Grassi Imp. pristinae dignitati restitutum data anno 881., qua super dicti Joseph ad Astensem Ecclesiam promotione respondet ita „ Consultationis

„ tuae

„ tuae, qua nos super Joseph nuper in Vercellensi Ecclesia ordi-  
„ nati nova electione, vel ordinatione in Ecclesia Astensi con-  
„ sulere voluisti, perspectis suggestionibus, quibus super hoc no-  
„ strae autoritatis consultum requiris; canonicum judicavimus,  
„ & nostris tibi decretis convenienter propitia divinitate respon-  
„ demus. Fuerat autem de illo primum, ut ipse mecum ad-  
„ verris, quoddam irregulariter institutum; sed nos apud B.  
„ Petrum Apostolum cum S. Synodo residentes salubri potiri  
„ consilio & animositate illius correximus, & misericordiae  
„ fomenta gratia sancti Spiritus revelante protinus adhibuimus:  
„ scilicet ut eo in pristinum ordinem reducto, si alium Episco-  
„ patum ei concedere voluisses; & Cleri, & populi vota hunc  
„ sibi concorditer in Episcopum expeterent, & eligeretur; &  
„ sicut qui nihil ab ordinatore prius acceperit, in Episcopum  
„ crearetur. Interea accidit, ut Astensis Ecclesiae Rectore pro-  
„ prio obeunte, permissu Caroli gloriosi Regis idem Joseph  
„ post electionem Cleri, & expetitionem populi in eadem Ec-  
„ clesia deberet ordinari Episcopus: tua fraternitas tam nostra  
„ absolutione, quam etiam Regis exhortata monitionibus hoc  
„ libenter admisit; & canonicè iussa complere conata est. Quod  
„ quia nunc sententiam nostram tu quoque secutus, & Regalem  
„ permissionem devote, sicut condecet, es amplexatus; prae-  
„ fatum Joseph *Presbyterum* sanctae Ecclesiae Astensi Episco-  
„ pum praefecisti; & ordinationem illius ratam haberi decer-  
„ nimus; & omnium ora contra hoc quoquo modo mussitan-  
„ tia Apostolica autoritate obstruimus: quia sicut de irregula-  
„ riter quibuslibet habitis nos ad haec corrigenda zelus iustitiae  
„ excitat; ita de bonorum virorum laudabilibus factis gratia,  
„ Divina laetificat. Nam & sedes Apostolica, juxta quod S.  
„ Leo Papa scribit, hanc temperantiam servat; ut & severius  
„ agat cum obduratis; & veniam cupiat praestare correctis: &  
„ ideo his omissis de praelibari Joseph iterata creatione san-  
„ ctitas tua in nullo penitus haesitet; quia hanc & nos appro-  
„ batam admittimus; & ab omnibus admittendam esse manda-  
„ mus: quia quod non ostenditur factum per impositionem ma-  
„ nus illius, qui tempore suae legationis, quod dare visus est,  
„ ut ita dixerim, non habuit; ratio non finit, ut videatur ite-  
„ ratum: „ Quae autoritas desumpta est ex M. Leonis Epist. 92.

ad Rusticum Narbonen. Episcopum n. 16., usurpavitque & Innocentius III. c. *Unico* de Clerico per saltum promoti, ubi P. Presbyter in Diaconum *ordinari* jubetur. Caeterum Joannes VIII. in hoc facto cernitur secutus Stephani PP. III., ejusque Concilii decretum Cap. v. n. 16. productum.

X. Nil igitur mirum, si c. *Excommunicati* 9. q. 1. legimus: *Excommunicati illicite manus imponunt; quia potestatem ordinandi non habent: ubi autem illicita est manus impositio, vulnus infigitur. Unde iterari necesse est, quod minime probatur esse collatum.* Quo loco *illicitum* idem significare ac nullum, & *invalidum*; liquet ex eo quod iterandum esse sancitur. Hac ipsa ratione factum est, quod supra commemoravi de S. Heremaldo Milite, ac M. Gregorii VII. adversus Simoniacos, Clericosque uxoratos defensore, de quo Arnulphus Mediolanensis scriptor aequalis lib. 4. cap. 3. tradidit: *ad hoc etiam prorumpens, ut Ambrosianae consecrationis Episcopos blasphemaret asserens Apostolice excommunicatos, quorum omne reprobatur officium. Unde fuit, quod... Chrisma, quod unus illorum (Episcoporum excommunicatorum) Dominicae coenae mysterio Metropolitanae direxit Ecclesiae; sicut mos est deficiente Pontifice (Mediolani); profusum humi coram omni populo calcibus proculcavit suum producens in medium; ut & Sigebertus Gemblacensis in Chronico ad ann. 1074. scripsit: Laici Corpus Domini a Sacerdotibus conjugatis consecratum saepe pedibus conculcarunt; & sanguinem Domini voluntarie effuderunt: eo quod damnati. Ecclesiaeque communione privati fuerant decretis potissimum Nicolai II., Alexandri, Victorisque pariter II. Undenam hoc, nisi ex veteri traditione, quam in Ecclesia vigere didicerant, Sacramenta eorum, qui fidelium communionis sunt expertes, velut inania, invalida, & nulla exsufflandi? Quod ipsum patravit & Theodoricus Vir dun. Episcopus Schismaticus de *Chrismate* ab Herimanno Metensi Antistite Catholico confecto anno 1086., ut habet Hugo Flaviniac. in Chronico Vir dunensi: idque propterea quod uterque existimabat, nullam in illis potestatem Ordinis inesse utpote extra communionem Ecclesiae locatis; sed ille recte, hic vero perperam.*

XI. Gebehardus Salisburgen. Archiepiscopus vir doctus, & vitae probitate clarus Epist. ad Herimannum, quem dixi, Metensem Episcopum de VViberro Ravennate Antistite in Anti-  
pa-

papam ab Aretino, & Mutinensi Episcopis jampridem depositis, & excommunicatis consecrato scribit: *ergo Mutinensis, & Aretinus Episcopi juxta testimonium SS. Papae Innocentii non benedictionem, sed damnationem, quam habuerunt, suo Ravennati imponere potuerunt: nec illum in Romanum Patriarcham, sed in perditissimum haeresiarcham promoverunt: quam Epistolam refertur ab Hugone Flaviniac. in Chronico Virdun. Sed magis aperte in Romano Concilio IV. S. Gregorii VII. anno 1078. Martio mense celebrato teste eodem Chronici Virdunen. Auctore statutum est: ordinationes illorum, qui ab excommunicatis sunt ordinati, Sanctorum Patrum sequentes vestigia irritas fieri censuimus. Et in magno Quintilinoburg. Concilio anno 1085. coacto ab Ottone Ostiensi Episcopo, qui postea fuit Urbanus II., & in Germania Sedis Apostolicae Legato cum pluribus Archiepiscopis, & Episcopis, aliisque ex Clero viris probatissimis an non decretum legimus: omnes ordinationes, & consecrationes excommunicatorum penitus irritae judicatae sunt juxta decreta SS. Patrum Innocentii, Leonis I., Pelagii, atque ejus successoris Gregorii I. ? quid est autem penitus irritae, nisi nullius momenti, nec non invalidae, ut mox videbitur ?*

XII. Idem Urbanus II. Epist. 19. ad Episcopum Pistorien., & Abbatem Vallisumbrosae de quodam ita rescripsit: *VVezilone . . . & ipsi nos pro eadem causa, quia ab excommunicatis consecratus est, in Synodali Concilio (Quintilinoburg.) excommunicavimus, condemnavimus, & ab omni Ecclesiastico officio. sine spe restitutionis aliqua deposuimus. Unde c. Daibertum 1. q. 1. ejusdem Daiberti Diaconi ordinationem a dicto VVezilone factam Pontifex respondit se iterasse uti nullam, & invalidam; quod insequenti cap. pluribus examinabitur, & declarabitur. Certe & Bertholdus Presbyter Constantiensis illorum temporum scriptor in Chronico de eodem VVezilone memoriae prodidit: qui ipse jamdudum anathematizatus, & ab anathematizatis electus, nibilominus etiam ab anathematizatis juxta Pelagium Papam novus consecratus, sed execratus est. Quod autem habet idem Urbanus II. Epist. 17. ad Pibonem Tullen. Episcopum in Append. n. 4. illis verbis: Porro de Clericis, qui ab Excommunicatis Episcopis sunt ordinati, necdum quidem sententiam fiximus; quia generalis mali contagium generalis Synodi est cauterio comburendum: non ever-*

tunt quae hucusque diximus: cum illa non ordinationem eorum, sed eorum susceptionem in gradibus, ac honoribus respiciant: ut & illa simillima Paschalis II. Epist. 50. ad Rotardum Moguntinum Episcopum: *Porro Episcopos, qui sub excommunicatione in eodem schismate (Vibertino, & Henriciano) manus impositionem susceperant; ad Concilii sententiam deferendos arbitramur: tantum enim tantarum personarum malum generali deliberatione aut curandum est, aut detruncandum: praesertim cum Paschalis, ut supra retuli, Epist. 12. docuerit, non quoslibet excommunicatos esse vitandos, sed criminosos tantum.*

XIII. S. Anselmus Episcopus Lucensis, qui sub Gregorio VII. sanctitate non minus, quam doctrina resplenduit, lib. 2. adversus Guibertum Ravennatem Antipapam Sacramenta etiam *Excommunicatorum* irrita dicenda esse, atque nulla omnino tutatus est: & Laurentius Abbas S. Vitoni in Belgio, de quo jam Cap. praesenti n. 3. dixi paullo post floruisse, anon scripto tradidit: *Excommunicatorum Sacramenta* prae caeteris esse irrita, ac nullius omnino momenti? Post istos extiterunt Rufinus, & Johannes Faventinus clari legum interpretes, qui apud Autorem Glossae ad c. *Quod ordinatio* 9. q. 1. asseruerunt, Episcopum *communione privatum*, si intra Ecclesiam ordinetur, ordinem recipere, sed non executionem; *si autem extra Ecclesiam ordinetur; nihil conferre nec ordinem, nec executionem; cum tales nihil habeant ex c. Si quis confugerit* 1. q. 1., c. *Propter* d. 19. de Maximi Cynici CP. intruli ordinationibus; & c. *Si quis confugerit* 1. q. 1. de Paullianis; quorum omnium irritas ordinationes, invalidasque fuisse constat; & de quibus jam egi Cap. II. n. 42., ut omittam hoc loco Ruperti Abbatis testimonium Cap. VIII. n. 30. adducendum. Ordinari porro intra Ecclesiam, & extra eam est id, quod ex Nicolao I., & Lucio III. dicitur Cap. XII. n. 13. de crimine occulto, & notorio; nimirum de condemnatis, vel toleratis ab Ecclesia.

XIV. Innocentius quidem III. Epist. 381. lib. 1. Nidrosien. in Norvegia Archiepiscopo de quibusdam sciscitanti tale responsum dedit: *Clerici autem, qui excommunicati, vel ab excommunicatis scienter ad Ordines sunt promoti, debent ab Ordine sic suscepto deponi: id quod plerumque dici solet de iis, qui nullam, & invalidam habuerunt a pravis ordinationem. Sane*  
c. Cum



c. *Cum Clericis* tit. de Ordinatis ab Episcopo excommunicato Gregorius IX. declaravit, *Clericos* ab Episcopo sacra Communionem privato *ordinatos ignoranter* per suos Episcopos *dispensari* posse, ut in susceptis ministrarent ordinibus: quo loco Glossa notavit, *excommunicatum* Praesulem sacros conferre Ordines: explicari tamen potest, ac intelligi de Antistite excommunicato quidem, sed tolerato, & nondum ab Ecclesia proscripto; vel adhuc ignoto; cum dicat Pontifex *ignoranter* ordinatos, qui plane Ecclesiae adhuc Ministri censentur, & sunt; cum nondum illis sit Ordinis adempta potestas: non toleratus autem excommunicatus *invalidè* confert Ecclesiastica beneficia ex c. *Quia diversitatem* de Concess. Praebend., & c. *Tanta est* de excess. Praelat., ubi beneficiorum collationes pronunciantur *irritae*, & *inae*; quare igitur & Ordines sacros non conferet *invalidè*; quemadmodum & *invalidè* quoscunque jurisdictionis actus exercere dicitur? quod enim respondere solent, & jam explosum est; & magis deinceps explodetur.

XV. Nullus tamen dubito, quin *Gregorius IX.*, alique Romani Pontifices ea, qua pollent maxima potestate, quiverint rem immutare, & novam suis ex causis inducere vel disciplinam, vel legem, moremve novum. Nam quanta interdum oeconomiae praesertim occasione fieri contingat, & oporteat; nemo nisi rerum humanarum imperitus ignorat. Quandoquidem & Innocentius III. Epist. 23. lib. 11. Patriarchae Constantinopolitano Latino de quibusdam Episcopis Graecis, qui ad Latinam, Romanamque Ecclesiam conversi renuebant *inungi juxta consuetudinem Latinorum*, rescripsit: *quod si ii, qui jam consecrati sunt, induci nequeunt, ut recipiant unctionem; id in hac novitate sub dissimulatione poteris pertransire: consecrandos vero nullatenus consecres nisi more Latino voluerint consecrari: & S. Augustinus* Epist. 185. n. 44. Donatistis sciscitantibus: *si ergo oportet, ut nos extra Ecclesiam fuisse poeniteat... quomodo apud vos Clerici, vel etiam Episcopi permanemus?* respondit: *hoc non fieret; quoniam revera, quod fatendum est, fieri non deberet; nisi pacis ipsius compensatione sanaretur: nec diversa retulit lib. de unico Baptismo cap. 12.* Sed & Concilium Turonense I. anno 461. convocatum can. 10. ita pronunciavit: *ordinationes vero illicitas in irritum devocamus, nisi satisfactione, quae ad pacem*


*pertinent, componantur: igitur hypothefi ea fatisfactionis accedente, ratae, validaeque habebantur ordinationes.*

XVI. At enim dicit aliquis: quo pacto, si quis non rite, *validaeque* fuerit ordinatus, ea, quae sacri sunt ordinis, ab eo peracta suscipientur? respondet Glossa ad c. *Aqua per Episcopum* de Consecrat. Eccles., *quod per talem tolerantiam ratam habet (Ecclesia) talem reconciliationem; & incipit valere ex nunc, cum prima nulla fuisset; & ita de nibilo facit aliquid: ubi agitur de consecratione, & reconciliatione Altarium, quas Ordinis Episcopalis esse, ideoque Presbyteris committi non posse scribit Gregorius IX., & tamen a Presbyteris Bracaren. Provinciae factae misericorditer, inquit, tolerantur: sicut & ad c. Quanto de translat. Episcopi: & ita etiam electio, quae non valet, per ratificationem potest confirmari ex eadem Glossa in c. Quod sicut de electione: cum simus in his, quae ad morem, non ad naturam spectant.*

Et quidem Johannes VIII. Epist. 199. ad Impp. CP. de Pbotio intruso, ac exauctorato, & a se demum restituto, vel recepto testatus est, se id egisse illi potestati innixum, *quam Ecclesia toto Orbe diffusa credis nobis in ipso Apostolorum Principe a Christo Deo nostro concessam, eodem Salvatore B. Petro Apostolo praecaeteris specialiter delegante: tibi dabo claves Regni Coelorum; & quaecunque ligaveris super terram &c., idque necessitatis, ac pacis consulendae causa.* S. etiam Petrus Damiani Opusc. 5. de Simoniacis a se Mediolani per solam poenitentiam in suis ordinibus susceptis haec habet: *illi etiam ipsi, quibus ministrandi licentia redditur, non ex male mercata veteri ordinatione ad amissum reparantur officium; sed ex illa potius B. Apostolorum Principis efficacissima autoritate, qua in B. Apollinarem repente usus est dicens: surge, accipe spiritum sanctum, simulque Pontificatum.* Nec enim in his valet illa juris 18. regula: *non firmatur tractu temporis, quod de jure ab initio non subsistit:* ob ea, quae ad ipsam Glossa notavit.

## CAPUT VII.

*De Simoniacorum ordinationibus.*

I. lcendum est mihi nunc de *Simoniacis*; quorum etsi plura, variaque recenscantur genera, variique propterea de iisdem conditi noscantur canones; ut Lucius III. c. *De Simoniacis* tit. de Simonia rescripserit: *De Simoniacis ordinatis certum tibi non possumus dare responsum; nisi plenius cognoscamus, qualiter fuerint ordinati: cum quidam licet secundum quandam speciem Simoniae utpote ipsis ignorantibus simoniace ordinentur; quia Simoniaci non sunt, possunt in suis ordinibus permanere &c.*, & quidam videantur Simoniaci, qui quidem non sunt; ut c. *Etsi quaestiones*, & c. *Sicut tuis* tit. iidem de Simonia ex rescriptis Alexandri III., & Innocentii III., tamen de iis, qui vere Simoniae crimine laborant, inficiunturque; veteres omnes unanimi consensu statuerunt, eos dignitate omni Ecclesiastica spoliatos, ac exautoratos; eorumque ordinationes ob id inanes, irritas, necnon invalidas fore: ut ut oppositum alii censeant, & etiam probare conentur; sed perspicuae SS. Patrum, & Ecclesiae auctoritates, factaque manifesta eos omnes revincunt.

II. Et primum occurrit canon 28. aI. 30. Apostolorum: *Si quis Episcopus per pecunias hanc sit dignitatem affectus; vel Presbyter, vel Diaconus; deponatur & ipse, & qui eum ordinavit, & a communione omnino exscindatur ut Simon Magus a me Petro: qui quamquam depositionem solam cum excommunicatione comminatur: nihilominus tamen hic affertur, & quia ordinationem propter hoc irritam esse sensit Tarasius Patriarcha CP. paulopost recitandus; & ut omnes videant, quanti sint ea, quae animadvertunt contrariae sententiae vindices; ut VVitasse, qui sect. 3. Prob. 1. inquit: at qui *deponitur*, gradum habeat oportet, e quo deiciatur: nullum autem habere potest nisi propter *characterem*: ergo validae sunt Simoniacorum ordinationes. Utique gradum habet omnis, qui deponitur; sed non semper verum, & legitimum: verum habet, quisquis vere ordinatur;*

tur; falsum vero, & usurpatum, qui falso, & invalide ordinationem sumit: verus per *characterem* acquiritur; falsus autem nequaquam: Nam constat *Paullianorum Clericos* nec vere ordinatorum, nec baptizatos etiam fuisse; & tamen Nicaenum Concilium I. de eis sanxit can. 19. *si vero examinatio eos non esse aptos deprehendit, deponi eos oportet*: & Hispalensis Synodus II. ann. 619. can. 5. edixit *abjiciendos & gradibus suis duos Clericos prave, ac invalide ordinatorum*.

III. Similiter Concilium Chalcedonenſe can. 2. ſtatuit de iſtis: *Si quis Episcopuſ propter pecunias ordinationem fecerit; & non venalem gratiam in venditionem deduxerit; & propter pecunias ordinaverit Episcopum, vel Chorepiscopum, vel Presbyterum, vel Diaconum... de proprio gradu in periculum veniat; & qui ordinatus eſt, ex ordinatione, vel promotione nihil juvetur; ſed ſit a dignitate, vel officio alienuſ*: hoc autem eſt, uterque deponatur; & quidem eo modo, quo ad ſuperiorem Apoſtolorum canonem eſt dictum. Quod & firmavit Synodus Conſtantinopolitana a Gennadio Episcopuſ anno 455. celebrata, necnon Gelafiuſ I. Papa Epist. 9. ad Episcopos Lucaniae n. 24., Gennadiuſ vero Presbyter Maſſilienſis lib. de Dogmat. Eccleſ. cap. 39. al. 72. aſſerit, non ordinandum Clericuſ, qui per ambitionem ad imitationem Simonis Magi pecuniam offert; eo plane modo, quo nec Bigamum, aut non Virginis marituſ, aut publicae poenitentiae addictuſ &c., at viſuſ eſt Cap. 11., cum Bigamis diſpenſari non poſſe; eorumque ordinationeſ ſemper irritae, ac invalidae haberi; uti & illae poenitentiae addictorum, aliorumque quorundam priſciſ ſaltem Eccleſiae ſeculiſ: igitur & *Simoniacorum* ordinationeſ juxta Gennadiuſ irritae judicantur, & invalidae.

IV. Synodus Aurelianenſis II. anno 533., & V. anno 559. decrevit illa can. 3. & 4., iſta vero can. 10. deponendoeſſe *Simoniacoſ*, ut memorata Chalcedonenſis. Sed VViſſaſſe advertit, abjici quidem illoſ, ac ab officio removeri; non tamen eaſ, quaſ contulerunt, aut ſuſceperunt ordinationeſ *irritae* ibi declarari: qui tamen refellitur canone 19. Concilii Bracaren. I. al. 11. anno 563. congregati, quo ſtatuitur, ut *Presbyter*, qui aut *Chriſma* benedicere, aut *Altariuſ* conſecrare praſumpſerit, e ſuo officio *deponatur*; nulla benediſtionis, aut conſecrationis iterandae mentione facta; cum tamen utraque foret *irrita*, atque nulla: necnon

canone 10. Concilii Francofördien. anno 794., quo definitum fuit . . . ut Gerbodus, qui se Episcopum dicebat, & suae ordinationis testes non habuit; qui tamen Episcopalia a Magenardo Metropolitano ( Rothomagensi ) Episcopo consecutus est; qui etiam professus est Diaconum, & Presbyterum non secundum canonicam ordinationem ordinatum esse: ut ab eodem gradu Episcopatus, quem se habere dicebat, deponeretur a praedicto Metropolitano, sive a Comprovincialibus Episcopis: at de ordinationibus ejus utrum irritae, vel non; & utrum iterandae, nihil est definitum; quum nihilominus constaret, Gerbodium non fuisse certum, verumque Episcopum: id autem ideo quod cum nullus est Episcopus; nullae quoque sint ordinationes ejus oportet. Insuper Cap. 11. a n. 47. ad 57. usque retuli, plerumque eos Episcopos qui prave, invalideque fuerant ordinati; aut prorsus amotos, aut iterum ordinatos extitisse; sed de ipsorum ordinationibus ne verbum quidem apud quenquam habetur.

V. Quum etiam Turonensis Synodus 11. anno 567. edixit can. 27. *Cum talis sit, qui gratiam Dei a Sacerdote aestimat pretio comparari; qualis ille, qui vendit; uterque usque ad Synodum segregetur: Doctor Parisiensis, quem dixi, inde argumentum sumpsit probandi, ordinationes ejusmodi non irritas a Synodo habitas fuisse: quia, inquit, significat; eos, qui dumtaxat ad Synodum usque officio interdiciuntur; illico post Synodum ad solitas exercendas functiones esse redituros. Sed nil evincit ille; nam clarius rem edisserit Vermerienlis Synodus anno 753. habita, cum can. 14. dixit: *ab officio suspendantur interim, quod ad Synodum exinde venerint; & ibidem secundum canonicam institutionem accipiant sententiam: vel ut c. Accusatum de simonia ex Deodato Papa habetur: accusatum Simoniacum necesse habuimus prohibere, ne Missarum solemnias celebraret; donec quid esset, verius constitisset: sic & c. Quotiens ibidem. Quandoquidem igitur duplici plectebatur poena plerumque Simoniacus & depositione, & excommunicatione; ut paulo ante adductus Apostolorum can. 28. docet; quarum altera semper infligebatur, eratque perpetua depositio; altera vero excommunicatio neque semper, neque perpetua, sed ad tempus erat: Synodus haec de excommunicatione sola loquitur; non de depositione; quae ad aliam remittebatur Synodum.**

VI. Item

VI. Item quum Gregorius Magnus Epist. 13. lib. 3. Maximo Syracusano Episcopo per literas mandavit: *de Presbytero, qui in locum ejus ordinatus est... si quidem sine datione aliqua ad eundem Ordinem pervenerit, ut in Simoniacam haeresim non potuisset incidere; in alia quacunque vacante Ecclesia eum volumus cardinari: sin autem in eo quidpiam, quod avertat Deus, fuerit tale repertum; ipso etiam Presbyteratus privetur Ordine, quem non causa replendae necessitatis Ecclesiae, sed sola comprobatur ambitione suscepisse: ergo concludit VVitasse, iudice Gregorio Simoniacus ille Presbyteratus vere suscepisset, etiam si ob crimen eo debuisset excidere; quia Gregorius scripsit: etiam Presbyteratus honore privetur. Verumtamen supra n. 2. ostensum est, etiam invalide ordinatos privari falso, ac usurpato gradu, ac ordine. Hinc est, quod idem Gregorius Epist. 20. lib. 3., & Epist. 3. lib. 5. Maximo cuidam scribens quia *per Simoniacam haeresim fuerat ordinatus*, Episcopum appellare renuit; sed Maximo praesumptori in Salona, & Salonitanae Ecclesiae scripsit; videturque rationem dedisse Epist. 7. lib. 5. ad Episcopos Epiri, dum inquit: *quia eum, quem quis cum pretio ordinat; provebendo agit, ut haereticus fiat: haereticus autem Ecclesiae Episcopus esse negatur. Nam etiam Epist. 110. lib. 7. Syagrio Augustodun. Episcopo ista haec habet: quicunque hoc pretii studet donatione mercari; dum non officium, sed nomen attendit; Sacerdos non esse, sed dici tantummodo inaniter concupiscit: estque c. Quicunque 1. q. 1.**

VII. Seculo Ecclesiae VII. complura fuere Concilia, quae veterum Patrum contra Simoniacos decreta confirmarunt, uti Toletanum IV. anno 633. can. 19., Cabillonense I. anno 650. can. 16., Toletanum VIII. anno 653. can. 3., Rothomagense I. anno 650. can. 7., Trullanum anno 692. can. 22., & Toletanum XI. anno 675., in quo quia can. 9. de Simoniacis depositis, communione privatis, & poenitentiae adjudicatis subdit Concilium: *unde si digna eos satisfactio poenitentiae commendaverit; peracto indicatae poenitentiae tempore, non tantum communioni, sed & loco, & totius Ordinis officiis, a quibus separati fuerant, restaurandi sunt:* arguit VVitasse, characterem sic ordinatos suscepisse, nec amisisse, qui ordinatione functi erant; siquidem solis lacrymis, non vero iterata ordinatione locum, & officium recuperaturi perhibentur. Primum Concilii Patres nullum de iteranda, vel non,

ordinatione Simoniacorum verbum fecerunt; sed de honorum amissionum recuperatione: deinde singulare est hujus Concilii Provincialis 17. Episcoporum decretum; nam *Bracarense* iv. Concilium eodem anno 675. coactum can. 8. Chalcedonensem de hac re canonem confirmavit; uti & Deodatus, seu Deusdedit Papa eodem circiter tempore c. *Tauta est* tit. de Simonia; & Leo IV. maxime contraria sensit, ut mox videbitur.

VIII. Insequenti seculo Simoniacos, eorumque ordinationes confixit Concilium Vernen. I. in Gallia anno 755. can. 24. nec non vii. Synodus Oecumenica anno 787. can. 6., sed audire est S. Tharasium Patriarcham CP., qui eidem Synodo praesedit, Epist. ad Hadrianum I. Papam c. *Eos qui* 1. q. 1. versionis Rom. correctorum Gratiani, ita scribentem: *Quod si quis eam* ( gratiam Spiritus ) *auro emisit convictus fuerit; hunc ex Sacerdotali Ordine excidisse pronunciant: quanquam nomine Sacerdotium sortitus est; sed in eum falso nomen istud conferri reipsa comprobatur. Nemo enim potest Deo, & mammonae servire....* *Nosti enim, o vir desideriorum eorum, quae spiritus sunt, longe tolerabiliorem esse Macedonii, & eorum, qui ab illo sunt, sancti spiritus impugnatorum haeresim: nam cum illi sanctum Spiritum Dei, & Patris creaturam, & servum nunguntur; hi suum ipsorum, quantum putant, servum ipsum faciunt. Omnis enim Dominus quicquid habet, cum libuerit, vendit sive famulum &c. Subjectae igitur sententiae ex sanctis collectae alienum omnino a Sacerdotio pronunciant eum, qui quocunque tempore dederit, vel acceperit sive ante ordinationem, sive in ordinatione, sive post ordinationem (χρῆσιν): accipere enim est quodocunque accipere. Sed & omnes Ecclesiasticas promotiones, in quibus pecunia intervenit, irritas esse jubent.* Tum subjicit auctoritates Aetuum Apostolorum c. 8., can. 29. Apostolorum, Magni Basilii, Palladii in Vita Jo. Chrysostomi, Concilii Chalcedon. can. 2., Gennadii CP. Episcopi, & vi. Synodi, seu Trullanae can. 22., idemque scribit Epist. ad Johannem Presbyterum, quae cum superiori legitur in Actis praedictae Synodi vii. versionis Anastasii Biblioth., ubi notare est, ab hoc Antistite significari Simoniacorum ordinationes dictas esse irritas ab iis, qui Simoniacos dixerunt *deponendos*: ut discant quidam; eas irritas minime aestimandas esse, quia *irritae* non sunt appellatae; inter errores haberi.

IX. Plu-

IX. Plura quoque ix. seculo Concilia *Simoniacos* exagitarunt, uti Cabillonense il., & Turonense il. anno 813. can. 43. & 15., Remense il. can. 21., & Romanum Eugenii II. ann. 826. can. 2. a Leone IV. anno 853. confirmatum, Moguntinum il. anno 847. can. 12., & il. an. 888. can. 5., nec non Nannetense anno 890. can. 11., quorum Cabillonense de nonnullis Scotiae Episcopis dixit: *quorum ordinationem, quia plerumque in Simoniacam incidit haeresim; & multis erroribus subjacet; modis omnibus irritam fieri debere omnes uno consensu decrevimus.* Leo autem IV. Pontifex Romanus c. *Requiritis* 1. q. 7. ad Episcopos Britones respondit: *Requiritis de iis, qui turpissimo lucro columbas in Templo Domini vendere non pertimescunt; & sua facta improba temeritate Simonis haeresi conjungunt; utrum possint in ordine poenitentiam agere; an tantummodo extra ordinem, & Sacerdotalem fieri gradum. Quod nos quidem convictis, & iis, qui tam detestabile nefas, quod jam multis est damnatum Conciliis, peregrisse noscuntur; nulla possumus poenitentia subvenire; & tot spiritualibus Patribus obviare; sed in illorum Patrum me sententia convenire omnibus certum sit: hoc est illos ab ordinibus omnino deponendos esse; neque cum ipsis dispensari posse. Quo apparet, quod & notavi n. 7., peculiare *Toletani* Concilii xi. decretum extitisse, quod post biennium poenitentiae lapsis Simoniacis reditum ad honores permittebat; idque tamen a nemine receptum, secutumque lego; quantum quidem ad veros Simoniacos attinet.*

X. Extat & x. seculo Agapeti II. Papae Epist. anno 946. vel 947. scripta, qua ordinationem a se factam quorundam, qui clam, & fraudulenter Simoniace promoveri curaverant, rescidit; & irritam esse, ac nullam declaravit. Cum enim quidam Leo Presbyter, & Monachus; itemque Benedictus Presbyter se se vitiose in Termulensem, & Triventinam Ecclesias jurisdictionis Episcopi Beneventani intrusissent; & furtim ab Agapito PP. rei ignaro consecrari fecissent: instante contra Joanne Beneventanae sedis Antistite, Pontifex cuncta revocavit; scripsitque *Leoni Presbytero, & Monacho, & Benedicto aequae Presbytero irrationabiliter a nobis consecratis Episcopis; & ipsum ordinem... vestientibus... Cognovimus vos non per ostium intrasse, sed furtive ut fures, & latrones aliunde irrupisse, & indebite Episcopale*  
mi-



*ministerium usurpasse... ut plebes, quae subditae sunt sub Dioecesi, & Jurisdictione Episcopatus ipsius Beneventanae Provinciae contra instituta Canonum per praemium, & datum elegerunt vos sibi per Simoniacam haeresim Episcopos: ideoque excommunicamus vos ex autoritate B. Petri Apostolorum Principis; ut neque in eisdem Plebibus hoc est Triventina, & Termulana Ecclesia Episcopalem Catbedram... praesumatis; nec in ulla alia Ecclesia permissum habeatis aliquod Episcopale officium peragere &c.* Vulgavit hanc Epistolam Ughellus to. 8. Italiae sacrae in Benevent. n. 46. ex Tabulario, vel Bibliotheca illius Metropolis; in qua cum Pontifex intrusus illis, ac Simoniacis consecratis in Episcopos titulum tribuat *Presbyterorum*, liquet eum ordinationem eorundem irritam agnovisse, hoc est invalidam, & nullam. Post haec *Benedictus* PP. VIII. in Rom. Concilio anno 981., vel 983. contra Simoniacos confirmavit veterum PP. statuta, & praecipue can. 30. Apostolorum, & can. 6. Chalcedonen.

§. 1. *De S. Leone IX., & Clemente II.*

XI. **A**T seculo xi. tot, tamque perspicua de irritis, invalidis, quae *Simoniacorum* ordinationibus, earumque iteratione monumenta leguntur; ut mihi semper mirum fuerit, aut ignorari potuisse; aut inficiatione, vel ulla interpretatione deludi. Certe horum ordinationem iteravit *S. Leo IX.*, uti testatur *S. Petrus Damiani* Opusc. 5. de Actibus suis apud Mediolanum ad *Hildebrandum* Archidiaconum inquires de eo: *plerosque Simoniacos, & male promotos tanquam noviter ordinavit*: atque id quidem de vere Simoniacis; de iis vero, qui *gratis* seu non Simoniace a Simoniacis ordinati fuerant, diu res dubia fuit; de qua idem *Petrus Damiani* Opusc. 6. ad *Henricum* Raven. Episcopum cap. 1. scribit: *de iis, qui gratis sunt a Simoniacis consecrati; quanta jam per triennium in tribus Romanis Conciliis fuerit disceptatio; quamque perplex, atque confusa dubietas; & in iis partibus quotidie ventiletur, sanctitatem vestram latuisse non arbitror: praesertim cum crescente fluctuationis ambiguo, eatenus sit processum, ut nonnullos constet Episcopos ab illis ordinatos Clericos denuo consecrasse*: Quae *VVitalse* Obj. 6. cum his confundit, quae *Petrus* dicit Opusc. 5., ibi enim *S. Leo Simoniacos,*  
& ma-

& male promotos ordinavit; hic vero agitur de *non Simoniacis* a Simoniacis gratis ordinatis: de illis VVibertus scripsit in ejus Vita lib. 2. cap. 3. *Simoniacam enim damnavit haeresim, quae jam nonnullas Mundi partes invaserat; & in eodem Concilio quosdam deposuit Episcopos, quos praedicta haeresis naevo suae nequitiae maculaverat: & cap. 4. apud Sipontum habito Concilio duos deposuit ab officio Archiepiscopatus, qui cum mercede sanctum assumpserant ministerium vitio elationis unus ambiens praecellere alterum, ut & S. Gregorius VII. in suo I. Romano Concilio anno 1074. cap. 7. dicens: item B. Leo Papa ejus nominis nonus nostro tempore pene contiguus in prima sua Romana Synodo (an. 1049.) Simoniacam haeresim penitus damnavit: de illis vero diu, & per triennium disceptatum fuit etiam in Romanis Conciliis; cum de illis nequitiam ambigeretur.*

XII. In qua quidem tam implexa quaestione de iis, qui a Simoniacis *gratis* ordinati essent, jam Clemens II. anno 1047. Romae in Concilio statuerat: *ut quicumque a Simoniaco consecratus esset, in ipso ordinationis suae tempore non ignorans Simoniacum, cui se obtulerat promovendum; quadraginta nunc dierum poenitentiam ageret; & sic in accepti Ordinis officio ministraret: quod tandem aliquando & ipse S. Leo IX. plurimorum querelis, ac tumultibus victus cedens admisit; ut est apud memoratum Petrum Damiani Opus. 6. cap. 35., qui Opusculo 5. anno 1059. conscripto fatetur, se quoque Mediolani Simoniacos per solam poenitentiam suscepisse; cum omnis ibi Clerus, ipseque met Archiepiscopus esset Simoniae crimine pollutus; addens tamen: illi etiam ipsi, quibus ministrandi licentia redditur, non ex male mercata veteri ordinatione ad amissum reparantur officium; sed ex illa potius B. Apostolorum Principis efficacissima auctoritate, qua in B. Apollinarem repente usus est dicens: surge, accipe Spiritum sanctum, simulque Pontificatum. Sed id egit in Simoniacis quibuscumque; quapropter adjecit: adhuc tamen utrum sedis Apostolicae judicio placeat, ignoramus. Nos enim, si quid erravimus, ad Petri magisterium corrigendi libenter accedimus: quemadmodum quidem fecit, correxitque se; ut paulopost videbimus. Videtur tamen agnovisse, nullam esse Simoniacorum male mercatam ordinationem. Huc spectat id, quod Laurentius Virdunen. S. Vitoni Monachus in sui Coenobii Chronico refert; Leo-*

nem IX. gradu movisse Hugonem Lingonen. Episcopum in Rhemenfi Concilio anno 1049. ob Simoniacum ingressum; & postmodum in Rom. Synodo non iterata ordinatione per baculum, & annulum dumtaxat pristino honori restituisse.

§. 2. De Nicolao II.

XIII. **H**is succedens Nicolaus II. in Romano Concilio anno 1059. quaestioni finem dedit hoc decreto: *Erga Simoniacos nullam misericordiam in dignitate servanda habendam esse decernimus; sed juxta Canonum sanctiones, & decreta SS. Patrum eos omnino damnandos, ac deponendos esse Apostolica auctoritate sancimus. De iis autem, qui non per pecuniam, sed gratis sunt a Simoniacis ordinati; quia quaestio a longo tempore est diutius ventilata, omnem modum dubietatis absolvimus, ita ut super hoc capitulo neminem deinceps ambigere permittamus... Eos, qui usque modo gratis sunt a Simoniacis consecrati, non tam censura justitiae, quam intuitu misericordiae in acceptis ordinibus manere permittimus; nisi alia culpa ex vita eorum contra canones eis existat... De caetero autem si quis hinc impostero ab eo, quem Simoniacum esse non dubitat, se consecrari permiserit; & consecrator, & consecratus non disparem damnationis sententiam subeat, sed uterque depositus poenitentiam agat; & privatus a propria dignitate persistat. Et Epist. ad omnes Episcopos idem fere, sed paulo distinctius expressit his verbis: statuimus decretum de Simoniacis tripartita haeresi; idest de Simoniacis Simoniace ordinantibus, vel ordinatis; & de Simoniacis Simoniace a non Simoniacis; & de Simoniacis non Simoniace a Simoniacis: Simoniaci Simoniace ordinati, vel ordinatores secundum Ecclesiasticos ordines a proprio gradu decendant: Simoniaci quoque Simoniace a non Simoniacis ordinati similiter ab officio nullo accepto removeantur: Simoniacos autem non Simoniace a Simoniacis ordinatos misericorditer per manus impositionem pro temporis necessitate in officio concedimus permanere: quod refertur & c. Statuimus 1. q. 1.*

XIV. Memorat hoc decretum Petrus Damiani, & quodammodo explicat Opusc. 30. ad Florentinos anno 1063 misso, dum cap. 1. scribit: *constitutum est in Romano sanctae memoriae Nicolao Pontifice praesidente Concilio; ut quicumque per eos (Si-*

moniacos gratis) eatenus fuissent in cujuslibet Ecclesiastici gradus dignitate promoti, in percepti honoris ministerio permanerent: ex tunc vero, & deinceps quicumque se paterentur a Simoniaco provebi, nihil penitus deberent ex ea promotione lucrari; & sic ministrandi jura deponerent, tanquam si haec nullatenus percepissent. Fuit autem Petrus praesens eidem Concilio velut Episcopus Ostiensis; & probe novit Nicolai, totiusque Concilii mentem, quae fuit, ordinationes talium Simoniacorum irritas fore declarandas, & nullas prorsus; cum non dixerit, usum, & exercitium ministerii deponant; sed jura nempe potestatem Ordinis; quinimmo subjungit: *haec itaque ratione jam non modo Simoniacos reprobamus; sed & per eos exhibita Sacramenta contemnuimus... si ergo ego, & vos de Simoniacis, eorumque reprobandis in posterum consecrationibus una sententia utrique congruimus; cur adhuc invicem litigamus?* illi autem contendebant, Simoniaci Episcopi benedictiones, & Sacramenta esse maledictiones, & sacrilegia; quamobrem populum prohibebant Sacramenta accipere ab ipso, vel ordinatis ab eo, tanquam nullius essent illa momenti; ex quo fiebat, ut baptizati minime *Cbrismate* ungerentur; & plurimi sine *Eucharistiae* Sacramento interirent: quos tamen Petrus redarguit, quod indemnatum Episcopum adhuc vitandum esse ut Simoniacum assererent; & sine Rom. Pontificis, aut suae Provinciae Synodi judicio ea attentaverint; ansamque dedit convocandi an. 1063. Romam Concilii sub Alex. II. de quo mox dicetur.

XV. Aliud ejusdem Nicolai Papae (ut nihil, quod ad hanc rem attinet, praeternittam) *decretum* legitur in Actis praefati Concilii Romani anno 1059., et si ad alium annum pertineat; quod habet: *Autoritate Apostolica decernimus, quod in aliis Conventibus nostris decrevimus; ut si quis pecunia, vel gratia humana... fuerit Apostolicae sedi intromizatus; non Papa, vel Apostolicus, sed Apostolicus habeatur &c.*, habeturque & c. *Si quis pecunia* d. 79. Sic & Epistola 2. ad Gervasium Rhemen. Archiepiscopo de quodam Belvacen. Episcopo rescripsit: *Si autem in aperto res est, quod pecuniam dederit;... non ob hoc promotus est, ut sit Episcopus, ut B. Gregorius dicit; sed ut sit Lupus, & S. Ecclesiae invasor.* Quapropter inter *Decreta Nicolai II.*, quae nuper evulgavit cl. Baluzius to. 7. Miscellan. p. 67., & ex eo in novissima Conciliorum Collectione to. XII., habetur num.

num. 8. *Ut Ecclesiae per pretium a Simoniacis consecratae denuo consecrentur* : & num. 9. *Ut Presbyteri, & omnes a tempore Nicolai Papae (ideſt a tempore decreti ſui) uſque nunc, & deinceps ſcienter ordinati a Simoniacis ſciant ſe non eſſe ordinatos: & deinceps non fiant.* Quibus apparet, Simoniacis omnem Ordinis poteſtatem ademtam fuiſſe; ideoque eorum ordinationes nullas, & *invalidas* extitiſſe.

§. 3. *De Alex. II. & Gregorio VII.*

XVI **P**oſtea Alexander II. Nicolai ſucceſſor anno 1063. in Romano Concilio centum amplius Episcoporum omnia, quae B. Leo IX. & Nicolaus II. de *Simoniacis* decreverant, confirmavit ad verbum: & in Epist. 35. ad Lucenſes ſcribit: *Sicut in Chalcedonenſi Concilio definitum eſt, gradus ſui periculo cum ſubjacere decernimus: nec miniſtrare poſſis Eccleſiae, quam pecunia venalem fieri concupivit: ubi non ait: nec debeat; ſed nec poſſis miniſtrare; iccirco quod Simoniaco aufertur ab Eccleſia jus, & poteſtas valide ordinandi.*

Et ut omittam Concilia Lugdunenſe anno 1055., Tolofanum anno 1056., Viennenſe, & Turonenſe anno 1060., S. Greg. VII. & ipſe Synodali decreto anno 1074. ſanxit: *ut Clerici aliquem ſacrorum ordinum gradum, & officium per pretium adepti nullatenus deinceps in Eccleſia miniſtrent*: ex eius Epist. ad Ottonem Conſtantien. Episcopum, & ex ejus Apologetici Scriptore cap. 5. Sed clarius in ſuo V. Romano Concilio anno 1078. menſe Novembri celebrato, in quo edixit: *Ordinationes, quae interveniente pretio, vel precibus, vel obſequio alicujus perſonae ea intentione impenſo... ſiunt, ... infirmas, & irritas eſſe judicamus: aut falſas, ut habetur c. Ordinationes 1. q. 1., rationemque reddidit inquiens: quoniam qui taliter ordinantur, non per oſtium ideſt per Chriſtum intrant; ſed ut ipſa veritas teſtatur, fures ſunt, & latrones: fures autem, & latrones nullo modo jus ad res, quas furantur, acquirunt nec licite, nec valide: igitur nec Simoniaci.* Sic & Epist. 11. lib. 1. ad Beatricem, & Mathildem Comit. de Gothifredo Mediolanen. Eccleſiae pervalore ſcripſit: *Noſtis... quam aperte Longobardorum Episcopi Simoniacam haereſim defendere, ac fovere praesumpſerint; Gotifredum Simoniacum, & ob*

*hoc excommunicatum, atque damnatum sub specie benedictionis maledixerint; & sub umbra ordinationis execratum constituerint: Si quidem &c. Pervenit 1. q. 3. censuit, ut inter maximos haereticos, & inter Antichristos non minimus habeatur Simoniacus.*

XVII. Quae hucusque sunt expofita, dilucide confirmat *Gerundensis* Synodus in Hispania an. 1078. ab Amato Olorensi Episcopo, Gregorii VII. Legato coacta, & in novissima Concil. Collectione publicata; in qua Patres statuerunt, *ut si quae Ecclesiae per pecuniam essent consecratae, vel a Simoniacis; a legitimo canonice consecrentur Episcopo; Si qui etiam Clerici pecuniam praebendo, vel a Simoniacis sunt ordinati; eodem modo a Catholico ordinentur Episcopo. Non enim in his fit reiteratio, sed ipsa consecratio; quoniam nihil praecesserat, quod ratum haberi queat. Quid clarius dici potest? quid obscuritatis in his verbis, ut interpretari quis audeat? Amatus autem iste, qui Baluzio, & Mabillonio Monachus Casinensis fuisse videtur, & vir doctus in primis; postea creatus Archiepiscopus Burdigalensis est; praefuitque pluribus Conciliis Bisuldinensi, Burdigalensi, Britannico, Santonenfi, Meldensi, Exoldunen. &c. usque ad annum 1101.; quo vivere desiit. Quum igitur Legatus esset Sedis Apostolicae, & S. Gregorii VII., quis sibi persuaserit, aliud eum egisse, ac disciplinam diversam exercuisse ab ea, quae traderetur ab Romana Ecclesia, ejusque Pontifice Gregorio? Hic enim secundum Gratianum, vel Alexander II. juxta Anselmum; aut uterque, ut verius exputo, c. *Ecclesia* 1. q. 4. ita censuit. *Ecclesia, quae pactione consecrata fuerit, potius execrata, quam consecrata dici debet. Porro notent velim, memoratam synodum non solum Simoniacorum ordinationes improbare, iterandasque eas imperare; verum etiam non Simoniacorum a Simoniacis tamen ordinatorum: quod multum conducit ad Nicolai II. & Alexandri II. decretorum, eorumque Conciliorum intelligentiam, & firmitatem.**

#### §. 4. De Urbano.

XVIII. **Q**uare inaniter contendunt de c. *Daibertum* 1. q. 7., an verum sit, vel supposititium, & frustra quidam pro ejus in-

interpretatione laborant; cum nulla ratione aut illud denegari; aut istud fieri nisi contorte queat. Scribit enim Urban. II. Petro Pistor. Episcopo, & Rustico Vallisumbr. Abbati. *Daibertum a VVezylo- ne licet Simoniaco non simoniace ejusdem confessione reperimus in Diaconum ordinatum; & S. Innocentii Papae sententia constat declaratum, quod VVezylon, quem constat ab Haereticis ordinatum, quia nihil habuit, nihil dare potuit ei, cui manus imposuit. Nos igitur tanti Pontificis autoritate firmati; & Damasi Papae testimonio roborati, qui ait: reiterari oportet, quod male actum est: Daibertum ab Haereticis corpore, & spiritu digressum, atque utilitatibus Ecclesiae pro viribus insudantem ex integro, Ecclesiae necessitate ingruente, Diaconum constituimus. Quod non reiterationem existimari censemus, sed tantum integram Diaconi dationem; quoniam ut praediximus, qui nihil habuit, nihil dare potuit.*

XIX. Ad quae mirum, quantum se torqueat Witasse sect. 3. Obj. 8., ut quod verum est, verum non esse demonstret; cumque Pontificis verba negare non audeat; ad interpretationem se vertit, aitque *Damasi sententiam: reiterari oportet, quod male actum est*: intelligi posse de Ordinis executione, quae reiterari oportet; non de *charactere*; & multa quidem dicit, sed verba, sed incassum: nam explicare debebat, quomodo iteretur Ordinis executio, ut male facta ordinatio sanetur. Quoniam aut iteratur ipsa *ordinatio*, (quippe quum hoc loco Ordinis executio sit ordinatio) & ita nolens autumas eam fuisse nullam; siquidem ordinationes iterari non possunt, nisi quae irritae, nullaeque fuerunt: aut non iteratur illa; atque hoc modo frustratur *Damasi sententia*. Si dixeris reiterari Ordinis executionem, dum aufertur *suspenso*, qua quis tenebatur, ne ordinem exequeretur: ista ne phrasis est Ecclesiae, & Rom. Pontificum dicere *reiterari*, dum aufertur *suspenso*, & restituitur operatio? distorta prorsus, ac falsa, & praepostera, fraudulentaque interpretatio est; maxime cum alias legamus, hanc *Damasi sententiam* de ipsius ordinationis repetitione semper acceptam fuisse; uti ille ipse accipit, cum agat ea in Epistola de iteranda *Chorepiscoporum* ordinatione, utpote nulla, ac invalida. Quocirca quam difficilem sibi Provinciam sumpsisset Witasses advertens praemisit, hunc esse, sive Historia; sive Theologica doctrina spectetur, intricatissimum, ac difficillimum locum: atque ita quidem

his, qui veritati adversantur; caeterum nihil hoc facto certius, & nihil clarius, faciliusque & quantum ad Historiam, & quantum ad Theologicam doctrinam.

XX. Wezilo namque, seu Guezilo [ non *Nezelo*, ut apud Gratianum corrupte ] Clericus Halberstaden. Episcopi fugitivus anno 1084. teste Bertholdo Autore aequali, ope Henrici Regis Schismatici Moguntinum invasit Archiepiscopatum ab *Excommunicatis* ordinatus; quod & fatetur Urbanus II. Epistola 19. ad Abbates Pistorien., & Vallisumbr., annoque 1085. *Sectam* condidit in Quintilinoburg. Concilio cum suo Autore damnatam, quam *baeresim* appellatam tradit Urspergensis Abbas inquires: *baeresim Vvecilonis, ipsumque haeresiarum appellarent contra fidem scilicet illum dogmatizasse culpantes* ( Patres Concilii Quintilinoburg. ), *quod quamdiu quis suis spoliatus sit rebus, divinis non subjaceat legibus*: seu ut Bertholdus eodem loco refert, sensisse eum: *Ecclesiastico non subjacere iudicio, nec excommunicari posse pro suis excessibus*: obiit autem anno 1087. in schismate, cujus acerrimus semper extitit propugnator usque ad obitum testimonio Baronii ad ann. 1085. n. 3., quod & perhibet Urbanus in dicta Epist. 19., quae sive una sit, sive bina, ut verius viderur; nam apud Gratianum data dicitur Pistorien. Episcopo, & Vallisumbr. Abbati; in Concil. vero collectionibus legitur missa Abbatibus Pistorien. & Vallisumbr.; edita est anno circiter 1088., aut insequenti, quo *Daibertus* ad Pisenum Episcopatum evehctus fuit: idque quidem quantum ad Historiam. Quantum autem ad Theologicam doctrinam cum Wezilo extiterit *Simoniacus, invasor, excommunicatus, & haereticus*, necnon ab haereticis, & excommunicatis ordinatus; restat, consequiturque ex his, quae hactenus sunt dicta; ut *Daiberti* in Diaconum ordinatio ab ipso Weccillone peracta merito iudicata fuerit irrita, nulla, ac invalida; & ideo jure, ac merito iterata fuit, seu ab Urbano PP. ut ipse ait, *ex integro facta*. Ac ne quis apertae veritati repugnet, vitiligitque, audiat Bonizonem Episcopum, Sutrinum, qui eo tempore vivebat, in fine libri 1. de Vita Christiana, seu Synagm. Decretorum Eccles. scribentem: *Scio autem nostris temporibus quosdam promotos, qui voluntarie coinquinati sunt temporibus coinquinationis; & quod pejus est; reordinatos, & reordinasse. Quod licet non approbem, Canonibus tamen interdicentibus omnino*



*visuperare non audeo: quia audio hoc Romanae Ecclesiae factum esse auctoritate.*

XXI. Quod confirmatur ex alia eiusdem Urbani Epistola paulo post ad Ecclesiam Metensem scripta, quam refert Martene in Amplius. Collect. to 1. pag. 529., & to. 6. Annal. Benedict. in Add. & Corrig. pag. 571. Cum enim anno 1090. Metensis Ecclesiae Episcopus Herimanus diem obiisset suum; Burchardus Treviren. Ecclesiae Praepositus est a Catholicis illi successor datus; de qua electione certior factus ab Electoribus Urbanus rescriptit in hunc modum: *At illud modo requirendum, utrum per manus Trevirenſis illius dicti Archiepiscopi Simoniaci fuerit in Diaconum ordinatus. Quicquid enim ab eo extraordinarie, indigneque suscepit; nos Spiritus Sancti iudicio irritum esse censemus; & ut eisdem Ordines ab aliquo sortiatur Episcopo Catholico praesenti auctoritate praecipimus: Talis enim ordinator, cum nihil habueris, dare non potuit: Quibus aperte docet, quid sit irritum in hac disputatione: & quid nihil habere, & nihil dare in ordinatione sacra. Epist. etiam 17. Append. ad Vibonem Tullen. Episcopum postquam n. 1. dixit, Simoniacum depositioni subiacere, subdidit n. 5. In Ecclesiis vero, quae ab huiusmodi Simoniaciſ execratae sunt, non aliter quam in locis orandum videtur; donec subversis Altaribus benedictione, & unctione Catholici Antistitis consecrentur: idque est, quod prodit S. Petrus Damiani Opusc. 6. cap. 29. sensisse Simoniacorum hostes hisce verbis: quae tunc videbatur Ecclesia ab his (Simoniaciſ) scilicet consecrata, domus simplex erat; quod videbatur Altare, purus lapis erat; Sacerdotes, & qui reliquis cernebantur ordinibus constituti, prorsus Laici erant cunctis spiritualis Sacramenti viribus alieni: quod corpus, & sanguis Domini credebatur, simpliciter panis erat, & vinum, terrena substantia nulla S. Spiritus benedictione perfusa &c.*

XXII. At inquirunt, ordinationes non simoniace a Simoniaciſ tamen perpetratae juxta illius temporis disciplinam tolerabantur ex decretis Clementis II., Leonis IX., & Nicolai II., adde & Alexandri II., huiusmodi autem fuit Daiberti ordinatio: igitur verisimile non videtur, eam ab Urbano II. fuisse rescissam. Verum enim vero non adverterunt isti, decretum Nicolai II. anno 1059. in Concilio Romae editum, quod incipit: *Erga Simoniacos &c.*, & in quo Pontifex definivit: *eos, qui usque modo gratis sunt*

a Simoniacis consecrati... intuitu misericordiae in acceptis ordinibus manere permittimus: paulo post adicere: de caetero autem si quis in posterum ab eo, quem Simoniacum esse non dubitat, se consecrari permiserit... depositus, & privatus a propria dignitate persistat: quod & Alexander II. confirmavit, & S. Gregorius VII. Epist. 39. lib. 6. Rainaldo Comensi Episcopo rescripsit: quid de his, qui a Simoniacis nescienter, & sine pretio ordinati sunt, Apostolicae Sedis misericors censura decernat; hoc observare te volumus: eos, qui ante tempus Nicolai Papae sine venalitate a Simoniacis ad aliquem gradum promoti sunt; si tamen vita eorum irreprehensibilis esse probatur; per manus impositionem confirmatos in suis ordinibus permanere, & ministrare posse: non item post Nicolai tempus. Igitur Daibertus, qui eo modo fuit ordinatus longe post annum 1059. a VVezilone Simoniaco, ordinationem nullam accepit. Quo loco & Gratianum errasse video, cum ad c. statnimus 1. q. 1. subnotavit: Sed hoc intelligendum est de iis, qui ordinantur a Simoniacis, quos ignorabant esse Simonicos: quod plane falsum; nam etsi Nicolaus in eo decreto statuimus, sive Epist. ad omnes Episcopos reticuit id, quod rem clarius definiret: tamen in alio proxime memorato *Erga Simonicos* aperte dicit, se loqui de eo, quem Simoniacum esse non dubitat; idque confirmarunt plures alii Pontifices; quos inter Urbanus II. fuit, ut mox apparebit.

XXIII. Quapropter ad rem suam non erat statutum illud Urbani II., quod ibi Gratianus adducit ex Placentino Concilio anno 1095. habito, can. 3. & 4. Si qui a Simoniacis non simonice ordinati sunt; si quidem probare potuerint, se cum ordinarentur, nescisse eos Simonicos esse; & si tunc pro Catholicis habebantur in Ecclesia, talium ordinationes misericorditer susinemus. .... Qui vero scienter se a Simoniacis consecrari, immo execrari permiserint; eorum consecrationem omnino irritam esse decernimus: Cum jam can. 1. & 2. dictum fuisset: Ea, quae a SS. Patribus de Simoniacis statuta sunt, nos quoque & iudicio Sancti Spiritus, & Apostolica autoritate firmamus. Quicquid ergo vel in sacris Ordinibus, vel in Ecclesiasticis rebus vel data, vel promissa pecunia acquisitum est; nos irritum esse, & nullas unquam vires habere censemus: idque ad verbum in alio ejus Rom. Concilio anno 1099. est confirmatum, ubi perspicue tradit, irritum esse, quod nullas vires habet; ac idem atque invalidum.

Cum

Cum autem instant, & obijciunt; nonnullas nihilominus pro temporis, Ecclesiaeque necessitate *Simoniacorum* ordinationes fuisse toleratas; atqui tolerari non potuisse, si charactere destituebantur; ergo Simoniacos Characterem Ordinis conferre posse. Respondeo: aut erant cogniti Simoniaci, aut non; si cogniti ab eis promoti non *ex male mercata ordinatione*, sed *ex Beati Petri Apostolorum Principis efficacissima auctoritate* habebant, quo operarentur, ut ait S. Petrus Damiani supra relatus n. 12., & Glossa infra cap. vi. n. 16. adducenda: si vero occulti; error communis cum titulo jurisdictionem, ac potestatem tribuit, ut etiam in nui Cap. v. n. 33.

5. §. De Paschali II., Callisto &c.

XXIV. **A**D haec accedit, *Paschalem II.* anno 1112. in Lateranensi Concilio profiteri, se in expositione suae fidei inter alia amplecti *praecipue decreta Domini Papae Gregorii, & beatae memoriae Papae Urbani: quae ipsi laudaverunt, lando; quae ipsi tenuerunt, teneo; quae confirmaverunt, confirmo; quae damnaverunt, damno; quae repulerunt, repello; quae interdixerunt, interdico; quae prohibuerunt, prohibeo in omnibus, & per omnia, & in his semper perseverabo: quod habet & Epist. 24. ad Guidonem Viennen. Archiepiscopum: illi autem ordinationes Simoniacorum irritas, nullas, & invalidas esse pronunciarunt ita, ut iterari deberent in iis, qui ad ordines idonei judicarentur: igitur & hoc ipsum sensit Paschalis II., qui & c. patet 1. q. 7. haec asserit: *Patet Simoniacos veluti primos, ac praecipuos haereticos ab omnibus fidelibus respuendos; & si communiti non resipuerint, ab exteris Potestatibus opprimendos. Omnia enim crimina ad comparationem Simoniacae haeresis: quasi pro nibilo reputantur.**

Postea Concilium Lateran. I. Oecumenicum anno 1123. a *Callisto II.* convocatum can. 1. statuit: *SS. Patrum exempla sequentes... ordinari quemquam per pecuniam in Ecclesia Dei... prohibemus. Si quis vero in Ecclesia Ordinationem, vel promotionem taliter adquisierit, acquisita prorsus careat dignitate: & can. 22. Alienationes, & ordinationes per simoniam factas irritas esse, ac judicari dixit: quod & ante idem Callistus statuerat in Tolosana Synodo anno 1119. can. 1. Et tamen *Witasse* Prob. 1. sect. 3. nullus du-*

dubitat asseverare constantem, ac perpetuam Ecclesiae traditionem esse, *Simoniacorum* semper *validas* ordinationes fuisse habitas; & cum infinitos de his ordinationibus *Canones* ediderit; eas quidem semper improbasse; nunquam tamen *pro nullis*, & *irritis* haberi imperasse. Quae qua veritate sint dicta; judicent, qui haec nostra legerint.

XXV. Horum Successor *Innocentius II.* primum in Rhemenſi Concilio anno 1131. deinde in Lateranen. II. Oecumenico anno 1139. can. 1. & ipse constituit, ut *ſi quis ſimoniace ordinatus fuerit; ab officio omnino cadat; quod illicite uſurpavit*: ad quae continuo Witale notat, ordinationem dici *illicitam*, non vero *invalidam*: ſed & continuo refellitur; cum ſupra oſtenſum ſit, *illicitum* antiquis plerumque idem eſſe atque *invalidum*. Et quum Concilium can. 2. ſanxit: *Uſi ſi quis praebendam, aut bonorem, vel promotionem aliquam Eccleſiaſticam . . . per pecuniam acquiſivit; bonore male acquiſito careat &c.* an non ille omnimode careret bonore non tantum illicite, ſed & invalide acquiſito? igitur & ita alter ab officio. Praeterea *Alexander III.* c. *Ex diligenti* de Simonia reſpondet per literas: *unde quoniam bujuſmodi obligatio illicita, & contra tuae ſalutis, nec non & ſuae proſectum exiſtis*, [ideſt de *homagio* cuidam pro beneficio Eccleſiaſtico praestando] praefertim cum haec taliter praestita divinis, & humanis legibus *contraire noſcantur*: liquetque *illicitam* vocare obligationem, quae prorsus *invalida* erat, & nulla; cum Divinae legi contraria eſſet. Caeterum idem c. *De hoc autem*, & c. *Inuſitatum* ſcripſit, *Simoniacum* perpetuo deponendum, ſi crimen ſit manifeſtum; alias ei, qui fuit accuſatus, indiceretur purgatio ex lege. Tandem *Innocentius III.* c. *Per tuas* itidem de Simonia *Urbani II.* decretum ſupra ex Concilio Placentino allatum confirmavit; cum Priori Cantuarien. reſpondit, B. Monachum Carthuſianum ab Epifcopo, quem Simoniacum ignorabat, in Subdiaconum ordinatum in eo ordine tute miniſtrare poſſe; non tamen ad majores aſcendere. Et haec ſatis ex SS. Patrum, Rom. Pontificum, univerſaeque Eccleſiae autoritatibus.

## 6. §. de Theologorum, aliorumque sententia.

XXVI. **V**ENIO nunc ad privatos quosdam non tamen privatae autoritatis; & primum, (ut omittam *S. Petrum Damiani*, cujus opinionem vidimus n. 14. qui tametsi initio, & coactus causam Simoniacorum tuendam suscepit, illorum scilicet, qui *gratis* a Simoniacis ordinati essent, Opusc. 6. cui ob id titulus fuit *Gratissimus*; tamen post decretum Nicolai II. anno 1059. emissum ea dixit, quae leguntur opusc. 30., prae ceteris inquires: *anathematizamus itaque, & irrecoverabiliter condemnamus simoniacam haeresim primam omnium haereseon &c.*) *S. Anselmus* Episcopus Lucensis, qui illi suppar fuit, lib. 2. adversus Guibertum Antipapam anno circiter 1080. scriptis tradidit, *Excommunicatorum, & Simoniacorum Sacramenta esse irrita, & invalida*. Ecclesia, vel Clerus Ecclesiae *Bambergensis* Epist. 20., quae vulgata extat apud Jacobum Gretzerum de Herimano eorum Episcopo simoniace intruso, de quo *S. Gregorius VII.* Epist. 3. lib. 3. ad Henricum Regem scribit se *ab Episcopali eum, atque sacerdotali officio deiecisse* anno 1075., ista haec perhibet: *Pro Herimanni persona dudum infamiam simoniacae haereseos sustinimus ab omni Ecclesia, & omnes fere Episcopi, & Archiepiscopi publice omnia Christi Sacramenta profanari deplorarunt; & Cbrisma, & Corpus Domini, quod ipse consecrerit, velut menstruae immunditiae exhorruerunt: gradus etiam Ecclesiasticos, quos ille instituisset, detestabili illusione deumbratos adferebant*. Hinc facile intelligimus, cur *S. Herembaldus* Mediolanen. Eques, & Martyr *Cbrisma* cuiusdam Episcopi Simoniaci *profusum humi coram omni populo calcibus proculeavit*: ut supra est dictum Cap. VI. n. 10.

XXVII. *Laurentius* etiam *Abbas S. Vitoni*, qui sub Paschali II. floruit, in Epist. ad Canonicos Virdunen. Apologet. apud *Mailillon.* 10. 5. Annal. *Benedict* n. 80. Append. inter eos, quorum *Sacrificia manifestissime irrita sunt, & nullius omnino momenti*, recenset & *Simoniacos*, quos & dicit extra Ecclesiam esse. Magister vero sententiarum *Petrus Lombardus* Episcopus Parisien. lib. 4. d. 25. ita suam opinionem expressit: *De Simoniacis non est ambigendum, quin sint haeretici; qui tamen ante sententiam degradationis & ordinant, & consecrant... differt tamen inter eos, qui*

qui ordinantur a simoniacis scienter; & eos, qui ignoranter: qui enim scienter a Simoniacis se permiserint consecrari... eorum consecratio omnino irrita est: qui vero ordinantur a Simoniacis, quos cum ordinantur, nesciunt esse Simoniacos, qui & tunc pro Catholicis habentur, eorum ordinatio misericorditer sustinetur. Quod ultimum de ordinatorum differentia sumptum est ex Decreto Urbani II. supra n. 23. descripto, traditurque etiam ab Hugone Victorino lib. de Sacramentis par. 10. cap. 3.

Denique Hildebertus Cenomanen. Episcopus eodem tempore florens Epist. 14. de quodam, qui simoniace Diaconatum susceperat, postea Presbyteratus evectus fuerat ad ordinem, interrogatus respondit: *fratrem illum; quem Diaconum pretio comparasse significasti; a Diaconatu, & supra summovendum cognovimus, & summovemus; nullam enim partem, nullam sortem concedis ei Petrus in Ordine; quem dum emit, non accepit.* Qui omnes cum aliis id, quod est de Simoniacis propositum; ostendunt.

#### 6. §. Objectus.

XXVIII. **R** Estat, ut respondeam objectis, iisque, quae Petrus Damiani Opusc. 6. cui titulus est *Gratissimus*, ad Henricum Ravennat. Episcopum anno 1052. de ordinationibus ab Episcopis *Simoniacis* haud *simoniace*, seu *gratis* ordinatis exaravit; in quo cum horum Simoniacorum causam, licet invitatus, diuque reluctans tandem patrocinandam suscepisset; & contra multorum mentem eorum ordinationes & ratas, & non iterandas esse contendisset: plura ob eam rem, quae magis tuendae causae, quam veritatis ergo dici solent, effutiit, & quae causam ipsam minime evicerunt.

1. igitur cap. 4. dicit; ut *Baptismum*, ita & sacerdotalem ordinationem, seu consecrationem nulla sordentium Ministrorum labe pollui: quidve causae sit se non videre; cur baptizatus ab *Haeretico* non rebaptizetur; & ordinatus a *Simoniaco* denuo consecratur cap. 5., cum uterque & *Baptismus*, & *Ordo* sit Christi Sacramentum. Cui respondeo, nullum quidem Ecclesiae Sacramentum a malis pollui Ministris posse, quantum in se est; ejus tamen ministerium ita ab eorum nonnullis temerari posse; ut Ecclesia Spiritus S. ductu statuerit, illos ab eo penitus arcere: vidisset-

setque facile Petrus rationem, cur baptizatus ab Haeretico non iterato baptizetur; ordinatus vero a *Simoniaco* iterum consecratur; si perpendisset, non baptizatum baptizare posse; non ordinatum vero nequaquam ordinare valere: ut enim notavit Gratianus ad c. *Remissionem*, & c. *Si quis haereticae* 1. q. 1., Sacramentorum alia sunt necessitatis, alia vero dignitatis; alia propter se, & alia propter alios. Non itaque quia Minister malus est; sed quia idoneum non esse censuit Ecclesia, cujus est decernere, veluti fidelis Christi, divinaeque mentis interpret quae semper fuit.

XXIX. u. Cap. etiam 4. inquit: si prohibetur rebaptizatio, ne juxta Canones SS. *Trinitatis* nomen, in quo quis baptizatus est, fieri nullum videatur; id etiam congruet manifestius ordinato a *Simoniaco*, qui non solum in SS. *Trinitatis* nomine consecrat, sed & omnem prorsus Catholicae consecrationis ritum observat. Sed huic respondetur; quemadmodum *Baptismus* etiam in nomine SS. *Trinitatis* collatus repeti debet; cum caetera deficiunt, uti res, & materia apta, nec non intentio certa, atque Minister idoneus; sicut quum quis se ipsum baptizaret; ita *Simoniaci consecrationem* iterari oportere etiam in nomine SS. *Trinitatis* factam, eo quod *Simoniacus* non est juxta Canones Ecclesiae idoneus consecrationis Minister. Deinde *Baptismus* necessario datur in nomine SS. *Trinitatis*; non item *ordinatio* sacra.

III. Cap. 20. quando quaerit, si baptizare queat *Simoniacus*, cur non & ordinare similiter? quia parum differt a primo objectu, parum etiam difficultatis nobis affert, nulloque negotio diluitur: nam si etiam Laicus, etiam foemina, Hebraeus, etiam, & Paganus, seu Infidelis baptizare valet; poteritne & Laicus, & foemina, & Hebraeus, Paganusve ordinare? Non enim Minister unius Sacramenti, Minister erit omnium necessario, & semper.

XXX. iv. Cap. 28. ait, *Simonicos* dici vendere *Spiritum Sanctum*; quod dici, inquit, non posset, nisi Sacramentum ipsi conficerent. ad hoc respondit Urbanus II. in Epist. 17. ad Lucium Papien. Praepositum his verbis: *Et si bene advertis, Simon Magus, qui fiste ad fidem accessit, non Spiritum S. propter Spiritum S., quo ipse indignus erat; [quoniam, ut scriptum est, Spiritus Sanctus disciplinae effugiet fictum] sed ideo, quantum in ipso erat, emere voluit, ut ex venditione signorum; quae per eundem fiebant, multiplicatam pecuniam, quam obtulerat, lucraretur. Nec*

Apo-

*Apostolus emptionem Spiritus Sancti, quam bene noverat fieri non posse, sed ambitionem talis quaestus, idest avaritiam, quod est idolorum servitus, in eodem Simone exhorruit, & maledictionis jaculo percussit.* Non igitur dicuntur Simoniaci vendere Spiritum S., quia reapse vendant, cum id non possit; sed quia, quantum in ipsis est, vendant, ideoque plectuntur, quod putent, aut velint vendere, quod vendi nec debet, nec potest.

v. Cap. 29. probat *Simoniacorum* ordinationes esse veras, ex eo, quod multi sint inventi a Simoniacis ordinati, qui *miraculis* exinde coruscarunt. At primum id spectare potest varium Simoniacorum genus, de quo dictum est supra; sive ad ordinatos gratis, & inscieniter a Simoniacis, qui habentur pro Catholicis, ideoque nondum ab Ecclesia damnatis, ordinandique potestate nudatis. Deinde quid si etiam scieniter a Simoniacis, aut simoniace ordinati sunt? an non potuerunt poenitere, & ea patrare, quae sanctitatis famam illis compararent? tale quid certe memorat liber Pontificalis in Vita S. Sylverii Papae.

vi. Cap. 32. probat etiam ex eo, quod Simoniaci jubeantur ab Ecclesia *deponi*: atqui depositio, inquit, Laici non est, sed Clerici, & Sacerdotis: ergo qui Simoniacus est, is ab Ecclesia pro Clerico, ac Sacerdote reputatur. Verum nemo est, qui neget Simoniacum non esse, aut posse esse Clericum, Sacerdotem, & Episcopum; sed ejus ordinationes semper esse ratas, & *validas* inficiatur. Deinde falsum est, *depositionem* non esse etiam Laici; cum visum sit supra n. 2. ex Conciliis prave, & invalide ordinatos e falsa dignitate deponi.

XXXI. Post haec nobis objiciunt alia, & primum *Magni Basilii* Epistolam 76. ad Episcopos suae dioecesis, de quibus rumor ferebat, eorum quosdam in ordinationibus pecuniam accipere. Sed illi existimabant, minime crimen *Simoniae* patrare, partim quod fieret pietatis causa; partim vero, quod non ante, sed post ordinationem pecuniam acciperent: quamobrem eos hortatur Basilius, ut si verum est, quaestum illum perniciosum declinarent; alioquin cum suis *Altaribus nihil commune* habituros, hoc est deponendos, & communione privandos.

11. Illud autem S. Io: *Chrysothomi*, quod refert Palladius in ejus Vita, de Episcopis ab Antonino Episcopo Ephesino simoniace ordinatis potius favet, quam officiat; cum illos Chrysothomus

Sa-



*Sacerdotio carere jufferit* : eapropter & hunc locum , & superiorem Basilii produxit S. Tarasius Patriarcha CP. in sua ad Hadrianum Papam 1. Epistola n. 8. relata, qua demonstraret ex sacris Canonibus, sanctisque Patribus Simoniacos *deponi* ; eorumque ordinationes *irritas* quoque pronunciari.

At, inquit VVitalfe, non omnes ramen Antonini Simoniaci ordinationes damnatae fuerunt, sed tantum illae sex Episcoporum. Verum potuit Antoninus non alias habuisse ordinationes ; potuit fecisse alias sed non simoniace ; vel si eo modo ; sine dubio proscriptae sunt cum aliis, etsi non memorentur a Palladio, qui solum illas Episcoporum, uti majoris ordinis, ac dignitatis recitavit ; cum caeterae consequantur alias. Et quum instat sex illos Episcopos fuisse quidem *depositos*, sed non *iteratas* ordinationes ab ipsis antea factas. Factum id ajo, propterea quod renuit Chrysostomus prave ordinatos in honoribus male adeptis instaurare ; ut omittam ea, quae in hanc rem dixi n. 4. hujus argumenti.

Tandem cum subdit ; depositis Episcopis indultum esse, ut *intra Altare communicandi* facultatem haberent : illud autem non fuisset, si *Laici* prorsus habiti fuissent : Concedo ; non enim uno ordine sublato, caeteri quoque semper auferebantur : memineritque can. 1. Concilii Toletani l. anno 400. coacti, quo de Poenitentibus decernitur : *Si qui autem ante ordinati sunt Diaconi, inter Subdiaconos habeantur* : & can. 4. *Subdiaconus autem defuncta uxore, si aliam duxerit ab officio, in quo ordinatus fuerat, removeatur, & habeatur inter Osiarios, vel inter Lectores...* qui vero tertiam acceperit, *absentibus biennio postea inter Laicos reconciliatus per poenitentiam communicet*. Cum igitur illi sex Episcopi ab Antonino ordinati jam antea in Clero essent, depositi in Clero permanserunt. Postea non video, quin quiverit Chrysostomus quibusdam prave ordinatis, ac depositis *intra Altare communicandi* potestatem facere quibusdam ex causis, de qua re alias.

III. Possent obiiicere Epistolam xvii. Zachariae Papae, quam Austroberto Viennensi Archiepiscopo transmisit, scripsitque : *De Episcopis vero per pecuniam ordinatis hoc vobis rescribimus ; ut si utiles sint, pro tali facto severissime corrigantur : non tamen penitus deiciantur a suo Ordine, deleantque se per quod illicite in tanto ordine ab eis commissum est* : sed enim primum ea Epistola in  
su.

suspicionem confictionis postulatur a viro magni criterii Pagio ad ann. 742. n. 13. Deinde etiam si vera censetur; nihilominus tamen Simoniaci *ante sententiam degradationis* si non licite, *valide* saltem ordinant, & consecrant juxta Magistri sentent. doctrinam in 4. d. 25.

XXXII. iv. Proferunt & *Fulberti Carnoten.* Episcopi Epistolam anno circiter 1020. ad Leuterium Senonen. Antistitem conscriptam, qua interrogatus ille de quodam Presbytero ab Episcopo non suo, & *simoniace* ordinato respondit; cum non esse iterato ordinandum, sed juxta can. 9. Concilii Toletani xi. deponendum, ac communione privatum poenitentiae addicendum; mox si profecerit, in suum honorem restaurandum. Qua in re respondeo, Fulbertum unum esse, & ab uno Toletano Concilio deceptum; quod nec ab eo forsan intellectum satis suspicari potest; quandoquidem antiqui Canones Nicaeni, alique jam producti *irritam & infirmam*, hoc est *invalidam* dixerunt ordinationem Episcopi, qui alienae Dioecesis Clericum, & simoniace ordinarent: & ad Concilium Toletanum xi. verba feci n. 7. Nam quod Fulbertus ait, *rebaptizationes, & reordinationes* fieri Canones votare; verum est de veris, non de falsis, & invalidis.

v. Obijciunt mox illud *Henrici II.* al. *III.* Regis, nimirum allocutionem ejus anno 1046. ad Antistites Simoniacos factam, quam refert Glaber lib. 5. cap. 2., & qua cum primum eos secundum Canones *deponendos*; exinde misericordia motus suis illos honoribus, sedibusque frui permisit; quasi vulgaris esset tunc omnium opinio, *Simoniacorum* ordinationes fuisse ratas, ac validas. Verum quid ad nos de Principe Laico, cujus nec est ista multum scire, nec aperte jure decernere; quando Rom. Pontifices, & Concilia, id autem est Ecclesia, contrarium semper sanxerunt? Porro Henricus iste filius fuit *Henrici Simoniaci*, ut ipse testatur ibi.


XXXIII. vi. Nam *Clementis II.* statutum, quod adducunt, editum anno 1047., & a *Leone IX.* an. 1049. secutum teste Petro Damiani opusc. 6. cap. 35. & supra n. 12. recitatum: *ut quicumque a Simoniaco consecratus esset &c.*, quo poenitentia ordinatis indicitur, sed ordo iterari non jubetur: notum est, conditum esse pro iis, qui non simoniace, sed *gratis*, & sine pecunia fuerant a *Simoniacis* ordinati; de quibus nondum Ecclesia decreverat.

At, inquires, *Simoniaci* tamen ordinatio ibi non improbat. Utrique, sed *simoniaci* nondum ab Ecclesia proscripti, nec potestate spoliati; inquit enim Magister sentent. lib. 4. d. 25. *De Simoniaci non est ambigendum, quin sint haeretici; qui tamen ante sententiam degradationis & ordinant; & consecrant*: postea vero non; praeter id quod n. 23. disserui.

vii. Denique *Constantiense* generale Concilium opponunt; in quo sess. 43. contra *simoniacam* pravitatem declaratum est, quod ordinati *simoniace* ab executione suorum Ordinum sint eo ipso suspensi: executio itaque, dicunt, officii suspenditur, sed ordinatio non judicatur irrita. Veruntamen notent velim, Caput illud de *Simonia* valde mutilum esse, & mancum; nam in Append. dicti Concilii lib. 5. tit. 2. de *Simonia* longe fusius habetur; ibique etiam depositio ordinatoribus infligitur, quae est vetus Ecclesiae poena pro *Ministris* Ordinis; & jus antiquum; pro ordinatis vero jus novum forsan placuit Concilio condere suis de causis; quod securus est Paulus II. c. *Cum detestabile* de *Simonia* Extr. Com., ubi ordinatoribus excommunicationem, privationem, aliasque antiquorum poenas irrogari mandat; ordinatis vero tantum officii suspensionem indicit ob eam, ut puto, causam, quam proxime memoravi. Quinimmo multo ante suspensionis poenam Innocent. III. nonnullis Clericis ab Episcopis non suis ordinatis inflixit pro eo maxime, quod quosdam eorum per falsas literas, & *Simoniacam* pravitatem accepimus fuisse promotos: unde ordinatores a potestate suspendimus ordinandi, & ordinatis executionem interdiximus ordinum taliter susceptorum: inquit Pontifex Epist. II. lib. 14. & Epist. 218. lib. 15.

## C A P U T VIII.

### De Haereticorum ordinationibus.

- I.  Ixi jam de una Haereticorum specie, sive de *Simoniaci*; dicam nunc de *Haereticis* generatim. Nam si quorum unquam sacrae ordinationes judicatae sunt irritae, nullae, & invalidae, idque olim omnium consensu; eae Haereticorum plane fuisse noscuntur cum

K

in

in Graeca Ecclesia, tum in Latina; si de iis quidem, qui vere, ac proprie Haeretici vocantur, sermonem habuerunt; quoniam hi re vera extra Ecclesiam esse dicuntur, & sunt; ideoque Ecclesiae Ministri esse non possunt: inquit enim S. Thomas 4. d. 7. q. 3. art. 1. §. ad primum argumentum: *proprii dispensatores Sacramentorum sunt Ministri Ecclesiae per Sacramentum Ordinis consecrati, ut sint medii inter Deum, & plebem Divina populo tradentes: & ideo solis eis competit ex officio Sacramenta ministrare; nec per alium conferri possunt excepto Baptismo propter necessitatem.* Dixi, qui vere, & proprie haeretici vocantur: quoniam non solum *Schismatici* persaepe Haereticorum nomine venire consueverunt, ut postea videbitur; sed ipsi etiam *Catholici*, & viri valde pii aliquando hanc ignominiam sunt per errorem perpassi; uti observavit eruditissimus Pagius ad ann. 491. n. 7. & seqq. Semel ac igitur quis ab Ecclesia se omnino sequegat; Ecclesia quoque cum pro suo nequaquam reputat, habetque Ministro; sed si non *characterem*, quem aut non potest, aut non vult, cum non expediat, auferre; omnem illi tamen ordinandi, ac ministrandi *potestatem* abrogat, & aufert.

II. Testatur id in primis canon 67. al. 68. Apostolorum; cujus verba sunt: *Si quis Episcopus, aut Presbyter, aut Diaconus secundum acceperit ordinationem ab aliquo; deponatur & ipse, & qui ordinavit: nisi ostendat se ordinationem habere ab Haereticis: qui enim a talibus baptizati sunt, aut ordinati; nec fideles, nec Clerici esse possunt.* Quo loco non est sermo de Haereticis ordinationis *formam* adulterantibus, uti perverse judicat VVitasse sect. 7. Obj. 1., satis enim est notum, quid in hac re sentirent Orientis Antistites, & quid tenerent: nec tantus vir id ignorare poterat: erat igitur animi ingenui, maxime Theologi fateri quod erat; non autem verbis tam apertis vim inferre, & vim veritati contrariam. Nam nec omnes Haeretici *formam* aut Baptismi, aut Ordinationis pervertebant; nec, si pervertissent, Orientalis canon id tacuisset; nec adeo late locutionem laxasset: postea quae mox dicentur, clarius oppositum ostendent.

III. Firmilianus enim Caesareae Cappadociae summus Antistes, religione non minus, quam doctrina *magnum* Epistola ad S. Cyprianum; quam nuper oppugnatam, ac nutantem arbitror me satis firmasse; rescriptit de hac re in hunc modum: *Sed &*

*cac-*

*caeteri quique Haeretici, si se ab Ecclesia Dei sciderint, nihil habere potestatis, aut gratiae possunt: quando omnis potestas, & gratia in Ecclesia constituta sit, ubi praesident majores natu, qui & baptizandi, & manum imponendi, & ordinandi possident potestatem... Quod totum nos jampridem in Iconio, qui Phrygiae locus est, collecti in unum, convenientibus ex Galatia, & Cilicia, & caeteris proximis Regionibus confirmavimus. Quod quidem statuerunt & quotquot opinati sunt Haeticorum Baptisma nullum esse; nam ubi Baptisma nullum est, & nulla ordinatio: id autem Orientales omnes censuisse testis est illorum temporum scriptor S. Dionysius Alexandrinus Episcopus literis ad Sixtum PP. datis apud Eusebium lib. 7. cap. 4., quibus significat hoc ipsum definitum fuisse in maximis Episcoporum Conciliis, in Ecclesiis maxima hominum frequentia celebratis Synodis fratrum tum Iconii, tum Synnadis, tum aliis multis in locis convocatis. Hinc Baronius in notis ad Martyrologium Rom. auctum, & emendatum non dubitavit asserere ad 4. non. Augusti de S. Stephano Papa, eum adversante Orbe fere toto de Baptismate tutatum esse majorum traditionem.*

IV. Si quidem non Orientales modo, verum etiam Afri universi sub Agrippino Carthaginien. Episcopo in eandem de Haeticis sententiam conspirarunt; quos sequutus Afer & ipse S. Cyprianus Epist. 52. ad Antonianum de Novatiano, quem & Schismaticum, & Haeticum appellat, scribit: *qui ergo nec unitatem Spiritus, nec conjunctionem pacis observat; & se ab Ecclesiae vinculo, atque a Sacerdotum Collegio separat; Episcopi nec potestatem potest habere, nec honorem, qui Episcopatus nec unitatem valuit tenere, nec pacem:* & Epist. 76. ad Magnum magis sententiam suam expressit his paucis: *dicimus omnes Haeticos omnino, & Schismaticos nihil habere potestatis, ac juris in Ecclesia:* lib. vero de Unitate Ecclesiae ista haec nos docet: *hinc haereses... hi sunt, qui se ultro apud temerarios convenas sine Divina dispositione praeficiunt; qui se Praepositos sine ulla ordinationis lege constituunt; qui nemine Episcopatum dante Episcopi sibi nomen assumunt.*

V. Sic & S. Optatus Milevitanus Episcopus etiam ipse Africanæ Regionis lib. 1. contra Parmen. hoc modo disserit: *Vides ergo, frater Parmeniane, Haeticos a domo Dei extorres solos habere vana, & falsa Baptismata... bene clausisti hortum Haere-*

*tis ... vobis vero Schismaticis, quamvis Catholici non sitis, haec negari non possunt: & lib. 5. non dissimilia loquitur, dum inquit: Scimus Haereticorum Ecclesias singulorum prostitutas nullis legalibus Sacramentis, & sine jure honesti matrimonii esse. Quod si Haereticorum vana, & falsa Baptismata dicit; quanto magis ordinationes eorundem. Non me fugit, plerisque respondere, loqui eum de iis Haereticis, qui formam Sacramentorum depravant, non de omnibus. Sed neminem moror in re tam putida, futilique: quis est enim, qui non animadvertat Optatum Haereticos cum Schismaticis conferre, non cum Haereticis; neque de forma Sacramentorum eum inquirere, sed de Ministro?*

VI. Magnus itidem Basilius Firmiliani, quem paulo ante memoravi, in Cathedra successor Epist. can. ad Amphilochem n. 1. annon de Haereticis ab Ecclesia omnino segregatis scripsit: *qui autem abrupti sunt, Laici effecti nec baptizandi, nec ordinandi habent potestatem?* cum & Epist. ad Nicopolitas clamet: *Nescio Episcopum: nec connumeraverim inter Sacerdotes Christi eum, qui a profanis manibus (Haereticorum) in destructionem fidei ad praedicationem provectus est: hoc est judicium meum: immo omnium nendum Orientalium, sed Afrorum etiam, eorum scilicet, qui Haereticorum Baptisma irritum esse, ac nullum docuerunt; de quibus alias disserui in Germana S. Cypriani, & Firmiliani de Haereticorum Baptismate opinione.* At isti in ea de Baptismo Haereticorum controversia erraverunt. Utique: sed in hac causa, quae valde diversa est, recte sensisse videbimus. Deinde etiam S. Athanasius lib. de Synodis percontatur de illis *Arianis*, qui Nicaenam Synodum, Nicaenosque Patres criminabantur: *quid docebunt populos ab ipsis institutos? an Patres suos lapsos esse? aut quomodo ipsi veri ... aut quo jure ipsi Episcopi esse poterint; si ab Haereticis, quos ipsi criminantur, constituti sunt?*

VII. Quandoquidem etiam Julius I. Papa Epistola ad Orientales in S. Athanasii causa de quodam Pisto Presbytero, quem Secundus Ptolemaidis Episcopus Arianus ab Alexandro Alexandr. Antistite, Nicaenaeque Synodo condemnatus, ac exauctoratus ordinaverat; in hunc rescripsit modum: *impossibile enim est, Secundi ordinationem utpote Arianum vim ullam in Catholica Ecclesia habere: id enim vere ad Synodi, & ad Episcoporum, qui in Synodo fuere, contumeliam verteret. Quid autem est, nullam vim*

vim habere: nisi irritum, atque *invalidum* esse? idque propterea quod Secundus non *characterem* Ordinis, sed ordinandi *potestatem* perdiderat; simulatque depolitus, damnatusque fuerat ob lapsum in Arii turbulentam haeresim. Hinc in Epistola Philippopolitani Eusebianorum Conventus anno 347. contra Synodum Sardicen. Catholicorum coacti haec adversus *Lucium* Adrianopolis orthodoxum Episcopum verba legimus: *Lucius sacrificium a sanctis, & integris Sacerdotibus confectum, si fas est dicere, canibus projiciendum jubebat*: idque etiam egisse & *Marcelum* Ancyranum, & *Asclepam* Gazensem, & *S. Athanasium* Alexandr. aut de Eucharistico pane, aut de *Altari* sacro subverso, dirutoque narratur: quod quidem etsi calumnia de quibusdam uti de *Athanasio* dicenda est; tamen de aliis credi potest verum fuisse; proptereaquod *Eusebianos* uti *Arianos*, ideoque haereticos habebant; proindeque sine autoritate sacrificandi, ordinandi, atque benedicendi.

VIII. Extat & ex Haereticis exemplum in rem nostram: nam *S. Hieronymus* in Chronico ad annum 351. de *Cyrillo* Hierosolymitano ista refert: *Cyrillus cum a Maximo* (Episcopo Hierosolym.) *fuisset Presbyter ordinatus; & post mortem ei ab Acacio* Episcopo Caesariensi, & caeteris *Arianis* Episcopis Episcopatus promitteretur; si ordinationem *Maximi* repudiasset; *Diaconus* in Ecclesia ministravit: ob quam impietatem Sacerdotii mercede pensatus in *Heraclium*, quem moriens *Maximus* in suum locum substituerat, varia fraude sollicitans de Episcopo in Presbyterum regradavit. *Maximi* Catholici, quem *Ariani* haereticum putabant; aut volebant, ordinatio irrita judicata est; ut & illa *Heraclii* iridem Catholici ab ipsis *Arianis*; qui Catholicos omnes homousianos *Sabellianos* ob id haereticos ubique divulgabant. Certe & *Rufinus* Hist. lib. 1. cap. 23. habet: *Hierosolymis vero Cyrillus post Maximum Sacerdotio, confusa jam ordinatione, suscepto; aliquando in fide, saepius in communione variabat*: uterque autem & *Hieronymus*, & *Rufinus* eo tempore vivebat; & uterque *Hierosolymis* fuit. Certe *Anastasius Sinaita*, qui circa ann. 630. scribebat, referens celebrem Orthodoxi cum *Goliasta* haeretico habitam *Alexandriae* disputationem ponit aut id, quod sumunt haeretici, non esse verum Corpus Christi, sed solam figuram, & quasi Vicarium quoddam; aut propter perversam

*ſam eorum fidem Spiritum ſanctum in illud non deſcendere: cap. 23. de Euchariftiae Sacramento.*

§. 1. *De S. Innocentii I. dictis.*

IX. **S**ANctus Innocentius I. Epist. 18. ad Alexandrum Antiochiae Episcopum ſolum *Baptiſma* ratum, validumque in haereticis agnoſci tradit, cum ait: *Arianos, caeteraſque ejusmodi peſtes, quia eorum Laicos converſos ad Dominum ſub imagine poenitentiae ſuſcipimus; non videtur Clericos eorum cum Sacerdotii, aut Miniſterii cujuſpiam ſuſcipi debere dignitate: quoniam quibus ſolum Baptiſma ratum eſſe permittimus, quod utique in nomine Patris, & Filii, & Spiritus ſancti perficitur; nec Spiritum ſanctum eos habere ex illo Baptiſmate, illiſque myſteriis arbitramur: quoniam cum a Catholica fide eorum Auctores deſciſcerent, perfectionem ſpiritus, quam acceperant, amiſerunt: nec dare ejus plenitudinem poſſunt; quae maxime in ordinationibus operatur; quam per impietatis ſuae perſidiam perdiderunt. Quomodo fieri poteſt, ut eorum profanos Sacerdotes dignos Chriſti honoribus arbitremur, quorum Laicos imperſectos, ut dixi, ad ſanctus Spiritus percipiendam gratiam cum poenitentiae imagine recipiamus? id eſt per manus impositionem.*

X. Respondet Lupus Diſput. 2. Prooem. de *Simoniae Crimine* cap. 17., Sacramentum eſſe *ratum* in haereſi ſuſceptum non eſſe idem, ac *validum*; ſed eſſe per legitimam Divinorum, vel Eccleſ. Canonum viam reparabile: in haereſi *Baptiſma* ſumptum ſemper per poenitentiam; *Ordines* vero nulla unquam via Canonum antiquam reparaviſſe Eccleſiam. Quo plane nihil falſius: annon Synodus Nicaena *Catharos*, quos ipſe dicit haereticos, per ſolam manus impositionem admiſit can. 8., & *Paullianos* per novam ordinationem can. 19.? annon S. Auguſtinus pluribus in locis affirmat *Schiſmaticos*, & *Haereticos* modo ſuſcipi, modo non; prout Eccleſiae expedire videtur? Poſtea haec explicatio longe abeſt a mente, & ſenſu Romanorum Pontificum, totiuſque Eccleſiae, quae *ratum* pro vero, firmo, ac valido ſemper intellexit.

XI. Nec appoſitior eſt Fraſſenii, & VVitaffis reſponſio; *Baptiſma* ſolum haberi *ratum*, quod Haeretici miniſtrant, quantum



tum quidem ad honorem, & jura, sed non quantum ad characterem: nam qui baptizatus est, inquit, in haeresi, simul atque Ecclesiae reconciliatur, omnibus Baptismatis honoribus, juribus, ac commodis gaudet; qui autem in haeresi est ordinatus, is juxta severiorem Ecclesiae disciplinam omnibus Ordinum suorum juribus, ac honoribus excidit. Quoniam & istud aequè falsum affirmo; primum quia baptizatus ab Haereticis arceatur a sacris Ordinibus, Ecclesiaeque dignitatibus, ut ostendi Cap. iv. n. 1., deinde quid de alijs Sacramentis in haeresi susceptis Confirmatione, Eucharistia, Matrimonio &c.? non erunt haec quoque rata hoc modo, ut *Baptisma*? & tamen hoc solum Haereticis permittitur. Tandem annon octo Episcopi *Ariani* a Synodo Nicaena sunt suis in honoribus suscepti teste S. Hieronymo in Dial. adversus Lucifer., & *Priscillianistae* a Synodo Toletana l., uti fatetur Innocentius I. Epist. 23. ad Toletanum Synodum n. 1., qui & Epist. 21. ad Martianum Episcopum probat Clericos *Bonofianos* etiam ab Ecclesia recipi; ut omittam *Catharos*, & *Paulianos* supra memoratos; aut *Donatianos* ex Augustino; aliosque plures, quos frustra factum puto recensere?

XII. Quocirca verum hujus Pontificis sensum non potuit non evulgare S. Petrus Damiani Opusc. 6. pro Simoniaciis cap. 22. dicens: *In quibus decretalibus verbis manifeste datur intelligi, quia in promotionibus Clericorum non immerito fides ordinantis attenditur, ex qua videlicet pendet, ut ordinatio ipsa sive rata, sive irrita judicetur. Quod enim tenet ordinator in fide, accipit ordinatus in munere. Enim vero si Ariani recta fides inesset; etiamsi eos cujuslibet diversae pravitatis error involverit; facta apud eos consecratio non periret: Cum & ante de Novatianis a Nicaena Synodo in suis ordinibus susceptis praemisisset: Si ergo & hi, qui jam ab his sunt haereticis ordinati, nequaquam suo sunt honore privandi ob id scilicet, quia eorum consecratores in fide non titubant; quid de Simoniacorum ordinationibus sentiendum, qui & omnia fere Ecclesiasticae institutionis jura conservant? ... At contra Ariani, qui adversus Spiritus sancti divinitatem manifesta prorsus impietate configunt, ad Catholicam veritatem redeuntes in male accepti Ordinis persistere dignitate non possunt ... Quia igitur virtutem Spiritus sancti in fide non habent, qua videlicet*

*omnis Ecclesiasticae dignitatis ordo perficitur; apud eos facta ordinatio canonicis sanctionibus irrita judicatur: haec, inquam, Petrus Damiani.*

XIII. Frustraque VVitasses Obj. 7. interpretari laborat, eam a Petro ordinationem *irritam* appellari, quae restitutionem ad ordines excludit, velut illa Arianorum; *ratam* vero, quae usum Ordinum admittere potest, ut illa Novatianorum, & Donatistarum: cum ipsemet Prob. 1. ex Athanasio, Hilario, Hieronymo, Basilio, Damaso, atque eodem Innocentio Papa I. ostenderit, etiam *Arianos* ejurata haeresi aliquando ad Ordines suos fuisse admissos; sicut & *Donatistas* aliquando quidem receptos, aliquando vero non, scriptum reliquit S. Augustinus; rejectos legimus eos a Capuana Synodo generali anno 389., susceptos vero ex can. 67. Cod. Afric., porro Donatistae affines erant, & quam simillimi Novatianorum testimonio S. Epiphani. Praeterea apud quem alium invenitur insolens iste loquendi modus, ut *irrita*, vel *rata* ordinatio dicta sit, quae restitutionem ad Ordines excludit, vel admittit? apud neminem unum nisi confictorem, & veritatis impugnatorem: praesertim cum Petrus Damiani eam *irritam* ordinationem dicat, quae *periret*: quod autem perit, sit ipsum plane nullum; & cum conferat Arianos cum *Simoniacis*, quorum ordinationes nullas, & invalidas dictabant ii, contra quos scripsit Petrus.

XIV. Idem autem Innocentius I. Epist. 22. ad Macedones Episcopos n. 3. clarius hanc rem explicuit, dum inquit: *cum nos dicamus ab Haereticis ordinatos vulneratum per illam manus impositionem habere caput; ubi vulnus infixum est, medicina est adhibenda... atque ubi poenitentiae remedium necessarium est; illic ordinationis honorem locum habere non posse decernimus... sed e contrario asseritur, eum, qui honorem amisit, honorem dare non posse: nec illum aliquid accepisse, quia nihil in dante erat, quod ille posset accipere. Acquiescimus, & verum est. Certe, qui quod non habuit, dare non potuit; damnationem nique, quam habuit, per pravam manus impositionem dedit: & qui particeps effectus est damnato, quomodo debeat honorem accipere, invenire non possum: Quae magis declarantur ab antiquo Autore Epistolae 4. al. 5. de Chorepiscopis Damaso Papae adjudicatae his verbis: *per illicitam manus impositionem vulneratum caput illi, qui videbantur ali-**

*aliquid accepisse, habebant: & ubi vulnus infixum est, necesse est medicinam adhibere, qua infixa sanetur macula; ideo reiterari necessum est, quod legitime actum, aut collatum minime probatur; si perfectum esse debet. Nam quomodo honorem possit retinere, qui ab illo acceperit, qui potestatem dare legitime non habuit, invenire non possum: cum ille, qui honorem Pontificalem non habuit, Pontificalia non possit jura tribuere. Cum igitur Innocentius de haereticis Bonosianis, qui Paulianistae erant, quorum & Baptismum, & ordinationem iterari iussit Nicaena Synodus can. 19., verba faciat; cum Autor Epistolae Damaso affixae de Chorepiscopis agat, quibus nulla ordinandi potestas inerat juxta illum: & cum Ratisponen. Concilium anno 803. ex Leonis III. rescripto, quod admittit Witasse, nec non Sveffionen. 11. anno 853., Urbanus II. alique plures hanc Innocentii Epistolam de Ordinationibus invalidis intellexerint; frustraneus est labor eorum, qui eam pervertere conantur: quanquam de Ratispon. eo Concilio quid statuendum sit, postea edisseram.*

XV. Praesertim cum idem ille Innocentius n. 5. addiderit: *sed Anysii (Thessalonicen. Episcopi) fratris quondam nostri, aliorumque Confacerdotum summa deliberatio haec fuit; ut quos Bonosus (Sardicen. Episcopus haereticus) ordinaverat; ne cum eodem remanerent, ac fieret non mediocre scandalum; ordinati reciperentur: & paulopost: qui nihil a Bonoso acceperunt, rei sunt usurpatae dignitatis, qui consciendorum Sacramentorum sibi vendicaverunt auctoritatem; atque id se putaverunt esse, quod de his nulla fuerat regulari ratione concessum.* Ea autem deliberatio facta fuerat anno 389. in magna Synodo Capuana, in qua quidem reordinationes, & rebaptizationes prohibitae fuerunt, sed verae, & validae, non illae Haereticorum inanes, & falsae maximo Paullianorum in Nicaeno Concilio proscriptorum. Porro Bonosiani Paullianorum sectarii erant, & germen, uti docet Vigilus Papa in suo pro tribus Capitulis Constituto; & Gennadius Massiliensis de Scriptor. Eccles. in Audentio Bonosianos Photinianorum gregales fuisse tradit; Photinianos vero Paullianos esse admonet Rufinus in Hist. lib. 11. Canones Nicaenos exponens, uti & Concilium Arelatense 11. can. 16., hinc idem Gennadius de Dogmat. Eccles. cap. 52. inter eos haereticos; qui quum ad Ecclesiam accedunt, baptizantur Ecclesiastico baptismo, & Paul-

lianos, & Bonosianos recensuit; scribitque etiam S. Gregorius M. Epist. 61. lib. 9. ad Episcopos Iberniae, *Bonosianos non baptizare in nomine Trinitatis*. Quod si rebaptizandi erant eorum Clerici, cum ad Ecclesiam venirent; quanto magis iterum ordinandi; si quando digni sacris Ordinibus judicabantur; uti de Paullianis statuit Nicaena Synodus can. 19. Quapropter & recte, & jure constitutum legimus in Capuana Synodo de Clericis Bonosianis, ut *ordinati reciperentur*: & in cassum defatigantur quidam ista secus interpretari.

§. 2. De Concilio Chalcedon. &c.

XVI. **C** Chalcedonense Concilium omnium Ecclesiae coetuum maximum anno 451. *Dioscorum* Alexandriae Episcopum utpote Eutycheris, ejusque haereseos pervicacem patronum non solum condemnavit, *Episcopali eum dignitate nudavit, & ab omni Sacerdotali opere fecit extorrem* ex Act. 3. ejusdem Concilii; verum etiam ordinationes ejus exsufflavit, irritasque pronuntiavit; quemadmodum testatur Ecclesiae Alexandrinae Epistola ad Leonem Augustum data contra Timotheum Aelurum intrusum apud Baronium ad annum 457. n. 22., in qua legimus, Timotheum inter alia ejus facinora *in Dypticis posuisse suum nomen, & Dioscori ab universo Concilio condemnati, cujus nec ordinationes suscepit Concilium*: ubi est, quod notetur, in ea non *ordinatos* ab eo, sed *ordinationes* ejus dici rejectas ab universo fuisse Concilio.

XVII. In libro etiam 4. *Juris Orientalis* extat Epistola Anonymi Patriarchae Constantinopolitani, quem ego S. Gennadium existimo, qua Martyrio Antiocheno Episcopo respondens praecipit, ut qui ab *Haereticis* sunt conversi, cum ad Ecclesiam revertuntur, vel convertuntur, *tanquam egregii Laici ad eum gradum ordinentur, in quo prius apud suos erant*: Martyrius autem sedit Antiochiae ab anno 459. ad an. 471., quo temporis intervallo Constantinopolis Ecclesiae regimen moderabatur S. Gennadius doctrina, ac religione conspicuus; cujus adversus Simoniacorum haeresim, eorumque ordinationes Concilium an. 459. celebratum superiori capite commemoravi: apparetque eum probe convenire cum Magno Basilio, ac can. 68. Apostolorum, aliis-

aliisque proxime relatis; & hanc fuisse Graecorum omnium verterem, perpetuamque doctrinam; cum quibus Latinos concinisse videbimus.

§. 3. De Felice II. al. III.

XVIII. **N**Ec enim diversa docuisse videtur *Felix II.* al. *III.* Papa in Libello ad Zenonem Imp. decreto Romano Concilii anno 484. contra Acacium CP. Episcopum transmissio de Petro Moggo in Alexandrinam Cathedram intruso dicens: *ita deinde illicitas ordinationes ejus, vel etiam Timothei (Aeluri) utpote haereticorum irritas fecit; atque eos, quantum extra Ecclesiam fuerint, indicavit* Acacius: idque quidem quantum ad rei naturam; cum in *Tractatu*, quo ea, quae pro Acacii defensione afferebantur, refellit, nuperrima in Concil. Collectione sub titulo *Supplementi Acaciani* vulgato scribat: *itaque venia dignus fuerat, non honore; & maxime ab Haereticis ordinatus nullam Episcopalis dignitatis prorsus habere substantiam.* Quare Smyrnen-sis Episcopus Metrophanes in Concilio VIII. Aët. 6. non satis edoctus apparuit, quando asseruit: *Felix, qui Simplicio in Pontificatu Romano successit, Petrum Moggum in Synodo damnavit, & Acacium abrogavit: contra ordinatos autem ab utroque nulla expressa lata est sententia.* Quod enim una sedes Apostolica, Patriarchalisque statuebat in Haereticos, eorumque fautores; hoc & caeterae, quando quidem invicem inter se communicarent, agebant, firmabantque: cum igitur Acacius primo Petri Moggi, & Timothei Aeluri illicitas ordinationes veluti haereticorum irritas edixerit; id etiam egisse Felicem Papam affirmemus oportet; etsi in ejus Epistolis, Synodoque istud non legatur; propterea quod leges Ecclesiasticae omnibus essent exploratae; nec omne, quod factum est, id literis mandatum legitur.

§. 4. De Concilio Aurelian. I.

XIX. **C**oncilium Aurelianense I. anno 511. congregatum can. 10. decrevit *de Haereticis Clericis (Gothis Arianis) ... vel de Basilicis eorundem; ut si Clerici ... officium, quo eos Episcopus dignos esse censuerit, cum impositae manus benedictione susci-*

*scipiant: & Ecclesias simili, quo nostrae innovari solent, placuit ordine consecrari. Quo loco sine dubio innuitur iterata ordinatio; cum dicitur: officium cum impositae manus benedictione suscipiant: sicut Ecclesiarum consecratio iterari jubetur. Benedictionis enim nomine sacram venire ordinationem liquet ex Epist. 22. Innocentii I. ad Macedoniae Episcopos n. 4., qua inquit: sed dicitur, vera, ac iusta legitimi Sacerdotis benedictio auferre omne vitium, quod a vitioso fuerat injectum: cui respondet Pontifex: ergo si ita est, applicentur ad ordinationem sacrilegi, adulteri, atque omnium criminum rei; quia per benedictionem ordinationis crimina, vel vitia putantur auferri. Nullus sit poenitentiae locus, quia id potest praestare ordinatio, quod longa satisfactio praestare consuevit. Cui simile est illud Concilii Neocaesarien. can. 9. Presbyter si praecoccupatus corporali peccato provebatur, & confessus fuerit de se, quod ante ordinationem deliquerit; oblata non consecret... nam peccata reliqua plerique dixerunt per manus impositionem posse dimitti juxta Dionysii versionem; Ilidorus autem Mercator vertit: nam caetera peccata censuerunt plurimi etiam in ordinatione privari: id est omnino auferri, ac deleri. Item Agathense Concilium anno 506. cum can. 16. statuit: Episcopus benedictionem Diaconatus minoribus quam vigintiquinque annorum penitus non committat: nil aliud autumavit, nisi Diaconorum ordinationem; ut perspicue ostendit insequens canon 17. Presbyterum vero, vel Episcopum ante triginta annos... nullus Metropolitanorum ordinare praesumat: nam & Symmachus Papa Epist. 25. ad Hispaniae Episcopos ait: etsi ipse quidem a redemptione liber initiaverit benedictione mystica Sacerdotem &c., & Concilium Epao-nense anno 517. can. 2. decrevit: ne secundae uxoris, aut renuptae maritus Presbyter, aut Diaconus ordinetur... ille autem, qui contra fas bonorem prohibita benedictionis ambierit, nihil se Clericalis ministerii praesumpturum.*

XX. Etiam Leo Magnus Epist. 11. al. 81. ad Dioscorum Alexandr. Episcopum n. 1. scripsit: non passim diebus omnibus Sacerdotalis, vel Levitica ordinatio celebretur; sed post diem sabbati... jejuni a jejunantibus sacra benedictio conferatur... ne tantae benedictionis Sacramentum negligenter videatur impletum. Ut his, qui consecrandi sunt, nunquam benedictiones nisi in die resurrectionis Dominicae tribuantur... in die illo celebranda nobis esse mysteria

Sa.

*Sacerdotalium benedictionum, in quo collata sunt omnia dona gratiarum: & antiquus Ordo Romanus: Episcopi omni tempore benedicuntur; nunc vero mos est, ut nocturno tempore benedicantur. Sed & Araulicanum Concilium I. anno 441. can. 23., nec non Arelatense II. can. 45., & Aurelianense 5. anno 549. can. 4. habent: Si quis Diaconus (al. Clericus) post acceptam benedictionem Leviticam cum uxore sua incontinens invenitur, ab officio suo deiciatur: quod & assertur ex Hormisda PP. c. 29. Si quis Diaconus d. 50. Similiter Autisiodoren. Concilium anno 578. can. 20. Quod si Presbyter, quod nefas est dicere, aut Diaconus, aut Subdiaconus post acceptam benedictionem infantes procreaverit; aut adulterium commiserit; & Archipresbyter hoc Episcopo, aut Archidiacono non innotuerit, si scit: integro anno non communicet; illi vero, qui hoc commiserint, deponantur: & can. 21. Non liceat Presbytero post acceptam benedictionem in uno lecto cum Presbyteria sua dormire; nec in peccato mortali misceri: nec Diacono, aut Subdiacono: & Matilconense I. anno 581. can. 11. Episcopi, Presbyteri, vel universi honoratiores Clerici cum sublimi dignitatis apice sublimantur... quisquis ille est, divino munere benedictione percepta, uxori prius suae frater illico efficitur ex conjuge &c. Toletanum vero VIII. anno 853. can. 9. Relatum est nobis, quosdam Subdiaconos, postquam ad sacrum hujus Ordinis pervenerunt gradum, non solum carnis immunditia sordidari, ... sed etiam, quod dictu nefas est, novis uxoribus copulari, asserentes hoc ideo sibi licere, quia benedictionem a Pontifice se nesciunt percepisse: jubetque Concilium, eos in posterum benedici; ut mos est in quibusdam, inquit, Ecclesiis: ubi benedictionis nomine intelligi ordinationem elicitur ex can. 5. Concilii Carthagin. IV., cum ait: Subdiaconus cum ordinatur, quia manus impositionem non accipit patenam de manu Episcopi accipiat &c., quod habet & Ilidorus lib. 2. Offic. cap. 10., Rabanus Maurus, alique plures. Tandem inter Responsa Stephani II. anno 754. edita n. x. legitur de illo Presbytero, qui dicit se nescire, qui eum benedixit; & tamen aliquantum temporis Missas fecit, & baptizavit... pro quo omni modo abjiciendus est: & n. XIII de illo Presbytero, qui baptizavit; tamen nec... scit, si Episcopus eum benedixit &c., ut alia mittam monumenta, quae significant, temporibus illis saepe ordinationem benedictionis nomine venisse.*

## §. 5. De S. Joanne I. PP.

XXI **C**erte S. Joannes I. Papa Ecclesias *Arianorum* in Italia iterum consecrari praecepit eo, quo ipse peragebat in Oriente, modo; testante Gregorio Turonen. Episcopo de Mirac., & Gloria Martyrum cap. 40., ejusdemque Pontificis *Epistola* ad Episcopos Italiae; quam etsi commentitiam plures eruditi viri conscripserunt; eam tamen laudavit Paschalis II. in Epist. 50. ad Rotardum Moguntinum Antistitem, & S. Thomas 3. p. q. 83. art. 3. ad 3. Cum enim Theodoricus Gothorum in Italia Rex anno 524. coegerit eundem Johannem Papam Constantinopolim ad Justinum Imp. transfretare; & *pro Arianis, ne haerese sua per vim abducerentur, legatione fungi*; uti scribit Anonymus Valelianus, & Theophanes: verisimile est, in Oriente Arianorum Ecclesias jussu Imp. Justinii eis ablatas iterum a Catholicis consecratas fuisse; idemque fecisse & ipsum Pontificem Joannem, dum in Oriente moraretur; ac ad Italiae Episcopos literas dedisse; ut si quas invenirent, possentque, iterato sacrarent; & ut ut sit de ea Epistola, certe Anonymus tradit Johannem Theodorico dixisse: *hoc tibi ego non promitto me facturum; nec illi (Justinus) dicturus sum... cui audita legatione omnia repromisit (Justinus) facturum praeter reconciliatos, qui se fidei Catholicae dederant, Arianis restitui nullatenus posse...* Revertens igitur Joannes Papa a Justino, quem Theodoricus cum dolo suscepit, & offensa sua eum esse jubet. At propter quid hoc, nisi quia Theodoricus, quod postulaverat de Arianis, non impetravit? & si Arianos reconciliatos non obtinuit; nec eorundem Ecclesias expiatis; tamen libri Pontificalis Autores refragentur: sed major est mihi Anonymi synchroni autoritas.

XXII. Enim vero c. *Ecclesiis* d. 68., & de Consecrat. d. 1. ex Concilio Nicaeno dicitur: *Ecclesiis semel consecratis Deo non iterum debet consecratio adhiberi, nisi aut ab igne exustae, aut sanguinis effusione, aut cujuscunque semine pollutae: quia sicut infans a qualicunque Sacerdote in nomine Patris, & Filii, & Spiritus sancti semel baptizatus non debet iterum baptizari; ita nec locus Deo dicatus est iterum consecrandus nisi propter eas causas, quas supra nominavimus; si tamen fidem S. Trinitatis tenuerint, qui*



*qui eum consecraverunt: ad quae subdit S. Thomas paulo ante productus: alioquin qui sunt extra Ecclesiam consecrare non possunt: uti sunt Haeretici, alique non Catholici. Quamobrem Gregorius Magnus Dial. lib. 3. cap. 30. memorat, se in urbe Ecclesiam S. Agathae antea Arianorum in fide Catholica introductis illuc B. Stephani, & S. Martbae reliquiis dicasse; quod habet & Epist. 19. lib. 3., ubi eam dicit speluncam aliquando pravitatis haereticae: idque fieri quoque de aliis Haeticorum Ecclesiis sanxerunt Nicolaus II., Urbanus II., Concilium Gerunden., & alii plures; quo declararunt, Haeticos Ordinis potestate non pollere; & Ordinem nullum habere; nam Cap. v. n. 31. satis demonstravi, Ecclesiarum consecrationes Ordinis Episcopalis esse, & ad solos Antistites Ecclesiae pertinere. Quod confirmavit & Concilium Vormatae anno 868. a tribus Archiepiscopis Germaniae, 18. Episcopis, & 7. Abbatibus celebratum can. 8., quo docuit Episcoporum esse consecrationem Virginum; unctionem, & benedictionem Altarium; Ecclesiarum consecrationes; Chrisma conficere, & conferre; manus imponere ad dandum Spiritum sanctum, & poenitentem publice in Missa reconciliare, subdens: haec omnia illicita esse Presbyteris cognoscuntur; quia Pontificatus apicem non habent; quae tamen omnia Episcopis auctoritate Canonum conceduntur: idque antea tradiderat Synodus Hispalen. II. cap. 7.*

XXIII. His accedit, quod habet Caesaraugustanum Concilium II anno 592. can. 1. illis verbis: *Placuit sanctae, & venerabili Synodo, ut Presbyteri, qui ex haeresi Ariana ad S. Catholicam Ecclesiam conversi sunt; qui sanctam & puram fidem, atque castissimam tenuerint vitam; accepta denuo benedictione Presbyteri, sancte, & pure ministrare debere: caeteri vero, qui hanc superscriptam vitam adimplere, vel tenere neglexerint, ab officio depositi sint in Clero: ita & de Diaconibus, sicut & de Presbyteris constitutum est: can. vero 3. Statuit sancta Synodus, ut Episcopi de Ariana haeresi venientes, si quas Ecclesias sub nomine Catholicae fidei consecraverint necdum benedictione percepta; a Catholico Sacerdote consecrentur denuo. Quibus apparet liquido benedictionis vocabulo significari ordinationem sacram, non autem reconciliationem, seu Ordinis confirmationem; ut opinatur Witsasse Obj. 6., nam si rite, ut vere ordinationem Episcopi illi*

illi haeresis Arianæ obtinuissent; rite etiam, ac vere Ecclesias consecrassent; nec istae a Catholico Antistite *denuo* consecrari debuissent. Quod si *Episcopi* vere non erant illi; nec etiam vere *Presbyteri* fuerant alii; qui dum jubentur *denuo* benedictionem accipere; antea porro non reconciliationem, seu Ordinis confirmationem acceperant; igitur ordinationem *denuo* accipere jubentur, quia isthaec fictitia, ideoque nulla fuerat.

XXIV. Illud quidem verum, Canonem 16. Concilii Tolletani ul. anno 589. coacti, quo Gothorum Rex Recaredus se, suosque subditos ex Ariana ad Catholicam fidem traduxit, habere: *Quicumque libellum detestabilem duodecimo anno Leovegildi Regis a nobis editum* ( hoc est anno 581. ), *in quo continetur Romanorum ad haeresim Arianam traductio; & in quo gloria Patri per Filium in Spiritu sancto male a nobis instituta continetur; hunc Libellum si quis pro vero habuerit, anathema sit in aeternum*: sed an eadem in Baptismo forma uterentur Ariani Hispaniae, non satis mihi compertum; id tamen velle videntur, & Joannes Abbas Biclariensis in Chronico, & Gregorius Turo-nensis lib. 4. cap. 8., nam in Oriente sub Anastasio Imp. eam formam: *baptizetur N. in nomine Patris per Filium in Spiritu sancto*: ab Deuterio Arianorum Episcopo Constantinopoli usurpatam fuisse memoriae prodidit Theodorus Lector apud Baronium ad annum 506. n. 14. Quod si ita quoque in Hispania baptismi formam corrupissent; nemini dubium esset, quin & iterum baptizari, ordinarique debuissent eorum Clerici, & Sacerdotes ad Catholicam Ecclesiam accedentes: tamen Gregorius Magnus, qui eo seculo vixit, & Romanae Cathedrae praesedit, Epist. 61. lib. 9. ad Episcopos Iberiae literis mandavit, *Arianos* in nomine SS. Trinitatis rite sacrum ministrare Baptisma; ideoque variis in Regionibus ipsos varie sensisse statuendum est, & varie egisse.

#### §. 6. De S. Martino I.

XXV. **A**mplius Concilium Romanum sub S. Martino I. Papa anno 649. adversus Monothelitas congregatum nonne can. 20. condemnat, ac anathemate ferit eos, qui *secundum sceleratos Haereticos ordinationes vacuas agunt*? est autem vacuum,

cum, quod inane, invalidum, irritum, & nullum. Et idem Martinus Papa Epist. 5. ad Joannem Philadelphiae Episcopum de Macedonio in Antiochenam Ecclesiam ab Haereticis ordinato, Perroque quodam Monothelita Alexandrinae sedis locum occupante scribit: *eius vero, qui falso Episcopatus sibi nomen affluxit, Macedonii dico importunas literarum minas, sive protestationem fortiter despuo ut rabidi canis, & temerarii latratum... Hunc enim Episcopum Catholica Ecclesia nullo modo novit... quod consentiat Haereticis, qui haereseos suae appendicem ejus electionem per contemptum tumultuarie fecerunt: quemadmodum & Petri, qui ab iis nominatus est, & assumulatus Episcopus Alexandriae; ut per plures, & ascriptitias personas haeresim suam munitiorem utique reddant: Epist. vero 11. Ecclesiis Hierosolym., & Antiochenae data inquit: Macedonium haereticum, quem contra Canones sibi finxerunt falsum Antiochia Episcopum praedicti Haeretici; quemadmodum & Petrum Alexandriae tumultuarie creaverunt. Hos enim sibi consentientes nacti... fictam Sacerdotii imposuerunt appellationem non ab illo legitimo suffragio, aut Ecclesiastica successione ad hoc inducti, sed a prava, & haeretica excogitatione &c., simulati autem, falli, fictique Episcopi quae ordinationes erunt? simulatae, falsae, fictaeque, ideoque nullae.*

§. 7 De Urbano II.

XXVI. Succedat his post longa tempora Urbanus II., qui Epistola 19. Pistoriensi, & Vallisumbrosae Abbatibus respondens ait: *Scripsistis nobis, maximum apud vos scandalum emerfisse, quod Pisauum Episcopum consecraverimus; quandoquidem a Vecilone haeretico Diaconus fuerat ordinatus: & nos profecto scimus Vecilonem fuisse haereticum, Moguntinumque Episcopatum Simoniaco credimus facinore invasisse &c., eum autem vocatum fuisse Daibertum, & a se Diaconum iterato ob id ordinatum jam scripserat Pistoriensi Episcopo, & Vallisumbrosae Abbati c. Daibertum 1. q. 7. idem Urbanus: Daibertum a Vecilone licet Simoniaco non Simoniace ejusdem confessione reperimus in Diaconum ordinatum; & S. Innocentii Papae sententia constat declaratum, quod Vecilon, quem constat ab Haereticis ordinatum, quia nihil habuit, nihil dare potuit ei, cui manus imposuit. Nos igitur tanti Pontificis auctoritate firmati, & Da-*

*masi Papae testimonio roborati, qui ait: reiterari oportet, quod male actum est &c.* De quo & superiori Cap. vii. n. 18. actum est.

Et falsus est Wirasse sect. 3. Obj. 8., cum asserit, Wecilonem nulla alia de causa ab Urbano Pontifice *haereticum* appellari, quam quod *Simoniacus* esset; omnis enim *Simoniacus* dicitur etiam *haereticus*: quandoquidem manifestum est, eum quandam *baeresim* invexisse, quae dicebatur *secta Vvecilonis* an. 1085. in Quintilinoburg. Concilio condemnata, uti Cap. vii. num. 20. est exaratum: ipse vero ordinatus enunciatur ab *Haereticis*, qui non tantum *Simoniaci* erant, sed qui etiam novam *baeresim* superinduxerant anno 1081., de qua Baronius agit ad eum annum n. 4., & ob quam saepe deinceps leguntur *Haeresiarchae*, & *baeretici* in Conciliis quibusdam proscripti: sed & in Lateran. Synodo anno 1102. sub Paschali II. haec professionis formula est omnibus proposita: *Anathematizo omnem baeresim, & praecipue eam, quae statum praesentis Ecclesiae perturbat; quae docet, & adstruit, anathema contemnendum, & Ecclesiae ligamenta spernenda esse: quae fuit procacis, delirantisque Wecilonis assertio.*

XXVII. Sed & cuncta illius seculi *Schismata* non sine *baeresi* conflata fuisse hinc haberi potest, in Romano Concilio iv. S. Gregorii VII. anno 1078. convocato Patres dixisse: *Tbedaldum dictum Archiepiscopum Mediolanen., & Ravennatem Guibertum inaudita baeresi, & superbia adversus S. Catholicam Ecclesiam se extollentes ab Episcopali omnino suspendimus, & Sacerdotali officio... Hugonem Cardinalem, eo quod aspirator, & socius factus baeresis Cadaoli Parmensis Episcopi; & iterum constitutus Legatus Apostolicae sedis Haereticis, & Simoniacis, & ab Apostolica sede damnatis se conjunxit; & tertio factus Apostata, & Haeresiarcha schismata, & divisiones, atque scissuras in Ecclesia Dei tentans eam scindere fecit; ab omni Sacerdotali officio privamus &c.* In Conciliis vero Placentino anno 1095., & Romano 1099. ab Urbano II. celebratis can. 8. legi statutum: *Ordinationes, quae a Guiberto haeresiarcha factae sunt, postquam ab Apostolicae memoriae Gregorio Papa, & a Romana Ecclesia est damnatus; quacque etiam a Pseudoepiscopis per eum postea ordinatis factae sunt, irritas esse decernimus: & can. 9. Similiter autem & eas, quae a caeteris haeresiarchis nominatim excommunicatis factae sunt &c.* Fuerunt autem Concilia universalia, quorum

rum in Placentino interfuisse feruntur 4000. Clericorum; *irritasque* ibi ordinationes dictas eo modo, quo ostensum est dixisse eundem Urbanum superiori Capite num. 21.

XXVIII. At, inquit Witasses Obj. 3. sect. 6., idem Concilium Placentinum cum Romano can. 10. constituit: *Qui vero ab Episcopis quondam quidem Catholice Ordinatis, sed in Schismate a Romana Ecclesia separatis consecrati sunt; eos nimirum, cum ad Ecclesiae unitatem redierint, servatis propriis honoribus misericorditer suscipi iubemus; si vita, & scientia eos commendat: & canon 11. Amodo vero quicumque a praedictis Schismaticis, sanctaeque Romanae Ecclesiae adversarii se ordinari permiseris; nullatenus hac venia dignus habeatur.* Cui respondeo Patres Concilii de ordinatis in suis honoribus suscipiendis verba facere, non de eorum ordinationibus admittendis: quod perspicue ducitur & ex dicto can. 11., & ex insequenti 12., ubi habetur: *quamvis autem misericordiae intuitu, magnaue necessitate urgente hanc in sacris Ordinibus dispensationem constituerimus, nullum tamen praedictum sacris Canonibus fieri volumus; sed obtineant proprium robur: & cessante necessitate illud quoque cesset, quod factum est pro necessitate.* Numquid dispensatio, seu relaxatio est constituta super ordinationibus iterandis, vel non? nequaquam; sed de ordinatis in Schismate, ut modo reciperentur, modo non. Atqui, subdet, nulla iterandarum ordinationum est mentio facta: huic respondi jam n. 4. praecedentis Capitis. Deinde non quascunque Haereticorum ordinationes irritas pronunciavit Concilium; sed factas tantum, postquam a summo Pontifice, & a Romana Ecclesia illi fuerant damnati, qui eas fecerunt.

XXIX. Sane ille idem Urbanus II. Epist. 17. ad Lucium S. Juventii Papien. Praepositum, *utrum sit utendum ordinationibus, & reliquis Sacramentis a criminosis exhibitis*, sciscitantem in hunc referiplit modum: *Si schismate, vel haeresi ab Ecclesia non separantur; eorundem ordinationes, & reliqua Sacramenta sancta, & veneranda non negamus sequentes B. Augustinum &c., & objicientibus: si corpus, & sanguis Christi proprias virtutis dignitates habent; cur, spernantur, sicubi ab indigno praesumuntur? occurrit inquires: proprias quidem virtutis dignitates habent, ut praefatus Augustinus ait super Joannem contra Donatistas; sed agentibus, vel suscipientibus eadem Sacramenta... in tan-*

*tum obsunt, ut veri Idolatrae sint; cum talibus & ordinationum, & Sacramentorum consecratio, & aliter, quam permissum est, scienter susceptio vehementer a sacris Canonibus prohibeatur. Haec de malis Catholicis, qui intra Ecclesiam sunt. Caeterum Schismaticorum, & Haereticorum Sacramenta, quoniam extra Ecclesiam sunt, juxta SS. Patrum traditiones scilicet Pelagii, Gregorii, Cypriani, Augustini, & Hieronymi formam quidem Sacramentorum, non autem virtutis effectum habere profiteamur: nisi cum ipsi, vel eorum Sacramentis initiati per manus impositionem ad Catholicam redierint unitatem. Cumque addiderit, Cornelium, & Stephanum PP., nec non Augustinum adversus S. Cyprianum statuisse, baptismum sive ab Haeretico, sive Schismatico Ecclesiastico more celebratum esse ratum: subjunxit etiam: & merito, quia alia in baptismo, & alia in reliquis Sacramentis consideratio est; quippe cum & ordine prior, & necessarius sit Baptismus.*

XXX. Instat autem Witasse sect. 7. Obj. 8., atque: fateatur Urbanus Sacramenta Haereticorum, & Schismaticorum habere *formam*, hoc est substantiam Sacramentorum, ut eruitur ex Epist. 77. S. Leonis M., igitur & eorum ordinationes ratae, & validae dicentur. Verum quamvis apud S. Leonem *forma* significet substantiam; cum ibi de Baptismo dumtaxat differuerit; tamen apud Urbanum de quibuscunque Sacramentis disputantem solum extimam *speciem* notificare plura evincunt: primum quod scribat, ea *formam* habere, quam in ipsis admiserunt Pelagius, Gregorius, Cyprianus, & Hieronymus: isti vero nullam in Sacramentis iis agnoverunt substantiam maxime Cyprianus, qui ne eam quidem in illorum Baptismo voluit: Deinde quod nullum tunc discrimen esset inter Sacramenta Haereticorum, Schismaticorumque, & Sacramenta malorum Catholicorum: utraque enim obsunt; & utraque virtute, ac effectu carent, si prave & ministrentur, & suscipiantur: igitur Urbanus per *virtutis dignitates*, quas dicit malorum Catholicorum Sacramentis inesse, intellexit Sacramentorum substantiam, seu naturam; per *formam* vero, quam ait Haereticorum Sacramenta habere, *speciem* externam. Idque confirmat Rupertus Abbas scriptor Urbano suppar lib. 12. in Matthaeum inquit: *quislibet Ecclesiae, vel Sacramentorum Christi Minister, quamdiu in communione universitatis manet, quicquid administrat, ratum est: ubi autem a*

le-

*legitimo iudicio denunciatum fuerit praecisum illud esse, vel damnatum; quicquid deinceps operari videtur, speciem quidem pietatis habere potest, sed virtutem ejus habere non potest.*

XXXI. Approbat insuper Urbanus solum Baptisma ratum esse apud Haereticos, & Schismaticos non tantum uti fructuosum, salutiferum, & usurpandum, quemadmodum sentit Witsasse; sed etiam uti verum, & solidum, validumque; cum non minus ita suscipi queat apud Catholicos, quam apud Haereticos; & non minus Baptisma, quam alia Sacramenta haberi cum fructu possint ab Haereticis, si tales esse illi ignorarentur: maxime cum agat Pontifex de Baptismi ea ratione, de qua fuit Stephanum PP. inter, & Cyprianum controversia: haec autem fuit de Baptismi valore, atque substantia, non de fructu. Quare haec ejus interpretatio non multum abest ab ea, quae paulo ante num. 11. est & adducta, & confutata: nam ipsemet Urbanus discrimen indicavit, quod *prior, & necessarius* esset; non quod fructuosus &c.

Amplius notare est id, quod *Apologista* S. Gregorii VII. apud Venericum Vercellen. Episcopum Schismaticum, vel Waltratum, vel quicumque est, Autorem libri de *Unitate Ecclesiae* in sua ad omnem Ecclesiam Epistola scripsit his verbis: *Sciendum, quod Wvigbertus (Antipapa) arguit Catholicos adserere illa, quae fiunt extra Ecclesiam, Sacramenta non esse; nec aliud quam damnationem cuiquam conferre; adstruens tam extra, quam intra Catholicam Ecclesiam haec omnia rata, & vera existere: adsumitque in testimonium adserptionis suae Augustini sententiam in quodam Tractatu in Evangelium Joannis contra rebaptizatos edito: quam & nos fideliter amplectentes respondemus, hoc Augustinum de solo, unde agebatur, Baptismi dixisse Sacramento: nam probe convenit cum iis, quae Urbanus conscripsit; Augustinum de solo Baptismo interpretandum, & de hoc uno Sacramento hac in causa amplectendum. Verba vero Wvigberti, seu Clementis Antipapae habentur in ejus Epist. ad Clerum universum ab Udalrico in Cod. n. 168. relata hujuscemodi: Dicunt attamen Sacramentum Corporis, & Sanguinis D. N. Jesu Christi; Consecrationes Cbrismatis; imo quaecunque ad Episcopale, & Sacerdotale Officium pertinent; ab his, qui sectae eorum non communicant, celebrata, nulla prorsus esse Sacramenta; & nihil aliud suscipientibus nisi*

nisi damnationem conferre . . . sic etiam pessime sentiunt de reitrandis Ecclesiasticis Ordinibus ; de reconsecrandis Ecclesiis ; & pueris reconsignandis &c.

XXXII. Caeterum montitus est Venericus ille , vel Wicbertus ; affinxitque solis Catholicis id , quod sentiebant , & perpetrabant Schismatici , Haereticique illorum temporum : Hugo enim Flaviniacensis in Chronico Virdunensi narrata S. Gregorii VII. morte subiungit : *Anno sequenti persecutione Henrici ( Imp. Schismatici ) Herimannus ( Metensis Episcopus ) Mettim exiit ; & sedem Cathedrae ejus VValo Abbas S. Arnulphi illicite usurpavit . Actum est illic Dei judicio ; ut cum ad execrationem ejus Crisma quaereretur ; & allatum esset Crisma ab Herimanno confectum ; Episcopus Virdunensis ( Theodoricus Schismaticus ) reprobatur Crisma , quod sanctum erat , projiceret ; & allato suo , quod ipse contra jus , & fas sacraverat , inde perficeret VValonis sacrationem ; ne benedictionem patris filius impudens mereretur : id autem iccirco quod Herimannus erat Gregorii VII. fautor ; Gregorium vero Schismatici vocabant Pseudomonachum , haeticum , simoniacum , & Apostolicae sedis invasorem ; propter quod ab ipsis in Conciliabulis Moguntino , & Brixinenſi anno 1080. damnatus fuit , atque exauſtoratus , ut narrat Baronius ad eum annum num. 19. & 20. , nec non Autor Vitae ejusdem Gregorii cum Hugone Flaviniac. Quum igitur Schismaticus , & haeticus Theodoricus Catholici Episcopi , quem haeticum rebatur , sacrum Chrisma projecit ; perspicuum est , etiam Schismaticos , haeticosque sui temporis asseruisse , extra Ecclesiam , & apud haeticos Sacramenta non esse : nam idem flagitium in Latinos patratum a Graecis legimus in Libello excommunicationis Michaelis Cerularii apud Baronium ad an. 1054. n. 25.*

#### §. 8. De Conciliis XII. seculi.

XXXIII. **A**D haec adjungi debent ea , quae *Paschalis II.* effatus est in Lateranensi Concilio anno 1112. , ubi se confirmare professus est , ac ea tenere omnia , quae & *B. Gregorius* , & *Urbanus* ejus antecessores decreverant *in omnibus , & per omnia* , ut retuli superiori Cap. VII. n. 24. Et antea ejus Legati in Synodo Northuliensi anno 1106. teste Urspergenſi Ab-



Abbate dixerant: *His, qui a Pseudoepiscopis (haereticis Schismaticis) fuerant consecrati, per Catholicam manus impositionem reconciliatione proximo jejuniis danda fore promittitur*: quibus apparet, per manus impositionem significari ordinationem sacram; quandoquidem *Pseudoepiscopi* non sunt *Episcopi*; ideoque ordinare non possunt; & sacras ordinationes, non simplices reconciliationes, *jejunii* tempore fieri debere didicimus: praesertim cum subdatur ibi: *Chrisma eorundem, quod contra edictum Archiepiscopi (Moguntini) in coena Domini confecerant; adnihilatum est*: ut est apud Annalistam Saxonem Eckardi ad annum 1105., quo integra Acta Concilii recitat: Igitur si nullum Chrisma, nulla & Ordinatio. Etiam Paschalis II. Epist. ad G. Episcopum Constantien. 10. 1. Anecd. Martene pag. 336. inquit: *de confecto ab Haereticis Chrysmate, vel Oleo ratio suggerit, ut pro Divinae invocationis reverentia inter Ecclesiam debeat concremari*. Sed clarius est Concilii Lateranen. Oecumenici I. anno 1123. sub Callisto II. celebrati definitio, quae can. 6. est hujusmodi: *Ordinationes, quae a Burdino haeresiarcha, postquam a Romana Ecclesia est damnatus: quaeque a Pseudoepiscopis per eum postea ordinatis factae sunt, irritas esse decernimus: nec non altera Lateranen. Concilii Oecumenici II. anno 1139. ab Innocentio II. congregati can. 30. Ad haec ordinationes factas a Petro Leonis (Pseudopapa), & aliis Schismaticis, & Haereticis evacuamus, & irritas esse censemus*: quae & in magno Rhemensi Concilio anno 1148. ab Eugenio III. coacto est confirmata illis can. 17. verbis: *Illud etiam, quod a praedecessore nostro Papa Innocentio statutum est, innovantes, ordinationes factas a filio Petri Leonis, & aliis Schismaticis, & Haereticis evacuamus, & irritas esse censemus*: Evacuare autem quid est aliud, quam aliquid nullum esse declarare?

XXXIV. In Veneto similiter Concilio 1177. ab Alexandro III. convocato, editoque pro pace cum Friderico I. Imp. componenda intrus, & Schismatici Antistites ad Catholicam Romanam Ecclesiam venientes abiuraverunt schisma, & haeresim Octaviani, Guidonis Cremensis, & Joannis de Struma (Antipapae); eorumque ordinationes irritas esse pronunciantes... reconciliati sunt, & unitati Ecclesiae aggregati ex Actis ejusdem Alexandri III. Denique in Oecumenico Concilio Lateran. II.

anno 1179. sub eodem Alexandro III. can. 2. itidem decernitur: *Quod a praedecessore nostro felicitis memoriae Innocentio factum est innovantes, ordinationes ab Octaviano, & Guidone Haeretiarchis, nec non & Joanne Strumensi, qui eos secutus est, factas; & ab ordinatis ab eis, irritas esse censemus: idemque fuerat statutum antea in magno Concilio Turonensi v. an. 1163. a praedicto Alexandro congregato can. 9. al. 12. Hinc Albertus Staden. Abbas in Chronico prodidit, Antistites illos, qui in Schismate contra dictum Alexandrum steterant, Schisma abdicantes hac usos esse forma praescripta: Ego N. anathematizo, & recuso omnem haeresim extollemem se adversus S. Romanam Ecclesiam Catholicam, praecipue vero schisma Octavianii, Guidonis, & Joannis; & ordinationes eorum irritas judico, & eis contradico &c. & tamen post tot SS. Patrum, Rom. Pontificum, & Conciliorum tam manifesta decreta ordinationes Haereticorum irritas, & vacuas, inanisque, quod est nullas statuentia non defuerunt, qui aut inficiarentur, aut ea interpretari maluerunt, vel ipsa plane non agnoverunt. Certe Jo: Morinus de sac. Ordin. par. 3. Exercit. 5. cap. 8. de hac re scripsit: *hactenus tamen nullo Ecclesiae decreto quaestio tam perplexa, & obscura decisa est: quo modo non decisa, quam tot Concilia etiam Oecumenica, id autem est universa Ecclesia toties determinavit, ac definivit? nam irritum dicere est jam ostensum idem esse ac prorsus nullum, & invalidum.**

§. 9. De Theologis, Scriptoribusq.

XXXV. **P**Raeter Concilia, & Patres, qui & irritas, & inanes, nullasve Haereticorum ordinationes pronunciarunt, quique proxime descripti leguntur, Scriptores alii, atque Theologi complures eandem condocuerunt sententiam: ac in primis S. Anselmus Lucensis Episcopus sanctitate non minus, quam doctrina praeclarus libro adversus Guibertum Raven. Antipapam anno circiter 1080. strenue tutatus est Sacramenta extra Ecclesiam collata esse irrita, & nulla: hoc ipsum egit & Bernardus Constantiensis in Germania Scholarum Rector, & unus e strenuis decretorum S. Gregorii VII. defensoribus, de quo Bertholdus Presbyter & ipse Constantiensis, & Scriptor aequalis me-

mi-

minit, notatque ad ann. 1091., Sacramenta omnia praeter Baptis-  
mum extra Ecclesiam administrata egregie propugnans irrita  
prorsus esse, nec non inania. Nec diversa sentit, & scripsit *Apo-  
logista* S. Gregorii VII., qui teste Ulrico Hutteno in praefatio-  
ne ad opus Venerici Vercellen. fuit Monachus Hirgauziensis,  
forſan Heimo Willelmi Hirgauzien. Abbatis Vitae Scriptor;  
aut idem Willelmus, cujus quaedam scripta inveniri dicuntur  
a Mabillonio to. 5. Annal. Benediſt., nam ille Autor apud me-  
moratum Venericum, seu Autorem Operis de *Unitate Ecclesiae*  
in Epistola ad omnem Ecclesiam scripta prodiit, *VVigbertum An-  
tipapam* carpiſſe *Catholicos*, quod illa, quae fiunt extra Eccle-  
ſiam, Sacramenta non eſſe docerent; nec aliud quam damnationem  
cuiquam conferre extra Ecclesiam miniſtrantes aſſerent: idque  
ipſe verum eſſe fatetur: ut jam ſupra n. 31. expoſui: oſenſum-  
que eſt non ſolum Catholicorum omnium, ſed etiam Schiſma-  
ticorum, & Haereticorum dogma iſtud fuiſſe: & quidni, ſi uni-  
verſae Eccleſiae fuiſſe prolata monimenta demonſtrant?

XXXVI. In ſequenti ſeculo floruit *Laurentius Abbas* S. Vi-  
toni Virdunen. in Gallia Belgica vir ſane & pius, & doctus, &  
ſub Paſchali II. a Schiſmaticis vexatus, qui in *Apologetica* ad Ca-  
nonicos Virdunenſes Epistola a Mabillonio in Append. tom. 5.  
Annal. Benediſt. n. 80. publicata productis SS. Cypriani, Pe-  
lagii, & Gregorii PP. autoritatibus adjecit: *tam autem paten-  
tia ſunt iſta, ut dilucidari non egeant: maniſeſtiſſime namque de-  
monſtrant, quod eorum ſacrificia, qui extra Eccleſiam ſunt, irrita  
ſunt, & nullius omnino momenti: extra Eccleſiam autem ſunt omnes  
Haeretici, Schiſmatici, Simoniaci, & quicunque ab Eccleſia per  
excommunicationis gladium ſunt praeciſi &c.* Et Sigebertus Gem-  
blacenſis Monachus in Chronico ad ann. 1074., quanquam im-  
probat ſtatutum Gregorii VII. contra *Sacerdotes uxoratos*, ne  
*Laici* eorum *Miſſam* audirent; tamen dum ait SS. Patres ſenſiſſe,  
*Sacramenta, quae in Eccleſia fiunt, Spiritu Sancto latenter ope-  
rante eorundem Sacramentorum effectum ſeu per bonos, ſeu per  
malos intra Dei Eccleſiam diſpenſentur*; eſſe & rata, & vera; ſen-  
tit & ipſe eadem Sacramenta extra Eccleſiam collata, atque  
conſecta non eſſe vera, & rata; idque ex SS. Patribus. In qua quo-  
que ſententia fuit & *Rupertus Abbas* Tuitienſis vir doctiſſimus,  
& ipſe eodem tempore vita, & ſcriptis clarus lib. 12. in Mat-  
thae-

thaeum, cujus pronunciatum retuli num. 30. At Magister Sententiarum *Petrus Lombardus* paulo posterior horum in 4. sent. lib. d. 25. scribit: *Solet quaeri; si Haeretici ab Ecclesia praecisi, & damnati possint tradere sacros Ordines: & si ab eis ordinati redeuntes ad Ecclesiae unitatem debeant reordinari. Hanc quaestionem perplexam, ac pene insolubilem faciunt Doctorum verba, qui plurimum dissentire videntur: niox addit, alios sentire ab Haereticis Ordines sacros dari posse; alios vero negare: ipse tamen, quod mirum est, dubius haeret; nec, in quam propendat partem, ostendere voluit; forsan ne uni partium detrachere videretur.*

XXXVII. *Gratianus Monachus novae Canonum Collectionis* Autor famosus eodem tempore florens ad c. *Vilissimus* 1. q. 1. haec adnotavit: *Patet ergo, illud Augustini (Sacramentum videlicet Christi per Haereticos ministratum suo non carere effectu), non de omnibus intelligi generaliter, sed de Sacramento Baptismi: & ad c. Si Presbyter ibidem observavit: Quod autem caetera Sacramenta (praeter Baptismum) ab Haereticis ministrari non possint, testatur Hieronymus in Haggaeum Prophetam c. 2., cui & plures alias illius S. Doctoris auctoritates attexit; ad c. vero Manus impositio eodem loco addidit: Cum ergo Innocentius solum Baptisma Haereticis ratum esse permittat; cum Gregorius &c., patet, quod Sacramenta Ecclesiastica praeter Baptisma, ut supra dictum est, ab Haereticis ministrari non possunt: nec ait: non debent; sed non possunt. Attamen ad c. Quod quidam 1. q. 1., postea quam ex Augustini verbis constare dixit in Apostatis, Haereticis, vel damnatis vera Christi Sacramenta permanere; subdidit: Opponitur autem huic sententiae Augustini &c. sed ne Augustinum in hac sententia penitus reprobemus; intelligamus aliud esse potestatem distribuendi sacros Ordines, aliud esse executionem illius potestatis: conatusque est interpretari & S. Augustini, & aliorum enunciata hoc loco, & alibi etiam, Sacramenta dici irrita; & inania non quantum ad se, sed quantum ad effectum: a quo alii postmodum aut acceperunt; aut de hac re dubitare, ac discipulare non destiterunt; de quibus in Argumentorum confutatione fusius diceretur Cap. XII. n. 4.*

XXXVIII. Non multo post vixit *Theodorus Balsamon* Graecus Patriarcha Antiochenus sed Schismaticus, qui, ut habetur lib. 5. *Juris Orient.*, anno circiter 1180. docuit, veterem Graec-

*Graecorum*, ac perpetuam doctrinam fuisse, *Haereticorum* ordinationes nullas omnino judicari; proindeque iteratum iri, si quis eorum dignus sacris honoribus censeretur; idque confirmant ea, quae superius sunt dicta n. 2., & seqq. ex pluribus Graecorum SS. Patribus, & Conciliis; eamque doctrinam sequiores Graeci etiam Schismatici ita retinuerunt, ut exempla factorum super sint, & legantur: nam in *Libello Excommunicationis* Michaeli Cevalario CP., & Leoni Acridano Antistitibus Schismaticis irrogatae ab Humberto Sylvaecandidae Episcopo, & Sedis Apostolicae, Leonisque IX. in Oriente Legato composito, quem refert Baronius ad ann. 1054. n. 25., legimus Graecum *Latinorum sacrificium profanis conculcasse pedibus* ideo, quod Latinos Graeci reputent haereticos. Sed & *Nilus Cabasila* Thessalonicensis Archiepiscopus, qui vivebat anno 1350., in eodem lib. 5. Juris Orient. perhibet, *Azimias* Sacerdotes, idest Latinos Catholicos, si quando in iisdem ordinibus sint permansuri, ab ipsis Graecis iterum ordinari; quod & confirmat *Martinus Crusius* in Turco-Graecia, quum refert *Paubomium* CP. Patriarcham circa ann. 1500. iterasse ordinationes Arsenii jussu Alexandri PP. VI. in Monembasien. Peloponnesii tunc Venetis subiecti Antistitem ab uno Episcopo, binisque Presbyteris ordinati; eorumque ab eo ordinatorum. Ejusdem sententiae fuerunt & Isaac Armenorum quondam Archiepiscopus in 1. contra eosdem Armenos *Invectiva*; & Constantinus Harmenopulus, qui anno 1350. florebat; aliique omnes Graeci, & Orientales, qui Haereticorum *Baptisma* nullum esse dixerunt; & adhuc dicunt.

XXXIX. Sane de *Haereticis* nullum est dubium, quin Sacramenta aliarum sectarum, etiam ea Catholicorum respuerent, nullaque esse ducerent; ut lucet etiam de *Schismaticis* Donatianis ex Oprato Milevit. lib. 2. cap. 19. & 21. & seqq., nec non lib. 7. n. 4., nam de *Arianis* abunde ostensum est supra Cap. II. n. 47. & seqq., addique potest id, quod S. Basilius Epist. 72. ad Evaisenos de Semarianis cum Arianis contendentibus habet: *sed quod ab Episcopis illis, qui Constantinopoli convenerant (an. 359.) communi decreto ab Episcopali functione depositi depositionem non agnoverunt, Synodum eam appellantes Synodum reproborum: nec passi quidem eos vocari Episcopos, ne contra se latam sententiam confirmarent. Et causam adjecerunt; ob quam illi non sint Episcopi.*

*scopi*; quoniam, ut inquit, praesunt haeresi... Erant autem ductores eorum, a quibus isti depositi sunt, Eudoxius (Antiochenus), Evippius (Neocaesariensis), Georgius (Alexandrinus), Acacius (Caesariensis), & reliqui nobis ignoti &c. & Epist. 23. ad suos Monachos refert, eosdem Arianos Eustathium Sebastenum, Acacium Caesariensem, & Georgium Laodicensem quorundam Catholicorum Antistitem in Paphlagonia Altaria subvertisse. Sic & Marcellinus, Faustinusque in Libello ad Imp. de Schismate Luciferiano scribunt, Turbonem, vel Turbinem Eutychni Eleutheropolitani in Palaestina Episcopi Ariani Diaconum in exulantem illic Calaritanum Antistitem Luciferum ita se gessisse, ut ejus Satellites januam clausam securibus effregerint; & in eum clam ibi celebrantem Divina Sacramenta everterint.

XL. Rufinus, al. Rodolphus, & Joannes Faventinus, qui initio seculi xiii. in utroque jure claruerunt, apud S. Raymundum in Summa lib. 1. cap. 1., nec non Autorem Glossae ad c. *Quod ordinatio* 9. q. 1. dicebant; quod Episcopus, qui recipit ultimam manus impositionem extra Ecclesiam idest ordinem Episcopalem, quia post illum nullus est Ordo, ordinem conferre non potest; & qui ordinatur, nihil recipit: secus si intra Ecclesiam recipiat manus impositionem: id autem est, haereticum Antistitem vel occultum, vel nondum ab Ecclesia damnatum, & exauctoratum ordinandi potestatem retinere, non item haereticum manifestum, & ab Ecclesia proscriptum, & expulsum; quod quidem verum: nam Concilia irritas dicunt ordinationes dumtaxat haereticorum postquam a Romana Ecclesia sunt damnati; ut vidimus supra n. 27., & 33. Sane Gulielmus Parisiensis Episcopus id expresse sentit, scriptisque tradidit cum de Sacramento Ordinis cap. 7. hoc modo ait: *Apostatae vero, & Haeretici, & manifeste ab Ecclesia recedentes, & ad Synagogam Satanae hoc est ad quamcunque sectam perfidiae transeuntes; nec Sacerdotes Ecclesiae Catholicae... se gerentes... nihil agunt ex parte Ecclesiae Catholicae, cujus neque nuncios, neque ministros se gerunt.* S. Thomas, qui hoc ipsum docere videtur in 4. d. 7., ut dixi supra n. 1., tamen d. 25. q. 1. contrarium habere judicatur. At Jo: Scotus ibi d. 25. q. 1. art. 2. aperte de haeretico Episcopo respondet: *Si vero (Episcopus) sis praecisus, & condemnatus ab Ecclesia, non confert Ordines; si Episcopatus non sis Ordo, & possit sim-*  
pli-

*pliciter conferri; sicut habent respondere illi, qui tenent Episcopatum esse non Ordinem, sed quandam dignitatem &c.* Sed de his, aliisque contrariae opinionis dicam Cap. XII. Addamque solum, in fine seculi XVI. Joannem Maldonatum S. J. Theologum insignem de Sacramentis to. 1. docuisse, saltem Confirmationis Sacramentum ab Haereticis collatum esse nullum, & invalidum; ideoque iterari posse: post quem & Morinus, & Cabassutius, paucique alii seculo praeterito de caeteris etiam Sacramentis excepto Baptismo eandem instaurare sententiam attentarunt.

### §. 10. Objecta.

XLI. **L** Abitur in limine hujus Capitis Doctor Sorbonicus Wistasse; dum sect. 7. Prob. 1. ex *primitiva Ecclesia* ducens argumenta, ut probet *characterem* ordinationis in haeresi perseverare, ac dari; in medium adducit primum *Ebionis ipsius Apostolorum temporibus* haeretici exemplum ex Anastasio Bibliothecario: quoniam Cap. v. n. 7. errorem detexi, ostendique Anastasium non de *Ebione* illo haeresiarcha verba fecisse; sed de *Ebone* Rhemenii Archiepiscopo lapsa, & dignitate spoliato. Deinde etiam si de Ebione locutus esset Anastasius; tamen non de *ordinationibus* ejus recipiendis, vel non, egit; sed de *ordinatis* ab eo in suis honoribus admittendis; quae est alia quaestio a praesenti, de qua disputatur, & controvertitur.

Secundo profert *canonem* 68. Apostolorum, quem conatur in rem suam trahere, ac interpretari; sed quam contorte, ac depravate, quicunque legerit, facile intelligit: cum sit perspicue, ac manifeste contrarius; ut jam supra n. 2. demonstravi.

XLII. Objicient autem S. Basilium M. Epist. 196. Theodoro Episcopo Nicopolitano scribentem: *quod jam recenter ausus est Eustathius, cui non horrorem incuteret? qui, sicuti audio; modo verus sit rumor & non figmentum delationis gratia compositum; etiam manum quibusdam denuo imponere praesumpsit: quod nemo unquam ex haereticis fecisse videtur: quem Basilii locum adduxit contra Photium Nicaetas Paphlago in Vita S. Ignatii Patriarchae CP. inquit: & tu audita Magni Basilii sententia nihil reformidas; cum de quopiam admirabundus dixit, nullum ex omnibus totius Mundi Haeresiarchis, qui fuere quam plures, ausum*

*sum fuisse refecrare praeter Eustatium Ancyro Galatam; cuius nefarium scelus Synodus Gangrensis exponit. Ille hic est Eustatius Sebastenus in Armenia Episcopus simulate quandoque Catholicus, semper tamen qua Arianus, qua Macedonianus: igitur, inquit, ex Basilio nedum Orthodoxi, sed ne ipsi quidem Haeretici ordinationes sacras iterare docebant.*


Respondetur, Basilium redarguere *Eustatium*, eo quod ille diceretur iterasse ordinationes quidem, sed suorum, non alienorum, seu eorum, qui diversae erant sectae, more *Marcionitarum*, qui suos etiam pluries baptizabant: ordinationes vero suorum repetere, ne Haeticorum quidem mos extitisse legitur; sed plane alienorum consecrationes rejecisse liquet ex his, quae Cap. II. n. 47. & seqq. attulimus. Quod nec Basilium latere potuit; qui & ipse cum *Haeticorum* baptismum non susceperet; multo minus eorundem ordinationes admisisse credi potest.

XLIII. Tandem mihi objicient, Nicolaum *Sanderum* lib. 2. de Schismate Angl. tradere, *Julium III.* Rom. Pontificem copiam fecisse Reginaldo Polo S. R. E. Cardinali Legato absolventi, & addicendi ministerio Altaris jam ordinatos in Schismate Anglicano ob ordines illos *nunquam, aut male* collatos, inquit Pontifex; perinde ac ipse ordinationes eas probasset. Verum idem *Sanderus* adjecit, confirmatos fuisse solos Episcopos *in priori Schismate factos*, nimirum tempore Regis Henrici VIII., non Eduardi; ideoque eos plane, qui jam a Catholicis fuerant ordinati; quique propterea nova non indigebant ordinatione. Praeterquamquod ibi sermo est de *ordinatis* instaurandis, non de *ordinationibus*, vel non, iterandis: Certe cum Pontifex ordines illos dixerit *nunquam, aut male* collatos; quis ambigat debuisse dari, quod non constabat fuisse collatum? Caeteroquin facebant, qui digladiantur; an *Anglorum* Antistitem *ordinationes* sint ratae, ac admittendae, vel non ob formam, quam nunc eos adhibere ferunt a Romana diversam, ut est apud Tournely de Ord. q. 2. art. 2.; nam aut Haeretici sunt illi, aut non; haeticos autem esse nemo Catholicorum negat; igitur ex his, quae hucusque sunt adducta, ordinationes eorum sunt irritae prorsus, & non admittendae, siue forma sit vera, siue non.



## CAPUT IX.

*De Schismaticorum Ordinationibus.*

I.  Enimus modo ad difficiliorem hujus Disputationis locum dicturi de *Schismaticis*, deque sacris eorum ordinationibus, quam sit implexa, & quam ambigua disquisitio ob varium Schismatis nomen, & naturam; & ob multiplices, diversasque quarundam Ecclesiarum de ipsis determinationes. Cum enim plerumque *Schisma* bifariam fieri contingat; ut modo simplex, ac solius disciplinae, vel facti dissidium existat; modo commixtum, & aliquid fidei, jurisque violati contineat: cumque quamplures tuerentur, *Schisma* primo modo neminem ab Ecclesia propellere; sed tantum *Schisma* secundo modo: alii vero contra sentirent, quodcunque *Schisma* trudere extra Ecclesiam: proinde factum est, ut binæ quoque de *Schismaticorum* ordinationibus qua Patrum, qua Conciliorum constitutiones in Ecclesia prodirent: unæ, quæ probarent; alteræ vero, quæ exploderent. Praeterea cum *Schisma* inveteratum vertatur, aut nominetur *haeresis*; ut dictum est in alia de *Haeticorum Baptismo* Disputatione pro S. Cypriano Cap. I. num. xxxii., & S. Hieronymus in cap. 3. Epist. ad Titum habeat: *caeterum nullum Schisma non sibi aliquam confingit haeresim, ut recte ab Ecclesia recessisse videatur*: haeticique passim dicantur & Schismatici, sicut e converso: factum est etiam, ut quicquid de *Schismaticorum* ordinationibus legitur constitutum; id ipsum de illis *Haeticorum* statuendum credatur: quod plane falsum, quantum quidem ad eas in nudo, simplici Schismate collatas, ut paulo post videbitur. Sed primum de variis antiquorum sententiis dicendum.

II. Igitur S. Cyprianus omnium primus, qui de hac re literis aliquid aperte tradiderit, Epist. 52. ad Antonianum de Novatiano *Schismaticorum* Duce praecipuo scribit: *qui ergo nec unitatem Spiritus, nec conjunctionem pacis observat, & se ab Ecclesiae vinculo, atque a Sacerdotum Collegio separat; Episcopi nec potestatem potest habere, nec bonorem, qui Episcopatus nec unitatem*

*valuit tenere, nec pacem: nec est, quod quis opponat, Cyprianum non tam Schismaticum, quam Haereticum Novatianum appellare; nam Epist. 76. ad Magnum clarius animi sui sensa explicavit, quum ait: dicimus, omnes Haereticos omnino, & Schismaticos nihil habere potestatis, ac juris in Ecclesia. Quod etiam tenuisse Firmilianum Caesareae Cappadociae Antistitem magni nominis virum, testificatur S. Basilius Epist. can. 1. ad Amphilo-  
 lochium c. 1. his verbis: Verum enim vero antiquis visum est, Cypriano dico, & nostro Firmiliano, eos omnes uni calculo sub-  
 jicere Catharos &c. Schismaticos nimirum, & Haereticos, cum ad Ecclesiam converterentur, Ecclesiae Baptismo abluere; quare si Baptismum Schismaticorum iterabant illi, multo magis ordina-  
 tionem. Idemque Basilius c. 47. hoc ipsum, quod Cyprianus, & Firmilianus opinabantur, se quoque fecisse profiteretur potissi-  
 mum de Novatianis, aliisque Schismaticis scribens: nos autem una, eademque ratione eos omnes rebaptizamus: & paulopost: eos in Ecclesiam non admittimus nisi in nostrum baptismum baptizati fue-  
 rint: igitur nec ad Clerum admittebat, nisi Ecclesiae ordine ini-  
 tiati essent. Idque plurimos alios etiam & in Oriente, & in Afri-  
 ca sensisse, ac perperrasse suspicari licet ex his, quae superiori Capite de Haereticis sunt allata num. 3., & 4.*

III. Posset aliquis huc afferre Nicaeni Concilii I. canonem 8. de Catharis, quos Patres in suis quidem honoribus, sed *manus impositione* si quidem Clericos ab Ecclesia suscipi jusserunt: constat autem Catharos, seu Novatianenses extitisse Schismaticos: constatque etiam illam manus impositionem plures tum Latinos, tum Graecos veteres scriptores sacram *ordinationem* esse interpretatos: nihilominus tamen quum plures alii contrarium docuisse, & solam reconciliationem indicari tradidisse sciantur; & rem per quam ancipitem esse judico; & quae propterea non multum causam promovere queat; quando de certa vocis significatione non satis nobis constat: ideoque praetermittam. Sunt quoque, qui *Meletianorum* Schismaticorum factum hac in causa producant, utpote de quibus idem Concilium statuit, ut *sanctiori ordinatione confirmati* suis honoribus fruerentur, sacrisque muneribus fungerentur ii quidem, qui a Meletio consecrati fuissent. Verum id ad *Depositos*, exautoratosque amandandum dico; propterea quod *Meletius* non ordinandi potestate carebat; vel caruisse con-  
 sta-

stabat; quia *Schismaticus*; sed quia dignitate nudatus, *depositusque* ab Alexandrino Antistite fuerat in Synodo; propter quod *Schisma* creavit teste S. Athanasio Apol. 2., quamobrem de Meletianis dicitur insequenti Cap. x. n. vi.

IV. Contra Graecos, Afrosque, quos proxime memora-  
vi, Latinos plures, aliosque Afros postmodum sterisse video;  
ac in primis *Optatum Milevitanum*, qui lib. 7. contra Parmen.  
n. 4. de *Chrismate* verba miscens ait: *quod a vobis* (Donatistis)  
*unctum est, tale servamus*: quod si Confirmationis Sacramen-  
tum a Schismaticis confectum, collatumque probavit; igitur &  
alia quoque eorundem Sacramenta probasse credendum est: cum  
& lib. 5. solos Haereticos Sacramenta nulla habere docuerit,  
dum inquit: *scimus Haereticorum Ecclesias singulorum prostitutas*  
*nullis legalibus Sacramentis, & sine jure honesti matrimonii esse*:  
lib. vero 1. dilucide Schismaticos admittit, & Haereticos explo-  
sit illis verbis: *Vides ergo, frater Parmeniane, Haereticos a do-*  
*mo Dei extorres solos habere vana, & falsa Baptismata... bene*  
*clausisti hortum Haereticis... vobis vero Schismaticis quamvis Ca-*  
*tholici non sitis, haec negari non possunt*: vera nimirum habere  
Sacramenta. Mox Innocentius I. PP. Epist. 18. ad Alexandrum  
Antiochenum Episcopum edixit *Arianorum* ordinationes utpote  
haereticorum irritas esse, ac nullas; illas vero *Novatianorum* uti  
Schismaticorum ratas haberi, ac admittendas; quemadmodum  
declarasse Petrum Damiani Opusc. 6. dictum est num. 12. ca-  
pituli viii., etsi utrosque *Haereticorum* nomine vocatos ibi repe-  
rire est, quod *haeresis* late pateat, ipsumque *Schisma* contineat.  
Idipsum sensit, scripsitque de Donatistis apertissime S. Augusti-  
nus pluribus in locis, de quo fusiùs dicitur cap. xi. n. vii.

V. Cum Orientalibus, Afrisque n. 2. commemoratis cen-  
suisse videtur Pelagius I. Papa c. *Pudenda* 24. q. 1. de Schisma-  
ticis trium *Capitulorum* in v. Synodo profligatorum scribens:  
*Pudenda, ut ita dicam, rapina in divisione est non consecratus,*  
*sed execratus Episcopus: si enim ipsum nomen consecrationis ratio-*  
*nabili, ac vivaci intellectu discutimus; is, qui cum universali de-*  
*treclat consecrari Ecclesia, consecratus dici, vel esse nulla ratione*  
*poterit. Consecrare enim est simul sacrare; sed ab Ecclesiae visc-*  
*eribus, & ab Apostolicis Sedibus separatus execrat ipse potius non*  
*consecrat. Jure ergo execratus tantum, non consecratus poterit*  

M

dici,

dici, quem simul sacrare in unitate conjunctis membris non agnoscit Ecclesia... si veritate ducente dirigamur; non est verum corpus Christi, quod conficit Schismaticus. Et c. Quali nos 23. q. 5. ad Narsetem Ducem scripserat: *Thracius siquidem, atque Maximilianus nomina tantum Episcoporum habentes & Ecclesiasticam ibi unitatem perturbare dicuntur; & omnes Ecclesiasticas res suis usibus applicare... ut ea, quae canonicis statutis a praedictis Pseudoepiscopis compererint commissa; vel digna debeant ibi ultione compescere; vel eosdem ad nos usque perducere*: Epist. vero 3. ad eundem Narsetem docet ex Chalcedon. Concilio Schismaticum omnino damnari; nec unquam vel orationem mereri; nec recipere eum posse bonorem subde sacrum Ordinem: sed & Epist. 4. adiecit: *& maxime Aquilejensis Ecclesiae inuasor, qui & in Schismate, & in eo maledictus nec bonorem Episcopi poterit retinere, nec meritum*: hinc Epist. 5. Paulinum Aquilejensem Pseudoepiscopum appellat, aitque eum Episcopum nullo modo esse posse, quia contra canonicam consuetudinem factum. Incertum tamen, an Pelagius eos habuerit pro Schismaticis simplicibus, vel mixtis: Synodus enim v. coll. 8. *anathema* vibravit in eos, qui tria Capitula defenderent; exauctoravitque quoslibet, qui contra Concilii statutum tradere, docere, vel scribere tentassent.

VI. Cum seculo vii. in Britannia, ac Scotia Schisma de Paschatis die vigeret, pro eo tollendo Synodus Pharenensis anno 664. coacta est, in qua Scoti caussa cecidere; ut narratur a Beda lib. 3. cap. 25., qui cap. 26. addit: *finito confictu, ac soluta concione Agilbertus (Episcopus) domum rediit. Colman (Lindisfarnen. Episcopus) videns spretam suam doctrinam, sectamque despectam, assumptis iis, qui se sequi voluerunt, idest qui Pascha Catholicum, & tonsuram coronae (nam & de hoc quaestio non minima erat) recipere volebant, in Scotiam regressus est tractaturus cum suis, quid de his facere deberet &c.* Post quae Theodorus natione quidem Graecus, sed Roma in Angliam a Vitaliano Papa missus, & Cantuariensis Archiepiscopus anno 668. ordinatus in suis Capitulis prodidit n. 80. *Qui ordinati sunt a Scotorum, aut Britonum Episcopis, qui in Pascha, & in Tonsura adunati Ecclesiae Catholicae non sunt; iterum ab Episcopo Catholico manus impositione confirmentur, & aliqua collectione similiter Ecclesiae. Similiter quae ab ipsis supradictis consecrantur, aqua exorcizata aspergan-*

*gantur, & aliqua collectione ( idest oratione ) confirmetur : & n. 87. ait : Licentiam non habemus Britonibus petentibus Chrisma, vel Eucharistiam dare ; nisi ante confessi fuerint se nobiscum esse in unitate Ecclesiae : cum compertus fuerit non esse baptizatus ; & baptizetur iterum, & confirmetur : quae superioris numeri verba repetitionem & ordinationis, & consecrationis innuere videntur. Certe Cabilonense II. Concilium anno 813. can. 43. de nonnullis Scotiae, sive Hiberniae Episcopis, quorum ordinationem, non tantum quia plerunque in Simoniacam incidit haeresim ; verum etiam eo quod & multis erroribus subiacet ; modis omnibus irritam fieri uno consensu decrevit.*

VII. Urbanus II. Pontifex & sanctimonia vitae, & doctrinae claritate praedicatus a Lucio S. Juventii Papiensis Praeposito per literas interrogatus, *utrum sit utendum ordinationibus, & reliquis Sacramentis a criminosis exhibitis*, respondit Epist. 17. *si Schismate, vel haeresi ab Ecclesia non separantur, eorundem ordinationes, & reliqua Sacramenta sancta, & veneranda non negamus sequentes S. Augustinum &c.... Caeterum Schismaticorum, & Haereticorum Sacramenta, quoniam extra Ecclesiam sunt, juxta SS. Patrum traditiones scilicet Pelagii, Gregorii, Cypriani, Augustini, Hieronymi formam quidem Sacramentorum, non autem virtutis effectum habere profiteamur.* De quo dictum est & praeterito Cap. VIII. n. 29., & seqq., ostensumque etiam, quanam in his verbis illius mens fuerit : num. vero 33. visum est, *Paschalem II. cuncta confirmasse, quae Urbanus II. in omnibus, & per omnia dixerat, & decreverat ; & num. 36. Laurentii S. Vitoni Virdunensis Abbatis eo tempore florentis testimonium adductum est, quo non tantum Haereticorum, sed etiam Schismaticorum, quos extra Ecclesiam esse scribit, Sacramenta omnia praeter Baptismum irrita esse, ac nullius omnino momenti asseverat autoritate SS. Cypriani, Pelagii, & Gregorii Papae. Fateor tamen, non ubique certum, an hi Schismaticos meros, simpliciterque intellexerint ; an vero commixtos, haeresique implicatos.*

VIII. In Oecumenico Lateran. II. Concilio anno 1139. ab Innocentio II. celebrato can. 30. dicitur : *Ad haec ordinationes factas a Petro Leonis, & aliis Schismaticis, & Haereticis evacuamus, & irritas esse censemus :* quod & confirmatum fuit in generali Concilio Rhemis anno 1148. ab Eugenio III. convocato can. 17.

Chronicon vero Mauriniacense praedicti Lateranensis Concilii Acta describens haec Innocentii II. de Petro Leonis Antipapa verba producit: Unde quia inordinatae personae inordinata sunt decreta, quodcumque ille statuerat, destruimus; quoscunque exaltaverat, degradamus; & quotquot ordinaverat, exordinamus, & deponimus. Et quicumque per Girardum Engolismensem (Episcopum) ad Altaris officium accesserunt, Apostolica auctoritate interdicimus &c. Gaufridus etiam Carnotensis Episcopus totius Aquitaniae Legatus accepta Domini Papae praeceptione omnem Galliae Regionem ipsius quoque Aquitaniae studiosè circumiens omnia SS. Ecclesiarum Altaria, quae vel Girardus ille seditionis Auctor, & obteutor, vel Gilo Tusculanen. Episcopus, aut eorum complices Chriftimalis unctionis benedictione in illius odiosi Schismatis tempore consecraverant, propriis manibus dissipavit, nec relinquens lapidem super lapidem, quae non destrueret, solo funditus adaequavit: & ratione dictante alia eorum loco restaurare curavit. Quid enim est exordinare nisi ordinem penitus auferre? ut ex Siegberto, & Guilielmo Parisiensi supra cap. II. num. 56. demonstravi; praeterequamquod vox ipsa se prodit: & si ibi exsufflatur Schismatici Altarium consecratio, cur non & Clericorum ordinatio?

IX. Anno 1177. Veneto in Concilio pace tandem inter Alexandrum III., & Fridericum I. inita, firmataque; intrusi, & Schismatici ad sinum matris Ecclesiae catervatim confluentes absolvi humiliter postulantes refutarunt, & anathematizarunt abjurantes super S. Evangelia omnem haeresim, & praecipue Schisma, haeresim, & factionem Octaviani, & Guidonis, & Joannis de Struma; eorumque ordinationes irritas esse pronuntiantes... reconciliati sunt, & unitati Ecclesiae aggregati: inquit Acta Alexandri III., additque Rogerius Houden. in Annal. in hoc Concilio Joannes Abbas de Struma... degradatus est... & ab omnibus defectus, & reprobatus. Similiter omnes Archiepiscopi, & Episcopi, & Abbates Teutonici Regni, qui ab eo, vel ab aliis Antipapis... ordinati fuerant, degradati sunt: & Altaria, quae ab ipsis, sive ab ordinatis suis dedicata erant, demolita sunt. Haereticorum enim Altaria velut inaniter, & nullo modo sacrata evertere semper in more positum etiam apud ipsos Haereticos fuisse, visum est supra n. 7. & 39. Cap. VIII. Etiam in Oecumenico Concilio Lateran. III. anno 1179. can. 2. ordinationes Schismaticorum irritae sunt declaratae.

claratae; ut jam est dictum & superiori Cap. n. 34., & quidem ita nullae, ut iterari deberent, si quando eorum aliqui sacris ordinibus idonei, dignique judicabantur; quemadmodum quae mox dicentur, demonstrabunt. Itidem antea in *Turonensi* v. magno Concilio anno 1163. ab Alexandro III. convocato can. ix. dictum est: *ordinationes factas ab Octaviano, & aliis Schismaticis, & Haereticis evacuamus, & irritas omnes esse dicimus, & decernimus.*

X. Respondet Witasses Obj. 3. Schismaticos ab Alexandro III. ad consueta munia obeunda susceptos fuisse citra ullam de iteranda ordinatione mentionem; & in primis *Christianum Moguntinum*, *Philippum Colonensem* Antistites, & alios: igitur eorum ordinationes, inquit, erant ratae, & validae. Verum enim vero hujus argumenti negantis jam exempla produxi Cap. vii. n. 4. Deinde scire est, illorum aliquos a *Catholicis* Episcopis ordinatos fuisse, aliquos vero a *Schismaticis*: nam Romualdus Salernitanus Archiepiscopus, qui factio interfuit, refert *Christianum* Cancellarium Moguntinum, & *Philippum* Colonien. Archiepiscopos, qui a suis suffraganeis, & Catholicis fuerant consecrati, dato ab utroque juramento obedientiae Pallia de more ab Alexandro Pontifice Venetiis suscepisse: & Rogerius Ouden & ipse Autor aequalis haec literis mandavit: *Christianus Imperatoris Cancellarius successit ei (Conrado) in Archiepiscopatu Moguntino; & Pallium suscepit a Guidone de Crema (Pseudopapa); quod quia ab eo receperat, propriis manibus combussit Venetiis... & Pallium ab Alexandro recepit.* Quod si Pallium novum, quo plenitudo potestatis datur, acceperunt Schismatici, qui in Ecclesia fuerant ordinati, cum ad Ecclesiam redirent; quanto magis ordinationem novam, quo ipsa potestas datur, ii, qui extra Ecclesiam essent consecrati; cum ipsi reversi faterentur, Schismaticorum ordinationes irritas esse.

XI. Possit idem Doctor & objecisse, quod habet Helmodus, vel ejus Continuator Arnoldus Lubecensis in Chronico Slavorum lib. 2. cap. 28. de Lateranensi Concilio anno 1179. congregato inquit: *Pergebant illuc multi ordinati a Schismaticis sperantes se gratiam Apostolici invenire, & mitbras exequendi officii ab eo consequi... exceptis paucis senioribus, qui ante Schisma ordinati fuerant... tandem de ordinatis Geronis (Halberstadtensis Episcopi) dispensatum est; ut quia idem Gero non a Schismatico,*

*sed a Catholico Hartuico videlicet Bremensi Archiepiscopo ordinatus fuerat; ordinati ejus per gratiam Apostolicam in ordinibus suis persisterent; & ad majores per benedictionem ascenderent. Ipse etiam Gero hanc obtinuit gratiam, ut officium Pontificale in omni loco libere exequeretur ut in Episcopatu Halberstadensi.* Sed Auctor iste tractat de Schismaticis in suis honoribus instaurandis, omissa ordinationum iterandarum mentione, quae alia est quaestio; & quae non semel praetermitti solet, ut visum est cap. vii. n. 4., & ex pluribus aliis locis potest observari.

XII. Quapropter quod refert Robertus Flammesburienſis apud Morinum de Ordin. Sac. Exercit. 5. cap. 1., *Alexandrum III. in Schismate Octaviani (Antipapae) decreviſſe; ut qui non ſervata legitima forma extra Eccleſiam fuiſſent ordinati; ii quidem reordinarentur; non autem alii legitima forma conſecrati, ſi quando cum eis diſpenſaretur; & falſum; & obliquum, doſoſamque Scriptoris interpretationem affirmo: qui, ut erat contrariae opinionis, fateri noluit, Pontificem ordinatione Schismaticorum uti nullas iterari juſſiſſe. Quis enim eſt, qui credat Octavianum genere Romanum, S. Romanae Eccleſiae Card. Presbyterum, ejuſque aſſecclas quamvis Schismaticos tamen in Romana, Latina, & Catholica Eccleſia nutritos, & edoctos alia uſos in ordinando forma, quam Romana, Latina, atque Catholica? praefertim cum inter eos, qui horum Schismaticorum crimina evulgarunt, nemo legatur, qui id illis vitio verterit. Decrevit igitur Alexander, ut qui a Schismaticis fuerant ordinati utpote extra Eccleſiam, & non legitime; iterum ordinarentur; ſi quando ad Eccleſiam redirent, aptique ordinibus invenirentur, non autem alii, qui quidem Schismaticum Antipapam ſunt ſecuti; ſed tamen ante in Eccleſia, ideoque legitime ordines ſuſceperant. Enim vero in Lateran. ſil. ejus Concilio can. 2. legimus: Quod a praedeceſſore noſtro ſel. memoriae Innocentio factum eſt innovantes, ordinationes ab Octaviano, & Guidone Hereſiarchis, nec non & a Joanne Strumenſi, qui eos ſecutus eſt, factas; & ab ordinatis ab eis irritas eſſe cenſemus... Illos vero, qui ſponte juramentum de tenendo Schismate praefiterint, a ſacris ordinibus, & dignitatibus decrevimus remanere ſuſpenſos: ibique nulla ſit mentio de legitima, vel adulterina ordinationum forma; quia nulla formae in Schismate eſt immutatio facta.*

XIII. Ac-



XIII. Accedit ad haec, memoratum Robertum Flammesbur , qui non longe post vixit , testari *Lucium III.* Alexandri successorem , ut fama vulgavit ; fecisse *reordinari ordinatos ab illis , qui ultimam manus impositionem acceperant extra Ecclesiam : & mirum fuit ,* subdit , *quod Cardinales consenserint : forte sequebantur jam pravam opinionem ; vel hoc fecerunt in odium Schismatis .* Verum ipse prave opinatus est , & prave scripsit ; quia aut pauca valde legit , aut multa parum intellexit : si namque tot Conciliorum etiam Oecumenicorum , ac Romanorum Pontificum constituta , quae attulimus , inspexisset , perpenderitque ; pravam hanc non dixisset opinionem , sed suam facile castigasset : cum ab illis *Schismaticorum* ordinationes pronuncientur *irritae*, idest nullae , invalidae , ac iterandae ; ut alias est ostensum . Postea in odiumne Schismatis *ordinationes* verae , & validae iterari poterunt praesertim a Romano Pontifice , a S. R. Ecclesiae Cardinalibus , a capite , & praecipuis Catholicae Religionis membris ? numquid in odium Schismatis tantummodo iterari poterit *Baptisma* ratum , & *Chrisma* ? nugae , nisi sit haeresis .

XIV. Nec hoc loco audiendus est Witaſſe , dum Obj. 4. respondet , ex incertis rumoribus id hausisse Robertum , in coque deceptum esse . Nam his probe consonant & ea , quae decrevit Alexander III. proximo num. 12. commemorata ; & quae conscripsit Krantzius lib. 6. Saxoniae cap. 47. , qui ex antiquiori Autore Alberto Stadenſi describere solet ; ubi de praedicto Lucio Papa inquit : *sed cum postera die manus illis essent imponendae singulis ( Schismaticis ) , immutatum erat consilium ; quod diceret , in Concilio Venetiano decreta non posse nisi alio Concilio irritari :* ut ut contendat Witaſſes , eam manus impositionem *reconciliatoriam* fuisse , non autem *consecratoriam* : quoniam si quum Robertus dixit *manus impositionem* , intelligitur consecratio , ac ordinatio ; cur quando Krantzius *impositionem manus* , usurpat , intelligi debet reconciliatio ? Poscebant quidem Schismatici *reconciliationem* sedis Apostolicae , sed haec nonnisi per novam , iteratamque ordinationem facienda erat : & Imperator etiam intervenerat pro iisdem apud summum Pontificem ; veruntamen ut suis restituerentur ordinibus , ac dignitatibus , non ut sine repetita admitterentur ordinatione . De qua quidem *reconciliatione* per Catholicam manus impositionem in Synodo.

Northusienſi anno 1106. promiſſa dixi ſuperiori Cap. viii. n. 33. Teſtatur *Oſtienſis* in Summa, hanc *antiquorum* fuiſſe ſententiam, inſiciens lib. 1. de Temp. ordinat. n. 5. *Quid ergo, ſi quis Epiſcopus a Schiſmatico fuerit conſecratus? dixerunt antiqui, quod nulla eſt talis conſecratio: & ideo non conſert Ordines taliter conſecratus* 9. q. 1. c. 1. 2. & 3. *argum. 1. q. 7. Daibertum... Sed haec opinio reprobatur* 1. q. 7. *Convenientibus: quod ſumptum eſt ex Act. 1. Synodi vii. contra Iconoclaſtas; de quo Cap. xi. dicetur, quantum cogat.*

### §. *Oppoſitiones.*

XV. **F** Utile autem dico, & parum in rem propoſitam con-  
ducens id, quod objicit Witafſe ſect. 6. Prob. 1. ac  
primum de *Maximo Presbytero*, qui Novatiani Schiſma ſequu-  
tus mox agnito errore a Cornelio Papa locum ſuum agnoſcere,  
atque recuperare juſſus eſt. Propterea quod Maximus ante Schiſ-  
ma Presbyter factus fuerat in Eccleſia Catholica; ideoque  
ſchiſmate ejurato nova non indigebat ordinatione: quoniam ut  
dictum, & etiam oſtendetur infra, ſemel impreſſus Ordinis *cha-  
racter* nunquam quidem amittitur, etiam ſi extra Eccleſiam exeat,  
vel expellatur ille, qui obtinuit; ſed Ordinis *potestas* extra Ec-  
cleſiam prorsus deperditur; quae tamen recuperari poteſt ſine  
nova, ſeu iterata ordinatione; ut ſuo loco videbitur: nec mo-  
do quaeritur, an *character* perſiſtat in Schiſmate; ſed an *po-  
teſtas*. Nec majoris momenti ſunt exempla, quae in medium ad-  
ducit, *Feliciſ* ſcilicet intruſi contra Liberium Papam; *Urficini*  
contra Damafum; *Eulalii* contra Bonifacium; *Laurentii* contra  
Symmachum; *Dioſcori* contra Bonifacium II., *Vigilii* contra Syl-  
verium; *Joannis* contra Gregorium V., *Cadaoli* contra Alexan-  
dram II., *Guiberti* contra S. Gregorium VII., & *Alberti, Theo-  
doricque* contra Paſchalem II., contenditque horum *Schiſmati-  
corum* ordinationes nequaquam in dubium fuiſſe vocatas. Nam  
de Felice; & Vigilio dictum eſt abunde Cap. v. n. 39. & 41.,  
de reliquis ajo non conſtare, eos ordinationes ſacras habuiſſe;  
aut ſi habuerunt, probatas, & admiſſas fuiſſe; praeterquam *Gui-  
bertum*, cujus ordinationes tam abeſt, in dubium eas non fu-  
iſſe vocatas, ut aperte in Conciliis maximis Placentino, & Ro-  
ma-

mano sub Urbano II. confixae fuerint, & irritae declaratae anno 1095., & 1099.

XVI. Falsum quoque dico, *Paschalem II.* non rescidisse Schismaticorum consecrationes ex his, quae Cap. praecedenti n. 33. & Cap. vii. n. 24. exhibui; quandoquidem professus est se *in omnibus, & per omnia* tenere, quae Urbanus II. tenuerat, decreveratque; hic autem scripsit, *Schismaticorum* utpote extra Ecclesiam militantium Sacramenta nulla esse; ut visum est paulo ante num. 7. In ejusdem enim Paschalis Papae Guastallensi Concilio anno 1106. actum non est de illorum ordinationibus iterandis, vel non; sed de iisdem Schismaticis *in officio Episcopali* suscipiendis, quos Pontifex tandem admittendos indulgit; *nisi aut invasores, aut Simoniaci, aut criminosi* comprobarentur: quales fuerunt *Albertus, & Theodoricus*, nec non *Maginulpbus* sedis Apostolicae invalores: inquit enim, teste Abbate Urspergensii: *Per multos jam annos Regni Teutonici latitudo ab Apostolicae sedis unitate divisa est; in quo nimirum Schismate... vix pauci Sacerdotes, aut Clerici Catholici in tanta terrarum latitudine reperiantur. Tot igitur filiis in hac strage jacentibus Christianae pacis necessitas exigit, ut super hos materna Ecclesiae viscera aperiuntur. Patrum itaque nostrorum exemplis, & scriptis instructi, qui diversis temporibus Novatianos, & Donatistas, & alios haereticos in suis ordinibus susceperunt, praefati Regni Episcopos schismate ordinatos (nisi aut invasores, aut Simoniaci, aut criminosi sint probati) in officio Episcopali suscipimus. Id ipsum de Clericis cujuscunque Ordinis constituimus, quos vita, scientiaque commendat. At, inquires, Novatianorum, & Donatistarum ordinationes probatae fuerunt. Verum est de nonnullis, & de non nullis falsum: probarunt Augustinus, & alii; Cyprianus vero cum aliis improbavit. Sed de hac re Cap. xi. disseram.*

XVII. Porro quod opponitur de gravissimo illo, ac diuturno *Schismate*, quod sub Urbano VI. anno 1378. incoepit, & ultra 50. annos perduravit usque ad annum 1429., meminisse oportet, unaque scire, illud fuisse *schisma dubium*; in quo cum disceptaretur, quis verus Pontifex esset; liquet omnium ordinationes etiam dubias extitisse; ideoque cunctas admitti, perferrique publici boni causa debuisse. Nam non solum *ordinationes* sacrae illo in Schismate immotae remanserunt, quae quando  
ve-


verae, ac validae sunt, & characterem imprimunt, & iterari non possunt; sed etiam aliae ordinationes, *electiones*, *Praefecturae*, *consecrationes*, dignitatesque, quae nullum insigunt characterem, & iterari quoquo modo possunt; persisterunt illibatae. Propterea quod quantum ad primum *error communis cum titulo jurisdictionem*, ac potestatem tribuit in Ecclesia, ut etiam indicavi Cap. v. num. 32., quantum autem ad secundum *electio*, quae non valet, per ratificationem potest confirmari, inquit Glossa ad c. *Quod sicut* de Electione. Dubium Schisma fuisse, & minime certum; hinc elici quoque posset, neminem eorum ordinatorum poenitentiae unquam ab Ecclesia addictum legi, aut per manus impositionem susceptum extincto schismate.

XVIII. Objicitur praeterea Stephani Tornacen. Episcopi ad Lucium III. Epistola 89. al. 108., qua postulat, ut cum quodam Odone ad *Acolytatus* ordinem a *Schismatico* Bisuntino Antistite promotus dispensare velit; quo ad majores ille queat ascendere gradus. Cui facile respondetur, agi ibi de eo, qui fuerat jam ordinatus, & factus *Clericus a Catholico* Antistite; sed quia in suscipiendis Minoribus Ordinibus deliquit; idcirco prohibitus erat, ne ad majores ascenderet: postmodum autem opera Tornacen. Episcopi dispensationem petit; quae facile obtineri poterat; cum minores ordines non ita necessarii sint, quin majores sine ipsis, ac sine etiam dispensatione queant ullo modo haberi; ut docet S. Thomas in Supplem. q. 35 art. 5. his verbis: *in primitiva Ecclesia aliqui ordinabantur in Presbyteros, qui prius inferiores ordines non susceperant; & tamen poterant omnia, quae inferiores ordines possunt... sed postea per constitutionem Ecclesiae determinatum est &c.* Ad illud tandem Innocentii III. c. *Fraternitati* de Schismaticis, & ordinatis ab eis, quo Bituricensi Archiepiscopo rescribit: *Priorem, quem a Schismatico assertis ordinatum, ab officio poteris repellere incunctanter; nisi legitime probaverit secum fuisse misericorditer dispensatum*: dico, Pontificem loqui de ordinatione, ac promotione in *Priorem*; quae dignitatis quidem, ac beneficii Ecclesiastici collatio est, sed non *Ordinis* sacri; ideoque nihil ad rem nostram. Caetera, quae opponi solent, aut possunt; Cap. xi., & xii. diluentur: solumque advertatur oportet; multa in hoc Capite haberi, quae magis ad

ad Schismaticos *mixtos*, & ad intrusos, *invasoresque* pertinent, quam ad Schismaticos *simplices*.

## CAPUT X.

*De Depositorum, & Degradatorum &c. Ordinationibus.*

- I.  *Epositio*, quae in hac Ordinis disputatione sumitur pro privatione, olim idem erat ac *degradatio*, quam vocem (ne mihi litem intentent Grammatici puri sermonis Latini custodes) usurpavit primum, quod sciam, Eliberitanum Concilium can. 20., cum ait: *Si quis Clericorum detectus fuerit usuras accipere, placuit degradari, & abstinere*: mox S. Augustinus lib. 4. contra Cresconium cap. 11. scripsit: *sine ulla degradatione, sine Baptismi iteratione in Altaris concordiam suscepistis*: & Epist. 169. ad Eusebium c. *Subdiaconus* 24. q. 1. ego, si Domino placet, istum modum servo; ut quisquis apud eos propter disciplinam degradatus &c. ut & in Breviculo Collat. 3. cap. 18., idque antiquissimorum Latinorum exemplo, qui *desecrare*, & *refecrare* dixerunt, dum quod sacrum erat, profanum faciebant: hinc & S. Hieronymus in Chronico ad ann. 351. non dubitavit scribere: *de Episcopo in Presbyterum regradavit*: usus enim multa vocabula adinvenit, & inventa antiquavit teste M. Tullio in Tuscul. Hae igitur voces, & nomina Ecclesiastica a pluribus, vel omnibus invicem hodie secernuntur; ut *depositio* dicatur privatio funditus, & omnino Officii, ac beneficii Ecclesiastici; *degradatio* vero insuper extra Cleri statum expulsio: quanquam interdum invicem confundi solent maxime per Scriptores: *degradatio* tamen est solius vere ordinati; *depositio* vero etiam usurpatoris.

II. Sunt igitur in hujus rei argumento, qui quaerant; an *character* ordinationis maneat in iis, qui ordinis dignitate privantur; iisque, qui extra Cleri statum expelluntur; sive, ut brevius loquantur, in *depositis*, & *degradatis*: idque propterea quod characterem a *potestate* non distinguant: dum enim quaerere volunt; an *depositi*, & *degradati* potestatem ordinandi retineant; de characterem verba faciunt, & silent de potestate: verum cha-

ra-

*ra*cter cum omnium Catholicorum consensu indelebilis asseratur; nemini quoque dubium esse debet, ipsum in depositis, & degradatis permanere: sed illud inquirendum venit; utrum in illis ipsis, qui deponuntur, & *degradantur*, persistat ordinandi *potestas*: quandoquidem jam Cap. II. satis, ut arbitror, ostensum est, non solum characterem non esse potestatem, sed etiam sine ista illum permanere posse; & quidem istud non semel factum fuisse. Sine potestate vero *characterem* conferri non posse; quod est aliud, quod quaerendum putant; ne in quaestionem quidem veniat oportet; nam sine potestate Ordinis quo pacto tribuetur Ordo? & sine ordine quomodo character Ordinis? Meum igitur erit ostendere; in illis, quos dixi, depositis, degradatisque *characterem*, non *potestatem* Ordinis permanere; ideoque illos ordinem sacrum aliis nequaquam posse conferre.

III. Ordinis enim *potestatem* auferri, quum quis e Clero exauktoratur, *deponitur*, ac *degradatur*, ex ipsomet verbo, dicendique modo mihi elici posse videtur: siquidem quid est hoc loco *deponi*, nisi privari? quid etiam, ut ajunt, *degradari*, nisi de gradu moveri? quo vero quispiam e Clero privatur? non quidem *characterem*, qui deleri non potest; nec item *gratia*, quae aut amissa fuit delinquente Clerico, aut in sola Dei voluntate servatur: igitur *potestate* agendi, quae Ordinis, gradus, officii, honoris, ac dignitatis nominibus venire solet. Et sane Patres, & Concilia cum poenam *depositionis*, aut *degradationis* irrogant alicui; istis utuntur loquendi modis: *ab omni sacro Ordine removeatur: ordine, & bonore privetur: ab officio removeatur: ab omni Ecclesiastico officio deponatur: de proprio gradu in periculum veniat: dignitate nudetur: ex Clero abjiciatur: alienus sit penitus a Sacerdotio, & Clero, & gradu: bonoris gradu careat: omni officio, & beneficio spoliatur: sit a dignitate, vel officio alienus: & ut in 6. c. Degradatio de Poenis dicitur: auferimus tibi vestem Sacerdotalem; & te bonore Sacerdotali privamus... deponimus, degradamus, spoliamus, & exuimus te omni ordine, beneficio, & privilegio Clericali: aut c. Pro humani de Homicidio: excommunicationis, & depositionis a dignitate, bonore, ordine, officio, & beneficio incurrat sententias ipso facto. Et cum Ordo sacer sit quidam gradus spiritualis, & principaliter potestatem importet ex S. Thoma, aliisque Cap. I. adductis: cum dicitur quis *degradari*, seu*

seu de gradu expelli; annon est *ordine* spoliari, ac *potestate* privari?

IV. Respondent solito illo, perpetuoque effugio; iis dicendi modis auferri *Ordinis usum*, ac exercitium, nec non beneficium, non autem *Ordinem* ipsum, ejusque *potestatem*. At ipsos rogo; quodnam inter *suspensionem*, & *depositionem* aestiment discrimen esse? num quia ad tempus illa; ista vero perpetua censetur; si datur & perpetua ab officio, & beneficio suspensio? Dicent, *depositionem*, ac *degradationem* amplius *privilegio* Clericorum privare, extraque *Clerici statum* constituere. Sed quomodo extra Clerici statum, & ordinem detrusus asseritur, qui adhuc Clericus esse, & Clerici potestatem habere defenditur? annon affirmant, & mordicus propugnant, depositum, ac *degradatum* adhuc *valide*, etsi non *licite*, munia sui officii, ordinisque peragere? Sacerdotem vere sacrum conficere? & Episcopum vere, & *valide* sacros Ordines conferre? quodnam unquam hoc majus extat *privilegium* Clericorum, quam ut quis valeat invita Ecclesia facere, quod ipse velit, & nolit Ecclesia; ipse patrare possit, & Ecclesia impedire non possit? Cum igitur isthaec minime sint veritati consentanea, & Ecclesiae dignitati congruentia; manifestum est, *ordinis*, *gradus*, *bonoris*, & *officii*, *dignitatisque* nomine, quo quis spoliatur ab Ecclesia, cum exauctoratur, ac deponitur; significari potissimum *Ordinis potestatem*, ac *Ordinem* ipsum, cujus natura *potestas* est.

Et quidem (ut unum de multis proferam exemplum) quum Nicolaus I. c. Clericum d. 50. scripsit; *Clericum, qui Paganum occidit, non oportet ad gradum majorem provehi, qui carere etiam debet acquisito*: sciscitor, an qui poscebat ad gradum evehi majorem, peteret dumtaxat *usum*, & exercitium ordinis, an vero ipsum gradum, seu *ordinem*? certe gradum ipsum, ordinemque respondebunt: cur igitur is, quem dicit Nicolaus debuisse carere *acquisito* gradu, carebit tantum *usu*, ac exercitio gradus? quid enim est, quod ille acquisivit? ipsum plane *ordinem*: ergo si carere potest *acquisito* juxta Nicolaum PP., carere potest *ordine*.

V. Praeterea *Rex* ille, qui iuste Regno spoliatur, ac deponitur, *Rex* nullus est, nullamque ad Regni negotia potestatem habet: ergo a simili nec *Episcopus* iuste depositus, & exauctoratus est *Episcopus*, ullamque ad ordinis Episcopalis munia po-

testatem servat: Responder quidem Richardus Mediavilla in 4.  
d. 25. q. 3., *Episcopum* habere dignitatem a Christo Domino,  
ideoque a Deo; propter quod nonnisi per Dei potentiam ei  
potest auferri Episcopalis potestas; etsi executio ejus a superio-  
ri in jurisdictione, idest a potestate Papae debeat: *Regnum*  
autem terrenum ab hominibus, & inferiorem a superiori de-  
pendere; ideoque ab illis etiam auferri posse. Sed haec respon-  
sio facile refellitur: quoniam *non est potestas nisi a Deo; quae*  
*autem sunt, a Deo ordinatae sunt: itaque qui resistit potestati,*  
*Dei ordinationi resistit* ex Apostolo ad Rom. 13., & tamen omnis  
*potestas* Regia, & secularis juste tolli potest per homines; quia  
& per homines tribui potest: igitur si *potestas* Episcopalis, &  
Ecclesiastica potest dari per Ecclesiam; poterit & per eandem  
auferri. Inquit enim S. Pacianus Episcopus Barcinon. Epist. 1.  
ad Sympron. *quod per Sacerdotes facit Deus, ipsius potestas est:*  
Christus Deus Ecclesiae suae omnem dedit potestatem; ergo Dei  
Ecclesia potestatem, quam accepit, quemadmodum dare potest,  
ita & auferre potest. Siquidem non magis est a Deo Episcopa-  
lis, ordinisque *potestas*, quam ordinis *executio*, & *jurisdictionis*  
*potestas*; atqui ordinis executio, jurisdictionisque potestas tolli  
possunt per Ecclesiam; igitur & Ordinis, Episcopalisque pote-  
stas per eandem. Solius quidem Dei est institutio, & destructio  
*Sacramentorum*; sed collatio, & ablatio in potestate Ecclesiae.  
Et haec quantum ad rationes, nunc autem ad exempla, & au-  
toritates veniendum.

§. 1. De Meletio, & Meletianis.

VI. **M**Eletius Episcopus Lyci in Thebaide, quia sibi ordi-  
nationes sacras; quae ad Alexandrum Alexandriae  
Aegypti Antistitem pertinebant, arrogaverat, etiam posteaquam  
fuerat damnatus, & dignitate spoliatus, a Nicaena Synodo I.  
anno 325. est eo multatus modo, quem perhibet ejusdem Sy-  
nodi ad Alexandrinam, aliasque Ecclesias Epistola apud Gela-  
sium Cizicenum lib. 2. Historiae Synodi Nicaenae c. 33. *Conci-  
lium clementius aliquando in Meletium animatum... decrevit, ut  
in sua Civitate maneat; potestatem autem nullam habeat vel ma-  
nus imponendi, vel administrandi, vel quemquam ad munus ali-  
quod*



quod Ecclesiasticum deligendi; vel in aliena Regione, aut Civitate ejus rei gratia comparendi: sed ut solum dignitatis nomen detineat. Illi vero, qui ab eo in sacrum ordinem lecti sunt, simul atque sanctiore ordinatione confirmati fuerint, ad communionem posthac admittantur; & permittatur illis quidem honoribus frui, & sacris muneribus fungi: sed tamen omnibus in singulis Paroeciis, & Ecclesiis, qui sunt ab ... Collega nostro Alexandro ordinati, sint omnino inferiores. Quin etiam nulla potestas eis sit vel designandi, quos velint, vel omnino quicumque faciendi absque consensu Episcoporum Catholicae, & Apostolicae Ecclesiae, qui sub Alexandro sunt SS. Collega: ita quidem transtulit Balforeus interpret, attamen cum Graecus textus de Meletio habeat: μήτε χειροτονεῖν, μήτε χειρίζεσθαι, μήτε χειροδετεῖν: vertendum erat: nec ordinandi, nec ministrandi, nec manus impouendi: Theodoretus, qui eandem exhibet Epistolam lib. 1. cap. 19., legit: μήτε προχειρίζεσθαι, μήτε χειροτονεῖν: idest neque eligendi, neque ordinandi: uti verterat & Epiphanius Scholasticus in Hist. Tripartita lib. 2. cap. 12. Quod si a Meletio ordinati jubentur accipere sanctiorem ordinationem (μυστεριον χειροτονία), si in suis honoribus admitti velint; quod est iterum a Catholico legitimoque Antistite ordinari; ut recte interpretatus est Valesius in notis ad lib. 1. cap. 9. Socratis, & Theodoreti, a Dupinio, Binghamo, aliisque secutus: quamvis Habertus in Hieratico, aliique plures refragentur: igitur ideo quod Meletius exauctoratus, ac depositus ordinandi potestate carebat; non autem quia Schismaticus, ut quidam arbitrantur; & ut admonui Cap. praecedenti n. 3.

VII. Nullaque est Witassis Obj. 1. sect. 6., aliorumque responsio; qua volunt Concilium loqui de ordinatione confirmatoria, & impropria, non de consecratoria, & propria; ideoque nec de iterata ordinatione intelligendum: propterea quod Patres Nicaenos constat non aliter hanc vocem χειροτονία proferre solitos, quam quum exprimerent veram, & propriam ordinationem; & praecipue in ea Epistola; alioquin cum decrevit, Meletium non habere potestatem nec ordinandi, nec manus imponendi: si veram ordinationem hoc loco non intellexisset, non ei majorem, & veram ademisset potestatem; nec satis caute se gessisset; quando unica voce uno in loco modo hoc, modo illud intelligendum esset. Sicut quum loquitur de ordinatis a Meletio,

& ab

& ab Alexandro; annon de vera ordinis collatione loquutum asseverant? cur igitur itidem non erit, cum agit de *sanctiori ordinatione* praestanda? Certe cum Symmachus Papa Epist. 25. ad Hispaniae Episcopos n. 2. ait: *& si ipse quidem a redemptione liber initiaverit benedictione mystica Sacerdotem &c.* autumat ordinationem veram, & consecratoriam: igitur & Nicaenos Patres, dum *magis mysticam ordinationem* pronunciarunt, idipsum voluisse dicendum est. Exempla porro, quae contra producit Witasse, minime ad rem faciunt: & cum subdit: nisi Meletiani jam Ordinis characterem habuissent; cur eos aut Presbyteros, aut Episcopos fecisset Ecclesia? cum satis, inquit, fuisset, si ut *Laici* erant, ita reciperentur a Catholicis, nec novis eos beneficiis cumulari, ne potior esset Schismaticorum, quam Catholicorum conditio.

Respondeo, id etiam concessum fuisse Clericis *Paulianis* can. 19. ipsis Schismaticis longe pejoribus Haereticis; quorum tamen *ordinationes* irritas, ac nullas omnes cum Concilio fatentur; & characterem eos nullum habuisse concedunt; ideoque *Laicos* eos facto, nomine vero Clericos fuisse. Caeterum Nicaenorum Patrum de *Meletio* sententiam esse eo, quem dixi, modo intelligendam confirmat factum *Theodori Oxyrinchi* in Aegypto Episcopi, qui, uti tradiderunt Presbyteri Marcellinus, & Faustinus in Libello precum ad Imp., anno circiter 360. iterum ordinavit Meletiani Schismatis Presbyteros, & Diaconos Episcopus Nicaenae Synodo suppar.

§. 2. De 8. *Arianis*, & *Jo. Chrysostomo*.

VIII. **S**YNODUS etiam Sardicensis anno 347. cum exauctorasset Stephanum *Antiochenum*, Menophanem *Ephefinum*, Acacium *Caesariensem*, Georgium *Laodicenum*, Ursacium *Singedunensem*, Valentem *Mursiensem*, Theodorum *Heraclien.*, & Narcissum *Nerodiaden*. Episcopos Arianae sectae Antesignanos, scripsit ad omnium Ecclesiarum Antistites: *decrevimus eos non modo Episcopos non esse, sed ne dignos quidem fidelium communione*: igitur Episcopus depositus, ac dignitate nudatus sit non Episcopus non quidem characteris jactura, sed potestatis perditione. Quod sane magis explanat Sanctus Cyrillus Alexandrinus Epi-

Episcopus Epist. ad Atticum CP. Antistitem apud Nicephorum Callisti lib. 14. cap. 27., qua ipsi Attico *S. Joannis Chrysostomi* nomen se sacris Tabulis inscripsisse significanti rescriptit; mirari se illum *non in Laicorum, sed Episcoporum Catalogo adscriptum fuisse*; idque esse contra *Patrum Nicaenorum decretum*, subdens: *quomodo namque inter Sacerdotes Dei censebitur, illorumque sortem feret, cui Sacerdotalis dignitas abrogata est? quomodo vero in Catalogo sacrorum Ministrorum erit, qui Ecclesiasticis moeniis ejectus est? ... quomodo igitur aut inter Episcopos Laicus, aut inter germanos, & legitimos, qui talis non est, consistet? ... consequens igitur non est propter adversus quorundam sermones, (st- quidem prorsus aliqui sunt) funditus Ecclesiasticas sanctiones convelli, ut Laicus Sacerdotali dignitate enitentibus adnumeretur, & honorem eundem consequatur. Putabat enim Cyrillus, rebaturque Chrysostomum inimicorum calumniis oppressum vere lapsum fuisse; ob idque vere etiam Episcopali dignitate privatum; propter quod *Laicum* eum appellat: exauctoratos enim fieri *Laicos* videbimus Cap. XII.*

### §. 3. De Proculo Massilien.

IX. **S**ic & Zosimus Papa anno 418. acriter invehitur in *Proculum Massiliensem* Episcopum, eo quod etsi dignitate spoliatus, exauctoratusque fuisset; nihilominus tamen adhuc Episcopum agebat ut antea, & *ordinationes Clericorum*, nec non Episcoporum sicut Metropolitanus faciebat: quare Epist. 11. ad Patroclum Arelatē. Antistitem de illo scribit rumorem ferre: *quosdam idoneos turbationibus homines, & post illa, quae illi interdiximus, ordinasse. Sed sciant, quibus hanc Epistolam volumus in notitiam pervenire, suscipi nullatenus posse; quia aut contra regulas repente, aut postquam interdiximus, illi sunt ordinati: & Epist. 12. ad Massilienses de eodem inquit: cum ipse jam non sit Episcopus, Episcopos facit; & humanus largitor aliis se dicit posse praestare, quod datum sibi aliquando immerito tenere non potuit: cum ante dixisset Epist. 6. ad Afros, Gallos, & Hispanos Episcopos eum Sacerdotio sua confessione spoliatum. Nam canon 27. al. 29. Apostolorum habet: Si quis Episcopus, aut Presbyter, aut Diaconus depositus iuste super certis criminibus ausus fuerit attre-*

*clare ministerium dudum sibi commissum; hic ab Ecclesia penitus abscondatur; uti & can. 4. al. 6. Antiochenus: erat igitur & depositus, & communione privatus. Nec quemquam moveat, quod Frassen hoc loco respondet, Proculum dici non Episcopum quantum ad honorem, gradum, & officium, quibus privatus fuerat, non quantum ad characterem: quoniam ego de characterem, qui quum ordo non sit, sed ordinis signum, litrem non moveo; sed de potestate Ordinis, quam dixi principaliter ordinem velut naturam, ac notionem ejus significare; ordinem autem esse gradum, honorem, & officium: quomobrem si fateris privatum fuisse honore, gradu, ac officio; ipsum quoque privatum ordine, ac potestate fatearis oportet: praesertim cum dicat Zosimus: se dicit posse praestare, quod datum sibi immerito tenere non potuit: quid datum illi fuerat nisi ordinem, hoc est ordinis potestatem? ergo istam tenere non potuit, istaque fuit expoliatus. Et quod adducit, ut probet Proculum verum fuisse Episcopum, Epistolam nimirum 4. S. Hieronymi ad Rusticum, qua Proculus laudatur, & Concilium Aquilejense, cui addas & Taurinense, quibus vel interfuit, vel cum honore memoratur, nihil causam promover; cum ista longe praecesserint Proculi depositionem, qua sola ille coepit esse, & dici non Episcopus.*

§. 4. De Ebbone Rbemensf.

X. SEquitur Concilii Sveshonen. al. anno 853. coacti celebre decretum, quo Hincmarus Rhemensis Archiepiscopus, & vir doctissimus cum aliis tribus Galliarum Archiepiscopis, 30. Episcopis, uno Chorepiscopo, & 7. Abbatibus super ordinationibus Ebbonis olim Rhemen. Archiepiscopi dignitate moti c. 1. ita praefatur: *Clauit praefatum Ebbonem Episcopale officium illicitè repetiisse; quosque gradibus Ecclesiasticis aestimatus fuerit promouisse, damnationi potius obnoxios effecisse.* Cum enim Ebo Ludovicum Pium Imp. anno 833. in Compendiensi Conventu Lotharii filii fautor exauctorare ausus esset; cujus opera factus fuerat Archiepiscopus; ob eam causam anno 835. in Synodo apud Theodonis villam depositus, dignitateque spoliatus fuit: sed anno 840. mortuo Ludovico Pio, a filio Lothario pristinae restitutus dignitati per annum eam tenuit, & etiam ordinationes sa-  
cras

cras fecit. Verum insequenti anno fugere, sedemque deserere coactus amplius eam recuperare nequivit; cum anno 842. ejus depositio fuerit in Bituricensi Concilio confirmata; & an. 845. *Hincmaro* ei successore subrogato ipse anno 851. diem obierit. De cujus ordinationibus, ac ordinatis Synodus Sveslionen. decrevit Act. 4. *Quod qui ab ipso voluerant, & visi fuerant ordinari in gradus Ecclesiasticos ab eodem, quod idem non habuit, nemo eorum accipere potuit: damnationem utique, quam habuit, per pravam manus impositionem ei dedit: quia qui particeps est damnato, quomodo debeat honorem accipere, ut Innocentius Papa dicit, irveniri non potest: & Act. 5. Canonica, & Apostolica auctoritate inventum, & decretum est a sancto Synodo; ut quicquid in ordinationibus Ecclesiasticis idem Ebbo post damnationem suam egerat, secundum traditionem Apostolicæ sedis; ut in gestis Pontificum legitur, (idest in Vita Stephani III. al. IV. de Constantino Antipapa) præter sacrum Baptisma, quod in nomine S. Trinitatis perfectum est; irritum, & vacuum habeatur: & ordinati ab eo, in quamcunque Terrarum partem profugi evagentur... Spiritus sancti judicio Ecclesiasticis gradibus privati perpetuo habeantur... Et quia gradus Ecclesiasticos, quibus privarentur non habebant; jussi sunt communionem privari: de quibus jam Judices Act. 2. edixerant: quoniam ministrare nec debent, nec potuerunt.*

XI. Quare quod respondent; nullius momenti esse dico: nam Ebbonem fingamus jure damnatum, depositumque fuisse; nec unquam rite restitutum honori; ut purabant Patres Gallici Concilii; tamen characterem Ordinis eum non amisisse conceditur; tamen ordinandi potestatem amiserat: hinc recte a Concilio pronunciatum est; eum, quos gradibus Ecclesiasticis aestimatus fuerit promovisse, damnationi potius obnoxios effecisse; & Episcopale officium illicite, idest invalide, repetiisse: quoniam ut Cap. I. ostendi. sæpe illicitum sumitur pro invalide; sicut & recte dictum est; ab Ebône tunc ordinatos nec debuisse, nec potuisse ministrare; quod est. nec licite, nec valide. Cum autem ajunt, Ebonem exauctoratum nihil ordinatis a se dedisse quantum ad honorem, jus, & exercitium potestatis; dedisse tamen characterem; eo quod ibi Concilium de honore tantum loquatur: admitti nequit; quia qui characterem cum potestate tribuit, tribuit & honorem, jus, atque exercitium potestatis validum, etsi

aliquando illicitum; ut alias edocui: postea Concilium proficitur se sequi *Innocentii Papae* sententiam; hanc vero & Leo III. & Urbanus II. intellexerunt de iis, qui *invalidè* ordinantur: quemadmodum probavi Cap. VIII. n. 14. Similiter quod Concilium dixerit Ebonis *irritum* omne praeter *Baptisma* quantum ad effectum, jura, & privilegia, non quantum ad characterem; explorum est eodem Cap. n. 11., si enim *irritum* est, quod proprius nullum est; quomodo quod *validum* asseritur, irritum dici potest? praesertim cum Concilium pronunciaverit *irritum*, & *vacuum*, quod est inane, & nullius omnino valoris. Sed nec illud, quod ajunt, intelligi satis potest; poenam non esse, aliquem privari suorum ordinum exercitio, quod nunquam *legitime*, idest licite acceperat: siquidem qui dolo, ac prave sacros acquirit ordines, exercitium ordinum nequaquam suscipit saltem legitime; & tamen non dicitur *gradus Ecclesiasticos, quibus privetur, non habere*; nec etiam ob id *communione* privatur; sed ab ordinum exercitio *suspensus* declaratur. Postea falsum est; *ordinatos* ab Ebone deposito, & restituto depravate ordines accepisse; cum id inscienter illi egissent; eum enim jure dignitati suae restitutum, ordinandique jus recuperasse crediderant.

XII. Tandem ad illud de cujusdam *Halduini* Abbatis Attivillaris ab eodem Ebone deposito in *Diaconum* ordinatione, & post a Lupo Catalavnen. Episcopo in *Presbyterum sine examine* promotione, de quo dictum Concilium Act. 6. hanc tulit sententiam: *secundum sacros Canones eundem Episcopum nihil de illius ordinatione attigisse; sed qui saltu sine gradu Diaconi ad Sacerdotium profilerat, in degradationem debitam resilire deberet*: Respondent, nihil attigisse Lupum quantum ad ordinationis jura, non quantum ad *characterem*: & ordinationem *per saltum* dici modo stricte, modo non stricte; primo modo, cum superior gradus suscipitur praetermisso tum quoad characterem, tum quoad usum inferiori ordine; secundo modo cum quis ad celsiorem provehitur gradum, inferiori non rite suscepto: male enim, inquit accipere; & nullo modo accipere juxta communem usum loquendi non multum discrepant: Concilium autem secundo modo locutum esse: ita Witasse. Sed contorrete simul, & inaniter; cum nullo modo queat tam perspicua Concilii sententia obscurari: ad primum enim dixi jam paulo ante: & de al-

altero percontor; ubi nam invenitur, ordinatos *per saltum non stricte* ( si tamen ita dici possit; cum sit merum hujus Doctoris commentum ) deponi, ac *degradari*? nullibi gentium: nam si ita de istis; quid fiet de ordinatis *per saltum stricte*? Nec meliora scripserat Juenin in Comment. de Sacram., dum respondit, Halduinum in *suspensionem ab officio Diaconi* incidisse; ac proinde fuisse, ac si *per saltum* irreptisset ad Presbyteratum: quoniam si in suspensionem inciderat, non erat igitur nova poena, sive *degradatione* multandus. Quamobrem isti contortores Ecclesiastica phrasi abutuntur, omniaque pervertunt ad veritatem eliminandam: satius plane fuisset asserere, Sveshionenses Patres errasse ut in facto, ita & in jure: & praestitissent forsitan, ni Galli Gallis parcere voluissent.

XIII. Postremo quod Act. 7. ibidem legimus: *quia praefati fratres* ( erant autem illi Canonici Rhemen. Ecclesiae, & Monachi ) *Episcopos Dioecesis S. Rhemenfis Ecclesiae falsis appetiere criminibus* . . . & ob id secundum canonicam auctoritatem *communionem privati extiterint*; quoniam *gradus Ecclesiasticos habere non possunt legum Ecclesiasticarum auctoritate decernente* &c. nihil singulare, ac diversum habet ab his, quae proxime sunt commemorata. Licet quidem observare, Concilium declarare eos non usum, & exercitium graduum, sed ipsos *gradus Ecclesiasticos habere non posse*; uti & Act. 6. quum edixit, Halduinum *saltu sine gradu Diaconi* ad Sacerdotium prosiliisse. Sic & Concilium Meldense anno 845. can. 10. dixit: *Si autem Monachus contemnens gradum Ecclesiasticum habuerit, eo privetur: & si gradum non habuerit, pane, & aqua contentus ergastulo diebus xl. retrudatur*. Porro verum est, Acta hujus Concilii anno 866. rescissa fuisse a summo Pontifice Nicolao I. tanquam contra juris regulas facta; attamen Galicani Concilii Patres prae se morem, & regulam Ecclesiae irritas, & nullas declarandi ordinationes Depositorum, ac *degradatorum* tulerunt; cum asseruerint se agere *secundum traditionem Apostolicae sedis*, nimirum Concilii Romani anno 769. sub Stephano III. al. IV. in causa Constantini Pseudopapae, ejusque ordinationum celebrati; de quo dictum est Cap. v. n. 16. & seqq., & ex sententia S. Innocentii I. Papae Cap. viii. producta, ac ventilata. Quo circa nil mirum, si memoratus Nicolaus Papa cum factum illius Concilii carpserit, irritumque

judicaverit; de jure, sive de ordinationibus Ebbonis a Concilio profligatis, & nullius valoris judicatis nullum fecit verbum.

§. 5. De Formoso Papa.

XIV. **U** Num est, quod fere omnes concedere non dubitant, factum videlicet Romani Concilii anno 896. a Stephano VI. al. VII. in causâ *Formosi Papae* convocati; quo Acta omnia Formosi irrita sunt declarata; & ipse etiam post obitum condemnatus; *cunctosque, quos ipse (Formosus) ordinaverat, gradu proprio depositos iterum ordinavit (Stephanus)*: uti perhibet Luitprandus lib. I. cap. 8., Sigebertus vero in Chronico ad ann. 902. de eodem Stephano scribit: *ipsum Formosum persequitur, & omnes ordinationes ejus esse debere irritas decernit*: & ad ann. 907. de Sergio III. Actuum Stephani instauratore prodit: *Romanos minis, & terroribus pepulit, ut omnes ordinationes Formosi irritas haberent. . . & omnes, quos ille ordinaverat, injuste exordinavit*. Quod quidem factum, inquam, fere omnes neque inficias eunt, neque in adversum trahere nituntur sensum ob duo; & quia quidam *Auxilius Francus* a Formoso Presbyter ordinatus in ejusdem Formosi, ejusque ordinationum defensionem duos exaravit libros, quorum in Praefatione secundi, ut & cap. 11. & 31. memorat oppressiones, quibus *Stephanus*, & *Sergius*, quos dixi, quoscunque poterant, obstringere conabantur, ne unquam *Formosi* ordinationes admitterent: totusque est, ut probet, ejus ordinationes ratas, veras, & validas fuisse, non autem irritas, ac nullas, proindeque iterandas; ut quamplures dicebant: nam cap. 8. agit *adversus eos, qui se excusant dicentes: inviti denno consecrati sumus*: & c. 14. *iterum in eodem gradu consecrare non formidabant*: inquit Scriptor ille, qui cuncta cernebat. Deinde concedunt, eo quod factum velint a duobus Rom. Pontificibus *peffimis viris*, & *Apostolicae Sedis invasoribus* per vim, & metum in Synodo quidem, sed nequaquam libera, reclamantibus compluribus aliis: idque se habere dicunt ex Luitprando, Sigeberto, Urspergensis Abbate, & ex binis Joannis IX. Papae Conciliis.

XV. Verum ego nunquam dicere possum *peffimos viros*, & *Apostolicae sedis invasores*; quorum alterum Stephanum Joannes IX. in Synodo Ravennati anno 898. c. 1. appellavit *piae*



*recordationis* suum *praedecessorem*: alterum *Sergium* vero a nomine Rom. Pontificum unquam notatum, traductumque legimus; sed utrumque semper in albo Antistitum sedis Apostolicae descriptum invenimus. At Stephani *Synodum* abrogavit altera Joannis IX. Utique abrogavit; sed solummodo quantum ad facinus in corpus *Formosi*, ejusque ordinationes patratum; caetera non item: non id, quod cum Graecis pro Schismatis extinctione, ac *Photio* recipiendo egit; ut ejusdem Joannis IX. Epistola ad Stylianum transmissa testatur: non consecrationem *Lamberti* Imp. a *Formoso* rejectam, ejusque loco illam *Arnulfi* intrusam: & cum Synodus Joannis IX. anathema vibravit in violatores tumuli *Formosi*, nisi relipiscerent; in *Stephanum* tamen, ejusque mores, & memoriam neutiquam invec̃ta est. Postea eam Joannis IX. *Synodum* quantum ad ea, quae de *Formoso* statuit, irritam omnino voluit, fecitque *Sergius III.*, ejusque factum rescidit nemo. Sunt enim adhuc, vel certe fuerunt, in utramque partem quae dicereptur: in *Formoso* fuerunt bona quidem, sed fuerunt & mala; immo ea fuerunt criminosa, ob quae & damnatus fuit, & exauctoratus, anathemateque ictus a Joanne VIII., & in Conciliis Pontigonensi, & Trecenti il. Cum itaque de viris criminosis, exauctoratis, & anathemate multatis Ecclesiastici *Canones* statuerint, ut nunquam in pristinos honores restitui, nec ad altiores Ecclesiae gradus provehi possent; quemadmodum supra visum est; non viderur perperam censuisse *Morinus*, dum par. 2. de sac. Ordinat. Exercit. 5. cap. 3. scripsit, *Stephani, Sergique* factum non prorsus improbandum; quippe qui ex Canonum norma, studioque ita facere potuerunt. In utroque tamen improbari poterit fortasse, quod nimis praecipitanter, ac parum librata sententia in re tam gravi, dubiaque se gesserint; & magis studio partium, quam veritati tribuerint. Sic & *Nicolaus I. Adardum* Namneten. Episcop. notavit, sed non damnavit, quod ordinationes dubias iterasset; ut dictum est Cap. v. n. 23. XVI. Quod enim *Auxilius Francus* scripserit contra, floccifaciendum; cum fuerit (si tamen unquam fuit) a *Formoso* promotus, ac Presbyter ordinatus, tanquam partium studio permotus, atque propriae causae iudex habendus est; cum ageretur de ejus etiam ordinatione vel abroganda, vel iteranda. Causae igitur hujus vindex quidem accessit, sed & imperitus,

& una quoque impius: dicit *Liberium* Papam haereticum, & Apostatam; *Vigilium* Rom. Pontificem Bonifacio Papae insidias molitum &c., *Stephanum III.* al. *IV.* mandasse, ut Constantino Pseudopapae oculi eruerentur; *Osium* non Catholice dixisse, *nec laicam in fine communionem recipiat*: subde can. 1. & 2. Concilii Sardicenis: at non ipse Osus tantum, sed universum Concilium etiam secundum Baronium, & alios Oecumenicum probavit, & dixit: *placet*. Quis autem nisi summe audax, idemque impius pronunciaverit, Concilium Oecumenicum *non Catholice* canones condidisse? *Luitprandus*, qui sub Othone I. Imp. floruit, tam male de iis, quae eo tempore acciderunt, edoctus fuit; ut *Sergium Formoso* in Pontificatu successisse scripserint, aliaque in literas mandaverit, quae manifeste falsa sunt ipsi etiam Baronio, & Paggio: siquidem quae in hac causa prodidit, a partium studio additis magna ex parte hausit, uti & *Frodardus*, qui eodem tempore vivebat. Nec majori fide dignus est *Sigebertus*, & quod recentior sit Autor; & quod falsum hac de re cum habere legamus: scribit enim ad ann. 903. *Theodorus Papa contra Stephanum Papam sentiens reconciliavit ordinatos a Formoso, quos Stephanus per vim Romae intus, & non foris exordinaverat; nec tamen praesumpserat eos iterum consecrare*: cum *Auxilius*, & *Luitprandus* contrarium tradant, *Stephanum* non solum deposuisse, sed etiam iterum ordinatos a *Formoso* consecrasse. Nihil est etiam, *Leonem* Episcopum Nolanum, quod a *Formoso* PP. ordinatus fuisset, a multis sollicitatum, ut se denuo consecrati permitteret, consuluisse Galliarum Antistites; & ab illis responsum accepisse, ut ab actione tam temeraria abstineret eodem *Auxilio* teste: nam constat Gallos studuisse *Formoso*, ad quos tempore *Joannis VIII.* confugerat; & quorum opera Romae, dignitariusque restitutus fuerat.

XVII. Caeterum, ut ut sit de facto hoc, de quo non nostrum est discernere; ex eo tamen apparet clare, *Stephanum*, & *Sergium* Romanos Pontifices veterem, receptumque morem, ac legem Ecclesiae praecipue Romanae exhibuisse, irritas, nullasve declarandi *depositorum*, & *invasorum* ordinationes; quod est id, quod ad propositam Disputationem attinet: an autem *Formosus* jure, ac merito fuerit exauctoratus; an perperam a *Marino* PP. restitutus; & an tandem intrusus in Apostolicam se-

sedem; disquirant, disceptentque alii: id certe voluerunt illi, quos dixi, Romani Pontifices; quorum Epitaphia & quidem honorifica servantur adhuc, & leguntur: de *Formoso* vero jam adhuc superest, quod in praedictis Epitaphiis *invasor* appellatur: & quod in eum patravit *Sergius III.*, nemo revocavit, rescidit nemo; & nemo *Formosi* nomen ex ejus successoribus renovare tentavit, curavitque; *Stephani* vero, atque *Sergii* nomina repetere non formidarunt plures. Et sane *factum* novum criminati sunt, ac deestati Scriptores multi; sed *jus* in facto nemo praeterquam unus *Auxilius* in propria causa iudex, quantum quidem ad antiquos.

### §. 6. De Theologis.

XVIII. **G** Ratianus Canonum antiquorum Collector, vel aliqui apud eum, in notis ad c. *Quod quidam* 1. q. 1. habet: *Suspensio enim, vel deposito Sacerdote, nulla ei relinquitur potestas sacrificandi: Sacramentum tamen Baptismi non solum a Sacerdote deposito &c. & paulopost: degradatus enim Episcopus potestatem largiendi sacros ordines non habet; facultatem tamen baptizandi non amisit.* Autor vero Glossae ad Decr. Gratiani c. *Accedens* d. 50. adnotat: *Ergo Clericus degradatus non retinet Ordinem ... per hoc quod dicitur infra, inter Laicos communionem ab eo recipiendam: sed tamen dico, quod characterem semper retinet, ... nec credo, quod conficiat (sacrum), quia omnem potestatem amisit.* Raynerius etiam antiquus, & illustis Canonum Doctor, atque expositor apud Autorem Glossae ad Decr. Gregorii IX. c. *Si quis Presbyter* de Clerico excommun., *Deposito &c.* censet, Presbyterum *degradatum* minime celebrare, sacrumque conficere; quia, inquit, *potuit Ecclesia ei auferre illam potestatem, quam contulit; quamvis non possit character auferri; sicut nec insignia militi.* Quo nihil clarius, & nihil verius dici potuit; de quibus & Cap. II. disleriui. Nam Miles *potestate* spoliatur, non *charactere*.

XIX Nec minus dilucide veritatem hanc exposuit doctissimus *Gulielmus Parisiensis* Episcopus in Traët. de Sacramento Ordinis cap. 7. his verbis: *exaucloratio autem, & depositio sicut Sacerdotes a Clero omnino amovet, & abjicit; privilegioque Clericali omnino privat, & exuit; ita ab officio Sacerdotali omnino amovet,*

vet, & deponit. Et propter hoc Sacerdotali officio de caetero nisi falso, atque fallaciter se ingerere non possunt... Cum ergo Ecclesia exauctoratos, atque depositos licet Sacerdotes suos constituerit; Sacerdotes tamen ipsos post exauctorationem, & depositionem non habeat, nec reputet; immo a Sacerdotio penitus abjectos; & ideo nec ratum habeat, quicquid de Sacerdotali ministerio attentare praesumpserit; necesse est praesumptionem eorum, & attentionem quantum ad Sacerdotali officium vacuam, & irritam esse: & hoc ipsum forma exauctorationis, & exordinationis indicat evidenter, qua vestimentis Sacerdotalibus sigillatim, & illis inversatis exuuntur; per quod indicare intendit Ecclesia manifeste, nihil eis dignitatis, potestatis, officiique Sacerdotalis relinqui, sicut de vestimentis Sacerdotalibus nec unum eis relinquitur.

XX. Ricchardus autem Mediavilla magni nominis Doctor in 4. d. 25. art. 1. q. 3. *utrum Episcopus degradatus possit ordines conferre*, respondet: dixerunt aliqui, quod quamvis Episcopi suspensi, excommunicati, haeretici possint Ordines de facto conferre; hoc tamen non possunt Episcopi degradati; quia degradati non tantum sunt suspensi ab officii executione, sed etiam sunt spoliati Episcopali dignitate; unde non remanent Episcopi: cumque eo tempore fere omnes oppositum docerent; eapropter ipse sententiam utramque defendere suscepit. Sed & Ioannes Scotus inter Doctores cognomento subtilis eodem sent. lib. q. 1. d. 25. art. 2. *dubium* ait esse, utrum poena degradationis maxime Episcoporum a collatione ordinum excludat: cisi §. *ad argumenta* respondeat: si vero (Episcopus) sit praecisus, & condemnatus ab Ecclesia, non confert ordines; si Episcopatus non sit ordo, & possit simpliciter conferri; sicut habent respondere illi, qui tenent Episcopatum non esse Ordinem, sed quamdam dignitatem. Astelanus vero Autor summae sui nominis eodem tempore scribens lib. 6. tit. 3. art. 4. ait: *Quaeritur, utrum Episcopus degradatus possit conferre ordines*. Respondeo: aliqui dicunt, quod non; quia degradati non tantum sunt suspensi ab officii executione, sed etiam sunt spoliati Episcopali dignitate; unde non manent Episcopi: & quidem qui de Episcopis exauctoratis scripserunt, omnes eos non Episcopos dixerunt.

XXI. Witalles, ut Characterem probet in depositis, ac dignitate exutis permanere; & ab ipsis conferri posse; quamplu-

ra sect. 5. congeffit exempla de Marcello Ancyrano, *S. Athanasio Alexandrino*, *Asclepa Gazensi*, *Paulo Constantinopolitano*, *SS. Ioanne Chrysostomo*, & *Cyrillo Alexandrino*, *Jo: Antiocheno*, ac *Theodoreto Cyrensi*, aliisque Antistitibus; qui post condemnationem, ac depositionem suam aut restituti sedibus suis iterum ordinati non fuerunt; aut eorum ordinationes nec iteratae sunt, nec in dubium vocatae: suntque magna ex parte defuncta ex c. *Ioannes Chrysostomus* d. 50. Verum quotusquisque est, qui nesciat, illorum Antistitum complures & sanctos viros extitisse, & iniuste damnatos, exautoratosque fuisse? qui vero jure damnari, depositique fuerunt, uti *Ioannes Antiochenus*, & si quis alius, antea a Catholicis Episcopis ordinatos quoque sciri; quod & de aliis iniuria dampnatis etiam certum est: ideoque cum suis istaurarentur dignitatibus; eorum ordinationes iterari non debuisse, nec iteratas fuisse. Nam, ut supra est jam discussum, non quidem de *Charactere* quaestio vertitur, num permaneat, vel admitratur; sed de *potestate* ordinis, quam dicimus, & ostendimus in his, qui jure exautorantur, sine dubio deperdi.

XXII. Quantum autem ad *Acacium* CP. Episcopum attinet, quem Felix PP. III. a. IV. damnavit, & dignitate privavit; ejus tamen ordinationes Papa *Anastasius II.* non irritas esse conscripsit; id quod tanti faciunt & Auxilius Francus paulo ante memoratus par. 1. cap. 19., & Petrus Damiani Opusc. 6. cap. 25. & post istos alii plures: meminisse oportet, ob id etiam *Anastasium* adeo male apud omnes Catholicos audisse; ut Symmachus Papa ejus successor Epist. 1. ad Aeonium Arelaten. Episcopum non veritus sit eum veluti *disciplinae Ecclesiasticae transgestorem* carpere, & appellare; & Autor vetus Libri Pontificalis tradiderit, *nutu divino percussum*, eo quod tentasset *revocare Acacium*, idest illius jam defuncti nomen, & memoriam admittere; ob quae multos Clericos, & Presbyteros ab ejus communionem separasse se se: quamquam Baronius ad ann. 497: n. 17. id scribit a *Laurentianis* Schismaticis consuetum, sed nullo Autore suffragante; cum Schisma *Laurentianum* egerit adversus *Symmachum*, non contra *Anastasium*; qui & antea vivere desierat, & nihil ad Symmachi promotionem contulerat. Quocirca *Gratianus* ad c. *Anastasius* d. 19., & ad c. *Dictum est* 1. q. 1. de *Anastasio* monet: *hoc enim illicite, & non canonice, immo contra de-*

*decreta suorum praedecessorum fecisse probant Felix, & Gelasius, qui Acacium ante Anastasium excommunicaverunt; & Hormisdas, qui ab ipso Anastasio tertius eundem Acacium damnavit: unde etiam ab Ecclesia Romana repudiatur; & a Deo fuisse percussus legitur in gestis Rom. Pontificum hoc modo: Anastasius &c. Utrique Nicolaus I. Epist. 46. ad Episcopos Sveffionensis Synodi scripta eam Anastasii Epistolam de Acacio retulit pro Ebbone Rhemensis olim Archiepiscopo, sed duntaxat in eo quod mali ministrando Sacramenta sibi ipsis, non aliis noceant: quod quidem verum, parum tamen ad rem nostram: eo quod Nicolaus Ebbonem pro malo, ac criminoso, non pro exauctorato, ut Anastasius Acacium habuit.*

XXIII. Sane Anastasius Papa in ea ad Anastasium Augustum Epistola cum scribat: *secundum Ecclesiae Catholicae consuetudinem ... agnoscat, quod nullum de his, quos baptizavit Acacius, vel quos Sacerdotes, vel Levitas secundum Canones ordinavit; nulla ex nomine Acacii portio laesionis attingat, quo forsitan per iniustum tradita Sacramenti gratia minus firma videatur: nam & Baptisma ... inviolabile Sacramentum, quod per illum datum est, aliis perfectionem suae virtutis obtinuit; ei autem obsuit ... quia virtutem suam obtinentibus mysteriis, in hoc quoque aliis rea sibi persona non nocuit: Baptisma prorsus aliis Sacramentis equiparat ab Haereticis, & criminosis collatis; quando S. Innocentius I. Epist. 18., & Urbanus II. Epist. 17. Haereticis, aliisque extra Ecclesias degentibus solum Baptisma ratum esse permitti tradiderunt. Dicit Anastasius, in ordinationibus ab Acacio Haereticorum fautore, communione privato, & exauctorato factis gratiam datam fuisse, & perfectionem virtutis Sacramenti; sibi quidem duntaxat nocuisse, non autem aliis: quod & idem Innocentius Cap. viii. n. 9. exscriptus inficiatur aperte; uti & Urbanus II. ibidem adductus n. 29. docens Schismaticorum, & Haereticorum Sacramenta formam quidem Sacramentorum, non autem virtutis effectum habere, & non solum sibi, sed & aliis nocere: quin quod & S. Augustinus lib. 5. de Baptismo cap. 21. ait: *proinde consentimus Cypriano Haereticos remissionem dare non posse, baptismum autem dare posse; quod quidem illis & dantibus, & accipientibus valeat ad perniciem tanquam munere Dei male utentibus.* Postea universae Ecclesiae dogma semper extitit per Haereticos,*

cos, aliosque similes *gratiam* non conferri in sacris praesertim ordinationibus; ideoque ab illis ordinati aut deponuntur; aut per manus impositionem, qua *gratia* a Deo imploratur, in ordinibus instaurantur. Aut igitur *Anastasius* privata in Epistola lapsus est; aut *aeconomiae* causa eo disposuit modo, quo Cap. VI. n. 15. & 16. differuimus. Mihi sane pluris semper erit prae caeteris *Urbanus II.*, qui duodecim annos Pontificatum gessit; & doctrina, vitaeque sanctimonia inclaruit; quam *Anastasius* ille, qui nec biennium rexit; & dubia fama ex hac vita migravit.

XXIV. Nec me fugit, Vasquez in 3. par. S. Tho. 10. 3. disp. 235. cap. 2. ad illa Anastasii verba: *quo forsitan per iniquum tradita Sacramenti gratia minus firma videatur*: asserere, intelligendum eum locutum vel de *gratia potestatis*, & *characteris*, quae semper ab Haereticis per Sacramenta communicatur; vel de *gratia sanctitatis*, & *justificationis*: si de ista hac; in illis solum id esse verum; qui ab Acacio, aliisque haereticis *bona fide* ordinati, & baptizati fuissent: nam si errori ipsius, inquit, scienter communicassent, *gratiam* huiusmodi per Sacramenta accipere non possent. Verum de utraque agere Anastasium liquet: & primum de prima, ex eo quod ipse utitur argumentis S. Augustini contra Donatistas extra Ecclesiam vera, rataque Sacramenta non esse, neque jus dandi illa contententes, inquitque: *aliquorum in tantum se extendit curiosa suspicio, ut imaginentur, prolato a Papa Felice iudicio, postea inefficaciter in Sacramentis, quae Acacius usurpavit, egisse; ac perinde eos metuere, qui vel in consecrationibus, vel in baptismo ministeria tradita susceperunt, ne irrita beneficia Divina videantur*: existimabant igitur, damnatum jam, & exauctoratum a Felice PP. *Acacium* omnem administrandorum Sacramentorum jus, & *potestatem* exuisse; ideoque tradita ab eo Sacramenta irrita fuisse, atque invalida: quod etsi verum erat in sacris ordinationibus, non tamen in Baptismo. Quum autem Anastasius ait: *inviolabile Sacramentum aliis perfectionem suae virtutis obtinuit &c.* quis non intelligit, loqui eum de *gratia sanctitatis*; sine qua Sacramenta dicuntur *informia*, & mortua etiam ex Aug. Serm. xi. de verbis Domini, & nullam habere virtutem? & quidem de *gratia* quibuscunque obtenta, non autem tantum *bona fide* ordinatis, & baptizatis: quis enim nesciret *Acacium* fuisse damnatum, & dignitate privatum?   
prae-

praefertim cum Anastasius ipse discrimen istud non interposuerit; quaestioque de promotis ab Acacio generatim fuerit, non speciatim facta. Quare, ut ut censuerint Romani correctores Gratiani; Gratianus me quidem iudice in hac re de *Anastasio* omnium optime iudicavit, ac scripsit; & si memorati Correctores Epistolam *Symmachi Papae*, quam meniini, perpenderent, aut aspexissent; talem fortassis censuram non edidissent.

XXV. Denique quod obijciunt; non magis per depositionem, ac exauكتورationem amitti *ordinationis* characterem, vel characteris imprimendi facultatem, quam *baptismatis*: character autem baptismatis, hujusque imprimendi facultas in depositis, & exauكتورatis manet: ergo & character ordinationis, ejusque imprimendi facultas: nullo negotio refellitur. Nam cum etiam in non baptizatis extet *baptizandi* facultas; velim mihi dicant, cur in non ordinatis non extet *ordinandi* potestas? Aliud est igitur Sacramentum necessitatis; aliud vero dignitatis: data enim quacunque necessitate quilibet etiam *licite* baptizare valet; sed exauكتورatus, & *degradatus* nunquam *licite* ordinare poterit. Deinde alia ratio est de *charactere*, alia vero de *potestate*: characterem omnem sive baptismatis, sive ordinationis fatemur immobilem esse, atque indelebilem; sed *potestatem* ordinis jam pluribus ostensum est in *depositione* ordinatorum, ac *degradatione* omnino tolli, & amitti; idque etiam iis, quae dicenda restant Cap. XI., demonstrabitur in quibusdam ordinatis auferri non solum *ordinandi* potestatem, verum etiam potestatem *baptizandi*; non quidem quae extraordinaria vocatur, sed quae ordinaria, sive ordinata solet appellari.

### §. 8. De suspensis.

XXVI. **Q**UI depositis, & *degradatis* Antistitibus ordinandi *potestatem* adjudicant; quanto magis id facient iis, qui *suspensi*, interdictique tantum agnoscuntur: & tamen ad c. *Quod quidam* 1. q. 1. legimus: *suspensio enim, vel deposito Sacerdote nulla ei relinquitur potestas sacrificandi*: Praeterea si *suspensa jurisdictionis* potestate nihil fit; & nihil est, quod quis per eam attentat potestatem; cur *suspensa ordinis* potestate non erit nihil, quod aliquis per eam tentaverit agere *potestatem*? inquit enim



enim Jo: Scotus in 4. d. 24. art. 2. *quaecunque enim jurisdictio in Ecclesia vel per superiorem suspendi potest ita, quod si tempore suspensionis, attente quis aliquid facere, nihil facit: vel totaliter pro omni tempore tolli.* Certe Zosimus Papa Epist. II. ad Patroclum Arelaten. Episcopum de Proculo Massiliensi Antistite data, quam superius n. 9. adduxi, scripsit de illo ferri; quosdam idoneos turbationibus homines, & post illa, quae illi interdiximus, ordinasse. Sed sciant, quibus hanc Epistolam volumus in notitiam pervenire, suscipi nullatenus posse; quia aut contra regulas repente, aut postquam interdiximus, illi sunt ordinati. Et quidem tam aufertur, quod perpetuo; quam quod ad tempus aufertur: at ille, cui perpetuo abrogatur potestas, nihil potest: ergo & nihil poterit is, cui eadem potestas abrogatur ad tempus: & si quod servus contra interdictum Domini facit, nihil valet; quanto magis contra interdictum Ecclesiae non valebit, quod inferior Antistes agere voluerit.

XXVII. Turbare posset id, quod alias laudatus Gpilielmus Parisiensis de Sacramento Ordinis prodidit cap. 7. de hac re dicens: *quia ergo suspensio, vel excommunicatio non aufert officium, nec ab illo amovet, sed ejus executionem inibet ad tempus; nec tollit ratificationem postea ipsius Ecclesiae; ideo nec falsos efficit Procuratores hujusmodi; nec evacuat ministerium ipsorum.* Sed primum hic Autor agnovit, differitque de sola suspensione ad tempus; cum tamen de iure & suspensio perpetua; inquit enim Canon 2. Antiochenus: *si quis Presbyter, . . . relicta sua Parochia in aliam obierit . . . ne amplius celebret. . . si autem in insolentia omnino perseveraverit, is omnino a sacro ministerio deponatur: & Chronicon Mautiniacense ad ann. 1139. de Actis Concilii Lateranen. II. refert Innocentium II. ibi pronunciasse: Quicumque per Girardum Engolismensem (Episcopum Schismaticum) ad Altaris officium accesserint: Apostolica auctoritate interdicimus, ne ipsum impleant; & in illo Ordinis gradu peremittere demorantes ad superiorem non ascendant.* Deinde cum ait Gpilielmus suspensionem non auferre officium, intelligi debet titulo tantus; relinquitur enim suspensis titulus honoris, officii, dignitatis, seu ordinis; suntque in Clero, & Clericorum privilegio fruuntur, sed potestate ordinis destituuntur: ut elucet de Meletio Lycopolitano Episcopo, de quo dixi supra n. 6., exempla quoque plura habentur ex Conciliis

ciliis Ancyrano can. 1. & 2., Neocaesariensis can. 9., Agathensis can. 1. & 43., Caesaraugustano II. can. 1., & Trullano can. 3. & 26., quae quibusdam honorem sedis, & Cleri permiserunt; *potestatem* agendi denegarunt.

§. 9. *De his, qui dignitate se abdicant.*

XXVIII. **E**orum, qui dignitatem *Ordinis*, & Ecclesiasticam deponunt sponte sua; alii Christi fidem abnegantes extra Ecclesiam diffugiunt, & ad hostes Christianorum accedunt; alii vero quadam de causa dignitati nuntium remittentes intra Ecclesiam consistunt, & nihil de fide dimittunt: primi dicuntur *Apostatae*, de quibus perspicue, & vere Gulielmus Parisiensis proxime memoratus inquit: *nec Sacerdotes Ecclesiae Catholicae... se gerentes... nihil agunt ex parte Ecclesiae Catholicae, cujus neque nuncios, neque Ministros se gerunt*: ii enim cum prorsus Christianam Religionem abjiciant; igitur & hujus Religionis potestatem omnem, ideoque & ordines sacros, eorumque ministrandorum facultatem abjiciant oportet: & si *Haereticos* nullam ostendimus retinere ordinum conferendorum potestatem in Ecclesia; quanto magis *Apostatas*. Alii vero, qui quietis ergo, vel alia ex causa dignitatem dimittunt, & intra Ecclesiam degunt, aut locum tantum relinquunt, aut locum simul, & dignitatem; uti distinguendum esse docuit Alexander III. c. *Requisivit* de ordinatis ab Episcopo, qui renunciavit Episcopatu, Toletano Archiepiscopo rescribens: *utrum renunciaverit loco tantum; an loco simul, & dignitati: sane si ab eodem (qui renunciavit loco simul, ac dignitati) sacros ordines scienter quis receperit; quia indignum se fecit, executionem officii non habebit*: nam de eo, qui locum tantummodo dimisit, dubium non est, quin *potestatem* ordinandi retineat; cum *dignitatem* ordinis sibi reservaverit: sed dignitate abdicata, consequitur, ut nulla sit *potestas*, quae necessario cum dignitate aut conjuncta est, aut eadem prorsus.

XXIX. Etiam Innocentius III. c. *Inter corporalia* de translatione Episcopi scribit: *Cum quis Episcopali praeditus dignitate nullus tamen Ecclesiae possit esse Episcopus; quemadmodum de illo contingit, qui oneri Pontificali renunciat, non honori; & c. Post translationem de Renunciat. praesertim si locum tantum, & non ordinem*

*nem resignavit . . . si veritate submittitur, quod dictus I. loco tantummodo cesserit memorato, & non ordini, vel etiam dignitati: ubi licet advertere, locum sumi pro onere; & dignitatem pro honore, & ordine. Quare falsa est Glossa eo loco, dum habet: ordini, idest ordinis executioni. Sed quid si renunciasset ordini? adhuc potest reassumi de licentia Papae. Nunquid reconsecrabitur? non; quia characterem retinuit 1. q. 1. Quod quidam; quo loco illud Augustini refertur: nulla ostenditur causa, cur ille, qui baptismum amittere non potest, jus dandi amittere possit: de Ordinis potestate differentis: quoniam si locus sumitur pro onere, & onus est ordinis executio: igitur cum Pontifex ait; I. loco tantummodo cessisse, & non ordini; nequit ordo interpretari pro ordinis executione; sed pro dignitate, ac potestate ordinis. Inde namque recte sequitur altera illa inquisitio: sed quid si renunciasset ordini? idest potestati: recteque respondet; non iterum consecrandum fuisse ob characterem retentum; quo probe convenit cum illis Juris, Canonumque peritis Cap. il. n. 40. & 41. relatis.*


XXX. Opponent sane, Alexandrum loco commemorato suspensionem tantum irrogare suscipienti scienter, non autem depositionem; dum executionem officii non habiturum edixit: cum suscipiente vero non scienter posse Pontificem dispensare judicavit: ideoque videri eum pro rite, ac vere ordinato ipsum habuisse; consecratori autem ordinis potestatem attribuisse. Sed quantum ad ordinatum inscienter, error communis cum titulo, ut non semel edocui, jus, potestatemque dare conceditur; quantum autem ad ordinatum scienter, liquet ibi Pontificem quodammodo dubitanter loqui, quum ait: *distinguendum putamus in secundo casu: postquam distinxerat: utrum renunciaveris loco tantum; an loco simul, & dignitati.* Deinde quaerendum etiam esset; cur executionem officii non abstulit iis, qui minores Ordines suscepissent; sed iis dumtaxat, qui majores? quia, inquit, minores Ordines vel a Presbyteris conferri posse dicuntur; non item majores: porro ille, qui *Episcopatus* officium dimisit, illud Presbyteri dimisisse non constat. Utique; sed illud tamen constat, Gelasium I. Epist. 9. n. 6. de Presbyteris scripsisse: *nec sibi meminerint ulla ratione concedi, sine summo Pontifice Subdiaconum, aut Acolythum jus habere faciendi:* igitur ille Presbyter, qui hos Ordines minores, sine Pontificis permisso dedisset; *illicite* non minus,

nus, ac majores contulisset; ideoque pari poena multandus fuisset. De qua re tamen malim viderint alii, atque disquirant.

XXXI. Similiter Papa *Sylvester II.* anno 999. Odiloni Abbati de ordinibus Ecclesiasticis ab *Episcopo*, qui dignitate abdicata factus fuerat Monachus, consulenti respondit: *postquam Divino amore ductus bonoribus, & officiis renuntiavit secularibus, non sibi licuit eadem exercere negotia, quae prius fecerat in communi vita: tamen quia quod fecit, obedienter, & simpliciter coepiscoporum licentia, & sui Abbatis exercuit; Pontifex indulgit, ut ordinati benedicti sint, & proprio fungantur gradu nostra licentia, & benedictione. . . & ipse jam dictus Episcopus posthac similia non praesumat: ut apud Mabillonium est lib. 51. Annal. Benedict. n. 104., qui & lib. 53. n. 67. refert Epistolam Benedicti VIII. Pape Willelmo S. Benigni Divionen. Abbati datam, qua Benigno Episcopo illius Monasterii iam facto Monacho tribuit potestatem ordinandi quicquid iuste postulatus fuerit in Sancta Ecclesia ordinare, verumtamen jubente Abbate: igitur si Pontifex potestatem tribuit Episcopo, qui dignitatem abdicaverat; illam Episcopus non retinuerat, habebatque. Certum enim est, eum, qui Regno nuncium remittit, regnandi quoque potestatem dimittere; & si abdicato Regno, quicquam attentaverit, egeritque ad regimen illius spectans; irritum, invalidum, ac nullius valoris judicabitur. Praeterea aequè spoliatus asseritur, & est, tam qui se ipse spoliatur, quam qui iuste spoliatur ab alio: at, ut ostensum est, qui deponitur, & exauctoratur jure ab Ecclesia, nullam ordinandi potestatem retinet; igitur & qui se ipse deponit, & exauctoratur. Haecenus de sacris pravorum ordinationibus; nunc aliis argumentis adversariorum occurrendum est.*

## C A P U T XI.

*Argumenta ex SS. Patribus, & Conciliis ducta diluuntur.*

- I.  Bijiunt 1. In Romano Concilio, vel judicio anno 313. *Donatistas Schismaticos* a Melchiade Papa, aliisque Episcopis condemnatos quidem fuisse, sed tamen pro Episcopis habitos, ac receptos teste S. Augustino Epist. 43. al. 162. n. 16., nec non Epist. 50. al. 161., & Epist.

& Epist. 185. al. 47. cum Optato Milevitano lib. 1. contra Parmen. igitur ratae sunt Schismaticorum ordinationes.

Respondetur primum Donatistas illos ante Schisma jam a Catholicis Episcopis ordinatos fuisse; propterea cum ad Ecclesiam sunt regressi, nova non egerunt ordinatione. Deinde falsum est, id temporis Donatistas extitisse *Schismaticos*, & ab Ecclesia disjunctos; cum solum tumultuantes essent, & cum Caeciliano, ejusque sociis dissidentes; ideoque nondum exauctorati, ac dignitate spoliati erant: nam S. Augustinus lib. 1. contra Parmen. cap. 11. nos docet, eos tum *se a Catholica praecidisse*, cum coram Constantino Imp. tertium victi sunt anno 316., quo tempore *Schismatici* vere dici caeperunt Donatiani. Et sane idem Augustinus eadem Epist. 43. al. 162. scribit: *ubi septuaginta Episcopi, sicut de Felice Aptungitano constitit, absentes, & innocentes Collegas tam insana temeritate damnaverunt: subde Caecilianum, & Felicem in Carthagin. Concilio anno 311., & paulo post: B. Melchiadis ultima est prolata sententia, quam innocens... qua neque Collegas, in quibus nihil constiterat, de Collegio suo ausus est removere; & Donato solo... culpato &c., & iterum Caecilianus relicta Ecclesia intret in privatam domum non Collegarum discutiendus examine, sed factionis cuneo, & odiis muliebribus trucidandus?.. neque enim de Presbyteris, aut Diaconis... sed de Collegis agebatur, qui possent aliorum Collegarum judicio praesertim Apostolicarum Ecclesiarum causam suam integram reservare: si autem Donatistae erant Caeciliani, Felicis, Melchiadis, & aliorum Catholicorum Episcoporum Collegae; igitur nondum extra Ecclesiam erant, nec Schismatici; sed potius Parasynagogae. Hinc anno 316. Constantinus Imp. ad Africam duos legavit Episcopos: Eunomium, & Olympium: venerunt, & apud Carthaginem fuerunt per dies quadraginta; ut pronunciarent, ubi esset Catholica:* inquit Optatus lib. 1., si palam fuisset, Donatistas vere Schismaticos fuisse, non adeo de Catholica inquirendum erat. At, inquit, Augustinus Epist. 185. n. 7. ait, iudices Romanos damnato uno Donato Schismatis Autore, caeteros correctos, etiam si extra Ecclesiam ordinati essent, in suis ordinibus suscipiendos esse. Verum aut ille loquitur in hypothese; aut late sumit extra Ecclesiam esse.

II. Obijciunt 2. Canonem 8. Concilii Nicaeni I., qui de Ca-

tharis, seu *Novatianis* Clericis anno 325. statuit: *si aliquando venerint ad Catholicam Ecclesiam, placuit, ut impositionem manus accipientes sic in Clero permaneant*: quique tametli clarus, & apertus videatur; non parum tamen difficultatis habet, ex eo quod alii vocem a Concilio usurpatam χειροθετησις ordinationem, alii vero manus impositionem transtulerunt: & cum ordinatio sacra fiat per manus impositionem, ideoque manus impositionis vocabulo veniat interdum ordinatio, hinc orta est dubitatio; an vox illa χειροθετησις, quae Latinis est *manibus positis*, vel impositis, ut vertit Gentianus Hervetus; sit accipienda pro ordinatione, an vero pro reconciliatione: siquidem in Ecclesia *manus impositio* latius evagatur, quam *ordinatio*. Sane vetustissimi interpretes, & prope tempora Nicenae Synodi scribentes *ordinationem* dixerunt Rufinus Hist. lib. 10. cap. 6., Theophilus Alexandr. Episcopus Epist. ad Ammonem, Theilo, & Tharistus CP. in versione Canonum Nicaenorum anno 419. Carthagin. vi. Concilio exhibita; quos secuti sunt Martinus Bracarensis in sua Canonum Collectione, Isidorus Mercator, Gratianus c. *si qui* 1. q. 1., Joseph Egyptius in Arabica paraphrasi, Longolius in versione vii. Synodi, & Balforeus in translatione Historiae Concilii Nicaeni Gelasii Ciziceni. Et plane *Theophili* autoritas tanti fuit apud Ivenin in Comment. de Sacramentis, ut eum de *Laicis Catharorum*, non de *Clericis* locutum affirmaverit, magis ut difficultatem evitaret, quam ut veritati studeret: cum Theophilus de illis sermocinetur Catharis, de quibus agit Canon 8. Nicaenus; hic autem aperte de Catharorum *Clericis* decrevit.

III. Porro & Theophilus, & Rufinus, & Theilo, Tharistusque ea vixerunt aetate, qua adhuc plures extabant, qui Nicæno Concilio interfuerunt; & ex quibus ipsi facile poterant memorati Canonis explicationem rescire; nec non & morem advertere Ecclesiarum tum Graecae, tum Latinae recipiendorum *Catharorum*, qui id temporis ad Catholicam Ecclesiam convertebantur. Ad haec accedit id, quod dictum est Cap. V. n. 2. & 3., *Novatianum* Catharorum patrem nullum fuisse Episcopum; ideoque & nullas ordinationes ab eo factas; & nullum verum in ejus secta ordinem extitisse; nisi aliquis ex Catholicis Episcopis ad eam transfugerit: Quapropter proclive foret credere, & eos, qui Canonis verbum *manus impositionem* transtulerunt, nihil aliud intel-

intellexisse, quam *ordinationem* sacram. Nihilominus tamen cum videam Nicaenos Patres semper, cum de *ordinatione* verba faciunt, vocem *χειροτονίαν* adhibere, uti can. 4. 8. 15. 16. & 19., probabile sit etiam, ac verisimile, ut hoc loco Canonis 8., dum *χειροθεσίαν* dicunt, non *ordinationem*, sed manus impositionem reconciliationis ergo significare voluerint: alioquin uti potuissent eo vocabulo *χειροτονίαν*, quo can. 19. de *Paulianis* discentes ipsi sunt usi. Quod si ita factum est:

IV. Respondeo ad id, quod obiectum fuit, *Novatianos* meos fuisse *Schismaticos*; ut autem antiquorum plurimi teste Magno Basilio *Baptisma* Haereticorum nullum esse dictabant, illud vero Schismaticorum admittebant; ita Schismaticorum *ordinationes* approbabant, minime vero illas Haereticorum: hinc est, veterem *Constitutionum* Apostolicarum, & *Canonum* Apostolorum Autorem Graecum *Haereticorum* tantum ordinationes improbare, non illas *Schismaticorum*. Et quidem Constantinus M. anno 326 legem 2. Cod. Theodof. de Haereticis tulit, qua *Novatianis* solis suas reliquit Ecclesias, & coemeteria rationem reddens: *Novatianos non comperimus praedamnatos; ut iis, quae petiverunt, minime largienda crederemus*: non praedamnatos dixit, id est non adeo, multumque prae caeteris damnatos; ut & can. 13. Concilii Carthagin. sub Grato anno 348. habetur: *quod in Laicis reprehenditur; id multo magis in Clericis oportet praedamari*. Nam & Nicephorus Callisti lib. 9. cap. 42. narrat ad ann. 359., cum adhuc Macedonius Constantinopolitanum Episcopatum usurparet; *Novatianos* ob vocem *ἑσώστους* cum Catholicis probe convenisse, inquit: *pacem namque inter se agebant; conveniebant, orationesque, & alia communicabant; nullo ab Arianis, qui Ecclesias omnes occupaverant, Catholicis relicto Templo. Ita consuetudinis assiduitate, & rerum adversarum aequanimitate, frustra illi esse, si inter se diffiderent, existimantes ad mutuaam communionem erant propensi. Et perfecta res fuisset, nisi multitudinis alacritatem parva quaedam invidia intercedens impedivisset: multis morem vetustum retinendum, atque communionem imperfectam averсандam esse dicentibus*. Et Socrates lib. 7. cap. 9. scribit: *Anastasium deinde excepit Innocentius (Papa) qui quidem primus Novatianos Romae degentes persequi coepit; multasque eis Ecclesias ademitt*: cap. vero 11. etenim ad id usque temporis Novatia-

ni Romae plurimum floruerant; cum multas ibi Ecclesias posside-  
rent; & maximam populi multitudinem in eis colligerent. Theo-  
dosius item junior Imp. l. 65. de Haereticis Cod. Theodof. omni-  
bus Haereticis severe multatis adjecit: *quoniam non omnes ea-  
dem austeritate plectendi sunt . . . Novatianis autem, & Sabbatia-  
nis omnis innovationis adimatur licentia, si quam tentaverint: e-  
rant autem Sabbatiani Novatianorum germen, quibus cum mi-  
tissime, ut liquet, actum fuit, idque anno 428. Quocirca & S.  
Petrus Damiani Ospusc. 6. cap. 22. de ipsis Novatianis, quos lar-  
ge haereticos appellat ex Epist. 22. Innocentii I. ait: *si ergo &  
ibi, qui jam ab his sunt haereticis ordinati, nequaquam suo sunt  
honore privandi ob id scilicet, quia eorum consecrationes in fide  
non titubant . . . At contra Ariani &c.* Cum itaque Schismatici Ec-  
clesiae membra censeantur; igitur & Ecclesiae Ministri tolerari  
possunt.*

V. Obijciunt 3., S. Athanasium non solum docuisse *Haereti-  
cos* cum suis ordinibus ab Ecclesia recipi posse; sed etiam *Syno-  
dum* ob eam causam anno 362. *Alexandriae* celebrasse, in qua  
id erga Arianos Praefules, solis haereses Ducibus exceptis, fir-  
mandum curavit; cui decreto postmodum omnes Catholici Ro-  
mano etiam Pontifice Liberio probante, obsecuti sunt, solo Lu-  
cifero Calaritano Episcopo cum paucis repugnante; ut ex ipsius  
Athanasii ad Rufinianum Epistola, aliisque manifeste constat:  
ergo ordinationes *Haereticorum* ratae sunt habitae semper ab  
Ecclesia.

Respondetur, primum ibi de *ordinatis* recipiendis agi, non de  
eorum *ordinationibus*: deinde falsum est illos, qui recepti sunt,  
fuisse haereticos, & Arianos; de qua re legenda est ipsa S. Atha-  
nasii Epistola, & S. Hieronymus in Dial. con. Lucifer; S. igitur  
Athanasius ita ad Rufinianum scribit: *Interrogasti de iis, qui vi-  
quidem tracti sunt, at infidelitate minime corrupti: & voluisti me  
ea scribere, quae de ipsis in Synodis, & ubique visa sunt . . . &  
placuit hoc, quod hic, & ubique; ut lapsis, qui impietatis duces  
fuerunt, venia quidem detur poenitentibus, ac resipiscantibus; lo-  
cus autem Cleri non detur: eos autem, qui impietatis autores non  
fuerunt; sed vi, & necessitate tracti sunt, visum est consequi ve-  
niam; habere autem etiam locum in Clero: maxime quia proba-  
bilem defensionem attulerunt; & visum est hoc dispensatione qua-*  
*dam*



dam factum esse: affirmant enim; se non fuisse ad impietatem traductos, sed ne quidam a pietate longe alienissimi Ecclesias corrumpere; maluisse vi cedere, & onus ferre, quam populos perire... qui ergo poenitentiam agunt, aperte, ac nominatum anathematizent Eudoxii, & Euzoi improbam fidem: isti enim Christum blasphemantes eum creaturam esse dixerunt, & Arianæ sectæ Duces fuerunt. S. vero Hieronymus in Dialogo adversus Lucifer. inquit: in Alexandrina postea Synodo constitutum est; ut exceptis Autoribus haereseos, quos error excusare non poterat; poenitentes Ecclesiae sociarentur: non quod Episcopi possint esse, qui haeretici fuerant; sed quod constaret, eos, qui reciperentur, haereticos non fuisse. Non igitur ibi actum est de haereticis Arianis, sed de lapsis in simulationem Arianorum apud Ariminum anno 359., ubi etiam si in haerelim Arianam illi cecidissent, non propterea cum reciperentur ab Ecclesia, debuissent iterum ordinari; eo quod in Ecclesia jam, & a Catholicis ordinati fuissent ante lapsum, per quem potestas, non character labefactatur.

VI. Obijciunt 4., Concilium Toletanum I. anno 400. congregatum Symphosium, Dictinium, & Anterium Episcopos ejurata Priscillianii haeresei, quam profitebantur, in sedes suas recepisse ex Actis Concilii; idque non improbasse Innocentium I. Epist. 23. ad Episcopos Synodi Toletanae: ergo Haereticorum ordinationes, cum probentur ab Ecclesia, ratae sint oportet.

Respondetur Concilium decrevisse recipiendos quidem illos in Episcopatum, sed non illorum ordinationes: quis enim ignorat, Priscillianistas, & Manichaeos inter se mutuo ita foedere connexos, ut solis fuerint nominibus discreti teste S. Augustino haer. 70., & Leone Magno Epistola 93. ad Turibium Episcopum. Porro Manichaei Christianorum Baptisma execrabantur ex eodem Augustino haer. 46., qui & haer. 86. negat Machinaeos solere baptizare suos. Item Machinaeum, sive Manetem constat neque ex Christianis fuisse, neque Christianis unquam adhaesisse, sed Christi Simiam agere tentasse: se Paracletum, se Apostolum iustitiae duodecim constituisse discipulos, quos & Magistros nominare solebant; ut alia deliria mittant. Cum igitur nullae fuerint apud ipsos Ecclesiasticae ordinationes utpote ab illis, qui nullam ordinandi potestatem haberent, celebratae; aut illi Episcopi a Toletano Concilio I. suscepti, ante quam haeresi insicerentur,

ordinati fuerant in Ecclesia a Catholico Antistite; uti de Sympholio videtur; aut iterata ordinatione sunt suscepti.

§. Ex S. Augustino.

VII. **O**bjiciunt 5., S. Augustinus lib. 2. contra Parmen. cap. 13. de Donatistis perhibet: *si quando ex ipsa parte venientes etiam Praepositi pro bono pacis correcto Schismatis errore suscepti sunt; & si visum est opus esse, ut eadem officia gererent, quae gerebant; non sunt rursus ordinati: sed sicut Baptismus in eis, ita ordinatio mansit integra ... & cum expedire hoc judicatur Ecclesiae, ut ... bonores suos non administrent; non eis tamen ordinationis Sacramenta detrahuntur; sed manent super eos: idque factum a principio Schismatis usque ad sua tempora testatur ipsemet lib. de gestis coram Emerito; ubi commemorat Catholicorum ad Marcellinum Epistolam, quae & lecta fuit anno 411. in magna Carthagin. Collatione l. n. 16., & qua Catholici pro bono pacis proposuerunt, ut sicubi duo essent Episcopi alter Catholicus, & alter Donatista, is ad unitatem Ecclesiae reversus uti focius in eadem sede manere sineretur sicuti peregrino Episcopo juxta confidente Collega; nec novum aliquid fiet: Nam hoc ab hujus separationis exordio in eis, qui damnato nefariae discissionis errore, unitatis dulcedinem vel sero sapuerunt, Catholica dilectio custodivit. Et quamquam id explicari potest de iis, qui in Ecclesia fuerant ordinati, indeque ad Schisma prolapsi; ut idem Augustinus habet lib. 1. de Baptismo cap. 1. sicut redeuntes, qui prius quam recederent, baptizati sunt, non baptizantur: ita redeuntes, qui priusquam recederent, ordinati sunt, non utique rursus ordinantur; sed aut administrant, quae administrabant; si hoc Ecclesiae utilitas postulat; aut si non administrant, Sacramentum ordinationis suae tamen gerunt: & ut exponit Gratianus ad c. Quod quidam l. q. 1., vel ut alii apud Magistrum Senten. 4. d. 25. de Haereticis occultis, & nondum ab Ecclesia damnatis: nihilo secius tamen quia alibi clare, & manifeste tradit Sacramenta a Donatistis etiam extra Ecclesiam constitutis ministrata esse vera, & ab Ecclesia recepti, & admitti: idcirco responderetur, Donatistas simillimos fuisse Novatianensibus teste S. Epiphanio haer. 70., ideoque de illis idipsum erit dicendum,*

dum, quod n. 4. de istis dixi; id unum ab Ecclesia permiffum fuisse & istis, & illis, aliisque *Schismaticis*, qui merum, simplexque Schisma sint fequuti, oeconomiae cauffa, quo nimirum eos ad unitatem Ecclefiae facilius alliceret; ut nec penitus damna- ret praeterquam Schismatis autores; nec anathemati subjiceret; nec dignitate, aut potestate nudaret: praefertim eo magis etiam quod meri *Schismatici* ad *Ecclefiam* pertinere dicantur, & ad fi- delium coetum; etfi non ad fidelium, five *Sanctorum communio- nem*: ideoque cum perffent effe *Miniftri* Ecclefiae; rite, ac va- lide ordinare, & Sacramenta Ecclefiae miniftrare cenferi poffunt; quamvis non licite id praeflare nofcantur. Et licet Au- guftinus plerumque Donatiftas *Haereticorum* nomine folet no- tare; id nominis late fumi, ac minus proprie pro *Schismate* invero, quam haerefim appellare confuevit: cum Epift. 93. al. 48. ad Vincentium Rogat. de illis dicat: *nobifcum autem eftis in baptifmo, in Symbolo, in caeteris Dominicis Sacramentis*: quod fi in Symbolo; ergo in fide, quae eft Catholicae Ecclefiae fun- damentum. Et cum eos *extra Ecclefiam* effe confcribit; notum eft, quam multifarie dicatur Ecclefia; videlicet extra commu- nionem, non extra congregationem fidelium intellexiffe eum di- cendum eft: fic & cum dixit: *extra Catholicam Ecclefiam non eft locus veri facrificii* ex c. *Extra* 1. q. 1. Non inde tamen, quia de *Schismaticis* blande ftatuit Ecclefia, ita de *Haereticis* etiam, aliif- que *criminofis* ftatuiffe credendum eft, ac judicandum.

VIII. Objiunt 6. etiam S. Auguftinum loco proxime in- dicato, ubi ait: *nulla oftenditur cauffa, cur ille, qui ipfum ba- ptifmum amittere non poteft, jus dandi amittere poffit: utrumque enim Sacramentum eft, & quafdam confecratione utrumque homi- ni datur; illud, cum baptizatur; iftud cum ordinatur: ideoque in Catholica utrumque iterari non licet... ficut autem habent in ba- ptifmo, quod per eos dari poffit; fic in ordinatione jus dandi... Ipsi explicent, quomodo Sacramentum baptizati non poffit amitti, & Sa- cramentum ordinati poffit amitti: quoniam dicunt: recedens ab Ec- clefia baptifmum non amittit, jus dandi tamen amittit. Si enim u- trumque Sacramentum eft, quod nemo dubitat; cur illud non amit- titur, & illud amittitur? neutri Sacramento iniuria facienda eft: ergo fi jus ordinandi non amittitur ab his, qui recedunt ab Ec- clefia, teftes S. Auguftino; ordinationes nedum *Schismaticorum*, fed*

sed etiam Haereticorum, & Apostatarum ratae, & validae dici debent.

Respondetur primum, ibi Augustinum loqui de *characteribus* Baptismi, & ordinationis; ut monuit & Jo: Scotus in 4. d. 6. q. 9. §. ad Quaestionem, & Autor Glossae in c. *Post translationem* tit. de Renunciat. illis verbis: *sed quid si renuntiasset ordini* (Episcopus?) *adhuc potest reassumi de licentia Papae. Numquid reconfecrabitur?* Non; quia *characterem* retinuit 1. q. *Quod quidam*: quo loco afferuntur illa Augustini verba: *nulla ostenditur causa, cur ille &c.*, si quidem *signa cum ad res divinas pertinent, Sacramenta appellantur*: inquit idem Augustinus Epit. 138. al. 5. ad Marcelinum: sive *character* internus, & indelebilis intelligatur, sive externus, & actio ea, qua Sacramenta Baptismi, & Ordinis conferuntur, *baptizatio* nimirum, & *ordinatio*, quae proprie Sacramenta sunt, & appellantur; cum in confesso sit, neque *characterem* internum deleri posse; neque externum, sive actionem Sacramentalem amitti; non quod actio, non transeat; sed permanet, quod per ipsam factum est; nequitque, quod semel factum est, fieri, quin factum fuerit. Deinde S. Augustinus *Donatistas* urget, & refellit per inversionem, seu, ut ajunt, ad *hominem*; cum subdat: *cur Felicianus, quem cum Maximimiano trecentidecem damnaverunt; qui & diu foris in sacrilegio, sicut ipsi in Concilio suo pronuntiaverunt, Schismaticus fuit; non solum ipsum baptismum, sed etiam jus dandi baptismi non amisit? in honore quippe suo, sicut exierat, ita receptus est cum his omnibus, quos ipse foris positis baptizavit, nullo eorum rebaptizato: erat enim Felicianus Donatistarum Episcopus Multitanus in Numidia.*

IX. Quod autem *jus dandi Baptismi* in ordinatis non amittatur, ut ait Augustinus, evenit ex eo quod *ordinatis* multiplex jus inest baptizandi; *ordinarium ordinate*, seu ex dignitate, quod est Episcoporum in primis, & Presbyterorum; *ordinarium inordinate*, seu ex institutione, quod omnibus Christianis concessum est; & *extraordinarium*, quod etiam Infidelibus, Apostatis, omnibusque extra Ecclesiam militantibus permittitur. Fidelibus enim quibuscunque *Christianis* saltem maribus datam fuisse a Christo baptizandi potestatem, lucet ex Joannis 3. & 4. cap., ubi legimus, Christi *discipulos* baptizasse, cum adhuc Jo: Baptista inter vivos esset, baptizaretque; ideoque cum adhuc *Laici* essent; si-

qui-

quidem *Sacerdotes* non sunt illi constituti, ordinatique nisi in Coena, & pridie quam Christus pateretur; & ante etiam institutionem 12. *Apostolorum*, & 72. *Discipulorum* ex 6. & 10. cap. Lucae. Quo facto nihilominus ordo exegit, ut prior, potiusque hic, quam ille baptizet, habita personae, ac dignitatis ratione, scilicet ut Clericus potius, quam Laicus; e Clero Presbyter Episcopo, Diaconus Presbytero, alique inferiores Ordines superioribus loco cedant; e Laicis vero mas praestet foeminae; & caeteri quique juxta propriam uniuscujusque dignitatem: postmodum ob magnam Sacramenti necessitatem visum est Ecclesiae, etiam *Infidelibus*, iisque omnibus, qui extra Ecclesiam degunt, jus baptizandi permittere. Quapropter amisso baptizandi jure ordinario ordinate, remanet adhuc jus ordinarium inordinate, vel absolute; ut in exauctoratis, & poenitentiae addictis Antistitibus: quemadmodum amisso quoque hoc altero, restat semper jus extraordinarium, ac delegatum; ut in transfugis, & Apostatis, similibusque: jus enim primum, sive ordinarium amitti colligas ex can. 12. Concilii Aurelianen. I. anno 511. congregati, qui habet: *si Diaconus, aut Presbyter pro reatu suo se ab Altaris communione sub poenitentis professione submoverit: sic quoque si alii defuerint: & certa causa necessitatis exoritur, poscentem baptismum liceat baptizare*: & can. 15. Concilii Vermerien. anno 753. coacti: *Presbyter degradatus certa necessitate cogente pro periculo mortis, si alius non adest, potest infirmum baptizare*: ergo citra necessitatem non potest. Caeterum recedentes ab Ecclesia ut *Sacramentum ordinati* non amittunt, ita non amittere *jus dandi baptismum*; perinde atque vel idem sit, vel necessario connexa simul: aut confundenda sunt jura, ut pro ordinario, ordinatoque jus extraordinarium dicendum sit non deperdi: aut asserendum, uti Doctores ajunt ad xxx. Propositionem *de doctrina Augustini* ab Alexandro VIII. proscriptam: quandoquidem *jus baptizandi extraordinarium* nullo modo est cum sacra ordinatione connexum. Profecto & *Apologista* S. Gregorii VII., quem adduxi n. 31. Cap. vii., & Urbanus II. Cap. ix. n. 7. relatus S. Augustini pronunciata sunt de iis interpretati, qui sunt *intra* Ecclesiam, & non *extra*; de unoque *Baptismo*, non de aliis Sacramentis esse locutum; aut de illo solo esse interpretandum.

X. Objiciunt 7., In Ephesino Concilio I. anno 431. Act. 7. fanci-

sancitum est de *Messalianis* haereticis, qui & *Euchaitae* dicuntur; *sive Clerici, sive Laici sint, conveniantur: & si quidem anathematizaverint juxta ea . . . si Clerici fuerint, manean Clerici: si Laici; ad communionem admittantur: ergo recipiuntur Haeretici ab Ecclesia ordinatione minime iterata; & consequenter eorum ordinationes ratae judicantur, & sunt.*

Respondetur, ex Concilio haberi dumtaxat aperte, *Messalianorum* Clericos admissos, receptosque fuisse ab Ecclesia; de repetita vero eorum ordinatione propterea silei, quod ea genus hoc haereticorum consequeretur. Quis enim est, qui rerum Ecclesiasticarum aliqua cognitione perfulus credat, illorum haereticorum Clericos sine iterata ordinatione fuisse susceptos ab Ecclesia Catholica; quando constat *Euchaitas Baptismi* necessitatem inficias ivisse; *nihilque eum omnino prodesse, sed solas preces ardentis Doemonem in animis habitantem expellere* docuisse ex Epiphanio haer. 80, & Theodoro lib. 4. cap. 10. igitur si baptismi Sacramentum exsuffabant, illud nequaquam accipiebant. Quod si baptizati non erant, igitur nec ordinati juxta ea, quae dicta sunt Cap. III. n. 4. At, inquit, nulla a Synodo iterandae ordinationis mentio facta est. Ita sane; sed nec ibi memoratur aut *manus impositio*, aut *Chrisma*, quibus Clerici similium sectarum, nec non & Laici suscipiebantur, cum ad Ecclesiam ex haeresi convertebantur; id autem ideo, quod notum erat illud fieri debere; ut alias exemplis est ostensum.

XI. Objiciunt 8., S. Leo Magnus Epist. 1. al. 87. n. 6. ad Mauritaniae Provinciae Episcopos Donatum Salicinen. Episcopum cum sua plebe ex *Novatiano* Schismate ad Catholicam fidem conversum, uti & Maximum *Donatistam* ab Episcopali dignitate non repulit: & Epist. 6. al. 86. ad Aquilejensem Antistitem, nec non Epist. 7. al. 85. ad Septimium Altini Episcopum, atque Epist. 14. al. 3. ad Januarium Aquilejen. itidem Episcopum increpat, damnatque quosdam Presbyteros, Diaconos, ac diverſi generis Clericos, quos *Pelagiana, sive Coelestiana* haeresis habuit implicatos, ita in *Veneta Provincia* ad communionem Catholicam pervenisse, ut nulla ab eis damnatio proprii exigere-tur erroris . . . & usurpasse, ut relictis Ecclesiis, in quibus Clericatum aut acceperant, aut receperant, instabilitatem suam per diversa circumferant: nec tamen ab Ordinibus susceptis expellit; sed

sed damnato haereticis errore praecepit circa eos *custodiri, ut in magno habeant beneficio, si adempta omni spe promotionis, in quo inveniuntur ordine, stabilitate perpetua maneat*: ergo secundum M. Leonem ordinationes Haereticorum validae sunt, & verae.

Respondetur primum, eam Epistolam 1. ad Afros datam variis fuisse amplificatam assumentis, ut ostendit Quessnellus in notis, & ex eo Pagius ann. 456. n. 11., deinde disponit de *Novatiano*, & *Donatista* Episcopis *Schismaticis*, non haereticis, de quibus paulo ante dictum est n. 4. & 7., nam Leo ibi inquit: *si Donatista jam non est a spiritu Schismatice pravitatis alienus*. Quantum autem ad Epistolas de *Pelagianis*, *Coelestianis* tractantes ajo, eas agere de Presbyteris, aliisque Clericis, qui jam a Catholicis fuerant Episcopis ordinati, mox in haereticis errorem inciderant; vel si impliciti dum ordinarentur; id ignorabatur; & veluti occulti haeretici sunt reputandi. Refertur ea Leonis Epistola 3. ad Januarium Aquilejen. a Gratiano c. *si quis haereticae*, & c. *Omnis cujuslibet* 1. q. 1., nec non c. *saluberrimum* 1. q. 7., quorum c. *Omnis cujuslibet* ita interpretatur; explicaturque S. Pontifex, ut jam asserui his verbis: *Omnis cujuslibet ordinis Clericus, qui Catholicam deserens unitatem haereticae, vel Schismatice conjunctionis contagione se maculaverit &c.*, estque titulus Epistolae. Postea S. Leo scribit, *Presbyteros*, & *Diaconos*, aliosque *Clericos* Provinciae Venetae haereticis fuligine tinctos fuisse, non *Episcopos*, quorum est ordinationes facere; nec carpit S. Pontifex eorum ordinationes, sed eorum receptiones. Praeterquamquod Epistolam 14. ad Januarium spuriam esse contendunt Antelmus, & Pagius ad ann. 447. n. 7. & seq. contra Quessnellum, qui illam ad *Septimum* supposititiam existimavit. Nec diversimode dicendum est ad alias ejusdem Leonis PP. Epistolas 24. 27. & 75. de *Eutychianis*. Ad auctoritatem, & Epistolam *Anastasi PP. II.* responsum est jam Cap. x. n. 21. & seqq.

XII. Obijciunt 9. illa S. Gregorii Magni verba Epist. 32. lib. 2. ad Joannem Ravennae Episcopum: *illud autem, quod dicitis, ut is, qui ordinatus est, iterum ordinetur; valde ridiculum est... sicut enim baptizatus semel iterum baptizari non debet: ita qui consecratus est semel, in eodem iterum ordine non debet consecrari. Sed si quis forsitan cum levi culpa ad Sacerdotium venit, pro culpa poenitentia indici debet; & tamen ordo servari*: ergo ab Haere-

Haereticis ordinati, cum ad Ecclesiam accedunt, non sunt iterum ordinandi, quemadmodum non sunt iterum baptizandi, ac proinde Haereticorum, similiumque ordinationes sunt validae.

Respondetur primum, Pontificem non loqui de *Haereticis*, seu de *Schismaticis* trium Capitulorum, ut perperam existimavit Lupus Dissert. 2. Prooem. de *Simoniae crimine* cap. 16., sed de illis, qui in Ecclesia rite ordinati, levique culpa irretiti ad alios Ordines avent promoveri; vel in minoribus constituti, cum leviter deliquerint, tamen ad majores ascendere gradus perorant: quamobrem jubet S. Pontifex, ut pro culpa poenitentia injungatur, sed Ordo non iteretur; quod in confesso est apud omnes Catholicos: sic & S. Augustinus de bono conjugali cap. 24. n. 32. scripsit: *& si aliqua culpa quisquam ab officio removeatur; Sacramento Domini semel imposito non carebit, quamvis ad judicium permanente*: nimirum Ordinis Character, qui iterari non potest: nam olim lapsi deponerantur; nec tam facile ad alios admittebantur Ordines. Deinde si verba fecisset Gregorius de *Schismaticis*, de istis dictum est Cap. ix., recte ipsorum ordinationes admissas ab Ecclesia fuisse; non item illas *Haereticorum*: nec quia isti baptizant *valide*; *valide* quoque ordinent, necesse est; cum illud sit opus necessitatis, istud vero dignitatis: quare certum est, ridiculum esse, eum, qui vere, & *valide* ordinatus est, iterum ordinari; sed non qui falso, & invalide, ut ab Haereticis, Apostatis &c.

XIII. Objiciunt 10. alia ejusdem Gregorii Magni verba ex Epist. 61. lib. 9. ad Iberiae Episcopos, quibus mandat circa Nestorianos; ut Nestorium cum omnibus sequacibus suis, & reliquis haereses anathematizent; quando ad Ecclesiam revertuntur: addique: *venerandasque Synodos, quas universalis Ecclesia recipit, se recipere, ac venerari promittant; & absque ulla dubitatione sanctitas vestra servatis eis propriis ordinibus in suo coetu recipiat: ut dum... per mansuetudinem nullam eis contrarietatem, vel difficultatem de propriis suis ordinibus facitis, eos ab antiqui hostis ore rapiatis*: ergo Gregorio M. sententia stetit, Haereticorum Clericos in suis ordinibus recipiendos sine repetita ordinatione; igitur &c.

Respondetur, ut supra n. 10. de Messalianis, Pontificem loqui de *ordinibus* Nestorianis-servandis dignitate scilicet, ac loco;



co; non de *ordinationibus* iterandis, vel non: aut de illis, qui quum in Ecclesia a Catholicis fuissent ordinati; postea in haerelimum cecidissent. Cum enim Ephesina Synodus I. Act. 1. can. 2. & in Epist. ad Imp. sanxerit, non sentientes contra Nestorium *alienos esse penitus a Sacerdotio, & Clero, & gradu*, quod est omnino exautoratos; quis credat, Nestorianos, siue ab illis ordinibus initiatos, cum ad Ecclesiam accederent, non fuisse a Catholicis Episcopis ordinandos: si totum quod Ordinis, Clerique est praeter *Characterem* illis ablatum esset; ideoque & ordinandi *potestas* ex his, quae hucusque sunt adducta? Certe canon 95. Trullanus anno 692. conditus *Nestorianos, & Eutychianos, Dioscoranosque*, nec non *Severianos* sociavit cum *Valentinianis, Montanistis*, atque *Manichaeis*; quos Graeci sine dubio rebaptizabant; ideoque & eorum Clericos iterum ordinabant.

XIV. Obijciunt 11. canonem 7. Concilii Toletani VIII. anno 653. celebrati de his, qui post assumpta Ecclesiasticarum dignitatum officia ad conjugia, moresque seculi redeunt, habentem: *quomodo ergo quod in se recipit, a se rejicere poterit; cum haec a nullo altero conferri, quam a solis Pontificibus novit? ... verum sicut sanctum Chrisma collatum, & Altaris honor evelli non queunt: ita quoque sanctorum decus bonorum, quod bis comparabatur, & socium, qualibet fuerit occasione perceptum, manebit omnibus modis inviolatum &c.*, ergo nemo potest ordinem sacrum amittere.

Responderetur, Concilium intelligendum esse de *Characterem* ordinis, quem nunquam a se quisquam rejicere valet, & amittere; non autem de caeteris, quae ipsum ordinem aut constituunt, aut consequuntur, uti *potestas, & gratia*; idque colligitur ex eo, quod Ordo comparatur *Chrismati*; & *Baptismo*, quorum omnia ab iis, qui susceperunt, deperdi possunt praeterquam characteres; qui soli manent inviolati. Quare idem Concilium adjecit: *Quod si quis post hoc perennis dispositionis edictum non sinceriter sacris imbuaserit cultibus; & abiciens a se gratiam, quam accepit, relabi ad conjugia, moresque seculi attentaverit; vel eum redire constiterit: mox omni Ecclesiastici ordinis dignitate privatus vere ut Apostata a S. Ecclesiae liminibus, & societate fidelium babeatur prorsus exclusus monasterii claustris, donec advixerit, sub poenitentia retrudendus: visum est autem 28. n. Capitis praecedentis.*

dentis, *Apostatas* nihil potestatis Ecclesiasticae retinere, & nihil Ordinis sacri praeter characterem; igitur appareat, quae fuerit hujus Toletani Concilii mens, atque sententia.

## §. 2. De Concilio VII.

XV. **O**bjiciunt 12. Concilium VII. Oecumenicum, quod *Iconoclastarum* haeresim anno 787. condemnavit; attamen & ipsius haeresis sectarios ad Ecclesiam Catholicam revertentes, & ab illis ordinationes peractas intemerate suscepit; ad idque comprobandum plurima facta congeffit, necnon SS. Patrum testimonia quamplura produxit Aët. I., igitur testimonio universae Ecclesiae Haereticorum ordinationes ratae sunt, & validae habendae; est enim *Oecumenicum* Concilium universae Ecclesiae judicium.

Responderetur primum, *Iconoclastas*, etsi large, & improprie dicti sunt *haeretici*; reapse tamen, & proprie fuisse *Schismaticos*; cum, uti observat doctissimus Petavius lib. 15. Theol. Dogmat. de Incarnat. cap. 13., *Imagines* ex eorum per se genere sint, quae *εἰδωλόφορα* nominantur; nec ad ipsam Religionis substantiam pertinent; quaeque ad salutem hominum omnino necessaria non sunt: ideoque earum cultus ad disciplinam spectat; non autem ad fidem: cumque ii, qui circa disciplinam errores, & contentiones serunt, *Schismatici* dicantur; & qui circa fidem, *haeretici*: perspicuum est, *Iconoclastas* proprie Schismaticos fuisse, & non haereticos: proptereaque jure a VII. Synodo eorum ordinationes fuisse susceptas ob ea, quae dicta sunt paullo ante n. 4. & 7. Deinde si quoque *haereticos* contendant, velintque fuisse *Iconoclastas*; ajo Concilii Patres quantum ad *Sacrarum Imaginum* cultum, pro quo coactus fuit eorum coetus, recte sensitse, ac decrevisse: sed quantum ad alia, quae quidam Antistites pro suo quisque ingenio in medium attulerunt, non multum curae impendisse, quomodo se haberent illa: torique fuerunt Aët. 1: in conquirendo, num *lapsi* reparari queant; & *Haeretici* in suis honoribus admitti: an autem eorum ordinationes haberentur ratae, vel an iterandae; parum quidem examini dederunt: idque potissimum quo facilius *Iconomachi* reciperentur Tarasio Patriarcha CP. in primis adlaborante. Tandem & illud notatu dignum, *Con-*

*Concilium* istud nonnisi sero ab universa Ecclesia vel inter *Oecumenica* receptum fuisse: nam Nicolaus I. Epist. Adoni Archiepiscopo Viennensi anno 863. data *sex* tantum memorat, admittitque *Synodos*, ut & Epist. 7. de Concilio Romae contra Photium coacto, nec non Epist. 10. ad Clerum CP. de eodem Photio n. 6., sic & Hadrianus II. Epist. 34. anno 871. Carolo Regi Francorum scripta; & Joannes VIII. Epist. 247. ad Scentopulcrum Comitem an. 880., sic ut & Hincmarus Rhemensis Archiepiscopus Epist. 33. n. 20. contra nepotem Hincmarum Laudun. Episcopum, & Adelbertus Morinensis Episcopus in fidei professione coram eodem Hincmaro Rhemen. Archiepiscopo facta; sed & ante hos omnes Michael, atque Theophilus Imp. CP. in Epist. anno 824. ad Papam Paschalem I. edita: quinimmo in caeteris Orientalibus Ecclesiis Patriarchalibus *sex* solum *Synodos Oecumenicas* nominari consuevisse in publicis professionibus testatur Photius Patr. CP. Epistola encyclica apud Baronium ad annum 863. n. 6. & 43.

XVI. Caeterum quandoquidem in hac VII. Synodo quaesitum fuit de *Haereticorum* generatione ordinationibus; & quidam sunt, qui maximi faciendam edicunt ejus autoritatem in hac etiam Disputatione, quam sumus ingressi: praestat ex Act. 1. ea proferre, quae ibi adducta sunt; ut appareat, quam apposite, & quam discusse factum; quantique demum illa sint nobis posthac habenda. Ac primum illud constat, multa ibi lecta fuisse, quae ad rem istam minime faciebant; quae vero quaestioni conducebant; nequaquam in medium venisse: canon 67. al. 68. *Apostolorum*, qui haereticorum Ordinationes aperte profligat, non est commemoratus; adductus est autem eorumdem canon 53. al. 51. qui solum de iis agit, qui convertuntur a peccato: mox *Nicaenus canon* de Catharis, de quo dictum est jam n. 2. & seqq. & *canon* 3. *Ephesinus*, qui ad quaestionem non attinebat; sanxit enim ille, non de Clericis a Nestorio ordinatis, ut perperam Witasse judicavit; sed de Clericis a Nestorio, ejusque gregariis Sacerdotio, ac honoribus spoliatis, aut prohibitis, ut suis restituerentur sedibus, ac dignitatibus; quod egit & Coelestinus I. Epist. 7. ad Joannem Antiochenum Episcopum, & Clerum CP., legiturque etiam c. *Aut Coelestinus* & c. *Aperite* 24. q. 1., sic enim multa lecta sunt, ut vel aliqua probarentur.

Post haec lecta est *Magni Basilii* Epistola 1. ad Amphilo-  
 chium c. 1. de Zoe, & Saturnino Encratitis haereticis in Episcopos a  
 Catholicis Antistitibus susceptis; qua nihil aliud aurumatur,  
 quam eos, qui jam in Ecclesia Catholica facti sunt Episcopi, re-  
 baptizari non posse: siquidem praemisera, *Encratarum* baptis-  
 ma sibi non probari; sed ad Ecclesiam cum illi venirent, tutius  
 esse eos iterum lavacro expurgandos. Alia ejusdem Basilii ad  
*Evaisenos* data de his tractat, qui de Galatia accersiti fuerant;  
 quo docerent se se poenitentiam egisse, & ab Haereticis seces-  
 sionem fecisse. Illa denique ejusdem ad *Occidentales* de Eusta-  
 thio Sebasteno nihil evincit; cum in ea fateatur Basilium *Eusta-  
 thium* a B. Hermogene Caesariensi Episcopo Catholico ordina-  
 tum fuisse: quare non est hujus nostrae Disputationis, etiamsi  
 postea ad Haereticos transierit non semel malus Eustathius.  
 Exinde productum est *Epbesini Concilii* decretum de Messalianis;  
 de quo dictum est supra n. 10., productae sunt & *Cyrilli Ale-  
 xandrini* literae ad Maximum, & Gennadium; quae tamen sua-  
 dent quidem communicandum cum his, qui ab Nestoriana hae-  
 resi reverterentur, sed qui jam a Catholicis Episcopis sacras or-  
 dinationes acceperant. Producta tandem est *S. Athanasii* ad Ru-  
 finianum Epistola, quam paulo superius n. 5. docui nihil ad hanc  
 pertinere quaestionem; cum in ea de *lapsis*, non de haereticis agatur.

XVII. Postmodum cum Sabbas Monachus, & Egumenus  
 dixisset: *si placet sanctae Synodo, videamus; si ordinationes eorum,*  
*qui recepti sunt, ab Haereticis fuerint, an non.* S. Synodus di-  
 xit: *quaerite deinceps de ordinatione:* lectumque fuit ex Historia  
 Rufini Presbyteri decretum *Concilii Alexandrini* de lapsis, quod  
 refertur & in supra memorata S. Athanasii ad Rufinianum Epi-  
 stola: Mox ex Socratis Historia *Sardicae in Concilio* redditae esse  
 sedes Paullo, Athanasio, & Marcello Ancyrano; quod nihil ad  
 rem prorsus attinebat; cum illi ab Haereticis minime ordinati  
 fuissent, nec haeresi adhaesisse agnoscerentur. Tum *Meletii* or-  
 dinatio memoratur ab Arianis facta in Sebastenum; itidemque  
*Cyrilli* in Hierosolymitanum Antistitem; & tamen non repudia-  
 ta asseritur. At repudiata non fuit alterutra ordinatio, quia or-  
 dinatores *Ariani* nondum fuerant ab Ecclesia ejecti, & segre-  
 gati; sed mixti cum Catholicis degebant; ideoque & Ecclesiae  
 Ministri. censcebantur, & erant; eorumque ordinationes ob id

ratae, ac validae habebantur: haeretici namque ante sententiam *degradationis* & ordinant, & consecrant iudice Magistro Sentent. in 4. d. 25. Theodoretus autem Epist. ad Dominum Antiochenum Episcopum anno 449. scripta nos ita docet: *In magna enim Synodo, quae Nicaeae fuit congregata, una cum Orthodoxis idem decreverunt etiam illi, qui Arian partes sectabantur; & Apostolicae fidei expositioni per manus subscriptionem consenserunt. Fuerunt tamen revera hostes, nec unquam qui e vere illum oppugnare, quousque corpus Ecclesiae considerunt: & triginta annis inter se communicarunt, atque Apostolica dogmata prosequerantur, etiam qui Arian morbo laborabant. Cum vero Antiochia postrema habita est Synodus, quando Dei hominem magnum illum Meletium in Apostolico illo Throno constituerunt (anno 360)... & ex eo tempore divisio, & Schisma remansit: & Sozomenus lib. 2. cap. 30. omnes simul Conventus egerunt & communicaverunt inter se exceptis solum Novatianis, Cataphrygibus, Valentinianis &c.*

XVIII. Sed nec tum quidem damnari sunt, segregatique ab Ecclesia omnes Eusebiani, sive Semiariani, qui & Ariani quoque vocabantur: liquidem S. Athanasius Epist. ad Afros Episcopos anno 371. transmissa inquit: *scripsimus dilecto Damaso Episcopo magnae Romae contra Auxentium invasorem Mediolanensis Ecclesiae, cumque non solum in communione Arianicae sectae esse... miramurque, cur nondum depositus; ejectusque sit ex Ecclesia: cum jam ab anno 355. sedem illam occuparet. Quocirca cum Damasus Papa anno 372. Synodum Romae convocasset, literas ad Illyrici Episcopos de Auxentio a se damnato dedit scribens: Itaque vestra integritas manifesto videt, hanc fidem solam, quae auctoritate Apostolica Nicaeae stabilita est, ferme perpetuo retinendam esse... Porro autem pro certo credimus; eos, qui alia opinione teneantur irretiti, propter suum conatum brevi fore & a nostra segregatos communione, & nomine Episcoporum privatos: ut tandem populo errore ipsorum liberato detur respirandi locus: igitur Ariani illi nondum tunc erant & communione privati, & exautorati. Sane & S. Epiphanius, qui anno 376. opus magnum de Haeresibus vulgo *Panarium* conscribebat, in Compendio doctrinae de fide ista perhibet de *Arianis*, vel potius Semiarianis: *quum nondum sit res ex censura Synodi, velut dixi, decisa; eo quod po-**

*puli sint hodieque inter se permixti; & multi quidem sint orthodoxi, verum per simulationem Sacerdotibus addicti; donec separatio facta fuerit talis blasphemae haeresis; & tunc contra ipsam decretum fiet.* Sed & Sozomenus lib. 7. cap. 2. de *Macedonianis*, qui alterum pestis Arianæ germen erat, tradit: *At Macedoniani cum caeteri, tum ii maxime, qui debebant Constantinopoli, post inita cum Liberio pacta non magnopere contendebant cum his, qui Nicaeni Concilii decreta probabant: quin etiam oppidatim cum iis, quasi cum ejusdem opinionis sectatoribus commercia, consuetudinemque colebant. At vero post legem a Gratiano promulgatam arrepta impunitatis occasione nonnulli Episcopi ejus sectæ invaserunt Ecclesias, quibus sub Valente fuerant exclusi: atque apud Antiochiam Cariae congregati decreverunt &c.* hoc est ab anno 365. usque ad ann. 378. Qui omnes tandem penitus damnati sunt in Oecumenico Concilio Constantinopolitano l. an. 381. can. 1. *Ariani, Semiariani, Macedoniani &c.*

XIX. Et minus mihi probari potest, quod habet Baronius ad annum 362. n. 24., Eusebium Vercellen. Episcopum agnovisse, nullam Meletii fuisse ordinationem, utpote quod ab *Acacianis, Eudoxianisque* creatus fuisset Episcopus Antiochiæ: quandoquidem antea fuerat *Beroeae* Episcopus; indeque ad *Sebastenam* translatus Ecclesiam anno 359. ab Acacianis, & Eudoxianis, sed insequenti anno 360. ad *Antiochenum* Thronum evehctus est communi & Arianorum, & Catholicorum consensu, teste eodem Baronio ad ann. 360. n. 48. Quapropter ostendi non potest, Meletium ab *Arianis* fuisse Beroeensem ordinatum Episcopum; quod si quoque ostenderetur; id factum probaretur ab Arianis illis, qui cum Catholicis communicabant, nondumque ab Ecclesia segregati, exauctoratique fuerant: quibus cum ille plane occasione serviens colluisse videtur; quemadmodum ostendit factus Episcopus Antiochenus, ubi repente contra ipsos praedicavit *ὁμολογίαν*. Quod enim *Paulinum*, vivente Meletio, ordinaverit Lucifer Calaritanus Episcopus Antiochenis Antistitem, ideo factum est, quod ipsi Catholici in partes, studiaque divisi erant; quibusdam eorum maxime Occidentalibus *Meletii* ordinationem perstringentibus, quod ab Arianis etiam renunciatus esset; quibusdam vero ut Orientalibus eidem apprime adhaerentibus, quod & fidei causa illum relegatum, & a Catholicis quoque

que promotum constaret. Nil ergo fuit, quo *Cyrilli*, & *Meletii* ordinationes penitus repudiarentur; cum ille anno 350., iste vero ante annum 359. promoti fuerint vel a Catholicis, vel ab his, qui cum Catholicis communicabant.

XX. Postremo in eadem vii. Synodo commemorata est *Anatholii* in Episcopum Constantinopolitanum ordinatio velut ab haeretico Dioscoro patrata: sed de ea dictum est jam Cap. V. n. 40. Tum alia subditur *Joannis Marciani* in Antistitem Hierosolymitanum anno 513. ab haeretico Severo Antiocheno Episcopo constituti: verumtamen *Severus* ille nonnisi anno 518. in Concilio Constantinopolitano, aliisque variis Orientis Synodis damnatus est, graduque suo motus; ut ex historiae Ecclesiasticae Scriptoribus innotescit; proindeque anno 513. adhuc ordinandi potestate pollebat. Denique refertur, plures, qui in VI. Synodo confederunt, ordinatos fuisse ab haeticis *Monothelitis Sergio*, *Pirrbo*, *Paullo*, & *Petro*: sed de his necesse est scire, *Sergium* diem obiisse anno 638. a nemine damnatum; immo a Romano Pontifice Johanne IV. in Apologia pro Honorio Papa *reuerendae memoriae* nuncupatum. *Pyrrhus* successit Sergio an. 639., annoque 641. dignitate se abdicavit ob popularem in creatione Constantis Imp. tumultum; & anno 648. a Theodoro Papa condemnatus est: cum autem resipiscentiae signa simulaverit, pristinae dignitati restituitur anno 655., paucisque post mensibus interiit. *Paulus* anno 641. subrogatur *Pyrrho*, damnatusque a Martino I. anno 649. Romae in Synodo vivere desiit anno 654., & *Petrus* tandem anno insequenti ordinatus Episcopus CP. decessit ex hac vita anno 666. a nemine proscriptus ante vi. Synodum anno 680. celebratam. Quare nemo facile probare poterit, eos, qui interfuere memoratae Synodo, promotos, ordinatosque fuisse ab illis duobus Episcopis CP. *Pyrrbo*, & *Paullo*; aut si ordinati; factum id fuisse, postquam illi condemnati sunt: cum ordinari potuerint a *Thoma*, *Joanne*, & *Constantino* Antistitibus CP. Catholicis. Tharalius vero Patriarcha, alique in vii. Synodo Aet. 1. in hoc unum incubuerunt, ut ostenderent & *Haereticos* in suis fuisse receptos ordinibus, & susceptas quoque Haereticorum ordinationes; quod quidem permitti potest; at non de iis Haereticis, qui prorsus extra Ecclesiam sunt ejeti; & ab Ecclesia

exauctorati ordine, ac potestate spoliantur, & Ecclesiae Ministri esse desinunt; verbum habere curantur.

XXI. Observavit sane Morinus, *Tharasium* in eo Concilio, cum hac de re differeret, nunquam ad Sacramenti naturam, & characterem confugisse, sed ad Canones, Ecclesiaeque disciplinam, quae pro locis, ac temporibus varia esse potest: nec recte revincitur a Witasse Prob. 1. n. 18., dum ait: duo in hac controversia discernenda esse, primo an validae sint, nec iterandae ordinationes ab Haereticis collatae; secundo an qui ab Haereticis ita ordinati sunt, cum ordinibus suis recipi debeant, quando ad Ecclesiam redeunt: illud ad dogma spectare, & ex characterem pendere: istud ad disciplinam pertinere, quae reipsa non semper eadem fuit: de primo non egisse Tharasium, at illud pro certo habuisse; sed alterum expendisse. *Tharasis* enim homo quidem doctus, & a secretis Imperatoris, neophytus tamen, & ex Laico ad sedem Constantinopolitanam euectus anno 785. Ecclesiasticorum dogmarum, ac disciplinae non multum eruditus anno 787., quo VII. Synodus est habita, existimari potest: nihilotamen secius ea in Synodo duo praesidente ipso, discussa sunt: scilicet tam de his, qui ab haeresi accedunt ad Catholicam Ecclesiam; quam de his, qui ab Haereticis sunt ordinati: ut ipsemet Tharasis dixit in fine illius Actionis, & Anastasius Bibliothecarius post praefationem suae translationis Synodi titulos Actionum describens: id autem est tam de lapsis in haeresim, ipsisque haereticis; quam de ordinatis in haeresi. Ac profecto discussa prima quaestionis parte de *Haereticis*, qui in suis ordinibus ab Ecclesia suscepti fuerant; *Sabbas Monachus* dixit: *si placet S. Synodo, videamus, si ordinationes eorum, qui recepti sunt, ab Haereticis fuerint, annon: S. Synodus dixit: quaerite deinceps de ordinatione: propter quid quaesitum fuit de Haereticorum ordinatione; nisi quo innosceret, an esset valida, ac rata, nec ne; quando reciperetur ab Ecclesia, & quando non? idque etiam elicitur ex eo quod cum supra productus esset canon 8. Nicaenus de Catbaris; Monachi dixerunt: cum manus impositione recipi canon praecipit: quibus Tharasis respondit: forsan in benedictione tantum hic manus impositionem dicit; & non ordinationem: si pro constanti, & indubitato habebat, ratas, validasque esse Haereti-*



reticorum ordinationes, ut putat Witaſſe; cur dubitanter reſpondit: *forſan in benedictione tantum &c.*? Actum eſt igitur ibi etiam de Haereticorum ordinatione; ſed eo, quem jam expoſui, modo.

§. 3. *Ex S. Leone IX., & aliis.*

XXII. **O**bjiciunt 13. *S. Leonem IX.*, qui, ut habet *S. Petrus Damiani Opusc. 6. c. 27.*, omnes Clericos ab Haereticis venientes in iis quidem, quos jam adepti ſunt, praecipit Ordinibus recipi; ad altiores autem gradus prohibet promoveri. Cujus decreti nos titulum contenti ſimus hic breviter adhibere... Quod omnis, inquit; cujuſlibet Ordinis Clericus, qui Catholicam deſerens haeretici communioni miſcuerit ſe; ſi ad Eccleſiam reverſus fuerit, in eo gradu, quo erat, ſine promotione permaneat &c. In quo Leo IX. inquit Witaſſe, Leonem Magnum aemulatus eſt; & aperte ſignificat haereſi characterem ordinationis non extingui.

Reſpondetur, quaestionem non eſſe de charactero, ſed de poeſtate Ordinis; quam dicimus perſtante charactero deperdi ab Haereticis illis tamen, qui extra Eccleſiam commorantur, ideſt qui publici ſunt quidem, non autem occulti; quique ab Eccleſia ſunt jam damnati, atque exauctorati. Caeteroquin cum Leo IX. de Clericis diſponat in haereſim lapſis, non in haereſi ordinatis; nihil ad hanc quaestionem conducit; in qua diſquirimus de pravorum Ordinationibus, non de lapſorum reparationibus: nam, cum illi in Eccleſia a Catholicis rite ordinati fuiſſent; nemini dubium eſſe poteſt; eos etſi in haereſim delapſos, iterum ordinari non debuiſſe; quia vera Ordinatio iterari non poteſt; uti baptiſmus verus, & Cbrifma verum. Eſt enim titulus decreti, quem attulit Petrus Damiani, titulus Epistolae 3. S. Leonis I. ad Januarium Aquileſen. Episcopum c. *Omnis cujuſlibet* 1. q. 1. relatus; ideoque videri poteſt, & quod ſupra n. 11. ad eam adnotavi.

XXIII. Objiciunt 14. Concilium Placentinum ab Urbano II. anno 1095, nec non Romanum anno 1099, quae c. 10. decernunt: *Qui vero ab Episcopis quondam quidem Catholice ordinatis, ſed in Schiſmate a Romana Eccleſia ſeparatis conſecrati ſunt; eos nimirum, cum ad Eccleſiae unitatem redierint, ſervatis propriis ordinibus miſericorditer ſuſcipi jubemus; ſi vita & ſcientia eos commendat: & c. 11. Amodo vero quicumque a praedictis Schiſmaticis,*

*sanctaeque Romanae Ecclesiae adversariis se ordinari permiserit; nullatenus hac venia dignus habeatur: Quod & confirmavit Paschalis II. anno 1106. in Concilio apud Guastallam illis verbis: Patrum nostrorum exemplis, & scriptis instructi, qui diversis temporibus Novatianos, Donatistas, & alios Haereticos suis in ordinibus susceperunt, praefati Regni (Teutonici) Episcopos in Schismate ordinatos; nisi aut invasores, aut simoniaci, aut criminosi comprobentur, in officio Episcopali suscipimus. Idipsum de Clericis cujuscunque Ordinis constituimus, quos vita, scientiaque commendat.*

Respondetur primum, his locis agi de Schismaticis, de quibus dictum est paulo superius n. 4. & 7., quare eorum ordinationes, & Sacramenta probari possint ab Ecclesia; & quidem Paschalis Papa proxime laudatus Epist. 50. ad Rotardum Moguntin. Episcopum scripsit: *de ordinationibus Clericorum, qui in nostri temporis Schismate ordinati sunt; non aliud scribendum duximus, quam in Placentina Synodo per S. memoriae Urbanum praedecessorem nostrum deliberatum est.* Quoniam autem Cap. ix. n. 7. vidimus, Urbanum II. improbasse Schismaticorum Sacramenta, eumque in omnibus secutum Paschalem II. ex n. 33. Cap. viii., possit ibi locutos esse de mixtis, hic autem de meris, simplicibusque Schismaticis. Deinde responderi posset, horum Pontificum, Conciliorumque verba spectare non ad hanc quaestionem, sed ad aliam, de qua S. Augustinus lib. 2. in Crescon. cap. 11. dicit: *& de Episcopis quidem, vel Clericis recipiendis alia quaestio est: quamvis enim cum apud vos ordinantur, non super eos invocetur nomen Donati, sed Dei; tamen ita suscipiuntur, ut videtur paci, & utilitati Ecclesiae convenire. Neque enim Episcopi propter nos sumus, sed propter eos, quibus verbum, & Sacramentum Dominicum ministramus: agique ibi de ordinatis in Schismate suscipiendis, non de eorum ordinationibus ducitur ex cap. 11. jam adducto, nec non ex 12., qui est: quamvis autem misericordiae intuitu, magnaue necessitate urgente banc in sacris ordinibus dispensationem constituerimus; nullum tamen praejudicium sacris Canonibus fieri volumus, sed obtineant proprium robur &c.* ita quidem Concilia Placentinum, & Romanum.

XXIV. Objiunt 15, ac ultimo Graecos Schismaticos, & Haereticos, quos semper a Romana, Latinaque Ecclesia sine iterata ordinatione susceptos esse pronunciant: idque ut probet  
Wi-

Witasse sect. 7. Prob. 11., Concilii Lateranen. iv. anno 1215. ab Innocentio III. convocati *Canonem* 4. adducit *Graecorum ordinationes* admittentem; qui tamen canon *Ordinationes* minime commemorat: mox *Innocentii IV.* Epistolam Episcopo Tusculano in Cypri Regno sedis Apostolicae Legato profert *Graecorum Sacerdotium* ut verum, & legitimum recipientis: verum ea Epistola, quae in Concil. Collectione decima est, agit quidem de *Graecorum Sacerdotibus* jam ad Romanam, Catholicamque Ecclesiam reversis, sed non de eorum Sacerdotio, aut ordinatione: tantumque n. 9. praecipit, eos in posterum *septem Ordines* secundum Ecclesiae Latinae morem conferre. Demum *Alexandri IV.* Cypriam Constitutionem anno 1260. editam producit eorundem *Graecorum Ordines* approbantis: cum tamen Constitutio illa tractet, agatque de *Graecis Catholicis*, non de *Schismaticis*. Una sane *Clementis VIII.* Constitutio 34. proditur anno 1595. facta, quae n. 4. de *Graecis* ita perhibet: *ordinati ab Episcopis Schismaticis alias rite ordinatis servata debita forma recipiunt quidem ordinem, sed non executionem.*

Respondetur igitur, *Graecos* a Romana, Latinaque Ecclesia semper habitos esse uti meros, simplicesque *Schismaticos*, non ut haereticos; nisi quantum *Haeretici* vocabulum sumitur interdum large, & improprie: ideoque de ipsis dicendum est, quicquid de aliis *Schismaticis Novatianis, & Donatianis* dixi n. 4. & 7. Etenim non defuerunt, qui Capita dissidii *Graecos* inter, & *Latinos* vel ad solam pertinere disciplinam; vel quaestionem de verbis, vocibusque continere demonstrarunt: ut illud de *processione Spiritus S. a Patre, & Filio*; quod praecipuum existimatur; ita suscipitur, ut praepositiones *per*, & *ex*, vel *a* altera alterius vice fungatur: de qua re legi possunt prae caeteris & *Gregorius Protosyncellus*, & *Georgius Scholarius*, sive *Gennadius* uterque. *Graecus* in suis pro Concilio Florentino defensionibus. Sed & ante eos *Antonius Andreae* discipulus Jo: Scoti in 1. d. 11. q. 1. scriptum reliquit: *in ista quaestione videntur discordare Latini, & Graeci, forte tamen quod discordia ista est potius vocalis, quam realis.*

XXV. Enim vero *Graecos* semper nonnisi veluti *Schismaticos* a Romana Ecclesia judicatos, eosdemque etiam Ecclesiae Ministros, ex eo colligi, ducique potest, quod illorum Antistites titu-


titulis, *Episcopi, Archiepiscopi, & Patriarchae* semper ab ipsa condecorati legantur: sic S. Leonis IX. Epistola 1. anno 1053. legitur data *Michaeli Constantinopolitano, & Leoni Acriano Episcopis* primis Graecanici Schismatis adversus Latinam Ecclesiam autoribus: nam n. 5. inquit Pontifex: *charissime nobis, & adhuc dicende in Christo frater, & Antistes Constantinopolitane; tuque Leo Acriane dicimini Apostolicam, & Latinam Ecclesiam nova praesumptione... damnasse:* & Epist. 6. est itidem data *Michaeli Constantinopolitano Archiepiscopo; bonorandumque fratrem* appellat: sic & S. Gregorius VII. Epistolam 1. lib. 8. dedit *dilecto in Christo fratri Synnadenfi Archiepiscopo Armeno* Schismatico. Innocentius vero III. Epist. 354. lib. 1., & 209. lib. 2. transmisit *Patriarchae Constantinopolitano;* inquit super Latinorum, & Graecorum unione, quae tunc agitabatur: *Sanctissima, quae apud vos est, Ecclesia non ad Conveniendum tardabit &c.*, at apud Haereticos nedum non *Sanctissima*, sed ne *Ecclesia* quidem invenitur: ut & Epist. 211. Alexio Imp. CP., in qua scribit: *ex tenore litterarum, quas venerabili fratri nostro Patriarchae Constantinopolitano dirigimus &c.*; quin quod in alia ad eundem Imp. directâ, quae legitur in Gestis ipsius Innocentii n. 63., appellat *venerabilem fratrem nostrum Patriarcham Constantinopolitanum magnum quidem, & bonorabile membrum Ecclesiae:* convenit autem inter omnes membris Ecclesiae non accenseri *Haereticos:* igitur Innocentius III. *Graecos* habuit pro meris, simplicibusque Schismaticis. Nec aliter sensit *Gregorius IX.* anno 1232., & 1235., quando literas dedit *Venerabili fratri Archiepiscopo Graecorum,* quibus illum e Schismate revocare tentabat: uti & *Gregorius X.* an. 1273. pro unione utriusque Ecclesiae; nec non *Eugenius IV.* an. 1438. scribens *Venerabili fratri Joseph Patriarchae Constantinopolitano,* ac in aliis literis *piissimo fratre nostro Joseph Patriarcha Constantinopolitano.* Similiter de aliis Schismaticis factum fuisse videmus; nam *Pelagius II.* ad Histriae Schismaticos trium Capitulorum tres misit Epistolas hac epigraphi: *dilectissimis fratribus Eliae, aliisque Episcopis, ac universis filiis Histriae partibus constitutis:* & S. Gregorius Magnus Epist. 32., & 36. lib. 2. Epist. 9. lib. 7., atque Epist. 11. lib. 11. eosdem Schismaticos *Episcoporum* titulo cohonestavit.

XXVI. Quod ipsum & de ipsis *Haereticis* toleratis, & qui nondum ab Ecclesia proscripti sunt. atque exauctorati, factitatum invenimus; Hormisdæ enim Epistola 3. data legitur anno 515. *dilectissimo fratri Dorotheo Episcopo*, & Epist. 73. an. 520. *Dorotheo Episcopo Thessalonicensi*, qui quidem habebatur haereticus: Epist. vero 12. scripta dicitur *Timotheo Episcopo Constantinopolitano* haeretico anno 511. Macedonio ab Anastasio Imp. substituto: & in Commonitorio ab ipso Hormisda Pontifice anno 515. Legatis suis Constantinopolim proficiscentibus dato de eo ipso admonuit; si Imperator dixisset: *sine Episcopo debet esse Civitas mea?* responsuros: *interim usque ad eventum cognitionis teneat locum Constantinopolitani Sacerdotis:* ut plura alia de hac re monumenta praetermittam.

At de aliis criminosis, ut *Haereticis* ab Ecclesia damnatis, *Intrusis*, *Invasoribus*, *Simoniacis*, *exauctoratis*, *degradatisque*, ipsisque etiam *Schismaticis* permittis non item; nunquam Patres, & Concilia, Romanique Pontifices *Episcoporum* titulo eos nuncuparunt; sed aut titulo nullo, aut illo *Pseudoepiscopi*; vel *olim Episcopi*; *quondam dicti Episcopi*; *nunc non Episcopi* &c. ut legere est Epistolas praesertim S. Cypriani, Felicis PP. II. al. III., Simplicii PP., Leonis Magni, Gregorii Magni, Nicolai I., Alexandri II., Gregorii VII. plurimas, nec non Urbani II., & Innocentii III., quae nœdum ex titulo, sed ex reliqua verborum textura etiam utrorumque discrimen patefaciunt.

## C A P U T XII.

*Occurritur Argumentis Scriptorum, Doctorumque Scholasticae Theologiae.*

- I.  Bjiciunt Algerum Leodiensem Monachum Cloniacensem, qui florebat anno 1130., quique lib. 3. *de Sacramento Corporis, & Sanguinis Christi* cap. 10. ut probet, Sacramenta extra Ecclesiam confecta si non *rata*, *vera* tamen esse, praeter Augustini, & Leonis Magni auctoritates affert & S. Hieronymi in Dialogo adversus Lucifer. effatum: *sicut hic est, qui baptizat Christus; ita hic est,*  
qui

*qui sanctificat*: ergo ordinationes Haereticorum validae censendae erunt; uti baptismus Haereticorum est validus.

Respondetur, ad Augustini, Leonisque Magni loca satis jam factum esse Cap. praeterito n. 7., & seqq., sed ad illud S. Hieronymi, quod habetur & c. *Sicut Christus* 1. q. 1., Romani Correctores Gratiani adnotarunt, B. Hieronymum argumentari eo loco, ut solent Dialectici, *ad hominem*: neque eum id agere, ut constituat aliquid; sed tantum ut adversarium modestum reddat; quo facto docuit eum, quare, & quomodo recepti fuerint ab Ecclesia lapsi in Concilio Ariminensi Antistites. Quaestio enim erat de *lapsis* illis, de quibus ex Epistola S. Athanasii disserui Cap. praecedenti n. 5., qui quum Catholici essent, & a Catholicis in Ecclesia ante lapsum ordinati: uti & illi octo Episcopi Arianum, quos ibi Hieronymus tradit sciri in Synodo Nicaena, quae propter Arianam perfidiam congregata est, susceptos: non iterum post lapsum ordinandi erant; cum jam rite, & valide fuissent ordinati. Quare etiam Vasquez in 3. par. S. Thomae tom. 3. disp. 243. cap. 1. admonet, male aliquos ex Hieronymi memorato Dialogo probare, Haereticos posse conferre Ordines.

II. Instabunt: (ut ut sit de Hieronymi, aliorumque autoritatibus, ac dictis;) Sacramenta nihilominus si non *rata*, *vera* tamen esse possunt extra Ecclesiam: idque probatur ex Innocentio III. Epist. 50. lib. 2. Ferrariensi Episcopo data, & c. *Quando de Divitiis* recitata, qua scribit: *Nam etsi Matrimonium verum quidem inter Infideles existat; non tamen est ratum: inter Fideles autem verum quidem, & ratum existit: quia Sacramentum fidei, quod semel admissum nunquam amittitur, ratum efficit conjugii Sacramentum; ut ipsum in conjugibus illo durante perduret*: ergo id ipsum statuendum est de caeteris Sacramentis, ideoque & de Ordinatione.

Respondetur, concesso, quod fertur de *Matrimonio*; negando de aliis Sacramentis: & ratio a pari non valet; idcirco quod *Sacramenta* reliqua sunt primum, & omnino a Christo instituta: *Matrimonium* vero a Deo primum sub initium Mundi constitutum fuit illis verbis: *crescite, & multiplicamini &c.*, postmodum a Christo Domino in lege nova ad Sacramenti rationem, dignitatemque elevatum: propterea *verum* est conjugium, & contractus *verus*, antequam sit Sacramentum *ratum*. Hinc Gratianus

nus ad c. *Si quis Judaicae* 28. q. 2. ait: *Conjugium enim aliud est legitimum, & non ratum; aliud ratum, & non legitimum; aliud legitimum, & ratum: conjugium legitimum est, quod legali institutione, vel Provinciae moribus contrahitur: hoc inter Infideles ratum non est, quia non est firmum, & inviolabile conjugium... inter Fideles vero ratum conjugium est &c.* idque super illo Augustini: *non est ratum conjugium, quod sine Deo est.* Qua de causa nuperissime Benedictus XIV. anno 1741. Bulla, quae incipit *Matrimonia*; sancivit Haereticorum conjugia vera, & valida esse; & nisi Canonicum quippiam obstarit, prorsus esse firma decrevit. Quantum autem ad alia Sacramenta ob eam, quam attuli, rationem ipsa nequeunt esse vera, nisi quoque sint rata; & e converso quaecunque rata sunt, sunt etiam vera.

III. Obijcient Hugonem Victorinum, qui vivendi finem fecit anno 1142., & in Sent. Tract. 6. cap. 9. in eorum inclinat opinionem, qui putant, traduntque manifestos *Haereticos*, eosque, qui sunt *extra Ecclesiam*, non conficere *Eucharistiae* Sacramentum; etsi alia Sacramenta extra Ecclesiam ab omnibus fieri posse arbitrentur: ergo fuit Hugo cum aliis in ea opinione, Haereticos posse *valide* sacros administrare *Ordines*; uti & eos omnes, qui extra Ecclesiam esse dicuntur.

Respondetur, Autorem hunc, quandoquidem quorundam opinionem duxit amplectendam, neque a nobis probari posse, neque ab his, adversus quos depugnamus: non istis, qui omnium Sacramentorum etiam *Eucharistiae* ministerium extra Ecclesiam haberi posse tuentur: non nobis, qui excepto *Baptismo* nullum extra Ecclesiam Sacramentum fieri defendimus. Neque enim Hugo satis examinis huic quaestioni dedisse videtur; sed sola quorundam opinione contentus ad alia mentem, animumque convertisse: quoniam si tot SS. Patrum, Rom. Pontificum, atque Conciliorum decreta perlegisset, quae nos extasse demonstravimus; non talia literis tradidisset; sed opinionem eam profecto correxisset.

IV. Obijciunt Gratianum Monachum veterum Canonum Collectorem, qui sub Eugenio III. anno circiter 1150. docuit pluribus locis, ac praesertim ad c. *Quod quidam* 1. q. 1. aliud esse *potestatem* distribuendi sacros Ordines; aliud vero *executionem* illius potestatis: unde cum *Sacramenta* ab Haereticis, Schisma-

maticis, similibusque criminosis administrata dicuntur *irrita* esse, & inania; intelligendum dicit, *irrita* esse non quantum ad se, sed quantum ad effectum, & ad alios; & administratores privari quidem executione posse, sed non potestate: ejusque Collectionem ita probavit Pontifex Eugenius, ut eam publice in Gynnasiis legi mandaverit: ergo Haereticorum, aliorumque criminorum Ordinationes verae sunt, & validae etiam ex Rom. Pontificis sententia.

Respondetur, Gratianum non sibi semper constare: postquam enim variis in locis, ut Cap. viii. n. 37. retuli, ex pluribus SS. Patribus ostendit, Sacramenta praeterquam *Baptisma* per Haereticos minime posse administrari; mox Augustini autoritate vel victus, vel emotus; cum nesciret, quo se verteret, quidve respondendum esset; eam commentus est distinctionem, quae neque *vera* esse potest; neque *admittenda*; tametsi fere ab omnibus Scholasticis praesertim Theologiae cultoribus recepta fuerit. Non quidem *vera*; cum Ecclesia, SS. Patres, & Concilia, Scriptoresque omnes vocem hanc *irritum* dixerint, dicantque aliud nihil significare, quam inane, vacuum, & nullum, nulliusque omnino valoris in se, atque pro non facto; ut est Cap. I. n. 11. & 12. ostensum. Nam si quod *ratum* est, tale quidem non erit quantum ad effectum, nisi & in se tale sit: igitur, quia contrariorum eadem est disciplina, *irritum* non erit aliquid quantum ad effectum, nisi quoque sit in se tale. Neque Gratiani admixta distinctio foret *admittenda*; cum refragetur apertis summorum Pontificum, ac Conciliorum, quod est Ecclesiae sensus, atque determinationibus supra relatis maxime Cap. vii. n. 17. & seqq. Quantum autem ad Eugenii III. approbationem, ejusque pro Gratiani *Collectione* decretum, Pontifex probavit, quae probanda erant, Ecclesiae videlicet, & SS. Patrum monumenta, non quascunque Gratiani commentationes; quae nec probari quidem possunt; ut observarunt jam S. Antoninus in Summa, Antonius Augustinus, ac Baluzius; subolfeceratque antea & Jo: Scotus in 4. d. 6. q. 8.

Num enim credendum est, Eugenium comprobasse, quod Gratianus ad c. *Daibertum* 1. q. 1. praemisit, dari in Ecclesia nonnullos *Ordines*, qui sine *Sacramentali unctione* sola Episcopi benedictione cum quadam vasorum, vel indumentorum distributione  
*prae-*



praeſtantur, ut ſunt Levitae, & caeteri infra eos conſtituti. Hi quamvis ab Haereticis ordinentur; tamen ad Eccleſiam redeuntes in eodem Ordine, ſi alias digni fuerint, ab Eccleſia ordinentur. nec fiet in eis iteratio muneris; cum ab Haereticis nihil doceatur eis fuiſſe collatum? abſit: etſi quod mireris, id minime caſtigatum legamus ab Romanis Gratiani Codicis emendatoribus.

V. Obijciunt Praepoſitivum veterem Galliae Doctorem, qui ſeculo xii. exeunte clarus fuit, & in Summa Theolog. apud Morinum Exercit. 5. cap. 1. num. 3. ſcriptis prodidit, ſibi videri conſentienti Auguſtino, quod Haereticus omnia Sacramenta & habet, & conficit; dummodo in forma faciat Eccleſiae... quod dicitur ex auctoritate vii. Synodi; ubi Tharaſius Patriarcha dixit, quod in ſede Conſtantinopolitana fuerint Epifcopi quinque omnes Haeretici unus poſt alium: ordinati tamen ab eis in ordinibus ſuis recepti ſunt: ergo Haereticorum ordinationes ſunt verae.

Reſponderetur, ſuperiori Cap. n. 7. & 8. dictum eſſe, quomodo S. Auguſtinus intelligendus ſit; & de quibus Haereticis ſit locutus: n. vero 15., & ſeqq. expoſitum etiam eſſe, quantum ad vii. Synodum hac de re pertinet; dictumque de Tharaſio, ac illis Epifcopis CP. Monotheliſtis haereticis, quomodo ſe res habuerit. Fuerunt, qui apud Magiſtrum ſent. 4. d. 25. reſponderent, Auguſtinum verba feciſſe de Haereticis occultis, & nondum ab Eccleſia damnatis, praeciliſque; non autem de eiſdem publicis, damnatis, & ab Eccleſia ſegregatis, qui cum Eccleſiae Miniſtri non ſint, nec poteſtatem Eccleſiae, ac Ordinis habere poſſunt. Gratianus vero ad c. Quod quidam 1. q. 1. ait: de his ergo, qui accepta Sacerdotali poteſtate ab unitate Eccleſiae Catholicae recedunt, loquitur Auguſtinus; non de illis, qui in Schiſmate, vel haereſi poſti Sacerdotalem unctionem accipiunt: alioquin eſſet contrarius Chalcedonenſi Concilio. & Innocentio &c., etſi paulo poſt aliter reſponderi poſſe demonſtret. Sed adductae profeſſo reſponſiones labefactantur ex ipſius Auguſtini verbis; nec appoſitior explicatio occurrit, quam quae loco proxime memorato referatur a nobis. Quare hic Doctor nihil novi evulgavit.

Alexander Alenſis, quem pro ſe Scriptores contrariae opinionis afferre conſueverunt, par. 4. Summae Theolog. q. 10. mem. 5. art. 1. §. 5. Haereticos quidem, & Schiſmaticos conſecraro poſſe ex poteſtate Ordinis, non ex officio executionis tue-

tur;

tur; attamen fatetur etiam aliquos asserere, *Haereticos* notorios ab Ecclesia damnatos consecrare non posse; occultos vero nondum ab Ecclesia proscriptos posse: quod illi *potesstate* sint exuti, isti vero nequaquam: sed quoad *Ordinationes* sacras aliam eum tenuisse sententiam dictum est supra Cap. II. n. 60.

VI. Objiciunt ex D. C. 4. d. 25. q. 1. §. ad secundum „ Episcopus in haeresim lapsus, quando reconciliatur, non iterum consecratur: ergo non amittit *potesstatem*, quam habebat, Ordines conferendi. „

Responderetur, concessio antecedenti, negando consequentiam ob *fallaciam*, ut ajunt Dialectici, *consequentis*: ut enim non sequitur: in haeresim lapsus Antistes, dum reconciliatur, non iterum consecratur: ergo non amisit *gratiam*: ita non sequitur: ergo non amisit *potesstatem*; quam una cum gratia deperdi posse perstante characterē pluribus probavi Cap. II., & quemadmodum *gratia*, quae amissa sit, sine nova consecratione recuperari potest, ita quoque *potesstas*: ut & sine utraque interdum consecrationem haberi posse eodem Cap. n. 8. demonstravi. Non igitur iterum consecratur Episcopus in haeresim lapsus, dum reconciliatur; quia jam rite consecratus fuerat; consecrationisque signum, sive *characterem* retinet, qui iterari non debet; sed illi restituitur & *potesstas*, & *gratia*, quas perdiderat; ista quidem per Deum; illa vero per homines, dum Ecclesiae reconciliatur.

VII. Objiciunt ex eodem: „ major potestas est potestas conferendi Ordines, quam potestas Ordinum: at potestas Ordinum non amittitur propter haeresim, vel aliquid hujusmodi: ergo nec potestas Ordines conferendi. „

Responderetur, etsi negari possit sumptio; cum non sit *potesstas* conferendorum Ordinum, quin sit *potesstas* Ordinum; quamquam non e converso; tamen donetur: & negatur assumptum; cum id sit, quod probandum est; sitque id, quod controversitur; an *potesstas* Ordinis amittatur ob manifestam haeresim, vel crimen damnatum: & nos tueamur, ab istis haereticis, criminosisque quibusdam non quidem *characterem* Ordinis, sed *gratiam*, & *potesstatem* deperdi; ut suis locis abunde demonstratum est.

VIII. Objiciunt ex eodem: „ sicut baptizans exhibet tantum ministerium exterius, ita & conferens Ordines Deo interius operante: sed nulla ratione aliquis ab Ecclesia praecisus „ amittit.

„ amittit baptizandi potestatem : ergo nec Ordines conferendi . „

Respondetur, omitto maj. ( non quod vera non sit ; sed quia parum, aut nihil conducit ad minorem ; non enim ideo baptizandi potestatem nemo ab Ecclesia praecisus amittit ; quia tantum exterius ministerium exhibet ; sed ob aliam causam ; siquidem in omnibus Ecclesiae Sacramentis Minister exterius dumtaxat operatur ; & tamen interdum quorundam ministrandorum potestate denudari potest, ut *Matrimonii*, *Poenitentiae* ) & distinguo min., non amittit baptizandi *potestatem* ordinariam nego ; extraordinariam concedo : de qua re disserui n. 9. Capitis praecedentis . Quippe ratio valde dispar inter utrumque & *Baptismi*, & *Ordinis* Sacramentum intercedit ; cum illud necessitatis sit, istud vero dignitatis : propter quod illius duplex potestas est ordinaria , & extraordinaria : istius vero ordinaria tantum : quare pereunte in Ministro *Baptismi* ordinaria potestate, renianet semper extraordinaria : non ita fit de Ministro Ordinis : hinc est propterea non sequi : quilibet baptizare valet ; ergo & quilibet conferre Ordines sacros .

IX. Obijciunt ex eodem : „ Omnis potestas, quae datur ali- „ qua cum consecratione, nullo casu contingente tolli potest ; „ sicut nec ipsa consecratio annullari : quia etiam Altare, vel „ Chrisma semel consecrata perpetuo consecrata manent : unde „ cum Episcopalis potestas cum quadam consecratione detur ; „ oportet, quod perpetuo maneat ; quantuncunque aliquis pec- „ cet, vel ab Ecclesia praecidatur . „

Respondetur, nego sumptionem ; nam & *Abbatibus* potestas aliqua cum consecratione confertur, & *Regibus* quoque, dum consecrantur, ex c. *Cum venisset* De sacra unctione ; & tamen ea potestas utrique facile prorsus aufertur : ut in Romano Joannis IX. Concilio anno 898. c. 6. *unctionem sacri Chrismatismis Lamberti Imp.* confirmarunt Patres ; illam vero *Berengarii* al. *Arnulfi Aug.* a Formoso Papa patratam penitus abrogarunt : & potestas *jurisdictionis* eadem datur consecratione, qua potestas *Ordinis* ; quae nihilominus omnino, ac funditus auferri potest. Similiter, & *Viri*, & *Virgines* consecrantur Deo ; & *Ecclesiae*, *Altaria*, *Calices*, *Vestefque* &c., & tamen quis ignorat, isthaec saepe execrari, violari, & consecrationem amittere ; iterumque consecrari posse, ac consuevisse ex c. *de Fabrica*, *Ad haec*, *Quod in dubiis*, & *Pro-*

*posuisti* de Consecrat. Eccles. Sed & Richardus Mediavilla in 4. d. 25. q. 3. art. 1. docet aperte, *Papam posse ab Altari, & Calice auferre consecrationem absque illorum destructione*: & Vasquez in 3. par. S. Thomae to. 3. disp. 243. cap. 2. observat, rationem S. Thomae inefficacem esse spectata consecratione generatim; eo quod cum plura sint tantum jure Ecclesiastico consecrata; eodem quoque jure tolli posset earum rerum consecratio.

X. Objiciunt ex D. D. 4. d. 25. q. 2. „ Sicut se habet *Sacerdos* ad potestatem conficiendi, sic se habet *Episcopus* ad potestatem ordinandi: sed *Sacerdos* quantumcumque haereticus, si habeat intentionem faciendi, quod facit Ecclesia, vere conficit: ergo & haereticus *Episcopus* vere ordinat, si formam Ecclesiasticam servat. „

Respondetur, data majore, nego minorem prop. de haeretico publico, & ab Ecclesia praeciso, exauctoratoque: quia semel ac extra Ecclesiam truditur Sacerdos, Ecclesiae quoque Minister esse desinit; quod si Minister non est, nec Minister *potestatem* habere potest: ad Sacramentorum autem ratam, veramque consecrationem non solum *materia*, & *forma* requiruntur; sed & idoneus *Minister*: porro Christus non *haereticos*, eosque, qui extra Ecclesiae castra militant, elegit Ministros; sed *Discipulos*, & *Apostolos*; quibus dumtaxat dixit: *hoc facite in meam commemorationem*: & *accipite Spiritum S.*, quorum remiseritis peccata, remittentur &c.

XI. Objiciunt ex eodem: „ Si aliquis Catholicus intra Ecclesiam ordinetur, & post in haeresim labatur; si iterum revertatur, non reordinatur: ergo Ordines labendo in haeresim non amittit: pari ratione nec Episcopus dignitatem, sive gradum Episcopalem: ergo Episcopus existens haereticus habet illam dignitatem Ordinis: ergo & operationem consequentem ipsam de facto: ergo si ordinat, ordinatum est. „

Respondetur, concesso ant., nego consequentiam absolute: nam *Abbas* cum deponitur, officii sui *potestatem* amittit; uti & *Rex*, aliique hujuscemodi: & tamen si dignitati restituuntur, non iterum consecrantur. Vel distinguo consequens: *ordines* non amittit, sumpto Ordine cum Synecdoche conc., extra Synecdochen nego: id autem est non amittit Ordinis *characterem*, qui interdum pro ipso Ordine, veluti signum pro re signata sumitur; aut *ordinatio*-

*tionem*, actionemque; qua Ordo, characterque tribuitur; quaeque proprie Ordo est, conc. consequ., *gratiam*, & *potestatem* Ordinis nego consequ. Verum est igitur, transfugis ordinatis in Ecclesia, cum ad Ecclesiam redeunt, *ordinem* non dari, sed & illud quodque verum, illos *ordinem* secum non afferre: aliquid ordinis adducunt; & aliquid ordinis accipiunt: afferunt *characterem*; & accipiunt *potestatem*, & *gratiam*; idque per manus impositionem, qua ordinationem emendari tradit Autor *Responsorum ad Orthodoxos* Justino Martyri affixorum n. 14.

XII. Obijciunt ex eodem: „ *Character* aequè vere est in „ malis, ut in bonis; & aequè vere imprimitur malis, ut bonis; ergo pari ratione aequè bene datur a malis, sive perver- „ sis, ut a bonis: ergo cum *essentia* Ordinis in characterè con- „ sistat; patet &c. „

Respondetur concedendo totum; quandoquidem & nos admit- timus contra quosdam Haereticos, & Schismaticos, Ordines sacros, aliaque Sacramenta Ecclesiae conferri, ac ministrari posse etiam a malis, ac improbis *Ministris*, sed tamen Catholicis, & in Ecclesia degentibus, ideoque adhuc Ecclesiae Ministris, non enim istis quaerimus aut probitatem, aut fidem, aut quidpiam hujusmodi; sed unam *Ministerii* rationem, ac potestatem. Illud tamen minus verum esse putamus, *essentiam* Ordinis in *chara- ctere* consistere; cum character sit signum Ordinis; & signum nunquam ad notionem rei signatae pertinuerit; siquidem alterum sine altero certum est stare posse; ut ostensum est Cap. II. n. 4., & Cap. I. n. 4. visum est, naturam Ordinis esse *potestatem*; & hanc fecerni, ac permanere sine ea characterem posse. Praeter- quamquod posset negari consecutio, nam aliud est inesse, & habere; aliud vero dare: quaedam enim haberi possunt, quae nullo modo possunt dari; eo quod plus requiritur ad dandum, quam ad habendum; hinc quidam alicujus dandi potestatem non habent, & tamen illud habent; sed & aliquando contra; ut quum is, qui baptismum non habet, baptismum aliis confert.

XIII. Instabunt illis Augustini verbis lib. 5. de Baptismo cap. 20. *cur autem ad verba, quae procedunt ex ore homicidae, possit tamen Deus oleum sanctificare; & in Altari, quod Haeretici posuerunt, non possit; nescio*: & lib. 2. contra Parmen. cap. 13. *nec ullo modo isti expedire se possunt, cum eis proponitur: cur*

*sanctitas Sacramenti & haberi, & dari possit ab eo, quem intus sceleratum jam Deus damnavit; & tunc incipiat ab eo dari non posse, cum ab hominibus damnatus fuerit; cum tamen nec tunc eam possit amittere?*

Respondetur ex Nicolao I. ad consulta Bulgarorum ita cap. 71. rescribente: *idcirco ab eo (Presbytero adultero), usquequo iudicio Episcoporum reprobetur, communio percipienda est: & c. Vestra devotio de cohabitatur. Clericorum, & Mulier. Lucius III. scripsit: aliud crimen est notorium, aliud occultum: notorium definitur, de quo Presbyter canonice condemnatur: occultum, quod adhuc ab Ecclesia toleratur . . . . sine dubitatione itaque teneatis; quod a Clericis, & Presbyteris, quamdiu ab Ecclesia tolerantur, nec est crimen evidens; sicite audiuntur divina Officia; & alia recipiuntur Ecclesiastica Sacramenta: sic & c. Sciscitanti- bus 15. q. 8. Nam dum tolerantur, sunt adhuc Ecclesiae Ministri: damnati vero, atque exauctorati, desinunt esse Ministri; ac proinde & sine potestate. Neque tunc dicuntur ab hominibus tantummodo damnati, cum damnantur ab Ecclesia; sed est Ecclesiam, quae divinae mentis fidelis interpres est, declarare, illos a Deo palam esse condemnatos. Quocirca recte docet S. Cyprianus, ideo Deum homicidae oleum sanctificare, semel atque iste verba profert; non autem oleum Haereticorum: quod iste quamquam homicida, est tamen adhuc in Ecclesia, ejusque Minister; illi vero nequaquam.*

XIV. Objiciunt, ut apud Riccardum Mediavillam 4. d. 25. q. 3. art. 1. de *Episcopo degradato*: „Illa potestas (Ordinis) fun-  
„ data est super aliquid, quod per hominem auferri non potest;  
„ fundata enim est super factum esse *consecrationis*, & decreto Di-  
„ vine sententiae; quod decretum est, ut ille, qui sic conse-  
„ cratus est, talem habeat potestatem: ergo &c. „

Respondetur negando summionem; & cum asseritur decre-  
tum Divinum, super quo fundata astruitur Ordinis *potestas*; esse,  
ut sic ordinatus, sive consecratus talem habeat potestatem: ad-  
mitto; sed nihil probare contendo: quippe Divinum decretum  
non solum vult, ut ita consecratus eam habeat potestatem; sed  
etiam ut ipsam amittat; quoties in hoc, vel illud crimen in-  
ciderit; ut haecenus allata facta confirmant; & ut ipse Riccar-  
dus ibi responderi posse fatetur. Nam ex Divino quoque de-  
cre-

creto super consecrationis facto fundatur & potestas jurisdictionis, & utriusque potestatis executio; & tamen ad nutum Ecclesiae utraque tolli potest.

XV. Obijciunt apud eundem Riccardum: „ Episcopus, „ qui resignavit loco, & dignitate, si ordinat, verum Ordinem „ confert; quamvis non habeat Ordinis executionem ex c. *Re-* „ *quisvit* de Ordinatis ab Episcopo, qui renunciavit Episco- „ patui; quia, inquit Glossa: *resignatio non absulit illi ordinem,* „ *sed Ordinis executionem*: sed *degradatus* non est magis spolia- „ tus dignitate Episcopali, quam qui resignavit: ergo &c. „

Respondet quidem Riccardus, per *resignationem*, sive abdicationem non posse Episcopum omnibus se privare, quibus potest privari idem per *degradationem*, sive exauctorationem: Nam sicut *jurisdictione* quis privari potest solo verbo, ac voluntate, quia haec conferri potest solo verbo, ac voluntate: ita non potest quis privari *dignitate Episcopali* solo verbo, ac voluntate; quia haec non potest solo verbo, ac voluntate donari. Sed primum Autor iste putat per abdicationem omnimodam non auferri potestatem ordinandi; quod ego Cap. x. n. 29. falsum esse probavi: deinde si Ordinis *executio* non datur solo verbo, ac voluntate; & tamen tolli potest solo verbo, & voluntate; cur non & dignitas *Episcopalis* tollitur hoc modo; etiamsi non detur hoc modo? Postea falsum est *jurisdictionem* dari semper solo verbo, & voluntate; cum detur una cum potestate *Ordinis* Episcopis, & Presbyteris: qua in re mea quidem sententia nemo melius judicavit *Gulielmo Rubione*; cujus verba retuli Cap. II. n. 45. Nam ad Autorem *Glossae* dico idipsum, quod Cap. x. n. 29. de eodem scripsi.

XVI. Obijciunt ex D. S. 4. d. 13. q. 2. „ 1. q. 1. *Quod qui-* „ *dam*: Nulla causa ostenditur; cur ille, qui *baptismum* non „ potest amittere, jus amittere possit baptizandi: ergo a simi- „ li qui *ordinem* Sacerdotalem amittere non potest; nec jus confi- „ ciendi amittere potest: sed nullus Sacerdos potest amittere *pos-* „ *statem* Sacerdotalem, quia *character* est indebilis: ergo &c. „

Respondetur, illud *Augustini* pronunciatum: *nulla causa ostenditur &c.* a me Cap. praecedenti n. 8. expositum esse, quomodo intelligendum: ideoque mitto antecedens; & distingo consequens, sumpto *Ordine* pro potestate conc., pro *character* ne-

go conseq., & assumptum cum eo, quo ipsum probari creditur; quasi *character* sit aut ipsa potestas, aut potestati necessario connexus; cum sit tantum potestatis signum, quod sine ea permanere posse non semel est & dictum, & ostensum. Et si Angelus, vel quicumque alius minime ordinatus, aut consecratus, a Deo tamen electus, atque iussus ordinare potest; ut omnes non diffidentur; liquet *characterem* non esse ad naturam, ac essentiam Ordinis pertinentem; cum ille *characterem* non haberet; *potestatem* autem ordinandi teneret.

XVII. Obijcient ex eodem: „ 1. q. 1. *de his*: Sacramentorum sanctitatem in perversis hominibus; sive qui intus sunt, sive qui foris; constat impollutam, atque inviolabilem permanere: ergo quicumque Sacerdos quantuncunque malus potest habere sanctitatem Sacramentorum eandem cum bono. „

Respondetur, argumentum sumptum esse ex *Augustino* lib. 2. contra *Parmen.* cap. 13., & ex eo quoque solutionem haberi; inquit enim: *intelligitur perversitatem hominum esse corrigendam, sanctitatem autem Sacramentorum in nullo perverso esse violandam. Constat enim in perversis, & sceleratis hominibus sive in eis, qui intus sunt, sive in eis, qui foris sunt, impollutam, atque inviolabilem permanere: & quia dicuntur ea mali pollueri; quantum in ipsis est, dicuntur; cum illa impolluta permaneant; sed in bonis permanent ad praeonium; in malis permanent ad iudicium. Nam & de Spiritu, qui nullo modo potest extinguere, dictum est tamen: spiritum nolite extinguere: id est quantum in vobis est, nolite sic agere, tanquam conemini spiritum extinguere; aut tanquam spiritum extinctum putetis; & nomen Dei nullo modo pollui potest; & tamen dictum est; filius, & pater intrabant ad unam puellam, ut polluerent nomen Dei sui. Ex quibus apparet Augustinum loqui de characteribus Sacramentorum, qui inviolabiles semper, & impolluti permanent in bonis, & in malis; aut etiam de ipsa Sacramentorum sanctitate; de qua quidem non disputamus; nec inficiamur eam haberi posse a quocunque Sacerdote malo; sed de Ministri potestate perquirimus; an in iis, qui foris sunt, permaneat: nam si Sacramentorum gratia, quae sanctitatem efficit, in perversis hominibus, iisque potissimum, qui extra Ecclesiam sunt, amittitur; cur non & Sacramentorum potestas; quae gratiam ipsam plerunque consequi solet?*

XVIII. Obji-



XVIII. Obijciunt apud Scorum 4. d. 25. art. 2. „ cum hoc, „ quod quis communione privatus, suspensus, interdictus, *depo-*  
 „ *situs* &c. sit, stare potest & ratio *Ministri*, & *suscipientis*, &  
 „ *intentio*, & alia necessaria hinc inde: ergo &c. „

Responderur, ut ibi secundum quosdam §. *ad Argumenta*, non  
 sufficere intentionem, & alia necessaria, *nisi sit & Minister ido-*  
*neus*; qualis non dicitur esse *depositus*, *suspensus*, communione  
 privatus, & similes ab Ecclesia multati. Nam nulli dubium est,  
 quin in quibusdam criminosis stare possit, & stet interdum ratio  
*Ministri*: sed & illud affirmamus, Ecclesiam aliquando vetare  
 posse, ne quis sit amplius Ecclesiae Minister: quemadmodum est  
 de *Schismaticis* ostensum, qui inter Ecclesiae Ministros toleran-  
 tur; & de *Haereticis*, aliisque pluribus, qui rejiciuntur. Et sa-  
 ne cum Dominus *ministerium* suum a ministerio. deponit; minister  
 ille non amplius dicitur, estque Minister ejus: & erit adhuc *Min-*  
*ister* Ecclesiae, quem Ecclesia deposuit, exautoravitque? & si  
 Minister non est, quam potestatem ministerii habebit?

XIX. Obijcient ex Vasquez in 3. par. S. Thomae to. 3. d.  
 243. cap. 2. „ Potestas, & consecratio, quae Divino jure ali-  
 „ cui confertur; sive sit Ordinis, sive non; nullo facto, aut jure  
 „ Ecclesiastico ab aliquo auferri potest: sed semel collata per-  
 „ petuo cum eo usque ad mortem manet: hujusmodi est pote-  
 „ stas, & consecratio Episcopi: ergo neque degradatione, neque  
 „ ullo modo alio ab Ecclesia tolli potest. „

Responderur, jam longe antea Riccardum Mediavillam hujus  
 argumenti nervos incidisse, dum 4. d. 25. q. 3. art. 1. respon-  
 dit; quod *sicut a Deo decretum est, ut ille, circa quem fit talis*  
*consecratio, habeat talem potestatem: ita decretum est, ut ille, qui*  
*degradatur, careat illa potestate*; est igitur a Deo quidem *pote-*  
*stas Ordinis*, & Episcopalis; sicut & *potesas jurisdictionis*, &  
*utriusque potestatis executio*; sed ita a Deo contributae Ecclesiae  
 suae; ut in hujus arbitrio sit, cum oportuerit, huic, vel alteri  
 & conferre, & auferre; ut etiam proximo n. 14. est dictum.  
 Quibus exploditur & argumentum Autoris *rei Sacramentariae*,  
 dum to. 2. lib. 8. par. 1. q. 6. §. 3. negat Ecclesiam potuisse,  
 aut posse sacras ea conditione Ordinationes coercere, ut nisi a  
 Ministris legitimis datae quantum ad substantiam non valeant:  
 quia, inquit, non potest Canonibus suis Ecclesia Divinum opus

infringere; & effectum ex sacra Ordinatione ita volente Christo necessario consequentem in irritum mittere: atqui Ordinatio sacra Divinum est opus Christi autoritate characterem necessario imprimens ordinato: ergo nihil contra potuit, aut potest Ecclesia. Nam nequit quidem Ecclesia Divinum opus infringere. Sed ejus est declarare, quae rata sit, & quae irrita ordinatio: cui danda, cui vera neganda consecratio: quis nam Minister legitimus, & idoneus, quis nam vero nequaquam aptus: huic, vel illi *potestatem* auferre, si non *characterem* &c.

XX. Obijciunt ex Frassen Disput. Prooem. de Sacram. art. 2. q. 3. Concl. 4. „ Si *potestas Ordinis*, quae significatur per „ characterem, posset deperdi per aliquod peccatum; consequens „ esset, quod homines plerumque forent dubii, an valide Sacra- „ menta susciperent; cum nullum habeant indicium; utrum Sa- „ cerdotes, a quibus suscipiunt Sacramenta, sint in statu gra- „ tiae, nec ne; quod certe urgeret in magnum fidelium detri- „ mentum: ergo &c. „

Respondetur, *potestatem* Ordinis non amitti per quodcunque peccatum; cum paulo superius dictum sit, improbos, & malos Clericos, Sacerdotesque, quousque tolerantur ab Ecclesia, esse veros Ecclesiae *Ministros*, ideoque vere Ordines, & Sacramenta administrare; sed tum amitti, cum crimen tale perpetrant, quo secundum Canones ipsis per Ecclesiam adimitur potestas: idque universis innotescat oportet. Quod si quibusdam interdum non innotesceret; tunc fiet id, quod S. Thomas in 4. d. 24. q. 3., & in Supplem. q. 35. art. 3. §. ad sec. perhibet de non baptizato; si ad Sacerdotium promoveretur, inquit: *pie credi potest, quod quantum ad ultimos effectus Sacramentorum summus Sacerdos suppleret defectum; & quod non permitteret hoc ita latere, quod periculum Ecclesiae imminere posset*: Cum & Theologiae Moralis professores communi consensione doceant, errorem communem tribuere *jurisdictionem*; tumque Ecclesiam, & Deum iniquorum hominum defectum supplere. Postea etiam si *potestas* memorata non amittatur ullo modo per peccatum Ministri; adhuc homines posset esse de eodem *Ministro* dubii; an intentionem rectam, & requisitam habuerit; an fide prorsus, ac sine fide ad Ordinem sacrum accesserit; & consequenter an *valide* Sacramenta ministraverit; sive an verus Minister sit, aut falsus.

XXI. Obji-

XXI. Objicient etiam ita; si *Haeretici* ab Ecclesia se juncti: *Apostatae*, *exauctorati*, *simoniaci*, alique similes criminosi Clerici, & Antilites *potestatem* Ordinis amitterent; *Laici* fierent, aut nihil differrent a Laicis: at semel ac quis Sacerdos constitutus est, Laicus nequit amplius fieri: igitur Haeretici, & Apostatae ab Ecclesia desciscentes Ordinis *potestatem* non amittunt, ergo adhuc extra Ecclesiam Ordines conferre possunt. Sumptio se ipsa lucefcit; quoniam per Ordinis *potestatem* discriminantur Clerici a Laicis; qua sublata illi ad Laicos amandari possunt, & debent: assumptum probatur ex Tridentino Concilio sess. 22. can. 4., quo statuit: *Si quis dixerit, per sacram ordinationem . . . non imprimi characterem: vel eum, qui Sacerdos semel fuit, Laicum rursus fieri posse: anathema sit: igitur &c.*

Respondetur, concessa maj., nego min. propos., cujus ad probationem ajo, Concilium Tridentinum ibi etiam cap. 4. habere: *Quoniam in Sacramento Ordinis, sicut & in Baptismo, & Confirmatione Character imprimitur, qui nec deleri, nec auferri potest; merito S. Synodus damnat eorum sententiam, qui asserunt, novi Testamenti Sacerdotes temporariam tantummodo potestatem habere; & semel rite ordinatos iterum Laicos effici posse; si Verbi Dei ministerium non exercent: ideoque hypotheticam sententiam damnat, non absolutam. Quod si Canonis sententiam dixeris absolutam, non autem hypothecam; Concilium definire dico, Sacerdotem fieri non posse Laicum quantum ad characterem, non quantum ad potestatem; sive illum, non istam eum deperdere non posse; ideoque ratione characteris omnino Laicum dici non debere. Caeterum Laicos fieri Sacerdotes, qui aut depouuntur, & exauctorantur; aut extra Ecclesiam transfugiunt, potestatemque Ordinis amittunt; quamplures condocent SS. Patres supra commemorati, Optatus Milevitanus lib. 2. cap. 24., Magnus Basilius Epist. 72. ad Evaisenos: *si enim orthodoxus fuit Evippus (Episcopus); quomodo non Laicus Eustatius, qui ab illo depositus fuit?* & Epist. 1. ad Amphilochoium n. 1., S. Cyrillus Alexandr. Epist. ad Atticum CP. Episcopum, Gennadius CP. Episcopus Epist. ad Martyrium Antiochenum Antistitem; & Clarissime Concilium Bituricense, cujus verba recitavi Cap. 11. n. 21., quinimmo ipsemet S. Thomas 4. d. 24. q. 2., ac in Supplem. q. 35. art. 2. §. ad sec. annon scripsit: *dicendum, quod quantum-**

tumcunque homo se ad Laicatum transferat, semper tamen manet in eo character: quod patet ex hoc, quod si ad Clericatum revertatur, non iterum ordinem, quem habuerat, suscipit? Quamobrem non ab re notavi Cap. I. n. 5., ut unus Baptismi character Christianum non efficit, ita non unum Ordinis characterem Clericum constituere: sed in illo fidem, in isto potestatem requiri.

XXII. Obijcient tandem ultimo, Doctores omnes, vel fere omnes praesertim Theologiae Scholasticae, iique praecipui non solum, sed etiam Principes ab initio XII. seculi docuerunt, docentque adhuc mordicus, Sacramenta Haereticorum, Simoniacorum, exauctoratorum, aliorumque criminolorum etiam extra Ecclesiam, modo in forma Ecclesiae ministrata sint, vera esse, & valida: ergo erroneum est post tot Theologorum consensum, inquit Hallierus Tract. de sacris Elect., & Ordin., negare, validum esse Sacramentum ab Haereticis, similibusque etiam ab Ecclesia praecisus administratum, quod & certissimum esse non dubitat asserere Juenin cap. 3. q. 6. de Sacram.

Respondetur conc. ant., nego consequ., sciscitorque, num mihi per illos, aliosque licuerit dicere, quod in simili causa S. Augustinus lib. 2. contra Crescon. dixit cap. 30. *Non accipio, quod de baptizandis Haereticis, & Schismaticis B. Cyprianus sensit; quia hoc Ecclesia non accipit, pro qua B. Cyprianus sanguinem fudit?* Cum praeter rationum momenta retulerim & facta, & auctoritates Doctorum veterum, SS. Patrum, Rom. Pontificum, & Conciliorum etiam Oecumenicorum, quod est plane universae Ecclesiae: non unus ego, qui pene nullus sum, sed quotquot illa legerint, & lecta attente perpenderint, non quiverint huic nostrae non accedere sententiae; quae quidem verus, constansque Ecclesiae, atque adeo omnium fuit, ac etiam esset; nisi rerum vicissitudo, & quaedam, quae mox dicentur, ipsam latefactassent, ac demum depravassent,

XXIII. Ob tria igitur potissimum in oppositam Theologi, quos dixi, descenderunt sententiam; ob auctoritates S. Augustini, & Anastasii Papae, ad quas verba feci Cap. x. n. 22., & XI. n. 7., & 8., ob monumentorum, quae sparsim in Opere produxi, penuriam; & ob Gratiani Canonum Collectionem, quam fere solum illi pervolvebant, lectitabantque; & quae in Gymnasis tantum fiebat; posteaquam Romani Pontifices secundum eam in Tri-  
bu-

bunalibus judicari jusserunt; ut ne digitum quidem transversam ut ajunt, ab ea discedere vellent; nefasque secus atque illam sentire putarent Doctores. Quare cum *Gratianus*, ut & jam n. 4. monui, & Augustini autoritate permotus, & monumentis pluribus destitutus eam ipsam tradiderit opinionem; nil mirum, si & hi, qui post eum floruerunt, eique operam plurimam dederunt; ejus quoque pravam alte animis imbibere opinionem. Ad haec accessit; eosdem, quod legerint quorundam *Haereticorum*, & *Schismaticorum*, *Simoniacorum*, *anathemate* ictorum, similiumque ordinationes ab Ecclesia fuisse probatas; omnium horum indiscriminatim Ordinationes esse ratas, validasque credidisse, & scriptis tradidisse. Quae sane causae fuerunt, cur & obscura, difficilisque quaestio judicata sit; & diutissime sit a tot, tantisque viris erratum in ipsa: quibus nihilominus ob id nolim aliquis existimet quicquam iri detractum; quinimmo maximopere ipsos laudibus cumulandos affirmo: quoniam si tanta tantis orbatu monumentis egerunt, conscripseruntque; ut adhuc eorum nomen clarum habeatur in Orbe; quanta elaborassent, si eisdem locupletati magis amica literis tempora nacti fuissent. Atque haec quidem satis pro hac de sacris quorundam *Ordinationibus* Disputatione; utinam autem & ad inveteratum errorem extirpandum satis.




QUAE.



# QUAESTIO I.

## *De Chorepiscopis.*

I.  Erlegenti mihi cupidissime, & rerum Ecclesiarum in primis antiqua revolvendi, perquirentique; quid quaque in re verius haberetur, quidve probabilius; illa de *Chorepiscopis* occurrit investigatio plane non inutilis; utrum *Episcopi* re ipsa fuerint, an non: eorum enim, qui de ipsis pertractarunt, aliqui quidem eos *Episcopos* extitisse tutati sunt; sed reliqui fere omnes, praecipueque Galli *Presbyteros* eos tantummodo fuisse scripserunt. Galli quippe, qui omnium primi in Occidente, & ferme soli cum Germanis *Chorepiscopos* admiserunt; primi etiam post III. vel IV. secula bellum illis inferre coeperunt. Nam cum medio circiter octavo Ecclesiae seculo in Gallia *Gauziolenus* quidam Ecclesiam moderantur Cenomanensem, jussu Pippini Regis oculis privatur; iccirco quod ipse Herlemundum sibi Ecclesiam tyrannide opprimenti ab eodem Pippino substitutum dolo obcoecasset: mox tamen ipsum *Gauziolenum* quamquam oculis captum suam regere Ecclesiam ita permisit Rex, ut *Senfridum* ordinaret *Chorepiscopum*, qui vices suas in illa suppleret Paroecia: quo mortuo successere unus post alterum *Desideratus*, & *Berthodus* itidem *Chorepiscopi* sub eodem Episcopo *Gauzioleno*: qui post obitum *Berthodi* alium sibi *Chorepiscopum* ordinari a Carolo Magno postulavit.

II. Rem Princeps retulit ad *Synodum* Episcoporum; quibus absurdum visum est, quod apud Cenomanos eatenus gestum fue-

rat;

rat; scilicet ut *Chorepiscopi* peregrissent omnia, quae Episcopi erant: cautumque, ne *Chorepiscopi* deinceps Chrisma conficerent, Virgines sacrarent, Spiritum S. traderent, Ecclesias, seu Altaria consecrarent, & Oleum denique ad infirmos ungendos benedicerent, nisi a tribus Episcopis essent ordinati: sicque ordinati a titulo villano *Chorepiscopi* nomen, non *Episcopi* ab ordinatione fortirentur, nec quidquam in Ecclesia citra consensum Episcopi aggredirentur. His conditionibus a Carolo permissum, ut Gauziolenus sibi Chorepiscopum ordinare posset; inquit Mabillonius Analect. to. 3., & Annal. Bened. lib. 21. n. 74., subditque Chorepiscopum adlectum fuisse *Merolum* Sacerdotem, atque a tribus Episcopis ordinatum ad titulum Ecclesiae S. Petri in Vico canonico nomine Salico; & post *Hodingum*, qui Gauzioleno ad biennium successit ex Chorepiscopo Cenomanen. Episcopum iussu Caroli Regis creatum, idque circa ann. 772., cum initio insequentis anni jam cum sedisse constet; cumque Pipino Regi Carolus successerit anno 768., liquet Gallorum *Synodum* de hac re inter ann. 768. & 771. habitam fuisse; unde & novum *Chorepiscoporum* genus, & origo coepit belli Chorepiscopis inferendi, ob idque & comminiscendarum *Epistolarum Damasi*, *Leonis M.*, & *Joannis III.*, cum intelligerent sibi obstare & canonem 10. Antiochenum, qui ab uno Episcopo Chorepiscopum ordinari praecepit; & 3. Regensem, qui *Chrisma* conferre permisit Armentario Chorepiscopo; & alia plura.

III. Qua de re mihi faciendum erit, ut ostendam *Chorepiscopos* tam primi, veterisve generis, & qui ab uno tantum ordinabantur Episcopo; quam secundi, novique; & a Gallis seculo VIII. excogitati generis, qui a tribus consecraretur Episcopis, fuisse veros Episcopos, minores tamen *Polepiscopis* dignitate, uti & loco; & partim jure in Gallia, partim vero injuria esse periculosos, atque condemnatos; idque ratione primum, ac auctoritate; postea momentorum adversariorum confutatione. Itaque 1. quicumque consecratur ea consecratione, qua fiunt, consecranturque Episcopi, verus est Episcopus: ea ipsa consecrabatur *Chorepiscopus*: ergo verus erat Episcopus. Sumptio & per se ipsa liquet; & etiam a simili; cum ille verus sit Presbyter, & verus Diaconus, qui qua Presbyter, & qua Diaconus fieri consuevit, consecratione ordinatur, Assumptum ostendit canon x. Antioche-  
nus

nus: *qui Chorepiscopi vocantur, quamvis impositionem manuum acceperint, & ut Episcopi consecrati sint*: inquit paraphrastes Dionysius Exiguus, & Iulidorus: ergo &c. Quamobrem Baronius ad ann. 357. n. 67. ex hujus Concilii Canone 8. & 10. scribit, Chorepiscopos *Vicarios* quidem fuisse Episcoporum; sed *qui erant Episcopi consecrati, conferreque Ordines sacros poterant*.

IV. Nec juvat recens quorundam effugium, qui ad hujus argumenti, canonisque vim praevertendam duplex *Chorepiscoporum* genus sunt commenti, unum ut Episcopi consecratum; alterum vero non. Quoniam veteres Galli, quum illos exagitandos sibi sumpserunt, generatim de ipsis, non autem de uno illorum genere tractarunt: atqui omnes affirmant ordinatos fuisse consecratione *Episcopali*, sive qua fit Episcopus: ergo illud duplex Chorepiscoporum genus purum putum quorundam recentiorum dicendum est. Assumtum probatur: In Capitul. Reg. Franc. anno 803. cap. 6. de eis dictum est: *Episcopi namque non fuerunt; quia nec a tribus Episcopis, nec ad aliquam Episcopalem Cathedram ordinati fuerunt*: & cap. 4. decretum dicitur in Synodo Ratisponen., ut eorum omnia iterentur; *nam Episcopi non erant, quia nec ad quandam Civitatis Episcopalem sedem titulati erant; nec canonice a tribus Episcopis ordinati*: cujus decreti partem accepisse videntur a suppositis Damaso, Joannique III. Epistolis, quarum in prima legitur: *quod enim Episcopi non sint, qui minus quam a tribus sunt ordinati Episcopis, omnibus patet*; in secunda vero: *omnis quoque Concilia affirmant, eum non Episcopum esse, qui minus quam a tribus Episcopis fuerit factus Episcopus*: qui quidem non inficiantur, Chorepiscopos ordinatos ordinatione *Episcopali*; sed non rite facta, ideoque invalida factos autumant. Cur enim non dixerunt: *Chorepiscopi* Episcopi non sunt; id quod causam evicisset? at quum eos refelleret aperte canon Antiöchenus; iccirco *Episcopalem* illos quidem ordinationem habuisse sunt fassi, sed prave traditam, ideoque irritam, ac invalidam. Quod quam falsum fuerit, paulo post videbitur.

V. Confirmat hoc assertum Rabanus Maurus Archiepiscopus Moguntinus vir doctrina insignis, qui Epist. ad Dragonem Meten. Episcopum de *Chorepiscopis* acriter in eos invehens Episcopos, qui eisdem Chorepiscopis *Episcopalia munia* non permit-



tebant, sed ab ipsis consecratos iterum consecrarent, inquit: *vanum est, quemquam consecrationem Episcopalem habere, si ministerium Episcopi ei non licet agere? Ad quid ergo invocatur Spiritus Sanctus ab Episcopo ordinatore... si ipse invocator... post consecrationem, quam rite peregit, mox reprehenderit? Ad quid enim Episcopus cujuslibet Civitatis Chorepiscopum sibi vult, ac decernit ordinare; si ipsam ordinationem suam nullam efficaciam arbitratur habere? Nec Autor ille explicari potest de Chorepiscopis, qui ut Episcopi consecrati fuerant; non autem de omnibus Chorepiscopis; quemadmodum interpretatur Witalles Obj. 9., cum Rabanus verba fecerit de Chorepiscopis cujuslibet Civitatis; de iis, qui non a tribus Episcopis, vel Synodo Provinciae, sed ab uno Episcopo ordinatore consecrati erant, de iisque, quorum ordinationes a nonnullis iterabantur: uno verbo de iis, quos Gallicani Antislites, Conciliaque pronuntiarent non esse Episcopos, sed Presbyteros, & ad Lxx. discipulorum formam; quod plane de illis, qui juxta Gallos vere Episcopali ordinatione consecrati erant, minime dicebatur.*

VI. Huc accedat illud Nicolai I. Epist. 19. Append. 1. ad Rodulfum Bituricen. Archiepiscopum n. 1. scribentis: *A Chorepiscopis asseris multas esse in Regionibus vestris ordinationes Presbyterorum, & Diaconorum effectas; quos quidam Episcoporum deponunt; quidam vero denuo consecrant. Nos vero dicimus; nec innocentes oportere percelli; nec ullas debere fieri reordinationes, vel iteratas consecrationes: ad formam enim Lxx. Chorepiscopi facti sunt; quos quis dubitet Episcoporum habuisse officia? sed quia sacri Canones vetant, ne omnes sibi omnia vendicent; ac per hoc dignitas Episcoporum ad Chorepiscopos suos videatur transferri; fiatque vilior honor Episcopi; decernimus nihil in hoc praeter regulas ulterius fieri: Quibus edocuit, Chorepiscopos vi ordinationis potuisse, sed non debuisse illas peragere ordinationes. Neque suppositionis pars haec Epistolae postulari potest, ut aestimat Thomassinus; siquidem unus est totius Epistolae stylus; & nihil Pontifex astruit, quod non senserint multi SS. Patres, Jo: Chrysostomus, Hieronymus cum Antiocheno Concilio. Nec etiam minus verisimile videtur Archiepiscopum Rodulfum post tot Sedis Apostolicae, Conciliorumque decreta de Chorepiscopis iterum consuluisse Nicolaum I., cum extet aliud ejusdem Nicolai*

colai responsum ad consulta Arduici Vefontion Archiepiscopi in Append. 3. ejus Epistolarum cap. 5. hujusmodi: *de Chorepiscopis, de quibus consulis; utrum Presbyteros, & Diaconos valeant consecrare; sacri te Canones satis poterunt edocere. Quomodo autem Chorepiscopos posse dicemus Ecclesias consecrare, quas nulli Episcoporum licet sine nostro praecepto secundum sanctas regulas dedicare? Inde vos Episcopos tanquam terminos a Patribus positos transferentes merito reprehendimus.*

VII. Quo dicto Pontifex sine dubio respexit, innuitque illud *Gelasii I.* Epist. 9. ad Episcopos Lucaniae &c. n. 4. & 25., ubi prohibet, *Basilicas, Ecclesias, & Oratoria* dedicari ab Episcopis *sine praecepto Sedis Apostolicae*; quod innovavit & Nicolaus c. *Ecclesia* d. 1. de Consecrat., & quanquam Gelasius Episcopis *Suburbicariis* scribens videri possit, id voluisse illis non licere sine *Metropolitani* Antistitis facultate, atque permisso: Nicolaus tamen de quibuscunque Episcopis intelligendum aut putavit, aut voluit: certe Siricius Papa Epist. 4. ad Afros n. 1. nomine *Sedis Apostolicae* asserit intelligi *Primates*. Quo tamen loco notare est, Nicolaum scribere Arduico de Chorepiscopis: *sacri te Canones satis poterunt edocere*: cur non adduxit decretales suorum praedecessorum *Damasi, Leonis M., & Joannis III.* Epistolas, aut *Leonis III.* ad Carolum M. responsum, Galliarumque *Concilia*; nisi quia aut illa non vidit, aut non multum illis detulit? Porro quanti facienda sit Nicolai I. autoritas, edisserit Adrianus II. Epist. 35. ad Adonem Viennen. Archiepiscopum anno 868. scripta hisce verbis: *siquidem acta praefati Pontificis (Nicolai) tanto a nullo patimur quolibet pacto convelli; quanto ipse nobis post longa tempora inter nubila praesentis vitae quasi quoddam novum sidus apparens & vitae, vel doctrinae suae fulgore, auctore Deo, errorum tenebras abigens non quod abolendum, sed quod imitandum sit, & fecit, & docuit.*

VIII. Probatur 2. Discrimen illis praesertim temporibus *Episcopum* inter, & *Presbyterum* sola ordinatio constituebat; uti perhibent SS. Jo: Chrysostomus homilia II. in Epist. 1. ad Timoth., & Hieronymus Epist. 101. al. 83. ad Evagrium: atqui *Chorepiscopis* jus erat conferendorum ordinum nedum Minorum, sed etiam Majorum: igitur Episcopi vere illi erant, non autem Presbyteri: assumptum habetur ex Conciliis Ancyrano, & Antioche-

no,

no; illo can. 13. *Fas non est Chorepiscopus ordinare Presbyteros, vel Diaconos, sed neque urbis Presbyteros, nisi cum literis ab Episcopo permissum fuerit, in aliena Parochia: isto can. 10. Constituant autem Lectores, & Subdiaconos, & Exorcistas; & eorum promotionem sibi sufficere existiment: Presbyterum autem, & Diaconum ordinare non audeant sine Episcopo Civitatis, cui ipse, & pagus subjicitur. Quod si quis opponat, etiam Presbyteros ordines vel minores olim conferre potuisse ex c. Requirivit de Ordinatis ab Episcopo, qui renunciavit &c. Discat id delegata eos fecisse potestate, non autem ordinaria, ut Chorepiscopi; quapropter Gelasius proxime commemoratus Epist. 9. n. 6. de Presbyteris edixit: *nec sibi meminerint ulla ratione concedi, sine summo Pontifice Subdiaconum, aut Acolytum jus habere faciendi: tres alios vero inferiores forsitan illis aliqua ratione permisit: sed non majores Ordines unquam Presbyteris, ut conferrent, legitur permissum. Erratque Morinus par. 3. de Sac. Ordinat. Exercit. 4. de Chorepiscopis cap. 3., dum simplices Presbyteros putat Ecclesiastica Chorepiscopali ornatos dignitate per Canones Ancyranum, & Antiochenum fuisse delegatos ad consecrandum Presbyteros in pagis, & villis: neque tamen id mirum; Gallus enim erat.**

IX. Confirmatur ex Magni Basilii Epistola ad Chorepiscopos, qua perspicue scribit, eos quidem consuevisse *Sacerdotalem* conferre dignitatem; sed ipsos increpat, quod indiscussos, & sine examine ministros promoverent, ac sine suo assensu; minaturque deinceps tales deponendos fore; nam inquit: *Eos, qui Ecclesiae ministrant, recepta olim in Ecclesiis consuetudo diligentissime probatos admittebat; & omnis eorum vitae agenda ratio curiose inquirebatur... & haec quidem examinabant Presbyteri, & Diaconi, qui cum eis versabantur: referebant autem ad Chorepiscopos; qui acceptis suffragiis a sinceris testibus, & eorum admonito Episcopo, ministrum deinde in Sacerdotalem numerum cooptabant. Verum quidem est, Graecum exemplar habere *ιερατικός*, quod etiam *Sacratorum* sonat, nedum *Sacerdotalem*; attamen id clare probat, Chorepiscopos consuevisse *Sacros* ordines alius conferre; Basiliumque tradere ea, quae valde sunt Antiocheno Concilio consentanea. Cui maxime consonat Ebbō Rhemenis Archiepiscopus in descriptione Officii Ecclesiae Rhemen. Ministro-*

R

rum,

rum, quae ad calcem Historiae Flodoardi habetur; ubi de *Episcopi officio*, *ordinationibus*, *confirmatione*, aliisque tractans ait: quibus in causis nisi iussus *Chorepiscopus* nullatenus excedat: igitur iussus potest ordinare, confirmare &c. Neque autem quod interdum quibusdam ex causis *Chorepiscopis* interdicebantur Ordinationes; inde duci potest, eos veros non fuisse Episcopos; uti quum Synodus vii. can. 14. prohibuit, ne iidem sine consensu Episcopi *Lectores* constituerent; quod & de omnibus Ordinibus edixisse videtur Laodicens Synodus can. 32. Nam & Gelasius, qui supra, n. 4. & 25. interdixit *Episcopis* Suburbicariis uti Metropolitanus; ne *Ecclesias*, *Oratoria*, ac *Altaria* sine suo dedicarent praecepto: & Synodus Carthagin. ii. can. 9., ac Hispalensis ii. c. 7. vetuit, ne *Presbyteri*, praesente Episcopo *agenda celebrare*, aut *Sacramentum Corporis*, & *Sanguinis Christi consecrare* praesumerent; ut & Neocaesariensis can. 13.

X. Probatum 3. Nomen ipsum *Chorepiscopi* dignitatem prodat; ipsumque nequaquam simplicem Presbyterum esse manifestat: nam quid est *Chorepiscopus*, nisi ruris, aut Regionis Episcopus? ita namque latine redditur Graeca vox *χωρη*, vel *χωρη*: & propterquid *Episcopi* titulum hic retulit; nisi quia velut Episcopus consecratus fuit; & officia Episcopalia exercere poterat? Quap opor & in Conciliis Nicaeno I., Neocaesariensi, Ephesino, Chalcedonenfi, Noviom., Carisiacen. I., Svesfionen. III., & Duziacen. *Chorepiscopos* legimus subscriptos, memoratosque inter *Episcopos* non quidem semper suorum Episcoporum loco, cum id non ostendatur; sed tanquam & ipsi Episcopi: qui enim aliorum loco, atque nomine sive *Chorepiscopi*, Episcopique, sive *Presbyteri* intererant, id Acta significabant, ut illa *Chalcedonenfis*; & si quae sunt, quae occurrant: igitur cum *Chorepiscopi* non dicantur quampluribus in Synodis aliorum nomine interfuisse: id factum asserere, est nullo monumento, temereque rem interpretari, atque referre. Quod autem in Ephesino, & in Chalcedonenfi Conciliis *Jacobus* quidam dicatur modo *Chorepiscopus*, & modo *Presbyter*, nequaquam nostram expugnat opinionem, ut quidam arbitrantur; nam ibi *Jacobus Presbyter* alius est a *Jacobo Chorepiscopo*: qui quoniam ab Eutychio Principe vocatus est *Episcopus*; recte Lupus Act. vi. Appendicis ad Ephesinum Concilium adnotat id eo factum, quod *Chorepiscopi con-*  
*secra-*

*secratione non simplices Presbyteri, sed veri Episcopi essent. Quare duo, qui in Synodo Neocaesariensi interfuisse leguntur Chorepiscopi Cappadociae, a Sozomeno iudicati sunt Episcopi; dum lib. 6. cap. 4. memorat Prapidium apud Cappadoces in multis pagis munere Episcopali functum esse: Et quid est, quod in magna illa Carthagin. Catholicos inter, & Donatistas Collatione anno 411. Alipius Tagasten. Episcopus de Donatistis Episcopis cum objiceret, improperearetque: scriptum est, omnes istos in fundis, vel in Villis esse Episcopos ordinatos, non in aliquibus Civitatibus: numeri ostentandi causa; Petilianus Constantien. Donatistarum Antistes reposuit: sic etiam tu multos habes per omnes agros dispersos sane, & crebros sine populis: Collat. 1. n. 181. & 182., nisi Episcopos dicere, qui Chorepiscopi erant? Nec omit- tendum est, Caesarium Civitatis Alcae, al. Arcae Chorepiscopum inter Episcopos Conciliorum Ephesini, & Chalcedonen. subscri- pisse Act. 1. Chorepiscopum quoque fuisse censeo Leonem illum, quem Gulielmus Malmesburien. lib. 2. de Reg. cap. 10. dicit Episcopum Trevirensis; sed Epistola Joannis XV. anno 990. edi- ta apud eum appellat Leonem vice Episcopum S. Trevirensis Ec- clesiae: nam & Ferrandes Diaconus Chorepiscopos dicit Episco- porum Vicarios.*

XI. Confirmatur hoc ipso, quod semper Chorepiscopi supe- riores Presbyteris in omnibus monumentis inveniantur, cum eis- dem semper praelati referantur; ut in Actis Nicaeni Concilii I. can. 8. de Catharorum Episcopo ad Ecclesiam Catholicam redeun- re legitur statutum, ut Episcopus Catholicus *provideret ei aut Chorepiscopatus, aut Presbyterii locum; ut in Clero prorsus esse videatur.* Similiter Ancyrana Synodus can. 13. concessit Chore- piscopis jus ordinandi Presbyteros, & Diaconos, nec non urbi- cos Presbyteros cum literis tamen Episcopi; & Neocaesariensis iidem can. 13. non minimum discrimen posuit inter ruris Epi- scopum, & ruris Presbyterum: *Antiochena vero can. 10., ut vi- sum est n. 8., vel idem, vel amplius quam Ancyrana eis tri- buit.* Sed Chalcedonen. Concilium can. 2. dicit: *si quis Epi- scopus ... propter pecunias ordinaverit Episcopum, vel Chorepisco- pum, vel Presbyterum, vel Diaconum &c.* & S. Athanasius Apol. 2. n. 85. habet: *Mareotes Regio est Alexandriae, in qua nunquam Episcopus fuit, aut Chorepiscopus; sed universae illius Regionis*

*Ecclesiae Alexandrino parent Episcopo. Presbyteri autem singuli suos habent vicos maximos, qui decem circiter sunt, immo plures numero:* Etiam S. Basilii M. Epist. ad Chorepiscopos de Ecclesiarum Ministris scribit: *haec quidem examinabant Presbyteri, & Diaconi, qui cum eis versabantur: referebant autem ad Chorepiscopos &c.* Ac ut plures aliorum auctoritates praeteream, illud solum Synodi Regensis anno 439. coactae memorabo, quo can. 3. Armentarium *Chorepiscopum* monet; meminerit se agere uti *superiorem Presbyterorum, & inferiorem Episcoporum*, nempe Civitatum; uti pagus, & rus Civitate noscitur inferius: unde Antiochena Synodus can. 8. eis permisit posse dare pacificas Epistolas, quod Episcoporum est.

XII. Haecenus & ratione, & auctoritate ostensum est, *Chorepiscopos* vere fuisse Episcopos; restat nunc, ut respondeatur argumentis, quibus oppositum probare conantur contrariae sententiae defensores; quorum agmen ducit Sorbonicus Doctor *Witasse* Tract. 6. de Sacramento Ordinis par. 2. q. 1. Append. de *Chorepiscopis*: probatque 1. ex Synodo *Ancyrana*, quae omnium prima (si verum est, eam anno circiter 314. habitam fuisse) *Chorepiscopos* memoravit, & can. 13. al. 12. de iisdem ita sanxit: *Chorepiscopis non licet Presbyteros, & Diaconos ordinare*: igitur, inquit *Witasses*, *Episcopi* non erant illi; cum inauditum sit, Episcopis legitime institutis, nec officio interdictis Presbyteros, & Diaconos ordinare non licuisse.

Respondetur primum, Autorem hunc parum sibi constare, cum *Episcopos* fuisse non diffiteatur Prob. 3. eos *Chorepiscopos*; de quibus agit *Antiochena* Synodus: quae tamen can. 10. decrevit de eisdem, ut *Presbyterum, & Diaconum ordinare non auderent*: similiter Prob. 4. *Episcopos* dicit eos, de quibus disponit *Leodicensa* Synodus can. 57., & ex Episcopis *Chorepiscopos* factos autumat ita, ut *nihil agerent sine consensu Episcopi* ex eadem Synodo. Deinde est etiam inauditum, *Presbyteros* offerre non posse; & tamen id illis rursus vetuit Synodus *Neocaesariensis* can. 13. facere in Civitate praesente Episcopo, vel Presbyteris urbis tanquam in loco alieno. Postea si inauditum est, *Episcopis* Civitatum non licere Presbyteros, & Diaconos ordinare; inauditum non est, id non licere Episcopis ruris, sive *Chorepiscopis*; qui sunt Episcopi minores, & Episcopis urbium subiecti;

Et; proindeque in aliena Paroecia, atque Dioecesi: quamobrem uti non licet Episcopo vulgo *titulari*, & alicujus Episcopi Civitatis *coadiutori* ordinare quemquam sine permisso Episcopi; ut ex Concilio Trident. ostensum est supra Cap. IV. n. 13. *de Sacris Ordination.*, ita nec Chorepiscopo licere potest; eapropter Rigboldo *Chorepiscopo* Rhemen. crimini datum est, quod in *Presbyteram* ordinavit *Gothscalcum Sveffonicae Paroeciae Monachum inscio Civitatis suae Episcopo* ex Actis Concilii Carisiacen. I. an. 849.

XIII. Nec est, quod dicat, Synodum *Antiochenam* interdixisse quidem Chorepiscopis Presbyteros, & Diaconos ordinare *sine Episcopo Civitatis*; sed non cum ejusdem Episcopi permisso. Nam quid aliud edixit *Ancyra* Synodus? *Fas non est Chorepiscopos ordinare Presbyteros, vel Diaconos; sed neque urbis Presbyteros, nisi cum literis ab Episcopo permillum fuerit, in aliena Parochia*: quam lectionem & textus Graecus, & vulgaris Dionysii tralatio, Simeon Logotheta, Aristenus, Zonaras, Balsamon, & Blastares Graeci constanter retinent; etsi complures alii, ut corrigerent, eam depravarint. Cujus Canonis sensus non is est, quem sibi effinxit Witalfe, sed non licere Chorepiscopis nedum in sua Paroecia Presbyterum, & Diaconum ordinare, ut habet & Antiochenus Canon; sed neque vocatis a populo alienae Dioecesis vel sede vacante, vel Episcopo illius Dioecesis impedito urbis illius *Presbyteros* ordinare, aut etiam urbis suae *Presbyteros* ad alienam Paroeciam se transferentes, ut ibi ordinarentur, fas non erat ordinandi sine literis, ac permisso Episcopi. Refert Witalfes inter varias hujus *Ancyra* Canonis versiones & illam, inquit, *Adriani I. Papae ex Epitome Canonum*, quam Carolo Magno obtulit anno 774. antiquissimae versionis adhaerentis; quae est: *ut Chorepiscopi Presbyterum, vel Diaconum non ordinent: nec Presbyter aliquid agat in Parochia sine praecepto Episcopi*. Verum illa Canonum *Epitomes* non est *Adriani PP.*, sed alicujus Galli ex integra Canonum Collectione ab eodem Adriano anno ut creditur 787. Carolo M. oblata, desumpta, interpolata, vel potius depravata post seculum VII. in odium, ut videtur, Chorepiscoporum; cum canonem X. Antiochenum his verbis exhibeat: *quod Chorepiscopi ordines inferiores usque ad Subdiaconatum dare non possunt*: quod prorsus falsum est: & Carolus M. anno 787. in Capitul. Aquilgran. integros Canones

nones *Antiochenum*, & *Neocaesarien.* de Chorepiscopis *Isidoriana* versionis adduxit. Deinde quoquo modo se habeat lectio Canonis *Ancyran*i; longe praestat, potiorque est *Antiocheus* illo; haec enim Synodus posterior est, & ex 97. Episcopis conflata; *Ancyrana* vero ex solis 18. Episcopis.

XIV. Probat 2., & quidem efficacius, inquit ille, ex Synodi *Neocaesarien.* Canone 13. *Presbyteri ruris in Ecclesia Civitatis Episcopo praesente, vel Presbyteris urbis ipsius offerre non possunt... Chorepiscopi quoque ad exemplum quidem, & formam septuaginta videntur esse; ut comministri autem propter studium, quod erga pauperes exhibent, honorentur; al. offerant honorati: sed dum in eo maxime sistit, quod Chorepiscopi dicantur ad formam lxx. discipulorum Christi fuisse, qui Presbyteri extitisse creduntur; & in voce quoque, quasi dixerit & ipsos Chorepiscopos fuisse Presbyteros: observare est, Synodum non affirmare, Chorepiscopos esse, sed videri ad formam septuaginta esse; & quid Chrysostomus, Hieronymus, Hilarius Diaconus Romanus, Theodoretus, Nicolaus I., alique plures de Presbyteris, ac lxx. Discipulis edixerint. Quantum autem ad vocem quoque; usus est Doctor Sorbonicus Dionysii versione; sed *Isidorus*, & *Herverus* transtulerunt autem, & forsan verius; cum Graeca lectio habeat *δι*, quae vox Latinis sonat autem, sed, vero, porro &c. plerumque. Ut ut igitur vertatur; nihil efficacius eruitur ex hujus Synodi Canone pro ea opinione, quod *Chorepiscopi* non sint Episcopi: praesertim cum ibi dicantur Episcoporum *Comministri*, al. *Consacerdotes*; & plusquam Presbyteri honorari praecipiantur. Postea Synodus ea fuit dumtaxat 17. Episcoporum coetus; ideoque videat; an conferri cum *Antiochena* 97. Antistitum possit, ac debeat.*

XV. Probat 3. ex Synodi *Antiochenae* canone x., qui ita habet: *ii, qui sunt in vicis, & pagis, vel qui Chorepiscopi nominantur; etiamsi impositionem manuum Episcoporum acceperint, placeat S. Synodo, ut suum modum sciant; & sibi subjectas Ecclesias administrent, earumque cura, & moderamine contenti sint. Constituant autem Lectores, & Subdiaconos, & Exorcistas; & eorum promotionem sibi sufficere existiment: Presbyterum autem, & Diaconum ordinare non audeant sine Episcopo Civitatis, cui ipse, & pagus subjicitur... Chorepiscopus autem fiat ab Episcopo Civitatis,*

cui



*cui subicitur*: atque, ex eo duo colligi; & Chœrepiscoporum duo fuisse genera, quorum alii ut *Episcopi* consecrati erant, alii vero non; & Chœrepiscopum non fuisse *verum Episcopum*, cum ab uno tantum Episcopo consecraretur; quando verus Episcopus a tribus saltem Episcopis consecrari deberet ex Nicaeno Concilio.

Respondetur utrumque falsum esse; *primum* quidem exploratum est, & confutatum jam n. 4., præsertim cum hoc Concilium nonnisi de uno Chœrepiscoporum genere disponat: si duo extrabant; quomodo dislerendum, disponendumque de alio, quis unquam pertractavit? *alterum* quoque falsum apparet; cum quis ab uno tantum Episcopo in Episcopum ordinatus *illicite* quidem promotus asseratur, sed non *invalide*; ut multa facta demonstrant tam in Graeca, quam in Latina Ecclesia: *Nicaenus* enim canon 4. ad disciplinam pertinet, non autem ad fidem; quapropter aliquando certis de causis nil vetat, quin relaxari queat. Postea non de *ruris* Episcopo sancit ille, sed de Episcopo *Civitatis*; qui sane ordinatione pares erant, impares tamen dignitate; quamobrem antonomastice nomine *Episcopi Civitatis* Antistes significabatur loci causa, sicut *Archiepiscopus*, vel Metropolitanus Antistes comparate ad alios Episcopos ratione loci; ob quem non ordinatione, sed dignitate, ac jurisdictione major erat; etsi omnes veri Episcopi agnoscerentur.

XVI. Probat 4. ex Laodicensi Synodo ex 32. Episcopis constituta, quae can. 57. edixit; *Non oportet in vicis, & pagis Episcopos constitui, sed circuitores*: eos autem, qui prius constituti fuerunt, nihil agere sine consensu Episcopi Civitatis: similiter autem & Presbyteros nihil agere sine consensu Episcopi: putatque loqui Synodum de Episcopis *Vicorum* non instituendis; de quibus agunt & Sardicense Concilium can. 6., & Leo Magnus Epist. 87. ad Mauros Episcopos; cum verba faciat de *Chœrepiscopis*:annon enim ita habet & Canon Antiochenus proxime commemoratus: *ii, qui sunt in vicis, & pagis; vel qui Chœrepiscopi nominantur &c.* idque etiam elicitur ex his, quae eadem Synodus Laodicensi subjungit: *eos autem, qui prius constituti fuerunt, nihil agere sine consensu Episcopi Civitatis*: nam ubi reperire est, ut Episcopi Vicorum, Castellorumque subessent imperio Episcoporum urbium? nullibi gentium: cum tamen hujuscemodi essent

in Asia, Africa, & Europa, immo in Italia quoque *Vicosabinas*, *Vicobabentinus*, *Vicoseniculensis*, *Vicoaequensis*, &c. Episcopatus multo post eam Synodum erecti. Quocirca falsum est, Canonem hunc Laodicenum utraque in Ecclesia Graeca scilicet, & Latina posthac firmius obtinuisse; sive de Episcopis Vicorum, Castellorumque; sive de Chorepiscopis sit sermo: quemadmodum & falsum est, ex eo Canone haberi, Episcopos Vicorum factos esse *Chorepiscopos*, ut vult Witasse; nam ob quam noxam multati sunt illi, ut ex Episcopis veris, ac liberis, minimeque subjectis fierent, ut ipse communiscitur, non veri, aliisque Episcopis subjecti, atque ministri? statuit igitur Laudata Synodus, non oportere *Chorepiscopos* constitui; sed cum fuerit Synodus Provincialis, ac privata; nonnisi Provinciae suae Antistites obligabat. Et quum adiecit; eos, qui jam extabant, *Chorepiscopos nihil agere sine consensu Polepiscopi*, live urbis Episcopi; nihil pronuntiavit, quod ostenderet *Chorepiscopos* non esse veros Episcopos; siquidem etiam illi, qui *titulo tenus* tantum sunt Episcopi, & aliorum adiutores, nihil agere possunt sine consensu Episcopi, cui opitulantur; & tamen veri sunt Episcopi.

XVII. Probat 5. ex Theodoretis Epistolis 113. ad Leonem Papam, & 116. ad Renatum Romanum Presbyterum, quibus mittere se scribit *Presbyteros Hypatium, & Abramium Chorepiscopos*: ergo, inquit, omnes *Chorepiscopi* veri nominis Episcopi non erant, sed tantum vulgo Presbyteri,

Respondetur conc. antecedenti nego consequentiam: & inquit; si *Chorepiscopi* non erant, quin etiam essent Presbyteri; cur *Chorepiscopos* dixit *Presbyteros*, si satis erat dicere *Chorepiscopos*? errorem igitur exputent interpretis; qui, quoniam *Presbyter* Graece modo dignitatem, & modo aetatem significat, estque Latinis *senior*; cum *seniores* vertere debuisset, *Presbyteros* existimavit, conscripsitque. Praeterquamquod antiquitus *Episcopi* quoque urbium praecipuarum leguntur dicti *Presbyteri* a Scriptoribus magni nominis; sic S. Irenaeus prae caeteris apud Eusebium Hist. lib. 5. cap. 24. ad Victorem PP. scribens inquit: *Presbyteri ante Soterem, qui Ecclesiae, cui jam tu praees, praeficiebantur, Anicetum dico, Pium, Hyginum, Telesphorum, Sixtum &c.*, nisi ibi quoque vertendum fuisset *Seniores*, ut & apud alios, quoniam & verus Metensium Chronicon ita habet:

bet: qui ab Apostolis ordinabantur Presbyteri, caeteris praeminebant ut Episcopi. Utcumque sit; nihil nos urget Theodoretum dictum, & autoritas & ob ea, quae jam sunt exposita; & quae ulterius dicenda supersunt.

XVIII. Probat 6. ex Hispalensi II. Synodo a S. Ilidoro circa anno 619. celebrata, in qua cap. 7. legitur: *Septimo examine relatum est nobis, veneratissimum quondam Agapium Cordubensis urbis Episcopum frequenter Chorepiscopos, vel Presbyteros destinasse (qui tamen juxta Canones unum sunt) qui absente Pontifice Altaria erigerent, Basilicas consecrarent: quod quidem non est mirum id praecepisse virum Ecclesiasticis disciplinis ignarum; & statim a seculari militia in Sacerdotale ministerium delegatum: ergo Chorepiscopi sunt meri Presbyteri.*

Respondetur, primas quidem hujus Synodi editiones ita habere; sed castigatio editio a Loasia ad MSS. codicum antiquorum fidem facta, & in sequentibus Conciliorum collectionibus vulgata neque *Chorepiscopos*, neque *parenthesim* habet; & profecto recte, ut ut repugnet Witsse. Nam Chorepiscopi aut nunquam in Hispania fuerunt, ut verius nonnulli scripserunt; aut non eo quidem tempore: siquidem *Martinus Bracarenensis*, qui eodem tempore vixit, ac Agapius Cordubensis Antistes, qui anno 572. Canonum Graecorum Collectionem pro Hispanis adornavit, accomodavitque; Canonem Neocaesariensem 13. convertens alteram partem, quae de *Chorepiscopis* agit, praetermisit non alia de causa, quamquod in Hispania non erant: inquit enim can. 56. *Forasticis Presbyteris praesente Episcopo, vel Presbytero Civitatis offerre non licet, nec ministrare in populo, nisi forte illis absentibus*: & S. Ilidorus junior Hispalen. Episcopus circa ann. 630. Epist. ad Leudefridum Cordubensem Antistitem de *Ecclesiasticis Officiis* conscripta nullum Chorepiscoporum verbum habuit, legiturque c. *Perleclis* d. 25. Quod enim idem Ilidorus lib. 2. de *Divinis Officiis* canonem x. Antiochenum de *Chorepiscopis* produxerit; id egit eo, quod opus illud non tam pro Hispanis, quam pro universali Ecclesia condiderat: cur in tot, tantisque Hispaniae Conciliis nunquam occurrit *Chorepiscoporum* nomen; nisi quia eo in Regno nunquam sunt admissi, & nunquam instituti? Codices igitur Synodi Hispalensis II. corrupti fuerunt ex commentitia Epist. 86, al. 88. Leoni Magno affixa de  
Chore-

*Cborepiscopis*; quae magna ex parte cum ex hac Synodo, seu Synodi cap. 7. conflata fuerit; addideritque confictor ea, quae ad *Cborepiscopos* attinent; inde ab aliquo rerum Ecclesiasticarum imperito in Acta Synodi intrusa sunt, & etiam adinventae; ut illa (qui tamen juxta Canones unum sunt): qui nam sunt hi Canones? nulli prorsus, nisi aliqui Gallorum Conciliorum longe post hanc Synodum coactorum.

XIX. Probat 7. ex Epistolis *Damasi*, *Leonis Magni*, & *Joannis III.*, quarum etiam partem duarum exhibet Gratianus c. *Cborepiscopi*, & c. *Quamvis* d. 68., easque et si supposititias esse non diffitetur Witaile; ramen cum prodierint, inquit, *seculo* saltem VIII., & magnam apud omnes auctoritatem obtinuerint; ex eo colligit, eo saltem seculo, ac deinceps vulgatissimam hanc fuisse de *Cborepiscopis* fidem: cum non sit credibile, Autorem, qui illas effinxit, aliter de *Cborepiscopis* docuisse, quam communis fertet opinio.

Respondetur falsum esse, vel saltem valde incertum, tres illas Epistolas intra seculum VIII. esse confictas; cum de ipsis eo tempore nemo verba fecerit, & nemo eis usus fuerit. *Zacharias* enim Papa anno 747. Pippino Majori domus Franciae, Francorumque Antistitibus scribens Epist. 7., qua 27. eorum Capitulis respondit, ad illud de *Cborepiscopis* nil aliud attulit nisi *Neocaesariensem*, & *Antiochenum* Canones versionis Dionysii Exigui; & *Carolus Magnus* in Capitul. Aquisgran. anno 789. edito lib. 1. cap. 9. Gallicanis Praeulibus adduxit canonem 13. *Ancyranum*, & 10. *Antiochenum* integrum versionis Isidori Mercat.; qui Canones haud parum Gallorum Conciliis adversantur. Concilium pariter Parisien. VI. anno 829. cap. 27. lib. 1. de *Cborepiscopis* exhibuit Canonem *Neocaesariensem*, & *Antiochenum* quamvis mutilatum Dionysianae translationis. Sed & *Nicolaus I.*, ut retuli n. 6. & 7., respondens duobus Archiepiscopis Galliarum Bituricensi, & Vefuntionensi de *Cborepiscopis* Canones tantummodo commemoravit, non suorum antecessorum Epistolas: & *Leo VII.* anno 937. Epist. 3. ad Germaniae, Galliarumque Episcopos rescribens solum *Antiochenum* X. Canonem produxit. Primum, quod sciam, trium harum Epistolarum mentio occurrit in *Metensi* Concilio anno 888. convocato, ubi c. 8. dictum est, *Cborepiscopos* esse *Presbyteros* juxta decreta *Damasi*, *Innocentii*, & *Leo*.

& Leonis; & loco Joannis dixit Innocentium. Verum est, in Capitul. Reg. Franc. lib. 7. c. 187. legi, *Leonem III PP.* rescripisse, *Chorepiscopus* non semel a *praedecessoribus suis damnatos* fuisse, quibus memoratas Epistolas innuisse videri potest; sed de hac re num. sequenti dissero.

XX. Probat 8. ex communi Sedis Apostolicae, nempe *Leonis III.*, & Ecclesiae Gallicanae de *Chorepiscopis* decreto an. 803. in Ratisponen. Concilio publicato, ut habetur ex Capitul. Reg. Franc. lib. 7. cap. 187., ubi definitum est, *Chorepiscopos* non esse Episcopos; nihilque ministerii Episcopalis ab eis peragi potuisse; sed inter *Presbyteros* constituendos esse, constitutosque fuisse; quod & confirmatum fuit in pluribus Conciliis *Parisiensi VI.* an. 829., *Meldensi* anno 845., *Parisiensi* anno 849., & *Metensi* anno 888.

Respondetur, non minimam subesse rationem suspicandi, eos, qui ad *Chorepiscopos* deprimendos confixerunt tres Rom. Pontificum Epistolas, aliqua quoque *Capitularia* ob eam rationem aut excogitasse, aut corrupisse: sunt enim quaedam, quae neque sapientiae, neque integritati, atque constantiae & Romani Pontificis, & Galliarum Episcoporum congruere videntur. Vidimus superius n. 2., *Concilium Parisiense* vel aliud anno circiter 770. decrevisse, ne deinceps *Chorepiscopi* fierent, nisi a tribus Episcopis ordinarentur; quotiescunque munia Episcopalia exercere velent: quo facto novum est *Chorepiscoporum* genus exortum; cui simile, vel idem fere est, quod hodie dicitur *Titularium*, *Suffraganeorum*, aut *Coadjutorum*: & quidem Agobardus *Chorepiscopus* Lugdunensis a tribus ordinatus Episcopis asseritur apud Adonem ad annum 814., quod si ita fuit: cur igitur dubitare de eorundem *Chorepiscoporum* Ecclesiasticis actionibus, ut necesse fuerit legare Romam ad Summum Pontificem *Arnonem* Salisburgen. Archiepiscopum pro rei definitione? & quo pacto Pontifex respondere potuit; quicquid a *Chorepiscopis* actum fuerat de *Episcopali ministerio*, nihil esse; sed omnia a *canonice ordinatis Episcopis* iteranda esse, ac reformanda; nam *Episcopi non erant*; inquit, si a tribus fuerant Episcopis ordinati?

XXI. Sed demus, quosdam, vel omnes ad antiquum *Chorepiscoporum* genus rediisse, eorum scilicet qui ab uno tantum Episcopo ordinabantur: qua ratione in dicto Capitulari Carolus Magnus dixit, se ob *Chorepiscoporum* quaestionem misisse Ro-

Romam Arnonem Archiepiscopum ad Leonem Papam, qui (Arno) nobis, & scriptis ab eo (Leone III.) renuncians haec non esse, necesse iterare, vel definire, quia saepissime a suis praedecessoribus, & a multis SS. Episcopis, atque synodalibus sanctionibus eos esse prohibitos, atque damnatos; & ideo non est necesse ventilare, sed definita tenere. Dixit enim nullum fore Presbyterum, vel Diaconum, aut Subdiaconum ab eis ordinatum; nec Ecclesiam ab eis dedicatam; nec Virginem consecratam; nec quemquam confirmatum &c.? quinam sunt hi Leonis III. praedecessores; qui SS. Episcopi; & quae Synodales sanctiones, quae saepissime Chorepiscopos prohibuerint, atque damnaverint? tres tantum supplicitorum, & supra memoratae leguntur Epistolae Damasi, Leonis M. & Joannis III. ne ab ipsis quidem Gallis in tot eorum contra Chorepiscopos determinationibus unquam adductae nisi an. 888. in Metensi Concilio. Qua veritate Leo III. vir & sapientia, & integritate magnus quivit affirmare, saepissime Chorepiscopos a suis praedecessoribus esse prohibitos, & damnatos; si Papa Zacharias paucis ante eum annis ad Gallos scribens attulit, confirmavitque x. Canonem Antiochenum, qui nedum Chorepiscopos probat, sed & illis ordinationem permittit *sacrorum* etiam *Ordinum*; modo Civitatis Episcopus admitteret: attulit insuper, confirmavitque xiii. Canonem Neocaesariensem; qui jubet Chorepiscopos *bonorari*? si, ut dixi n. 19., ipse Carolus Magnus anno 789. Aquisgran. in Capitular. obtulit Antistitibus Galliarum integros Canones Ancyranum, & Antiochenum de Chorepiscopis observandos? & erit, qui credat, ad ann. 803. vere potuisse dici a Rom. Pontifice, saepissime a suis praedecessoribus, & a multis SS. Patribus, atque Synodalibus sanctionibus Chorepiscopos esse prohibitos, atque damnatos? non ego sane: credat Judaeus apella, aut soli Chorepiscoporum osiores.

XXII. Uterius in eo Capitulari refertur, dixisse Leonem III., nullum fore Presbyterum, vel Diaconum, aut Subdiaconum a Chorepiscopis ordinatum; nec Virginem consecratam, nec quemquam confirmatum. Sed Synodus Ancyrana, & Antiochena tantummodo Presbyteros, & Diaconos ordinare *sine consensu Episcopi Civitatis* prohibet Chorepiscopis, non omnino, non Subdiaconos; quos etiam Presbyteris assentiente Pontifice ordinare concessit Gelasius I. Epist. 9. ad Episcopos Lucaniae &c., validamque

que eam ordinationem fore etiam inconsulto Pontifice sensit Alexandr. III. c. *Requisivit* de ordinatis ab Episcopo, qui renunciavit Episcop. *Virgines consecrare, & Neophytum confirmare* Regensis in Gallia Synodus anno 439. permisit Armentario *Chorepiscopo*: & Stephanus II. anno 757. in Privilegio Fulrado *Abbat*i S. Dionysii Parisien. concessit facultatem *Tabulas, & Chriftma consecrandi* attribuit; est autem *Tabula* lapis in medio Altaris, super quo sacrum celebratur; ut habetur ex Capitulis Rhenmen. Archiep. Hincmari: & ut omittam vetera alia de hac re decreta; verisimile quidem est, eos *Chorepiscopos* omnia, quae ad minus Episcopale peragebant, cum suorum Episcoporum assensu fecisse; non igitur nulla, neque iteranda erant; & si quoque sine consensu Episcoporum egissent; *illicite* facta, sed non *invalidè* censi poterant; proptereaquod sive ab uno, sive a tribus consecrati fuissent Episcopis, *Episcopalem* obtinuerant consecrationem; ideoque vere *Episcopi* erant.

Utique Iuenin in Comment. de Sacram. dissert. 8. q. 6. de *Subdiaconatu* cap. 3. sentit, Leonem III. a Gallicis Antistitibus consultum respondisse, locutumque esse de ordinationibus a Chorepiscopis praeter Episcoporum, quibus subiecti erant, consecrum factis; non autem de iis, quas de eorundem nutu, ac concessione celebrarant; sed non probat. Adeone bardi Galli, rerumque Ecclesiasticarum ignari, ut in re tam aperta Pontificio consulto indigerent? quis enim nescit, sine consensu Episcopi illicitas esse ordinationes ejus in Dioecesi? Postea dixisset ne Pontifex nullas esse eas ordinationes, ac iterandas? Sic & quum ibi dictum est, eos *Episcopos* non fuisse, *quia nec ad aliquam Episcopalem Cathedram ordinati fuerant*, refellitur ex Innocentio III. c. *Inter corporalia* tit. de translat. Episcopi, qui ait: *cum quis Episcopali praeditus dignitate nullius tamen Ecclesiae possit esse Episcopus*. Et S. Gregorius VII. Epist. 73. lib. 2. ad Boleslaum Poloniae Ducem scribit: *Illud nobis primo attendendum est, quod Episcopi terrae vestrae non habentes certum Metropolitanæ sedis locum, nec sub aliquo positi magisterio huc, & illuc pro sua quisque ordinatione vagautes ultra regulas, & decreta SS. Patrum liberi sunt, & absoluti*: de qua re dictum est Cap. iv. n. 14. & seqq.; aliquando fuisse *illicitum* tantummodo; & aliquando etiam *invalidum* juxta variam Ecclesiarum disciplinam.

XXIII. Tandem lib. 6. cap. 119. eorundem Capitul. legitur: *Placuit, ne Chorepiscopi a quibusdam deinceps fiant, quoniam hactenus a nescientibus SS. Patrum, & maxime Apostolicorum decreta; suisque quietibus, ac delectationibus inhaerentes facti sunt:* & lib. 7. cap. 187. tit. 4. c. 1. refertur Leonem III. iussisse eos in exilium amandari, sed misericordiae intuitu inter *Presbyteros* collatos fuisse: & tamen Concilium *Parisiense*. VI. anno 829. lib. 1. cap. 27. agit de ipsis; assertque Canonem *Neo-caesariensis*, & *Antiochenum* mutilatum, ac sine Ordinationum potestate: Concilium *Meldense* anno 845. cap. 44. concedit illis *Ordines minores* usque ad *Subdiaconatum* conferre, sed jubente Episcopo: & *Parisiense* Concilium anno 849. nihil quidem memorat de *Chorepiscopis* in Concil. Collectionibus; attamen in eo non solum *Audradus Modicus* Senonen. Archiepiscopi *Chorepiscopus*, sed & omnes alii *Chorepiscopi*, qui etiam in Francia erant, in eodem Concilio depositi sunt: inquit Chronicon Alberici *Triumfontium*. Memorat eisdem & Concilium *Aquisgranen.* anno 836., & anno 837. *Agobardus* Lugdunen. Archiepiscopus *dedicationem Ecclesiae SS. Apostolorum Petri, & Pauli Sentonaten.* in agro Viennen. permisit, sive demandavit *Audino* suo *Chorepiscopo*, ut refert *Mabillon*. lib. 31. *Annal. Benedict.* n. 72. *Metense* demum Concilium anno 888. coercuit hos *Chorepiscopos*, edixitque *Presbyteros* esse juxta decreta *Damasi*, *Innocentii* (leg. Joannis), & *Leonis*. Quorum Conciliorum nemo mentionem fecit *Ratisponen.* Concilii, ejusque in *Chorepiscopos* decreti; sed primus, vel unus, qui retulit, partemque illius exscripsit, fuit *Isaac* Lingonen. Episcopus, qui anno 870. sedebat, in suis Capitulis: Certe nec *Nicolaus I.*, nec *Leo VII.* supra n. 6. & 7. relati illud recitarunt; nec alterum *Leonis III.*, aut alicujus ex suis praedecessoribus. Postremo *Durandus* Aymonis Bituricen. Archiepiscopi *Chorepiscopus* anno 1040. legitur interfuisse Bituricen. Synodo; ut habet *Mabillonius* lib. 58. *Annal. Benedict.* n. 24., qui & n. 25. observat ex literis praedicti Aymonis, & *Widonis* Archiepiscopi Rhemen. intelligi eosque in Gallia extitisse, ac perdurasse *Chorepiscopos*, quos postea *Lanfrancus* Canrvarien. Antistes in Anglia penitus suppresserit; quibus nihilominus paulopost succedere *titulares* Episcopi. Sed in Hibernia extasse adhuc anno 1152. testatur *Simon* Episc. Midenfis in suis

Con-



Constitutionibus an. 1216. editis, & in nupera Conciliorum Angl. & Hiber. collectione a Dan. Wilkii evulgatis to. 1., in quibus refert, eo anno a Jo: Paparone S. R. E. Card. in Hibernia Legato constitutum; ut *decedentibus Chorepiscopis, & exiliorum Sedium Episcopis in Hibernia in eorum locum eligerentur, & succederent Archipresbyteri a Dioecesis constituendi.*

XXIV. Probat 9. Witalles Chorepiscopus esse *Presbyteros*, non autem *Episcopos* autoritate *Canonum Arabicorum*; quorum 54. al. 58. Canon describit electionem, & consecrationem *Chorepiscoporum* longe diversam ab illa *Episcoporum*: canon 57. primum locum tribuit Archidiacono, 2. Chorepiscopo, 3. Archipresbytero: can. 58. & 65. *Chorepiscopus*, & Archidiaconus dicuntur duae manus, & duae alae Episcopi, nec non filii Episcopi; & can. 60. tradit *Chorepiscopum*, & Archidiaconum examinare ordinandos, eosque ad Episcopum adducere, qui Ordines illis conferat.

Respondetur primum, horum Canonum autoritatem, etsi apud Orientales adhibeatur, a Latinis, & Occidentalibus populis floccifieri: deinde si ita res se haberet, ut illi habent, & ut interpretantur; etiam *Archipresbyter* non esset verus *Presbyter*, cum illum ibi *Archidiaconus* praecedat: & can. 58. habet, *Episcopum* non posse in pagis, & Oppidis constituere Sacerdotem, vel Monachum nisi praesente *Chorepiscopo*: cap. vero 1. de *Templorum consecratione* asseritur, solum Episcopum, & Chorepiscopum jus consecrandorum Templorum habere, non autem inferiores gradu. Quae plane Gallicani Praesules nunquam admiserunt, nec admisuros existimo; tantum abest a vero, eos Canones Arabicos recepturos; quare non est, cur laborem refutare ea, quae aut nullius momenti sunt, aut nullius autoritatis.

XXV. Probat denique ultimo ex ipsa *Chorepiscoporum* consecratione, quam ex libro rituum Maronitarum accepit; ubi legitur *Chorepiscopi* consecratio inter eam Archipresbyteri, & eam Episcopi collocata, atque inscripta: igitur, inquit, Chorepiscopus non est Episcopus.


Respondetur, cum eo in libro legantur etiam consecrationes Diaconi, & *Archidiaconi*, Presbyteri, & *Archipresbyteri*, Episcopi, & Archiepiscopi, sive *Patriarchae*, neminem non intelligere ibi potius officia, ac dignitates diversas Ecclesiasticas descri-

scribi, quam Ordinationes, seu consecrationes; nec inde posse duci, Archidiaconum non esse Diaconum, & Archipresbyterum non esse Presbyterum, Patriarchamque non Episcopum; sed diversas esse dignitates; uti & *Chorepiscopum*; qui ita se ad Episcopum habet, ut Episcopus ad Patriarcham: quinimmo cum supra Archipresbyterum recenseatur; praefertur potius Episcopis, quam Presbyteris accenseri: praeterquamquod parum ille liber distare videtur ab *Arabicis Canonibus*; atque adeo & ab eorundem autoritate parum.

Et haec sunt, quae de *Chorepiscopis* mihi dicenda fuerunt; quorum quidam, quoniam autoritatis plus sibi arrogasse possunt; ut inconsultis urbium Episcopis Episcopale munus exercerent; jure, ac merito a Galliarum Antistitibus sunt castigati; quia tamen indiscriminatim omnes in crimen vocati fuerunt; dicti non Episcopi, sed *Presbyteri*, ob idque solum eorum Ordinationes, atque consecrationes aut irritae judicatae, aut iteratae non semel; propterea a Nicolao I. & Gallorum nonnulli reprehensi sunt, & *Chorepiscopi innocentes* declarati.

## Q U A E S T I O II.

### *De Diaconis.*

- I.  Nter complura, atque diversa, quae de *Diaconis* inquiri, & agitari consueverunt; illud etiam est, quod in quaestionem venit: an illi aliquando sibi Corporis, Sanguinisque Christi conficiendi, consecrandique potestatem arrogaverint: & hujus inquirendi causam praebuit canon xv. Concilii Arelatensis l. illis verbis: *De Diaconibus, quos cognovimus multis locis offerre, placuit minime fieri debere*: quae tamen quidam de licentia, quam sibi Diaconi vindicabant, sacrificandi more Sacerdotum, ac panem. & vinum Altaris consecrandi interpretantur; quamplures tamen, quos inter nuperus Autor Honoratus Tournely Doctor Sorbonicus, Scriptorque perillustis, oppositum defendere conantur; & Diacones non sacrum fecisse, Deoque hostiam incruentam obtulisse uti Sacerdotes; sed obtulisse, sive dispensasse Corpus, & Sanguinem

nem Christi sine Presbyterorum, Sacerdotumque conscientia, Patres Arelatenses indicare contendunt. Contra quos mihi probandum sumam, Canonis memorati verba de Diaconis consecrantibus, non dispensantibus esse intelligenda.

II. Et primum ex ipsius Canonis verbo *offerre* demonstrari potest: quoniam etsi plura, variaque significata verbum hoc obtinere noscator: tamen a SS. Patribus, & Conciliis potissimum, quoties de re sacra sermo habetur; accipi semper solet pro actu consecrandi corporis Christi, praecipuoque Sacerdotum munere; praesertim tunc quidem, quum sine adiectu pronunciarum contingit. Quocirca Tertullianus lib. de velandis Virginibus cap. 9. dixit: *Non permittitur mulieri in Ecclesia loqui; sed nec docere; nec tingere; nec offerre; nec ullius virilis muneris, nedum Sacerdotalis officii sortem vendicare*: & S. Cyprianus Epist. 9. Martyribus, & Confessoribus scripta conqueritur: *ante actam poenitentiam, ante exomologesim... offerre pro illis (lapsis), & Eucharistiam dare... audeant Presbyteri*: in alia vero ipsis Presbyteris, & Diaconis transmissa inquit: *communicent cum lapsis, & offerant, & Eucharistiam tradant... interim prohibeantur offerre auctori apud nos Presbyteri &c.*, & in II. Fratribus in plebe consistentibus scribit: *audio quosdam tamen de Presbyteris... jam cum lapsis communicare coepisse, offerre pro illis, & Eucharistiam dare*: Epist. etiam 63. ad Caecilium de Sacramento Dominici calicis ait: *ut Calix, qui in commemorationem ejus offertur, mixtus vino offeratur*: crebroque ibi sumit *offerre* pro sacrificandi, consecrandique Christi corporis actu.

III. Sed omnium apertius Nicaenum Concilium I. edocet, dum can. XVIII. haec habet: *Pervenit... quod Diaconi dant Presbyteris Eucharistiam; quod nec canon, nec consuetudo tradidit; ut qui offerendi potestatem non habent, iis, qui offerunt, dent corpus Christi*: Ancyra vero Synodus, quae paulo ante creditur celebrata, can. 1. de Presbyteris lapsis ita constituit: *visum est, eos Cathedrae quidem honoris esse participes, non licere autem ipsis offerre; seu sermonem conferre*: & can. 2. de similibus Diaconis hoc modo: *honorem quidem habeant; cessare vero ab omni sacro ministerio, sive a pane, sive a calice offerendo*: ubi primum sine adiectione ponitur *offerre*: secundum autem cum adiectu *panis*, vel *calicis*; quia non sacrificare, sed distribuere, ac ministrare signi-

ficat: ita & S. Cyprianus Tract. de lapsis ait, *Diaconum calicem praesentibus offerre*. Similiter Neocaesariense Concilium can. 12. al. 13. sanxit: *Vicani autem Presbyteri non possunt in Dominico offerre praesente Episcopo, vel urbis Presbyteris; neque panem dare precationis, neque calicem... Chorepiscopi autem... offerant honorati juxta Graecam lectionem, & Herveti versionem: & S. Augustinus lib. 4. de Trin. cap. 14. scribit de Sacramento Altaris: neque potest id rite offerri nisi per Sacerdotem justum, & sanctum: nec nisi ab eis accipiat, quod offertur, pro quibus offertur; atque id sine vitio sit, ut pro vitiosis mundandis possit offerri. Epist. vero 118. Januario scripta c. 2. habet: alibi nullus dies intermittitur, quo non offeratur; alibi Sabbato tantum, & Dominico; alibi tantum Dominico: & non multo post: si vero etiam in aliqua patria, cum peregrinaretur... vidit verbi gratia bis offerri quinta Sabbati hebdomadae ultimae quadragesimae & mane, & ad vespeream &c. Quae dicta, quandoquidem plura etiam adduci possent, abunde ostendunt, verbum offerre pro re sacra facienda accipi consuevisse: igitur & Patres Arelatenses id ipsum in hoc sensu usurpasse censendum est.*

IV. Etenim si Canonis Arelatensis *offerre* significaret administrare, ac aliis dispensare; quo pacto illius Concilii Patres id Diaconibus prohibuissent; si illud tunc erat eorum munus, & officium? quia, respondebunt, id sine Presbyterorum permisso perficiebant. At id canon non perhibet; & quod ille non exponit, temere, & inconsulto effari dicam. Dicent fortassis, hoc ipsum elici perspicue ex ejusdem Concilii Arelat. can. xviii. *De Diaconibus Urbicis ut non sibi tantum praesumant; sed honorem Presbyteris reservent; ut sine conscientia ipsorum nihil tale faciant*: Quid enim ajunt, sibi praefumebant Diacones; nisi quod canon xv. dicit *offerre* nimirum sine licentia Presbyterorum? quod si canone xviii. veratur illis id agere *sine conscientia* Presbyterorum; igitur id poterant iisdem conscius: si autem poterant; non quidem consecrare corpus Dominicum; igitur canonis Arelat. sensus est, eos dare, ac dispensare potuisse panem, & calicem sanctificatum plebi. Verum Canonem xviii. non appellare Canonem xv. facile demonstrari potest; nam iste de *Diaconibus* generatim agit; ille vero de *Urbicis* tantummodo Diaconibus; nec verisimile appareret, voluisse Patres Arelatenses, ut illud *nihil tale* canonis xviii. refer-

refer-

referretur ad verbum *offerre* canonis xv., & nihil attulisse, quo id innotesceret; & post plures canones iterum decernere de eadem re, de qua statuere uno canone poterant; quia quod si xv. canon generalis est, ideoque pro omnibus Diaconibus; cur postea pro Diaconibus Urbicis alium condere canonem necesse erat?

V. Quapropter Canon xviii. Arelatenensis disserit de solis Diaconibus Urbicis videlicet Romanis, ut fere omnes interpretantur; de quibus S. Hieronymus Epist. 85. ad Evagrium scribit: *caeterum etiam in Ecclesia Romae Presbyteri sedent, & stant Diaconi: licet paulatim increbrescentibus vitiiis inter Presbyteros absente Episcopo sedere Diaconum viderim; & in Domesticis conviviiis benedictiones Presbyteris dare. Discant, qui hoc faciunt, non se recte facere: & in cap. 48. Ezechielis de iisdem: ignorant humilitatem status sui, ultra Sacerdotes hoc est Presbyteros intumescunt; & dignitatem non merito, sed divitiis aestimant. Certe qui primus fuerit Ministrorum (id est Archidiaconus), quia per singula concionatur; & a Pontificis latere non recedit, iniuriam putat, si Presbyter ordinetur. Autor vero perantiquus Quaestionum ex utroque Testam. mixt. inter Opera S. Augustini q. 101., cui titulus: *Quomodo contra Levitas Romanos disceptandum sit*, qui contendunt Levitas Sacerdotibus, & Diaconos Presbyteris coaequare; inquit: *quamquam Romanae Ecclesiae Diaconi modice inverecundiores videantur, sedendi tamen dignitatem in Ecclesia non praesumunt... nunc enim videmus Diaconos temere, quod Sacerdotum est, agere per convivium; & in oratione id velle, quod respondetur illis: sum istud solis liceat Sacerdotibus: & alia, quae in hanc rem ibi congerit; & quae videri possunt apud Baronium ad ann. 402. n. 44. & seqq., & Lupum in notis ad Con. Nicaeni canonem xviii., & can. 1. Con. Turonensis, etsi censeri possit, id non Romanorum Diaconorum dumtaxat vitium fuisse, sed etiam aliarum urbium, locorumque Diaconorum.**

VI. Siquidem in memorato Nicaeni Concilii canone xviii. legimus: *Pervenit... sed etiam hoc quoque innotuit, quod quidam Diaconi ante Episcopos contingant Eucharistiam. Omnia igitur haec amputentur; & maneant Diaconi in proprio Ordine... sed nec sedere eis in medio Presbyterorum liceat: & Laodicenum Concilium, quod aliquot post annis congregatum est, can. xx. edixit: quod non oportet Diaconum coram Presbytero sedere; sed iussione*

*Presbyteri sedeat &c.*, cui consonat Carthaginienſe 1v. can. 39. *Diaconus sedeat quolibet loco jubente Presbytero*: & Carthaginienſe vi. can. 18., nec non Andagavenſe l. can. 3. ſanxerunt: *Ut Diaconi Presbyteris omni humilitate noverint deferendum eſſe*. Gelafius I. Pontifex. Rom. Epift. 9. ad Episcopos Lucaniae &c. n. 8. *Diaconis non permittit in Presbyterio reſidere; cum Divina celebrantur, vel Eccleſiaſticus habetur quicumque tractatus. Sacri corporis praerogationem ſub conſpectu Pontificis, ſeu Presbyteri, niſi his abſentibus jus non habeant exercendi*: ſimiliter Arelatenſe II. Concilium can. 15. habet: *In ſecretario Diacono inter Presbyteros ſedere non liceat; vel corpus Chriſti praefente Presbytero tradere non praefumat*: Barcinonenſe vero anno 540. coactum ita can. 4. ſtatuit: *ut Diaconus in conceſſu Presbyteri nullatenus ſedeat*: & Toletanum IV. anno 633. can. 38. haec dixit: *Nonnulli Diaconi in tantam erumpunt ſuperbiam; ut ſe ſe Presbyteris anteponant, atque in primo Choro ipſi priores ſtare praefumant, Presbyteris in ſecundo Choro conſtitutis*: Tandem magna Synodus Trullana anno 692. can. vii. decretum tale condidit: *Quoniam in nonnullis Eccleſiis Diaconos officia Eccleſiaſtica habere didicimus: & ex hoc nonnullos eorum arrogantia, & licentia fretos ante Presbyteros ſedere: ſtatuiſmus, ut Diaconus, etiam ſi in dignitate ideſt in quovis ſit officio Eccleſiaſtico, ante Presbyterum ne ſedeat; praeterquam ſi proprii Patriarchae, vel Metropolitanſi vicem gerens adſit in alia Civitate ſuper aliquo capite &c.*

VII. Sed quod ad xv. Canonem Arelatenſem, de quo diſſeritur, ejusque intelligentiam attinet; Diaconos olim etiam officium conſecrandi corporis Chriſti in Altari more Sacerdotum ſibi arrogaffe, colligi videtur pluribus ex locis; ac potiffimum ex Epift. 9. Gelafii I. ad Lucaniae &c. Episcopos n. 7., ubi Pontifex ſic loquitur: *Diaconos propriam conſtituiſmus ſervare menſuram; nec ultra tenorem paternis Canonibus deputatum quidpiam tentare permittimus*: Nihil eorum ſuo miniſterio penitus applicare, quae primis Ordinibus proprie decernit antiquitas: abſque Epifcopo, vel Presbytero baptizare non audeant; niſi .. extrema neceſſitas compellat: quo loco Gloſſa pro primis ordinibus interpretatur & quidem recte *Episcopatum, & Presbyteratum*: erat autem primorum Ordinum munus ſacrum facere; quod eſt offerre Deo immaculatam hoſtiam: igitur hoc ſuo Diacones miniſterio

terio applicare tentarunt; vel certe potuerunt. Nam & antes Concilium Toletanum I. anno 400. can. xx. *statutum est*, inquit, *Diaconum non chrismare. sed Presbyterum absente Episcopo; praesente vero non, nisi ab ipso fuerit praeceptum*: cur enim id cavetur; nisi quia Diaconi non solum baptizare, sed etiam *chrismare*, seu confirmare baptizatos usurpant in Hispania: certe eodem tempore S. Innocentius I. Epist. 1. ad Decentium Eugub. Episcopum n. 6. percontantem *de Energumenis baptizatis, si a Presbytero, vel Diacono possint, aut debeant confirmari*: respondit: *quod hoc non nisi Episcopis praecipere non licet*.

VIII. Insuper si Presbyteri ea, quae Episcoporum sunt, multoties olim sibi assumisse leguntur; cur non & ea, quae muneris sunt Presbyterorum, Diaconis sibi attribuisse quiverunt? Concilium namque Carthagin. II. can. 3. habet: *Chrismatis confectio, & Puellarum consecratio a Presbyteris non fiat: vel reconciliare quemquam in publica Missa Presbytero non licere*: & Carthaginense III. can. 36. *Presbyter inconsulto Episcopo Virgines non consecret: Chrisma vero nunquam conficiat*. Toletanum vero I. proxime relatum can. xx. ait: *Quamvis penè ubique custodiatur, ut absque Episcopo Chrisma nemo conficiat: tamen quia in aliquibus locis, vel Provinciis Presbyteri dicuntur Chrisma conficere, placuit ex hac die nullum alium nisi Episcopum Chrisma facere*. Gelatius I. itidem Epist. 9. ad Lucaniae &c. Episcopos n. 6. scribit: *Presbyteros ultra suum modum vendere prohibemus; nec Episcopali fastigio debita sibi audeat assumere, non conficiendi Chrismatis, non consignationis Pontificalis adhibendae sibi accipere facultatem: ut omittam canonem 5. Concilii II. Romani S. Sylvestro Papae affixum: ut nemo Presbyter Chrisma conficiat: ut pote fictitium; quandoquidem & vera, & certa hac de re monimenta non desunt*.

IX. Anno quippe 531. circiter Palaestinae Diocesis Presbyteros vacante ea Ecclesia Pastore Chrismatis conficiendi sibi arrogasse licentiam elucet ex literis Montani Episcopi Toletani post Concilium Toletanum II. evulgatis; legimusque in Bracarenfi Synodo II. anno 563. convocata can. 19. *Placuit, si quis Presbyter posthac interdictum ausus fuerit Chrisma benedicere; aut Ecclesiam, aut Altarium consecrare, a suo officio deponatur: nam & antiqui hoc Canones vetuerunt*: & c. Nullus Presbyter dist. 1. de

Consecrat. habetur: *Nullus Presbyter in Ecclesia consecrata aliud Altare erigat, nisi quod ab Episcopo loci sanctificatum est, vel permissum: ut sit discretio inter sacrum, & non sacrum.* Sed & post tot Canones, & Rom. Pontificum decreta nihilotamen fecius oportuit, Innocentium III. Epist. 22. lib. 11. *Priori Pisanorum Constantinopoli commoranti directa exprobrare, simulque revocare collatum ab illo Cbrisma; quod diceret jus esse tantummodo Episcoporum: uti & c. Quanto tit. de Consuetud., ubi Presbyteris id prohibetur; diciturque ab illis non licere conferri nisi inaniter, & cum umbra, non autem in effectu.* Et post eum Gregorius IX. c. *Aqua per Episcopum* de Consecrat. Ecclesiarum increpavit Provinciae Bracarenlis Presbyteros, quod Aras, Altariaque consecrassent; cum id Ordinis Episcopalis esse; atque ideo Presbyteris committi non posse Pontifex assereret. Si, inquam, haec, quae Episcoporum sunt, sibi aliquando usurpabant Presbyteri; cur non & quae Presbyterorum esse noscuntur, sibi arrogare potuerunt Diaconi?

X. Amplius si *Feminae* ipsae non semel deprehensae sunt attentasse, & assumisse munia nonnulla, quae Sacerdotum sunt; quanto magis id factitatum a Diaconibus verisimile putari potest? Etenim in Capitul. Aquilgran. ad 789. condito n. 76. invenitur; *Auditum est, aliquas Abbatissas contra morem Sanctae Dei Ecclesiae benedictiones tum manus impositione, & signaculo S. Crucis super capita virorum dare; nec non velare Virgines cum benedictione Sacerdotali, quod omnino a vobis SS. Patres in vestris Patrochiis illis interdiciendum esse scitote: & in Parilienfi IV. Concilio anno 829. lib. 1. cap. 43. scriptum fuit: Statuimus, ut si Abbatissa, aut quaelibet Sanctimonialis post hanc definitionem in tantam audaciam proruperit; ut aut viduam, aut puellam virginem velare praesumat; iudicio canonico usque ad satisfactionem subdatur: referturque etiam c. Statuimus 20. q. 3., sed perperam ex Eutychiano Papa. Quinimmo sub initium seculi xiii. nonne quaedam Abbatissae sibi jus benedicendarum Monialium; & ad illas habendi conciones; earumque insuper Confessiones Sacramentales excipiendi arrogarunt; ut c. *Nova quaedam* de Poenit., & Remiss. Innocentius III. & scribit, & objurgat? Quod si sacrum Virginum *Maxima*, quae nullum Ecclesiasticum Ordinem obinet, tantum sibi convenire posse existimavit; eo magis Dia-*



sonus, qui sacro Ordine insignitur. Et quidem eodem fere tempore non defuit ex Diaconis unus; qui sacrum facere, & Sacramentum *Encharistiae* conficere non dubitavit, ob id acriter increpitus ab Urbano III. c. *Ex literis* de non ordinato ministrante.

XI. Quod factum prope finem seculi XII. patrum valde credibile reddit, id magis accidisse sub initium IV. Ecclesiae seculi, quo nondum disciplina Ecclesiastica ubicunque satis firmata fuerat, & nondum tot inhibitiones, ac in contrarium decreta, Canonesque praecesserant tum maxime, quum Diaconibus Ecclesiae commendabantur administrandae cum jure *baptizandi*, ac interdum etiam quippiam circa *sacras confessiones*; ut ex Epist. 13. lib. 3. S. Cypriani Presbyteris, Diaconisque scribentis: *non expectent praesentiam nostram, quin apud Presbyterum quencunque praesentem; vel si Presbyter repertus non fuerit, & urgere exitus coeperit, apud Diaconum quoque exomologesi facere delicti sui possint; ut manus eis in poenitentiam imposita veniant ad Dominum in pace* in quibus Sacramentum Poenitentiae solent astruere, & probare Theologi. Certe in Synodo Romanorum, rescriptoque ad Gallos Episcopos, quod a Sirmondo conficitur esse Innocentii I., & ob id in Concil. Collection. legitur post ejusdem Pontificis Epistolas hoc titulo, *Canones Romanorum &c.*, can. 7. extat: *Paschae tempore Presbyter, & Diaconis per Parochias dare remissionem peccatorum, & ministerium implere consueverunt etiam praesente Episcopo: in fontem quoque ipsi descendunt: illi in officio sunt: sed illius nomen (al. sed Episcopi nomini) facti summa conceditur. Reliquis vero temporibus, ubi aegritudinis necessitas consequi unumquemque compellit; specialiter Presbytero licentia est... Diaconis vero nulla licentia invenitur concessa &c.* ut omittam Concilii Eliber. canonem 32. *Apud Presbyterum, si quis gravi lapsu in ruinam mortis inciderit, placuit poenitentiam agere non debere; sed potius apud Episcopum: urgente tamen infirmitate necesse est Presbyterum communionem praestare debere; & Diaconum, si ei jusserit Sacerdos: & Autorem Synopsi Canonum Eccles. Adriano I. PP. attributae Canonem 2. Ancyran. Concilii sic exponentem: Idem de Diaconis (ac de Presbyteris) fiat, si similiter peccaverint; sic ut digne poenitentibus parere possint: Antiquus Ordo Romanus, ac vetus Theodori Poenitentiale apud Burchardum, & Juonem habet: Sicut enim Sa-*

*crificium offerre non debent nisi Episcopi, & Presbyteri, quibus claves Regni Caelestis traditae sunt; sic nec ista Poenitentium iudicia alius usurpare debet. Si autem necessitas evenerit, & Presbyter non fuerit praesens, Diaconus suscipiat poenitentem, & det sanctam communionem: quod exscribit & Alcuinus de Divin. Offic. Cap. jejuni.*

XII. Similiter c. *Fures* 13. q. 2., nec non c. etiam *Fures* tit. de Furtis habetur: *Fures, & latrones si in furando, vel depraedando occiduntur; visum est pro eis non esse orandum: sed si comprehensi, aut vulnerati Presbytero, vel Diacono confessi fuerint, communionem eis non negamus.* Et licet secundo loco dicatur sumptum ex Concilio Triburiensi, quod canone 31. ait: *Deo, & Sacerdoti confitetur &c.*, tamen cum verbis valde diversis totum hoc enuncietur ibi; liquet similem quidem esse canonem, sed non eundem: idem autem canon est Concilii Turonensis v. anno 1163. ab Alexandro III. celebrati inter eos praetermissos a Martene to. 4 Thesauri Anecd. publicatos n. vii. Nam Sac. Poenitentiae Ministerium posse interdum exerceri a Diaconis permisit & Concilium Eboracense anno 1194. inquit: *Decernimus etiam, ut nonnisi summa, & gravi urgente necessitate Diaconus baptizet; vel Corpus Christi cuiquam eroget; vel poenitentiam consistenti imponat: ut juxta paternorum tenorem Canonum huic Ordini Sacerdotali proprio convenire decrevit antiquitas: nec non Concilium Londin. anno 1200. can. 3. hoc modo: Ut non liceat Diaconibus baptizare, vel poenitentias dare nisi duplici necessitate, videlicet quia Sacerdos non potest, vel absens est; vel stulte non vult; & mors imminet puero, vel aegroto: quod confirmavit canon 31. Concilii incerti loci in novissima Conciliorum Ven. Collectione ex Cod. MS. Corbejensi publicati to. 13. sub ann. 1200. his verbis: De baptisate vero, & poenitentia praecipimus; quod Diaconi poenitentias dare, vel baptizare non praesumant nisi in duplici necessitate, videlicet &c.* Et circa idem tempus Constitutiones Synodicae Odonis Episcopi Parisien. inter praecepta Synodalia n. 56. haec habent: *Item probibetur districe, ne Diaconi nullo modo audiant confessiones nisi in arctissima necessitate: claves enim non habent; nec possunt absolvere: possuntne igitur in necessitate ob delegatam illis potestatem? Certe Stephanus Aeduenlis cap. 8. de Ordinatione Diaconorum ait: Diaconi in quibusdam habent vicem Sa-*  
cer-

*cerdotis, ut in ministerio baptizandi, communicandi, delicta poenitentium misericorditer suscipiendi. Unde in Statutis etiam Synodalibus Richardi II. Episcopi Cicenstren anno 1246. editis, & nuper Londinensibus typis a Daniele Wilkius an. 1737. amplissimae Conciliorum Britanniae, Hiberniaeque collectionis auctore vulgatis dicitur: Prohibemus etiam, quod Diaconi Confessiones audire, poenitentias injungere, pueros baptizare non praesumant, nisi Sacerdote absente; & mors puero, vel aegroto immineat: & Pictaviensis Synodus anno 1280. decrevit can. 5. Abusum erroneum, qui in nostra Dioecesi ex perniciofa ignorantia inolevit, eradicari volentes inbibemus; ne Diaconi confessiones audiant; & ne in foro poenitentiali absolvant: cum certum, & indubitatum sit ipsos absolvere non posse; cum Claves non habeant, quae in solo Sacerdotali Ordine conferuntur. De qua re tamen consuli potest, quid senserit, scripseritque Petrus Cantor tempore Innocentii III.*

XIII. Accedit id, quod habet Eliberitanum Concilium can. 77. *Si quis Diaconus regens Plebem sine Episcopo, vel Presbytero aliquos baptizaverit; Episcopus eos per benedictionem perficere debet: & quod scribit S. Hieronymus in Dialogo contra Lucifer., hanc esse Ecclesiarum consuetudinem; ut ad eos, qui longe in minoribus Urbibus per Presbyteros, & Diaconos baptizati sunt &c., aut Tarraconense Concilium anno 517. can. 7. decernens: De Dioecesanis Ecclesiis, vel Clero id placuit definiri; ut Presbyteri, vel Diaconi, qui inibi constituti sunt, cum Clericis Septimanas observent; idest ut Presbyter unam facias hebdomadam; qua expleta succedat ei Diaconus. Autor etiam libri Pontificalis in Vita Bonifacii V. tradit: Hic constituit, ut in Lateranis Acolythis non baptizaret cum Diacono, sed Subdiaconi sequentes: & Paulus Diaconus lib. 5. de Gestis Longobard. cap. 10. al. 27. de his, quae ad annum 668. egit Rex Grimoaldus, commemorat tantam Civitati Foropompilii cladem intulisse Regem in ipso sacratissimo sabbato Paschali ea hora, qua Baptismus fiebat; ut etiam Diaconos ipsos, qui Infantulos baptizabant, in ipso sacro fonte perimeret. Quin quod Episcopus consecrans Diaconos secundum veterem Ritual. Romanum inquit: Diaconum enim oportet ministrare ad Altare, baptizare, praedicare &c., & Innocentius I. a Decentio Eugubino Episcopo interrogatus fuit de Energumenis*  
ba.

*baptizatis, si a Presbytero, vel Diacono, possint, aut debeant confirmari ex ejusdem S. Pontificis Innocentii Epist. I.*

XIV. Cum igitur antiquitus *Diaconi* ordinarie baptizarent; Plebes, & *Ecclesias*, regerent; hebdomadam alternatim cum Presbyteris agerent; & alia circa *Sacramentum poenitentiae* nonnumquam administrarent; Ordoque sacer esset; eoque insignitus castitatem, & continentiam profiteri teneretur uti & Presbyteri: nil mirum, si quod Presbyteri munus, & officium est, sacrum nempe facere, & *Eucharistiae* *Sacramentum* ministrare sibi quandoque vindicarint: proptereaquod tum Poenitentiae, tum *Eucharistiae* *Sacramenta*, quae ad solos Sacerdotes pertinere noscuntur, ad aeternam salutem olim aeque ita necessaria aestimabantur; ut etiam Infantibus una cum baptismo *Eucharistiam* porrigerent. Quare faciente necessitate, ut Presbyter abesset, & mors nonnullis immineret; existimarunt *Diaconi* sibi licere *Sacramentum* *Eucharistiae* conficere, ac ministrare posse. Nec enim illis deerat praeter ea, quae dicta sunt, aliud argumentum, quo id sibi attribuerent; quoties legerant apud S. Clementem Papam Epist. I. ad Corinthios: *Apostoli . . . Episcopos, & Diaconos constituerunt*: ac S. Ignatium Mart. Epist. ad Trallianos n. 2. oportet *Diaconos* *mysteriorum Jesu Christi Ministros* omni modo omnibus facere: & in alia ad Magnesios n. 6. de iisdem asserentem: quibus commissum est ministerium *Jesu Christi*: in illa vero ad S. Polycarpum: ego vitam profunderem pro iis, qui subiecti sunt *Episcopo, Presbyteris, & Diaconis*.


XV. Nam & S. Polycarpus Epist. ad Philippenses ait: *Diaconi* inculpati esse debent sicut *Ministri Christi, & Dei*; & non hominum: & paulopost: subiecti estote *Presbyteris, & Diaconis* sicut Deo, & Christo: sed & Autor Constitutionum Apostolicarum lib. 2. cap. 30. *Episcopum*, inquit, ut Deum habete; & *Diaconum* ut Prophetam ejus: ut enim Christus sine patre nihil agit; sic neque *Diaconus* sine *Episcopo* &c. Quare *Diacones* in conspectu *Episcoporum* stant; juxta Concilium Toleranum iv. cap. 4., ubi celebrandi Concilii ordo declaratur: hinc S. Hieronymus lib. 14. super Ezechiel. cap. 48. de Archidiaconis testatur; quod per singula concionarentur; & a Pontificis latere non recederent: & sane Nicaeni Canones Arabici tamen canon 57. primum locum post *Episcopum* tribuunt *Archidiacono* ante *Chorepiscopum*, &

Ar.

Archipresbyterum: nec diversum est, quod de Archidiacono Romano scribit Gulielmus Malmesburiensis de Synodo Barenfi ab Urbano II. convocata verba texens. Quo factum puto id, quod idem S. Hieronymus Epist. 85. ad Evagrium scripsit: *Audito quendam in tantum erupisse recordiam, ut Diaconos Presbyteris idest Episcopis anteferreret: cum & in c. 2. Epist. ad Tirum dixerit: Episcopi, Presbyteri, & Diaconi debent maxime providere, ut cunctum populum, cui praesident, conversatione, sermone, ac scientia praecedant: S. vero Leo M. Epist. 4. ad Anastasium Thessalonicen. Episcopum: cognovimus a quibusdam fratribus solos Episcopos tantum diebus Dominicis ordinari: Presbyteros, & Diaconos, circa quos par consecratio fieri debet, passim qualibet die &c.* Igitur tunc Diaconi inter tot encomia quid sibi non licere crediderint? & quidni verum erit, quod habet memoratus canon xv. Arelatensis; *De Diaconibus, quos cognovimus multis locis offerre &c.*, ut expositum est?

## Q U A E S T I O III.

### *De Subdiaconis.*

I.  Diaconis ad Subdiaconos sermonem transferre juvat; quo communem, inveteratumque de hujus Ordinis tractatu errorem aperiam: & a scriptis aliquando, scriptoribusque penitus ipsum eliminem; & quoad ejus fieri potest, elidam: dicturoque; quando, & quomodo Subdiaconatus Ordo sacer sit pronuntiatus; id mihi liceat praemittere, quod S. Thomas 4. d. 24. q. 2. art. 1. tradidit his verbis: *Ordo dicitur sacer dupliciter: uno modo secundum se; & sic quilibet Ordo est sacer... alio modo ratione materiae, circa quam habet aliquem actum; & sic ordo sacer dicitur, qui habet aliquem actum circa rem aliquam consecratam: & sic sunt tantum tres Ordines sacri scilicet Sacerdos, & Diaconus, qui habent actum circa corpus Christi, & sanguinem consecratum; & Subdiaconus, qui habet actum circa vasa consecrata: & ideo etiam eis continentia indicitur, ut sancti, & mundi sint, qui sancta tractant: a quo non multum dissidet S. Bonaventura eodem loco art. 2. q. 1.,*  
dum

dum ait: quod omnes Ordines signa sunt sacra, & rei sacrae; sed ab hac ratione non dicuntur Ordines sacri, sed a consecratione Ministri; & quia ipsi Ordines disponunt ad contingendum, & ministrandum vasa consecrata. Qua in re quod ad primum Ordinis sacri modum attinet, nulla unquam fuit, & nulla potest esse dubitatio de Subdiaconatus Ordine; sed quantum ad secundum modum; ad quem de primo translatus aliquando fuit; inquiri potest, & inquisitum invenitur; a quo demum, & ob quam causam sacer Ordo declaratus fuerit.

II. Inter omnes autem convenire legimus, Subdiaconatum ab Urbano II. sacrum Ordinem esse definitum Innocentii III. testimonio c. *A multis* de aeta. & qualit. praeficiend., & c. *Miramur* de Servis non ordinandis: quorum in primo is scribit: *A multis multoties, an Subdiaconus in Episcopum eligi valeat; baesitatur: siquidem Urbanus Papa primus decrevit, ut nullus in Episcopum nisi in sacris Ordinibus religiose vivens inventus fuerit, eligatur: sacros inquit, Ordines Diaconatum dicimus, & Presbyteratum; hos siquidem solos primitiva Ecclesia legitur habuisse: quo auctumavit Canonem I. Beneventani Concilii anno 1091. ab Urbano II. celebrati relatum a Gratiano c. Nullus in Episcopum d. 60., qui quidem Urbanus II. in Claromontano Concilio an. 1095. itidem decrevit can. 5. Nullus Laicus, Clericus, vel tantum Subdiaconus in Episcopum eligatur: tamen in praedicto Beneventano Concilio can. 1. addiderit: Super bis (Diaconatu, & Presbyteratu) solum praeceptum habemus Apostoli. Subdiaconos vero, quia & ipsi Altaribus administrant, opportunitate exigente concedimus; sed rarissime: si tamen spectatae sint religionis, & scientiae: quod & ipsum sine Romani Pontificis, vel Metropolitanis licentia non fiat. Decretumque istud non Urbanus hujus nominis primus; ut quidam per errorem legi apud Innocentium existimarunt; sed Urbanus II. fuit Romanorum Pontificum primus, qui de Subdiacono, aliisque Ordinibus ita decreverit.*

III. Subjungit Innocentius III. *Verum cum hodie Subdiaconatus inter sacros Ordines computetur; sicut Urbanus secundus sub his verbis expressit: Erubescant impii, & aperte intelligant, iudicio Spiritus Sancti eos, qui in sacris Ordinibus Presbyteratu, Diaconatu, Subdiaconatu sunt positi, si caste non vixerint, excludendos ab omni eorundem graduum dignitate: & Canon hic adduci-*

citur a Gratiano c. *Erubescant* d. 32., qui posteaquam retulit *Urbani II.* canonem 12. in Melphienſi Concilio anno 1089. conſtitutum: *Eos, qui in Subdiaconatu uxoribus vacare voluerint, ab omni ſacro Ordine removemus &c.*, continuo ſubjecit: *Item Dominico Patriarchae Gradenſi. Erubescant impii, & aperte intelligant, iudicio Spiritus Sancti eos, qui in ſacris Ordinibus Presbyteratu, Diaconatu, Subdiaconatu ſunt poſiti, niſi mulieres abjece- rint, & caſte vixerint, excludendos ab omni eorundem graduum dignitate &c.*, perinde ac ſi decretum iſtud eſſet ſimiliter *Urbani II.*, quod palam, ac omnino falſum; cum ſit *Alexandri II.*, qui quinque ſupra decem annos *Urbani II.* Pontificatum an- tevertit.

IV. Etenim inter fragmenta Epistoſularum *Alexandri II.*, quae in Conciliorum Collectionibus habentur, legitur n. *quar- tum*, quod datum dicitur *Dominico Gradenſi Patriarchae* hiſce verbis: *Erubescant impii, & aperte nos intelligant iudicio Sancti Spiritus eos, qui in tribus ſacris gradibus Presbyteratu ſcilicet, Diaconatu, & Subdiaconatu poſiti mulierculas non abjecerunt, & caſte non vixerunt, excludere ab eorundem graduum dignitate &c.*, & quidem reſcriptum *Alexandri* eſſe, non autem *Urbani*, li- quido conſtat; cum datum ſit *Dominico Gradenſi Patriarchae*: *Dominicus* porro *Cerbonus* Gradenſis Antiſtes ſedit ſub *Alexan- dro*, non ſub *Urbano II.*, nam anno non 1094., ut cum erro- re ſcripſit *Ughellus*, ſed 1084. jam illi ſuffectus fuerat *Joannes Saponarius* ex monumentis illius Patriarchatus in *Venetæ Italiae ſacrae* editione to. x. memoratis in *Equil. Episcopis* n. v. Cui plane reſcripto, vel fragmento iv. aliud in Concil. Collection. fragmentum ejusdem *Alexandri II.* ſequitur *Clero Mediolanenſi* miſſum non alieni argumenti n. v. *Si quis vero Sacerdotum, Dia- conorum, vel Subdiaconorum officium contumaciter deferens foemi- nam ſibi potius elegit &c.* etiam a Gratiano exſcriptum c. *Si quis* d. 81., apud quem cum error irreperit c. *Erubescant*; legen- dumque eſſet: *Item Alexander II. Dominico Patriarchae Gradenſi. Erubescant impii &c.*, omiſſo *Alexandri II.* nomine, error fluxit ad *Innocentium III.*, & inde ad alios omnes, ut *Urbani II.* decre- tum cenſeretur.

V. Praeterea idem *Innocentius*, ut oſtenderet *Subdiacona- tum* eſſe *Ordinem ſacrum*, adiunxit: & iterum (*Urbanus II.* di- xit )

xit): *Nemo ad sacrum Ordinem permittatur accedere, nisi aut virgo; aut probatae castitatis; & qui usque ad Subdiaconatum univ-  
cam, & virginem uxorem habuerit: qui est canon 3. supramemo-  
rati Concilii Melphienfis recitatus c. Nemo ad d. 32. Mox ad-  
duxit Synodi sextae constitutum: Si quis eorum, qui ad Clerum  
accedunt, nuptiali jure mulieri voluerit copulari, hoc ante Subdia-  
conatus ordinem faciat: estque canon 6. Trullanus; & habetur c.  
Si quis d. 32. Denique ad idem attulit B. Gregorii auctoritatem,  
quae noscitur illa relata & c. Ante triennium d. 31. Siquidem  
c. Miramur de Servis non ordinand. inquit: Nam licet facer or-  
do non reputaretur (Subdiaconatus) in Ecclesia primitiva; tamen  
a constitutione Gregorii, atque Urbani secundum moderna tempora  
facer gradus esse minime dubitatur. Quibus videtur Innocentius  
sentire, Subdiaconatum non tam ab Urbano II., quam a Grego-  
rio Magno Epist. 42. lib. I. Petro Subdiacono Siciliae dire-  
cta, & a Gratiano ex parte relata, ut dixi c. Ante triennium d.  
31. Ordinem sacrum fuisse declaratum, semel ac legi continen-  
tiae, & castitatis eo insignitus addiceretur.*

VI. Quamquam non Gregorius I., sed Pelagius II. eam  
de continentia Subdiaconorum constitutionem pro solis Siciliae  
Episcopis promulgavit: quandoquidem S. Gregorius Papa Epist.  
34. lib. 3. Leoni Cataniae in Sicilia Episcopo scripsit: *Multo-  
rum relatione comperimus, hanc apud vos olim consuetudinem te-  
nuisse; ut Subdiaconi suis licite miscerentur uxoribus: quod ne de-  
nuo quisquam praesumeret, a Servo Dei sedis nostrae Diacono ex  
auctoritate nostri decessoris est isto modo prohibitum; ut &c.*, hunc  
autem ejus decessorem fuisse Pelagium II., habemus ex Epist. 42.  
lib. 1. proxime commemorata, & ab eo data anno 590. Petro  
Siciliae Subdiacono; qua inquit: *Ante triennium Subdiaconi om-  
nium Ecclesiarum Siciliae prohibiti fuerant, ut more Romanae  
Ecclesiae nullatenus suis uxoribus miscerentur. Quod mihi durum,  
atque incompetens videtur; ut qui usum ejusdem continentiae non  
invenit; neque castitatem ante promisit, compellatur a sua uxore  
separari: atque per hoc, quod absit, deterius cadat. Unde vide-  
tur mihi; ut a praesenti die Episcopis omnibus dicatur; ut nullum  
Subdiaconum facere praesumant, nisi se victurum caste promise-  
rit &c.*, ejusque decreti observantiam inculcat Epist. 5. lib. 3.  
Bonifacio Rhegino Episcopo transmissa, & etiam relata c. Sub-  
dia-



*diaconis d. 32., idque postmodum in Occidente toto invaluisse ducitur ex c. Aliter d. 31., ubi Stephanus Papa III. Romana in Synodo anno 769. effatur: Aliter se Orientalium traditio habet Ecclesiarum, aliter hujus S. Romanae Ecclesiae: nam earum Sacerdotes, Diaconi, & Subdiaconi matrimonio copulantur; istius autem Ecclesiae, vel Occidentalium nullus Sacerdotum a Subdiacono usque ad Episcopum licentiam habet conjugium sortiendi.*

VII. Longe tamen ante & Gregorium I., & Pelagium II. non solum Ecclesiae Romanae disciplina uxores arcebat a Subdiaconis; sed & complures aliae Ecclesiae hoc ipsum observabant. Quid namque sibi vult canon 25. al. 27. Apostolorum: *De promotis ad Clerum, si velint, uxorem ducant, sed Lectores, & Cantores soli:* quod habet & canon 14. Antiochenus: *Quoniam in quibusdam Provinciis concessum est Lectoribus, & Psalmistis uxores ducere &c. nisi Subdiaconibus non licere vel post ordinationem conjugium inire?* ac ut omittam suppositum S. Silvestro Papae Concilii Rom. canonem 8. *Nullum Subdiaconorum ad nuptias transire praecipimus:* certe Concilium Eliberitanum can. 33. hujusmodi condidit statutum: *Placuit in totum prohibere Episcopis, Presbyteris, Diaconibus, ac Subdiaconibus positis in ministerio abstinere a conjugibus suis; non generare filios: quod quicumque secerit, ab honore Clericatus exterminetur:* & S. Epiphanius haec. 59. de Catharis c. 4. circa annum 374. affirmat, scribitque: *quin eum insuper, qui in matrimonio degit, ac liberis dat operam, tamen si unus uxoris vir sit, nequaquam tamen ad Diaconi, Presbyteri, Episcopi, aut Hypodiaconi ordinem admittit Ecclesia; sed eum dumtaxat, qui ab unus uxoris consuetudine continuerit, aut ea sit orbatus. Quod in illis locis praecipue fit, ubi Ecclesiastici canones accurate servantur:* nimirum Romae potissimum.

VIII. Sed & Concilium Carthaginense il. anno 390. coactum perhibet, Epigonium Episcopum in eo pronunciasse c. 2. *Cum in praeterito Concilio... gradus isti tres conscriptione quadam castitati per consecrationes annexi sunt, Episcopos inquam, Presbyteros, & Diaconos; ita placuit, ut concedet, Sacrosanctos Antistites, & Dei Sacerdotes, nec non & Levitas; vel qui Sacramentis Divinis inserviunt, continentes esse in omnibus:* extatque & c. Cum in praeterito d. 84., ubi perperam attribuitur Aurelio Episcopo; & Glossa notavit, eos, qui Sacramentis Divinis inserviunt

vinut, intelligi Subdiaconos. Et sane Carthagio. Concilium II. an. 397. congregatum can. 19. sanxit: *Lectores, cum ad annum pubertatis venerint, cogantur aut uxores ducere; aut continentiam profiteri: c. Lectores d. 32.,* nimirum ut ita ad Subdiaconatum, aliosque Ordines majores promoveri possent: & etiam Carthaginienſe v. anno circiter 400. factum edixit can. 3. *Placuit Episcopos, Presbyteros, Diaconos, & Subdiaconos secundum priora statuta etiam ab uxoribus abstinere &c.* juxta can. 25. Codicis Can. Afric., quem adduxit, confirmavitque Synodus Augustana anno 952. can. 1. his verbis: *Sicut in Carthaginensi tenetur cap. 25.,* licet vox Subdiaconos absit a variis codicibus Concilii Carthagin. & etiam a nonnullis Gratiani c. *Placuit d. 32., & c. Cum de quorundam d. 84.*

IX. Posteaquam autem Leo Magnus Epist. 82. al. 84. ad Anastasium Thessalonicen. Episcopum cap. *Omnium Sacerdotum d. 32. rescripsit: Cum extra Clericorum ordinem constitutis nuptiarum societati, & procreationi filiorum studere sit liberum; ad exhibendum tamen perfectae conscientiae puritatem nec Subdiaconibus quidem carnale connubium conceditur &c.* Veneticum in Gallia Concilium anno 465. constituit can. x. *Presbyteri, Diaconi, atque Subdiaconi; vel deinceps quibus ducendi uxores licentia non est; etiam alienarum nuptiarum evitent convivio &c.,* qui est & canon 39. Concilii Agathensis anno 506. congregati; recitaturque a Gratiano c. *Presbyteri d. 34.* Concilium vero Gerundense anno 517. can. 6. ita decrevit: *De conversatione vitae id statuere placuit; a Pontifice usque ad Subdiaconatum post suscepti honoris officium si qui ex conjunctis fuerint ordinati; ut sine conjugē habitent &c., & Toletanum II. anno 531. can. 3. Illud praeterea speciali ordinatione decrevimus, quod nec antiqua Concilia in universis Canonibus siluerunt: ut nullus Clericorum a gradu Subdiaconatus, & supra in consortio familiaritatis habeat mulierem, vel ingenuam, vel liberam, vel ancillam: sed si sunt ei ejusmodi servitia, matri, vel sorori, vel alii propinquae contradat. Nec audiendus est Lupus, cum Dissert. I. Prooem. de Latino- rum Episcoporum, & Clericorum continentia cap. 3. putat, reponendum esse a gradu Diaconatus: nam can. 1. dicitur: De his, quos voluntas parentum a primis infantiae annis Clericatus officio mauciparit, statuimus observandum... ubi XVIII. aetatis suae com-*

compleverint annum; coram totius Cleri, plebisque conspectu voluntas eorum de expetendo conjugio ab Episcopo perscrutetur. Quibus si gratia castitatis Deo inspirante placuit, & professionem castitatis suae absque conjugali necessitate se spoponderint servaturos... primum Subdiaconatus ministerium habitu probationis suae a xx. anno suscipiant &c., & paulopost: itaut cum perfectae aetatis in conjugio positi renunciaturos se pari consensu operibus carnis spoponderint; ad sacros gradus aspirent: extatque & c. De iis d. 28:

Qui X. Similiter Concilium Aurelianense II. anno 538. can. 2. prohibuit; Ut nullus Clericorum a Subdiacono, & supra, qui uxores in proposito suo accipere inbibentur; propriae, si forte jam habeat, misceatur uxori. Quod si fecerit, laica communione contentus juxta priorum canonum statuta ab officio deponatur: & Turo-nense II. anno 567. can. 20. statuit, ut sequitur: Si inventus fuerit Presbyter cum sua Presbytera; aut Diaconus cum Diaconissa; aut Subdiaconus cum sua Subdiaconissa; animum integrum excommunicatus habeatur; & depositus ab omni officio Clericali inter Laicos se obsecrare cognoscat. Autisiodorensis vero anno 578. convocatum can. 20. edixit: Quod si Presbyter, quod nefas est dicere; aut Diaconus; aut Subdiaconus post acceptam benedictionem infantes procreaverint; aut adulterium commiserint... deponantur: & canone 21. Non liceat Presbytero post acceptam benedictionem in uno lecto cum Presbytera sua dormire; nec in peccato mortali misceri: nec Diacono; nec Subdiacono: can. vero 22. Non licet relictæ Presbyteri, nec relictæ Diaconi, nec Subdiaconi post ejus mortem maritum accipere: adeo semper Subdiaconatus ordo Presbyteratus, ac Diaconatus Ordinibus sociatur. Sic & Matisconenfe I. Concilium anno 581. habitum can. 11. pronunciavit: Episcopi, Presbyteri, vel universi honoratiores Clerici cum sublimi dignitatis apice sublimantur... quisquis ille est; Divino munere benedictione percepta, uxori prius suae frater illico efficiatur ex conjugio &c., quisnam autem sunt illi honoratiores Clerici nisi Diaconi, & Subdiaconi? Perspicuum est igitur, ante Gregorii I. & Pelagii II. tempora plurimis in locis Subdiaconos continentiae legibus addictos fuisse.

XI. Sunt aliqui quidem, quos inter Vasquez in 3. par. Si Thomae to. 3. disp. 237. cap. 2., & disp. 238. cap. 6., qui scripto tradiderunt, Urbanum II. c. Nullus d. 60. Ordinis sacri no-

mine non intellexisse *Sacramentum*, vel Ordinem a Christo institutum; sed eum Ordinem, cui annexum esset *votum perpetuae continentiae*; & hac ratione inter sacros Ordines primitivae Ecclesiae non enumerare *Subdiaconatum*, quia eo tempore tale votum non habuit hic Ordo. Verum quo pacto innuere potuit Urbanus *Ordinem sacrum* primitivae Ecclesiae, cui *votum continentiae* annexum esset; si ejusmodi Ecclesia votum illud fortitan non agnovit? non quidem universa Ecclesia; cum Graeca, & Orientalis etiamnum continentiae legem non admittat: nec etiam particularis; quoniam etsi Romana ab initio usque continens fuisse dicatur; illud tamen votum non fuit, aut lex, sed magis mos ab Apostolis, ut volunt, inductus, qui cursu temporis in legem, votumque transiit. Et sane idem Urbanus c. *Nul-*  
*lus* non aliam attigit rationem, cur *sacros Ordines* diceret Presbyteratum, & Diaconatum; nisi quia: *hōs solos primitiva Ecclesia legitur habuisse; & super his solum praeceptum habemus Apostoli*: atqui Apostolus *Sacerdotibus*, & *Diaconis* non continentiam, sed *monogamiam* indixit observandam; igitur Urbanus II. *Ordinis sacer-*  
*ri* nomine non potuit intellexisse eam *primitivae Ecclesiae* Ordinem, qui votum continentiae annexum haberet; sed qui aut a Christo fuit institutus, aut ab Apostolis exhibitus, publicatusque: quorum in numero quia *Subdiaconatus* non invenitur; ideo *sacer Ordo* non appellatur ab illo: Quod enim memoretur a Mart. Ignatio Epist. ad Antiochenos, nihil est; cum Epistola ea valde suspecta sit utpote Hieronymo, Eusebioque ignota.

XII. Non igitur, uti dicebam, Urbanus II. *Subdiaconatum* appellavit Ordinem *sacrum* ullo modo, sed Innocentius III. ex Gregorii, & Urbani Rom. Pont.; inquit ille, Constitutionibus c. *Miramur* de Servis non ordinari; non ob *votum continentiae*, quod eo Ordine initiatus emitteret; sed quia & *ipsi Altaribus administrant* ex Urbano supra n. 2. commemorato; & *Vasa sacra* tangere debent, ut SS. Thomas, & Bonaventura docent n. 1. relati. Non enim *Ordo sacer* est, & dicitur; quia quis continens, & castus est; sed quia rem sacram aut facit, aut administrat, aut attingit rei sacrae vasa; cui propterea consequitur, ut continens, castusque existat, juxta illud Isaiae c. 52. *munda-*  
*mini, qui fertis vasa Domini*. Cum itaque, ut visum est n. 7. & seqq., multo ante Urbani, & Gregorii Magni decreta *Sub-*  
*dia-*

*diaconi continentiae rigori pluribus locis Romana praefertim in Ecclesia adstringerentur; nulli dubium, quin quoque id temporis Ordo ille sacer aestimaretur non quidem primo, sed secundo modo; sive non quia institutus a Christo, vel ab Apostolis, eoque quis aut rem sacram ageret, aut ministraret; sed quia rei sacrae vasa sangeret. Quo circa Tolerantium Concilium VIII. anno 653. can. 9. dixit: Relatum est nobis, quosdam Subdiaconos, postquam ad sacrum hujus Ordinis pervenerunt gradum, non solum carnis immunditia fordidari... sed etiam, quod dictu nefas est, novis uxoribus copulari &c., & Eugenius II. in Synodo Romana anno 826. a Leone IV. in alia Synodo Romae an. 853. confirmata can. 15. sancivit: Si quispiam Sacerdotum idest Presbyter, vel Diaconus, vel Subdiaconus de quacunque foemina crimine fornicationis suspectus post primam, secundam, & tertiam admonitionem invenitur fabulari cum ea, vel aliquo modo conversari; excommunicetur &c., estque & c. Si quispiam d. 81., & de Cohabit. Cleric. etiam nonnihil interpolatum.*

XIII. Sed cum bifariam sumatur Ordo sacer, ut est dictum n. 1., posset quis inficiari, aut saltim dubitare; an auctoritates commemoratae, & alia ex can. 25. Octavae Synodi contra Photium versionis Anastasii, ut *Episcopi, Presbyteri, Diaconi, & Subdiaconi, qui in vasori Photio consenserunt, depositi sint; & omnino Sacerdotali operatione privati; quemadmodum nec unquam ante B. Papa Nicolaus judicavit; & nequaquam sales in Sacerdotii Catalogo recipiantur: nec non & illa Alexandri II. c. Erubescant, intelligendae sint de Ordine sacro secundo modo accepto, ac ratione materiae; quemadmodum sumuntur Presbyteratus, & Diaconatus. Verum enim cum in Lateranensi I. Concilio Oecumenico anno 1123. celebrato statutum sit can. xxi. Presbyteris, Diaconibus, & Subdiaconibus, & Monachis concubinas habere, seu matrimonia contrahere penitus interdiximus: contracta quoque matrimonia ab hujusmodi personis disjungi; & personas ad poenitentiam debere redigi juxta sacrorum Canonum definitionem judicamus: & apertius Latifanense II. anno 1139. sub Innoc. II. congregatum can. 7. Conjugia a Presbyteris, Diaconis, & Subdiaconis contracta matrimonia non esse pronunciarit, eo quod contra Ecclesiasticam regulam constaret irrita esse; & ut lex continentiae in sacris Ordinibus dilataretur: apparet manifesto; jam tum Subdiaconatum*

tum dictum esse *sacrum Ordinem* secundo modo aequè ac Presbyteratum, & Diaconatum; proptereaquod solus *Ordo sacer* eo modo rite, valideque acceptus contractum matrimonium dirimit cum ratione voti, tum ex lege praecipientis Ecclesiae: non autem *Ordo sacer* primo modo, uti sunt *Ordines* vulgo *minores*.

XIV. Objici tamen posset *Innocentij III.* Epistola 81. libri x. Rossensi Episcopo data, qua *Johannem* quemdam; qui post acceptum *Subdiaconatum* matrimonium cum quadam contraxit; inde & in Diaconum ordinari se fecit; *Officio, & beneficio privatum* cohabitare cum uxore praecepit: igitur si *Subdiaconatus* *ordo sacer* eo modo secundo reputatus fuisset a Pontifice; is matrimonium illud dissolvisset, non confirmasset. At scire est primum, de *Subdiaconatus* ordine ab illo suscepto non satis constasse, neque probari potuisse: postea eam esse legem Ecclesiasticam, non Divinam; ideoque ab Ecclesia, ejusque Principe Rom. Pontifice relaxari posse; ac definiri; ut secus fiat, ac olim constitutum esset. Sic quoque statuendum de *Alexandri III.* rescripto Hipponensi, Salernitanoque Episcopis misso; quod habetur in Appendice Concilii Lateranen. III. anno 1179. celebrati par. XVIII. De Clericis matrimonio copulatis &c. cap. IV. in hunc modum: *Super eo, quod asseris, quosdam viros tuae jurisdictionis in sacris Ordinibus constitutos matrimonium contraxisse; hoc tuae prudentiae respondemus: quod si qui in Diaconatu, & supra matrimonium contraxerint; cogendi sunt uxores dimittere, & continenter vivere; ita quod post actam poenitentiam ex dispensatione possint in suis Ordinibus ministrare: Si vero Subdiaconi contraxerint matrimonium; eos, dummodò ante tales fuerint, quod timendum sit, ne pro una pluribus abutantur; dissimulare poteris cum suis mulieribus permanere: quia tolerandum est malum, ut pejora vitentur.* Nec dissimilia tradit cap. XIII. Oxoniensi Episcopo respondens; ubi etiam adjungit: ita tamen quod ad Altaris ministerium non accedant; nec Ecclesiastica beneficia percipiant: veruntamen si tales aliqui Ecclesiae personas gerunt; aut Ecclesias, aut uxores prorsus dimittere sunt cogendi. Quibus Subdiaconatum inter sacros Ordines secundo modo Pontifex aperte collocat; sed tamen dispositione recitata ipsum ab aliis haud parum secernit.

XV. Praeterea idem Alexander III. c. *Clericos* de Cohabit. Cleric. scripsit Archiepiscopo Salernitano: *Clericos in sacris Ordinibus constitutos, qui publice tenent concubinas... debes perpetuam excommunicationis sententiam proferre &c.*, & quos Clericos intelligeret, clare ibidem expresse c. *Sicut ad extirpanda Cantuarien. Archiepiscopo, ejusque Provinciae Episcopis rescribens: Fraternitati vestrae mandamus; quatenus Clericos vestrae jurisdictionis, qui in Subdiaconatu, & supra fornicarias habuerint &c.* Nec dubium, quin eodem recidat c. *Cum H. lator* De eo, qui furtive &c., quo Clemens, vel Caelestinus III. respondit; H., cum quatuor Minores Ordines suscepisset; eis non contentum Subdiaconatum etiam temerario ausu recepisse; mandavitque Pontifex, eum in minoribus dumtaxat Ordinibus celebrare: Quare liquido constat, ante tempora Innocentii III. Subdiaconatum unum ex Ordinibus majoribus, vel sacris secundo modo habitum fuisse: proindeque patere poterit, qua ratione Petrus Cantor, qui obiit anno 1197. lib. de Verbo mirifico cap. 54. de novo institutum scripserit *Subdiaconatum sacrum Ordinem*; & Durandus Mimatenlis Episcopus lib. 2. Rationalis Divin. Off. cap. 8., nec non Autor Pontificalis contra Parisien. haud multo post editi tradiderint, Innocentium III. fuisse primum, qui *Subdiaconatum esse Ordinem sacrum* pronunciaverit: quando Ivo Carnotensis Episcopus par. 5. cap. 72., Ugo Victorinus lib. 2. de Sacramentis par. 3. cap. 13., Magister Senten. in 4. d. 24., & Philippus Abbas Bonaespei lib. de Continentia Clericorum cap. 107., qui ante illos floruerunt, duos tantum Ordines esse sacros *Presbyteratum, & Diaconatum* cum Urbano II. conscripserunt ob varium scilicet, ut jam commonui, Ordinis sacri discrimen & institutionis diversae, & ministerii consimilis.

XVI. Illud insuper addendum erit, observandumque, Alexandrum III. c. *Subdiaconos* tit. de temp. Ordin., quum Bathon. Episcopo rescriberet, docere: *Subdiaconos autem nulli nisi Romano Pontifici liceat diebus Dominicis ordinare: quamvis consecrandi Deo dicatas Virgines, & Minores Ordines bis diebus habeant licentiam celebrandi &c.*, & c. De eo autem ibidem Hereford. Episcopo respondens: *an liceat extra jejunia quatuor temporum aliquos in Ostiarios, Lectores, Exorcistas, vel Acolythos, aut etiam Subdiaconos promoveri*: inquit: *quod licitum est Episcopis Domini-*


*cis, & aliis festiuis diebus unum, aut duos ad minores promovere; sed ad Subdiaconatum nonnisi in quatuor temporibus, aut Sabbato Sancto, vel in Sabbato ante Dominicam de Passione nulli Episcoporum praeter Romano Pontifici liceat aliquos ordinare: idque quia jam tunc Subdiaconatus habebatur unus e sacris, & majoribus Ordinibus: quod perspicue prodidit Joannes Beletus ad annum 1165. scribens lib. Explicat. Divin. Offic. cap. 92., dum inquit, Sabbata primae, & quartae hebdomadis Quadragesimae iccirco esse donata privilegio, quod in eis celebrentur Ordines: quorum Minores Apostolorum festis, Dominicisque diebus quibuscunque; Majores vero in sex tantummodo Sabbatis conferrentur. Merito itaque Innocentius III. c. Miramur de Servis non Ordin. ait, Subdiaconatum secundum moderna tempora sacrum Ordinem esse non dubitari.*

XVII. Ex quibus & illud manifestum est, Romanorum Pontificum primum inveniri *Leonem Magnum*, qui memoriae prodidit, ne Subdiaconibus quidem carnale convivium concedi; ut ostensum est n. 9., *Eugenium* vero II., aut *Alexandrum* II. primum etiam occurrere, qui Subdiaconatum Ordinem sacrum appellavit non minus quam Presbyteratum, & Diaconatum, quemadmodum n. 4., & 12. est demonstratum. Nam *Urbanus II.* primus indulgit, ut Subdiaconus; etiam si Ordo sacer non esset primitivae Ecclesiae uti Presbyter, & Diaconus; tamen quia Altaribus administrat, in Episcopum eligeretur opportunitate exigente, sed rarissime, nec sine licentia vel Romani Pontificis, vel sui Metropolitanis; ut n. 2., & *Alexander III.* primus praescripsit, neminem Episcoporum posse ad Subdiaconatus Ordinem, quemquam promovere nisi in quatuor temporibus, aliisque duobus Sabbatis praeter Romanum Pontificem; ut n. praecedenti est dictum: sed *Innocentius III.* primus fuit, qui clare, & aperte scripsit, Subdiaconatum hodie inter sacros Ordines computari; proptereaque libere valere in Episcopum eligi sicut Diaconum, vel Sacerdotem ex c. A multis supra n. 2. exposito; quae est Epistola 164. lib. x. ejusdem Innocentii Papae. Quibus quidem ex dictis palam innotescit, quid respondendum sit iis; qui hac de re aut pugnancia secum referre videntur; aut Urbanum II., vel Innocentium III. Ordinem sacrum declarasse Subdiaconatum perscripserunt.



# Q U A E S T I O . I V .

*De jejunii quatuor Temporum origine, ac institutore.*

I.  Via praeterita in Quaestione sermo factus est, & mentio jejunii *quatuor anni temporum*, in quibus potissimum Ordinationes sacrae haberi debent, & solent; & nos de *Ordine*, ac Ordinatione sacra paullo ante multa disseruimus: haud ab re duxi factum etiam de his temporum intervallis scripto mandare, quae nec omnibus adhuc aut explorata, aut literis aliquando prodita; nec a veritate, ut arbitror, aliena censeantur: cum viderim hanc rem non ita discussam bucusque fuisse; quin aliorum dictis & aliquid addi queat, & aliquid quoque demi. De *jejuniis quatuor Temporum* librum quidem edidit, & ad Trevirenses misit Sigebertus Monachus Gemblacensis, ut ipse testatur in lib. de Viris Illustr., sed fortassis non extat: magnus vero, idemque eminentiss. Animalium Ecclesiasticorum conditor Baronius sub anno aerae Christianae LVII. de jejuniis Ecclesiae verba faciens n. 106. de hoc ipso *Quatuor temporum* sermonem instituit; docuitque ipsum ex institutione *Apostolica* in Ecclesiam effluxisse, non autem ex *Calisto Papa*; ut cum Autore libri Pontificalis alii tradiderunt; idque sine ulla dubitatione S. Leonem Magnum confirmare: quod & sensit Card. Bellarminus lib. de Bonis Operibus 2. cap. 19., & post istos omnes alii; si unum excipias, quod quidem legerim, Christianum Lupum, qui in Schol. ad Florentinum Victoris II. Papae Concilium hujus jejunii institutionem a S. *Sylvestro Papa* originem traxisse conjicit, & arbitratur; quem etiam *Sabatici jejunii* institutorem asserere non dubitat. Quorum ego pronuntiata, uti & aliorum quorundam obiter effata, quae in hanc rem vulgata reperiuntur, in examen vocare constitui.

II. Quod ad faciendum, mihi veterrima, nascentisque Ecclesiae priora tempora perscrutari necesse est; ut ex priscis illius moribus id, quod certius est, hauriri possit. Itaque quatuor prima Ecclesiae secula percurrenti, perquirentique nonnisi duo jejuniorum genera, quae ab omnibus Christifidelibus servaren-

tur, occurrunt: *Quadragesimale*, & annuum *feriae quartae*, & *sextae*: de quibus agit memoratus Baronius n. 193., & seqq. ex Epist. Ignatii Mart., Tertulliano, Irenaeo, Clemente Alexandr., & Origene, ex Canonibus Apostol., & Constitutionibus Apostolicis, ex Petro Alexandrino Mart., Basilio Magno, Ambrosio, Epiphanio, Teophilo Alexandr., Hieronymo, & Augustino: quorum nonnullorum dicta dumtaxat, quae e re nostra esse noscuntur, afferam; ut can. 68. Apostol. *Si quis Episcopus, vel Presbyter, vel Diaconus, vel Lector, vel Cantor Sanctam Paschae Quadragesimam non jejunit; vel quartam diem, vel parasceven; praeterquam si propter imbecillitatem corporalem impediatur; deponatur: si sit autem Laicus, segregetur:* & Constitutionum Apostol. lib. 5. cap. 14. *Dominus nobis praecepit quarta feria, & sexta jejunare: illa quidem propter prodicionem; hac vero propter passionem: sicut & cap. 19. Praecepimus vobis quartis, & sextis feriis jejunare: nec non Origenis hom. 10. in Levit. habemus Quadragesimae dies jejuniis consecratos: habemus quartam, & sextam septimanae dies, quibus solemniter jejunamus: ac Magni Basilii Orat. 2. de jejunio Quadrages. Jejunium per omne tempus utile est his, qui illud suscipiunt... sed multo magis hoc tempore, quo per universum terrarum orbem undique denunciatur jejunii praeconium: nec ulla est Insula, nec terra continens, non Civitas &c.*

III. Sic S. Epiphanius haer. 75. loquitur cap. 6. *Quis est uspiam terrarum, qui non in eo consentiat, quartam, sextamque feriam solemni in Ecclesia jejunio consecratam? Quod si ex Apostolorum constitutione repetenda nobis autoritas est; cur illis quartae, & sextae feriae jejunium perpetua lege sancitur, excepta Pentecoste? Et in Catholicae fidei Expositione cap. 22. Item quarta, & sexta feriae jejunium ad horam usque nonam indictum; propterea quod quarta feria comprehensus est Dominus, & sexta in Crucem sublatus: Similiter Autor Comment. in cap. 4. Epistolae ad Galatas inter Opera S. Hieronymi dicit: Nos quoque simile crimen incurrimus quartam Sabbati observantes, & parasceven, & jejunium Quadragesimae &c., & Abbas Apollo in Lausiaca Palladii Historia cap. 52. ait: Catholica, & generalia jejunia non licet solvere sine ingenti necessitate: in quarta enim feria traditur Servator, & in parasceve crucifigitur: qui ea ergo solvit; Servatorem una tradit, & una crucifigit: quod post interpo-*

la-

latum exscriptis seculo x. Attó Vercellensis Episcopus in suo Capitulari cap. 70., & xii., Ivo Carnotensis Antistes in Decreto par. 4. cap. 32., nec non Gratianus c. *Jejunia* de Consecr. d. 3., etli corrupte ex dictis *S. Apollonii*: ut alios omitram, qui apud alios rerum harum tractatores videri possunt; qui & arbitrantur alterum feriarum 4., & 7. *jejunium* penitus exolevisse, sed ego non evanuisse, verum immutatum fuisse demonstrabo.

IV. Primum tamen praemittendum est, seculo Ecclesiae quarto audiri coepisse *Sabbati jejunium*; ac in primis ex can. 26. Eliberitani Concilii tametsi ambiguae apud aliquos intelligentiae: *Errorem placuit corrigi; ut omni Sabbati die jejuniorum superpositionem celebremus*: deinde ex Epist. SS. Hieronymi 28. ad Lucinium Baeticum, Augustini 86. ad Casulanum, 19. ad Hieronymum, 1. Innocentii I. Papae ad Decentium Episcopum Eugub., & ex Cassiani lib. 3. de Canonico Diur. Orat., & Psal. modo cap. 10., ac Collar. xxi. cap. 27. Scribit quidem Hieronymus, *Hippolytum virum disertissimum*, & carptim diversos Scriptores e variis autoribus edidisse de *Sabbati jejunio*, & de Eucharistia quotidie sumenda; sed cum virum disertissimum solummodo, non Martyrem, non Episcopum appellet; & cum in lib. de Scriptor. Eccles., uti & Eusebius in Hist. lib. 6. inter Opuscula *Mart. Hippolyti* illud de *Sabbati jejunio* non memoret; vereor, ne non idem & unus sit, uti Baronius, alique plures opinantur; nam ille *Martyr* floruit sub initium seculi Ecclesiae tertii; quo tempore hoc Sabbati jejunium nondum invaluisse videtur colligi ex illis Tertulliani verbis lib. de jejniis cap. 14., ubi contra Psychicos effatur: *cur stationibus quartam, & sextam Sabbati dicamus; & jejniis pasceven? quanquam vos etiam Sabbatum, si quando continuatis, nunquam nisi in Paschate jejunandum secundum rationem alibi traditam*: doceretque, tantummodo a Catholicis *Paschale Sabbatum*, quod nempe Paschatis diem praecedat, jejunio transigi: quod semper in universa Ecclesia observatum liquet ex multis, iisque perantiquis diversorum Autorum monumentis.

V. Scimus Nicolaum I. anno 867. Episcopis Galliarum dedisse 70. Epistolam super calumniis Photii, ac dixisse: *de jejunio Sabbati tempore S. Silvestri Confessoris Christi satis discussum est, & disputatum; atque, ut celebraretur, per omnia definitum: nullusque post haec ausu temerario contra istud statutum venire, aut sal-*

*saltem mutire praesumpfit: quod exscripsit & Petrus Damiani* Epist. 39. lib. 6. ad suae Congregationis Eremitas, & in Vita S. Romualdi Abbatis: idque videri potest desumptum ex Vita, actisque S. Sylvestri Papae Eusebio perperam ascriptis; Ex his profecto Lupus in Scholiis ad can. 55. Trullanum existimavit, Sylvestrum Papam primum *Sabbati jejunium* instituisse. Verum quis non in dubium vocaverit Vitam, actusque illos; aut potius falsitatis non postulaverit: quando nedum Hieronymum, & Augustinum latuerunt, sed & Innocentium I. non longe a Sylvestri aetate scribentes? quando non solum definitioni, statutoque Sylvestri non obtemperarunt plerique, verumetiam oppositum sibi probari dixerunt; ut Augustino, qui ad Casulanum Presbyterum rescripsit: *sentio ad significandam requiem sempiternam, ubi est verum sabbatum, relaxationem, quam constrictionem jejunii aptius convenire*. Simeon plane Metaphrastes, qui paulo post Nicolaum I. florebat, in Vita S. Sylvestri Papae contrarium literis tradidit; scilicet decrevisse eum, *ne jejunaretur Sabbatis* excepto uno, quo Christus in sepulchro fuit: & etiam S. Nilus junior Calaber negavit se credere, S. Sylvestrum *Sabbati jejunium* praecipisse; ut Auctor ejus Vitae apud Baronium habet ad ann. 980. num. 8.

VI. Quinimmo seculo XII. Jo: Beletth Divin. Offic. Explic. cap. 78., & insequenti Durandus Mimatensis Episcopus lib. 6. cap. 24. tradiderunt, *Melchhiadem Papam, & Sylvestrum* ejus successorem statuisse; *ut his quoque Sabbato comederetur: & inde in redemptionem Sabbatorum* ortum habuisse *Sexagesimam*. Hinc neque libri Pontificalis Auctor antiquus, neque Ilidorus Mercator, vel quis alius Decretalium Epist. Pontificum Rom. confessor tale commentum Sylvestro legitur affixisse: sed locus conjecturae est; Autorem illum Vitae S. Sylvestri PP., qui paulo ante Nicolai I. tempora scripsisse videtur, memoria lapsum pro *Innocentio I.*, de quo Libri Pontificalis Auctor habet: *hic constituit Sabbato jejunium celebrari, quia Sabbato Dominus in sepulchro positus est, & Discipuli jejunarunt: Sylvestrum I. posuisse*. Sed quoquo modo incoeperit hoc *Sabbati jejunium*, (cum non defuerint, qui ipsum etiam haeresiarchae *Montano* attribuerint): illud est quidem certum, extitisse non universale; at *exceptis Romanis, & adhuc paucis Occidentalibus* a nemine servatum fuisse, in-

Inquit S. Augustinus Epist. 86. ad Casulanum; qui & Epist. 19. ad Hictonymum inquit, *tot Ecclesias Orientis, & multo majorem Orbis partem qua temeritate criminabimur jejunium Sabbati non teneantem?* Certe S. Isidorus Hispalen. lib. 1. de Divin. Offic. cap. 42. *Sabbati die prodit jejunari tantum a plerisque nimirum in Hispania, ac Occidente: & Conventus Aquisgranen. an. 817. c. 77. statuit: ut Fratres aliquid pinguedinis in victu quotidiano habeant, excepta sexta feria; & diebus octo ante Natale Domini, & a Quinquagesima usque ad Pascha: igitur Monachi Sabbato non jejunabant semper, quod confirmat idem Augustinus Epist. 86. illis verbis: Si & quater, vel etiam ut nullus dierum excepto Sabbato, & Dominico praetermittatur; in hebdomade quinquies jejunetur: quod multi in vita sua faciunt maxime in Monasteriis constituti &c.*

VII. Cum igitur ultra quartum Ecclesiae seculum nonnisi duo jejuniorum genera obtinuerint, reperianturque, *Quadragesimae* unum, alterum vero *feriarum quartae, sextaeque*, quae ubique, ac semper ab omni Ecclesia tum Orientali, tum Occidentali observabantur: cumque primum ex S. Leonis I. Pontificis, qui ab an. 440. ad an. usque 461. regimen Ecclesiae Romanae tenuit, sermonibus *Quatuor temporum* jejunium nobis innotescat: maxime ex 8. sermone decimi mensis, dum inquit: *siquidem jejunium vernum in Quadragesima, aestivum in Pentecoste, autumnale in mense septimo, hyemale in hoc, qui est decimus, celebramus: nec amplius in Ecclesia Latina, potissimumque Romana legatur observatum feriarum. 4. & 6. jejunium hebdomaticum, sed trimestre hoc, quod in Occidentali, Latinaque solum Ecclesia constet obtinuisse, nunquam vero in Graeca, Orientalique: perspicue quoque constare poterit, Quatuor temporum jejunium & paullo ante Magni Leonis tempus, ac Pontificatum initium habuisse ab Romanae Ecclesiae Pontifice; &, ut conjectura assequi potest, a S. Caelestino I., qui biduum jejunium hebdomaticum, seu feriarum *quartae, & sextae* cujuscunque hebdomadis praeter Pentecosten convertit in biduum trimestre, sive ut singulis tribus mensibus feria *quarta, & sexta* jejunaretur.*

VIII. Etenim cum Autor libri Pontificalis in *Callisto I.* habeat: *hic constituit jejunium ter in anno fieri frumenti, vini, & olei gratia secundum prophetiam: & ex hucusque dictis appareat*  
Cal.

Callisto Papae ejusmodi constitutum convenire non posse; quod antiquorum nemo, qui de jejuniis Ecclesiae scripserit, hujus jejunii usque ad tempora S. Leonis Papae mentionem faciat: conjectare licet pro *Caelestino* Callisti nomen obrepisse; quemadmodum non semel in hoc, similibusque fieri usu evenit: sic namque c. *Nullus Primas* 9. q. 2. a Gratiano tribuitur. & *Callisto*, & *Caelestino PP.*, & in Conciliorum Collection. extat in Epist. 21. *Callisti I.*, & etiam inter *Caelestini I.* decreta: & sane memoratus libri Pontificalis Autor scribit, *Caelestinum I. multa constituta fecisse.* Nec est, quod quis adducat antiquius *Chronicon* Rom. Pontificum, quod in Felice III. al. IV. definit, utpote Callisto I. id ipsum tribuens, inquitque sanxisse eum, *jejunium die Sabbati ter in anno fieri*: quandoquidem ab antiquiori illo liquet Autorem libri Pontificalis solitum exscribere, interpolare, & ipsum etiam adaugere. Praeterea S. Leo Papa serm. ix. de jejunio *septimi mensis*, inquit: *quod enim dudum & traditio decrevit, & consuetudo firmavit; nec eruditio ignorat, nec pietas praetermittit*: igitur si dudum dicitur teste Laurentio Valla de exiguo tempore, ac de eo, quod paullo ante factum est; manifestum sit quoque jejunium 4. *Temporum* paullo ante Leonis I. Pontificatum exordium. habuisse. Hujus autem immutationis, imminutionisque jejunii causa fuisse potuit ea, quam Jo. Cassianus Collact. xxi. cap. 30. de causa, initioque *Quadragesimae* retulit his verbis: *Cum ab illa Apostolica devotione desciscens quotidie credentium multitudo suis opibus incubaret, ne eas usui cunctorum fidelium secundum Apostolorum instituta divideret; sed privatim impendiis suis consulens non servare tantum, sed etiam augere contenderet; . . . id tunc universis Sacerdotibus placuit, ut homines curis secularibus illigatos . . . ad opus sanctum canonica jejuniorum indictione revocarent; & velut legalium decimarum necessitate compelleret.*

IX. Erit tamen, qui quaerat; quandoquidem dictum est, biduum jejunium, quod olim *hebdomaticum* erat, *trimestre* nunc haberi; an primitus jejunium hoc *trium* temporum anni, vel *quatuor* extiterit: sive an tribus; vel quatuor trimestribus absolvetur in anno; idque propterea quod Liber Pontificalis de Callisto I. tradit: *hic constituit jejunium ter in anno fieri &c.*, & quamquam aliqui legendum dixerint, *quater in anno*; est

ta-

tamen id contra vetustissimos codices; cum & antiquius Chronicon, quod numero praecedenti productum est, ipsum etiam habeat: *ter in anno*: sed & Epistola 1. eidem Callisto I. supposita nonne refert: *jejunium, quod ter in anno apud nos celebrare didicisti, convenientius nunc per quatuor tempora fieri decernimus?* erat igitur, antea jejunium trium temporum, cui Callistus quartum intervallum addidit; uti sentit supra memoratus Bellarminus, quippe qui praedictae Epistolae fidem adhibuit. Et licet his, quae attulimus, Chronicis Rom. Pontificum, ac Pontificiae Epistolae nunc plures non credant, naucique faciant eruditi; nosque diximus, *Callisto I.* id jejunii genus adscribi non posse: tamen institutori primo, quem aurumavi Caelestinum I., adjudicari possent tria temporum intervalla; & quartum alteri Pontifici, supple *Gelasio I.* Certè Leo Magnus praeter jejunium *Quadragesimale tria* tantum celebrat sermonibus *jejunia Pentecostes, septimi, & decimi mensis*; non autem illud *primi mensis*, quod erat alterum 4. temporum intervallum. At incidit, misceturque cum jejunio *Quadragesimae*: Ita quidem; utriusque tamen mentio fieri poterat, uti modo fieri consuevit.

X. Deinde Gelasius I. Papa Epist. ad Brundulinos, quibus Julianum Episcopum constituit, & in *Constituto* pro Episcopo inter alia illi praecepisse scribit: *ut jejunio quarti, septimi, & decimi mensis vespere Sabbati Presbyteros, atque Diaconos ordinandos esse cognoscat*: en jejunium trium Temporum anni. Postmodum anno 494. Epistolam ix. dedit Episcopis Lucaniae, Bruttiorum, & Siciliae, qua n. 1. significat, *se Canonum patrum decreta librare, & retro Praesulum, decessorumque suorum praecepta metiri*; quae tamen necessitate temporum temperari possulabant; praesertim in reparandis militiae Clericalis officiis, quae per diversas Italiae partes ita belli, famisque consumpsit incurso; *ut in multis Ecclesiis usquequaque deficiente servitio Ministrorum, nisi remittendo paulisper Ecclesiasticis promotionibus antiquitus intervalla praefixa, remaneant sacris Ordinibus Ecclesiae funditus destitutae &c.*, mox n. 2. subdit. *Priscis igitur pro sui reverentia manentibus constitutis . . . tam instituendi, quam promovendi Clericalis obsequii sic spatia dispensanda concedimus &c.* tum n. 11. *ordinationes Presbyterorum, & Diaconorum nisi certis temporibus, & diebus exerceri non debent, idest quarti mensis jejunio, septi-*

*septimi, & decimi; sed etiam Quadragesimalis initii, & mediana hebdomadae die Sabbati jejunio circa vespeream noverit celebrandas: en quartum 4. Temporum intervallum nempe Quadragesimalis initii, quo & jejunium 4. Temporum celebratur, a S. Gelasio PP. additum saltem pro sacris Ordinationibus. Quod quidem etsi, (ut & hoc fatear,) non multum cogit, nec satis probat; locum tamen conjecturae praebet.*

XI. Alterum igitur inquiri potest; an olim *tridui* jejunium, uti nunc fit; an vero *bidui* tantummodo singulis haberetur trimestribus: nam S. Leo I. in omnibus fere sermonibus jejunii *trium* temporum *Pentecostes, septimi, decimique* mensis hanc clausulam adhibere solet: *Quarta igitur, & sexta feria jejunemus; Sabbato autem apud B. Petrum Apostolum vigiliis celebremus &c.* non ergo *Sabbato* jejunabatur; sed *vigilia* fieri consueverat; cui post plures annos ob quaedam, quae minus decenter patrabantur, antiquatae, sublataeque *jejunium* est subrogatum. At dicat aliquis: quomodo isthaec erant, si Socrates lib. 5. cap. 21. affirmat: *Romae singulis Sabbatis* jejunari: & Innocentius I. Epist. 1. ad Decentium Episcopum: *Sabbato jejunandum esse?* ita sane; sed etiam ille ipse Socrates eodem loco perhibet: *qui Romae sunt, tres continuas hebdomadas ante Pascha exceptis Sabbato, & Dominico die jejunant*: quod, ut solet, exscripsit Nicephorus Callisti lib. 1. cap. 34., & ista nihilominus mihi secum pugnare minime videntur: quoniam erat & jejunium Apostolicae traditionis, & jejunium *liberae* observationis; illud quartae, sextaeque feriatum traditionis erat; alterum vero Sabbati libertatis: illud antiquum, universale, ac omnium Ecclesiarum; istud vero novum particulare, ac Romae tantum, paucarumque Occidentis gentium; propterea S. Leo commemorat, praedicatque *traditionis* jejunium veluti commune, atque praeceptum; non illud *libertatis*: & Socrates primo loco loquitur de jejunio *liberae* observationis; secundo autem loco de illo *traditionis*: Quod ego non ambigo, quin Quadragesimali tempore etiam Romae nec semper, nec ab omnibus observaretur; cum S. Augustinus Epist. 86. dicat de Sabbati jejunio: *quod frequenter Romana plebs facit: frequenter autem non est idem, ac semper; & plebs non tota Civitas, sed pars, & quidem infima Civitatis agnoscitur.*

XII. Caeterum idem Leo Magnus aliquando, & a nonnullis,



lis, iisque potissimum, qui Clero nomen dederunt, *Sabbati* jejunium agi consisteret; uti quum Epist. 11. al. 81. ad Diolcorum Alexandrinum Episcopum praescribit: *ordinationem Sacerdotalem, vel Leviticam post diem Sabbati ejus noctis, quae in prima Sabbati* (idest die Dominica) *lucescit; cui a vespere Sabbati initium constat adscribi, celebrari solitam a Patribus; in quibus his, qui consecrandi sunt, jejunis, & jejunantibus sacra benedictio conferatur; At id non semper, nec ab omnibus peractum, elicitur ex c. De esu carniū d. 3. de Consecratione, ubi hoc Leonis IV. decretum refertur: De esu carniū apud nos vetustissima, & non improbanda traditio semper est tenenda; ut a coenae termino, quae sit in principio noctis quartae feriae, quae lucescit in quarta feria usque in diluculum quintae feriae; & similiter a coena noctis sextae feriae, quae lucescit in sexta feria, non imperite jejunatio usque ad Sabbati lucem; quantum de diei parte aliquis jejunare maluerit, vel debuerit; protendatur: & licet Gratianus id tribuat Leonis IV., ex Ilylo tamen, & argumento evincitur esse Leonis M., & notam hanc M. a Scribis imperite, & oscitanter versam esse in numeri IIII., vel IV. notam. Neque enim Leonis IV. temporibus jejunium *feriae quartae, & sextae* usitatae traditionis, ac consuetudinis erat; sed nec Leonis M. aetate: cum, quemadmodum ostensum est, transmutatum antea fuisset in jejunium trium, vel 4. *temporum*; quod hoc loco describi videtur a S. Leone, & quidem *bidui*, non autem *tridui* jejunium; ideoque *Sabbato* minime jejunium Romae fuisse traditionis, sed libertatis; ut numero praeterito explicavi.*

XIII. Quare quod idem Leo Magnus in fine sermonis 4. *Quadragesimalis* jejunii apposuerit, sive legatur ibi: *secunda igitur, & quarta, & sexta feria jejunemus: Sabbato autem apud B. Petrum Apostolum vigilias celebremus &c.* quamvis in pluribus antiquis Codd. MSS. non haberi dicat Quaesnellus differt. IV. de jejunio Sabbati; non satis tamen dispicio, cur verum esse nequeat, & quod ibi in vulgatis habetur; & quod de Quadragesimali jejunio Romanorum asserit supra n. 11. relatus Socrates; cum & iste Scriptor, & Sozomenus eodem tempore scribes probe conveniant de varia jejunii *Quadragesimalis* in diversis Regionibus consuetudine. Nec video, cur Romae jejunium Quadragesimae, quod alibi varium erat, ibi quoque interdum variari

riari nequiverit; & tres continvas ante Pascha hebdomadas exceptis Sabbatis, Dominicisque diebus jejunari; alias vero hebdomadas intermisit *secunda, quarta, & sexta* feria tantum jejunio transigi secundum id, quod ait Sozomenus lib. 7. cap. 15. *alii sparsim tres (dies) intra sex, aut septem istas (hebdomadas) jejunant.* Nam & in sermone 34. de *Quadragesima* inter Opera S. Ambrosii, estque 65. sermo S. Caesarii Arelaten. Episcopi, qui initio seculi vi. sedebat, legimus: *Audio complures; quod gravius est, fideles alternis in Quadragesima hebdomadis abstinere; & consecratum illum dierum numerum gula intemperanti violare, hoc est prandere septem dierum curriculo; & septem dierum spatio jejunare:* quapropter & multo magis alternis hebdomadae diebus idipsum evenire poterat secundum aut locorum, aut personarum, temporumque necessitatem etiam Romae.

XIV. Quam quidem in rem commemorare praestat varium *Quadragesimalis* jejunii modum antiquorum in *Quadragesima, Quinquagesima, Sexagesima, & Septuagesima.* Porro *Quadragesimae* sex hebdomadibus conclusae meminit Cassianus ante an. 419. scribens Collat. xxi. cap. 27. his verbis: *hi enim sex hebdomadarum observantiam praefixerunt, qui putant die quoque Sabbati jejunandum:* meminit & *Quinquagesimae* septem hebdomadibus conflatae cap. 28., & cap. 34., ac 25. de varia *Quadragesimae* observatione. Sed adductus paulo ante sermo 34. S. Caesarii Arelaten. Episcopi haec habet: *Nonnulli Christianorum fratres existimantes se Divinitatis praecepta religiosius observare praetermissa devotione Quadragesimae, cujus bodie curamus exordium, Quinquagesimam se facere mentiuntur: cum id neque Divinis literis jubetur; neque traditum sit auctoritate majorum. Sola igitur hoc faciunt animi praesumptione: & dum putant se devotius agere, superstitiosius conversantur. Dicit se observare Quinquagesimam, qui forte Quadragesimam implere vix possit.* Etiam Aurelianense I. Concilium anno 511. can. 26. inquit: *id a Sacerdotibus omnibus est decretum; ut ante Paschae solemnitatem non Quinquagesima, sed Quadragesima teneatur:* uti & Aurelianense IV. an. 541. can. 2. *Hoc etiam decernimus observandum; ut Quadragesima ab omnibus Ecclesiis aequaliter teneatur; neque Quinquagesimam, aut Sexagesimam ante Pascha quilibet Sacerdos praesumat indicare: sed neque per Sabbata absque infirmitate quispiam solvat Qua-*  
dra-

*dragesimae jejunium; nisi tantum die Dominico prandeat &c.*

XV. Quae autoritates plane decreta, ut volunt, & *Telesphori*, & *Melchiadis Papae* de *Quinquagesima*, *Sexagesimae* explodere videntur: etsi illud *Telesphori* firmari possit sermone de *Dominica Sexagesimae* inter *Ambrosianos*, qui a nonnullis *S. Caesarii* supramemorato contribuitur; referturque c. *Quadragesima* d. 4. per *Gratianum*; *Quadragesima sex septimanas habet*; cui addidit *Telesphorus Pontifex septimam hebdomadam*; & vocatum est hoc tempus *Quinquagesima &c.*, sed cum haec verba pugnet cum 34. sermone proximo numero relato; nequit hic sermo *S. Caesarii* adscribi; si quidem alter ejus est. Deinde c. *Denique Sacerdotes* eadem d. 4., quod fertur esse *B. Gregorii Augustini* Anglorum Episcopo scribentis; jubet Clericos jejunium a *Quinquagesima* inchoare, ut hoc etiam Laicos praecellant, nulla *Telesphori* mentione facta. Et sane *Chronicon Eusebii*, si ve verborum adjunctor in ejus *Chronico* id solum habet, fuisse eum jejunium *Quadragesimale*. Autor vero libri *Pontificalis* adjecit, statuisse *septem hebdomadibus* jejunium *Quadragesimale* fieri; & alter *Epistolae* 1. ipsi *Telesphoro* adjudicatae consistit pro solis Clericis *septem hebdomadas plenas* constituisse dicit: antiquus etiam *Ordo Romanus*, & *Amalarius* *Metensis* lib. de *Ecclesiasticis Officiis* inter *Opera Alcuini* *Telesphoro Papae* affingunt *Quinquagesimae* institutionem pro *Clericis*; aliique post istos: cum potius *Gregorio M.* videatur adscribenda ex his, quae proxime dicta sunt: quanquam *Clericorum* *Quinquagesima* alia erat ab illa universae Ecclesiae; illa 36. dies jejunii continebat; ista 43., nam in illa & *Sabbati*, & *Dominici*, in ista vero *Dominici* tantum dies subtrahebantur a jejunio: & hoc Clerici Laicos etiam praecellebant longiori nempe jejunio.

XVI. Item *Sexagesimae* non solum *Aurelianense IV. Concilium* paullo ante commemoratum mentionem facit; sed & antea *S. Hieronymus* *Epist.* 28. ad *Lucinium* inquit: *Nec hoc dico, quod Dominicis diebus jejunandum putem; & contextas sexaginta diebus ferias auferam*: etsi *Maurini Monachi* *quinquaginta diebus* legant, nulla variantis lectionis mentione facta: ferturque institutio *Miltiadis Papae*, de quo *Pontificalis* libri scriptor habet: *Hic constituit, ne ulla ratione die Dominica, aut quinta feria jejunium quis fidelium ageret: quia eos dies Pagani quasi*

*sacrum jejunium celebrabant: Sabbatum* omittitur, ut puto; de quo nulla erat cum *Paganis* in jejunio conventio; nam eo die non jejunabatur in *Sexagesima*. Siquidem & Joannes Beleth Parisiensis in Explicat. Divin. Offic. cap. 78., & Durandus Mimatensis Episcopus Ration. Divin. Offic. lib. 6. cap. 24. scripto tradiderunt, *Melchiadem Papam*, nec non S. Sylvestrum decrevisse; ut *bis quoque Sabbato comederetur*; quod est ne jejunaretur; & exinde in redemptionem *Sabbatorum* exortam esse *Sexagesimam*; qui quidem Durandus addit, a *Sexagesima* Graecos inchoare *Quadragesimale jejunium*; alia tamen ratione, ac modo id agunt Graeci, & Orientales, atque Latini olim *Sexagesimam*. Duranti porro verba sunt: *Regulares incipiunt jejunare a Septuagesima; Graeci a Sexagesima; Clerici a Quinquagesima; tota militia Christiana a Quadragesima additis quatuor diebus hebdomadae praecedentis*: ita suo tempore. Autor etiam, quem dixi, libri de *Ecclesiasticis Officiis* Amalarius IX. seculo scribens *Sexagesimae* institutionem *Melchiadi Papae* attribuire videtur; sed alia de causa, ac velint Jo: Beleth, & Gulielmus Duranti; quos adire quisque poterit.

XVII. *Septuagesimae* demum nominatio mihi primum occurrit (ut omittam quorundam Orientalium, seu Armenorum *Septuagesimam* *προφωρεσιμω* dictam) ex Epistola Caroli Magni ad Alcuinum Flaccum scribentis: *Septuagesima, ut aestimamus, propterea ab aliquibus observatur; ut & decimas dierum Domino dare queant; & prima, vel quinta, nec non est septima feria jejunium solvere possint. A Septuagesima usque ad Pascha sunt novem hebdomadae, quae faciunt dies sexaginta quatuor; e quibus si de unaquaque hebdomada tres praefatos subtraxeris dies, & Paschalem sacratissimum; triginta sex in observantia remanent dies; quod ipsum habet & incerti Autoris sermo, quem supra retuli, de Sexagesima inter Ambrosianos publicatus. Mihi tamen maxime probatur; quemadmodum a Quadragesima Dominicae dies tantum subtrahuntur; & a Quinquagesima Dominicae, & Sabbata teste laudato paulo superius Cassiano; ita e Sexagesima tres dies Dominicae, Sabbata, & quintae feriae subtraherentur, & e Septuagesima quatuor dies; & tres dumtaxat feriae secunda, quarta, & sexta jejunio addicerentur. Qui jejunandi mos viguit olim etiam in Gallia, cum in Turonensi II. Concilio an. 517.*

can.

can. 17. dicatur: *De jejuniis vero antiqua à Monachis instituta servantur. . . . Post Epiphania vero usque ad Quadragesimam ter in septimana jejunent: & ad alia anni tempora translatus fuerit jam antea à S. Perpetuo Turonensi Episcopo; de quo Gregorius Turonen. lib. 10. cap. 31. prodir, à S. Martini depositione usque ad Natalem Domini terna in hebdomada instituisse jejunia; quod postmodum Concilium Matisconense l. anno 381. innovavit can. 9. decernens: Ut à feriis S. Martini usque ad Natale Domini secunda, quarta, & sexta Sabbati jejunetur; & sacrificia Quadragesimali debeant ordine celebrari.*

XVIII. Idque est, quod exhibet sermo 4. *Quadragesimalis* jejunii à S. Leone Papa sub initium jejunii recitatus, & supra n. 13. productus: suspicarique licet, id temporis Romanos Quadragesimale jejunium à *Septuagesima*; non quae hodie hoc nomine venit hebdomada; sed à septuagesima die ante Pascha, sive ab hebdomada ante hodiernam *Septuagesimam* incoepisse: & septem hebdomadibus tres dies 2. 4. & 6. ferias quaque hebdomada jejunasse; reliquis vero tribus hebdomadibus ante Pascha quacunque die, exceptis *Sabbato*, & *Dominico* jejunium peregrisse: atque ita 36. dies uti decimam totius anni Deo debitam jejunio perfolvisse: ut est à Cassiano Collat. 21. cap. 27., & à Gregorio Magno hom. 16. in Evang. observatum. Nam praedictus Cassianus affirmat, tam qui sex hebdomadas, seu Quadragesimam; quam qui septem, sive Quinquagesimam jejunabant, solos 36. jejunio transegisse dies; quod illi *Dominicas* tantum; isti *Dominicas*, & *Sabbata* detraherent: concluditque cap. 28. *una ergo, quemadmodum diximus; ratio, idemque est jejuniorum modus; licet in hebdomadarum numero discrepare videatur.* Non igitur improbanda videtur Socratis adducta n. 11. lectio, cum possit esse vera: sicut & altera Sozomeni, quam ille lib. 7. cap. 19. asseruit: *in urbe Roma nec Episcopus, nec alius quisquam in Ecclesia populum docet: propterea quod Historiam suam cum Scriptor iste perduxerit usque ad annum 439., quo & vivebat, scribebatque; & S. Leo Papa anno 440. sedere coepit: verisimile est, ipsum fuisse Romanorum Pontificum primum, qui sermones orsus sit habere in Ecclesia: & sane nullius Rom. Antistitum ante eum Sermones habemus; cum tamen quorundam habeamus & Episto-*

las, & Decreta, & Carmina. Sic etiam *Alexandrinus* Episcopus seculo praecedenti solum in Ecclesia sermocinari coepit, ex quo Arius falsa dogmata spargere tentavit eodem Sozomeno teste.

XIX. Objicient tamen adversus ea, quae dicta sunt n. 7., seculo Ecclesiae V. *Quatuor temporum* constituto jejunio non ultra Latina in Ecclesia observatum inveniri hebdomaticum jejunium *quartae, & sextae feriae*. Nam Ferrandus Diaconus Carthagin. cap. 29. Vitae S. Fulgentii Episcopi Ruspensis, qui initio seculi vi. sedebat, inquit: *Fulgentius per singulas septimanas omnes Clericos, & Viduas, & quicumque potuisset ex Laicis, quarta, & sexta feria statuit jejunare*: & insequenti seculo S. Aidanus Episcopus Lindisfarnen. ejusdem jejunii consuetudinem in Angliam Saxoniam introduxit; uti scribit Beda lib. 3. cap. 5. Sed & Conventus Aquilgranensis anno 817. pro Monachis habitus c. 18. statuit: *Ut quarta, & sexta feria jejunantes ante nonam, aut post nonam, si necessitas fuerit, juxta Prioris arbitrium levia opera exercent*: praeter Attonem Vercellen., & Ivonem Carnoten. Episcopos, atque Gratianum Monachum supra n. 3. recitatos, qui hujusce jejunii genus admittunt.

Respondetur, quosdam quidem uti SS. Fulgentium, & Aidanum tentasse veterem, & antiquatum jejunii bidui *feriae 4. & 6.* revocare morem, ejusque usum restituere; sed parum obtinuisse; cum S. Isidorus Hispalen. Episcopus lib. 1. Divin. Offic. cap. 41. testetur: *omnis sexta feria propter passionem Domini a quibusdam jejunatur*: sed & *Sabbati dies a plerisque*: nulla *quartae feriae* mentione facta; & Nicolaus I. in rescripto ad Bulgarorum consulta c. 4. & 5. jejunia Ecclesiae recensens *feriae sextae* quidem praedicat abstinentiam, ac jejunium; sed illud *feriae quartae* liberum esse dicat. Quosdam vero uti Monachos devotionis potius gratia jejunasse, quam traditionis, aut praecepti. Alios tandem ut Attonem, Ivonem, & Gratianum aliorum dicta refert magis, quam propria statuere, ut n. 3. visum est.

XX. Objicient etiam contra id, quod n. 7. & 8. est constitutum; 4. *Temporum* jejunium esse non posse a Caelestino I. Papa: siquidem & Baronius, & Bellarminus, alique fere omnes istud affirmant esse *institutionis Apostolicae*; idque perspicue doceri a Magno Leone serm. 9. 13. & 71., quorum in primo *decimi mensis* jejunium vocat tempus *Apostolicis traditionibus consecra-*

*secratum*: & in altero dicit: *Sancti Patres nostri divinitus inspirati decimi mensis sauxerunt jejunium*: in ultimo vero de jejunio *Pentecostes* ait ipsum ex *Apostolica traditione* sublequi: igitur non a Callisto, ut veteres; neque a Caelestino PP., ut nos contendimus, jejunium istud prodiit.

Responder P. Lupus in Schol. ad Concilium Florentinum Victoris II., exipsomet Leone M. intelligi, quid velit S. Pontifex illis verbis, dum sermone 42., qui est 2. de jejunio *Pentecostes*, inquit: *dubitandum non est, omnem observantiam Christianam eruditionis esse divinae; & quicquid ab Ecclesia in consuetudinem est devotionis receptum, de traditione Apostolica, & de S. Spiritus prodire doctrina*: uti & serm. 76., proindeque Leonem distinguere jejunium, & dies fixos, statosque; illud asserere traditionem Apostolicam; hos vero manentem inde Ecclesiarum consuetudinem. Deinde est supra n. 7. ostensum, jejunium 4. *Temporum* idem esse atque illud vetustissimum feriarum *quartae, & sextae*; nisi quod biduum illud singularum hebdomadarum dempra *Pentecoste* versum est in biduum singulis trimestribus faciendum: illud *Apostolicae* quidem *traditionis* erat, & de illo verba facit S. Leo; sed istud est institutionis Apostolicae sedis Antistitis, nempe *Coelestini I.*, uti jam dictum est.

XXI. Obijcient iterum ex Baronio sub an. Christi 57. n. 207. asserente, 4. *Temporum* jejunia celebrari jam consuevisse IV. Ecclesiae seculo in Orientali Ecclesia; idque demonstrari ex verbis S. Athanasii in Apologia de fuga sua; dum de aestivo jejunio *Pentecostes* fieri solito commeminit ille dicens: *in hebdomade siquidem post sacram Pentecostem populus completis jejuniiis ad orandum ad coemeterium abiit*: ergo non a Caelestino I., qui multo post Ecclesiam rexit, jejunium hoc exordium habere potuit.

Responderur, S. Athanasium Alexandrinum Praefulem non loqui de 4. *Temporum* jejunio; sed de antiquiori illo, ac primitivae Ecclesiae vetustissimo feriarum *quartae, & sextae* cujuslibet hebdomadis a *Pentecoste*; qua peracta, ( tempore cujus intervalli jejunare non oportebat ) populus ad consuetum bidui jejunium redibat; & singulis hebdomadibus peragebat. De quo similiter sermonem habere dicendum est Evangelistam Lucam Act. c. 27., quum ait: *jejunium jam praeterierat hyemali tempore*: uti & Tertullianum lib. contra Psychicos cap. 13., non

autem de illo 4. anni Temporum; quando scriptis: *aspice Judaicos Fastos, & invenies nihil novum; si quae sunt praecepta, omnis deinceps posteritas haereditaria religione custodit*: cum potius ille videatur indicare illud Lucae cap. 18. *jejunio bis in Sabbato*, idest in hebdomada: quandoquidem eo in libro saepe saepius commemorat jejunium *quartae, & sextae feriae*; at nunquam illud *Quatuor temporum*.

XXII. Objici quoque potest contra id, quod est n. 18. dictum; conjici nimirum posse, Romanos Leonis I. temporibus jejunium Quadragesimale exorfos esse a *Septuagesima* &c., nam Sozomenus, qui eodem tempore, quo S. Leo M., florebat, lib. 7. cap. 17. haec habet: *Quadragesimam, in qua populus jejunat, alii in sexdierum septimanis computant, ut Illyrii, & qui ad Occidentem sunt, nec non & universa Lybia, & Aegyptus cum Palaestina: alii in septem, ut Constantinopolitani, & Nationes circumjacentes usque ad Phoenices &c.* Romani autem ad Occidentem sunt positi comparate ad locum, ubi Sozomenus morabatur: igitur *non a Septuagesima* jejunium Quadragesimale inchoabant, sed a *Quadragesima* sex hebdomadarum.

Responderetur, partim verum esse, quod tradit Sozomenus; partim vero falsum: verum quidem in Occidente multos jejunium Quadragesimale in *sex dierum hebdomadibus* computasse; sed falsum, omnes id ipsum praestitisse: in ipsa Italia, ac *Mediolanensi Ecclesia*, Dioecesi quae tunc latissime patebat, nec die *Dominica*, nec *Sabbato* jejunabatur; uti legimus apud SS. Ambrosium, & Augustinum: qui autem eos dies e jejunio subtrahabant, *Quinquagesimam* septem hebdomadibus constatam jejunabant; ut ostensum est supra n. 14. & 15. ex Cassiano, qui lib. 3. de Canon. Diur. Orat., & Psal. modo cap. 9. & 10. parum sibi probari videtur *Sabbati* jejunium Romanorum; ut & Augustino Epist. 86. Deinde Sozomenus non agnovit *Sexagesimam*; quam tamen paulo ante eum meminit Hieronymus n. 16. relatus; & quam Miltiadem Papam invexisse plures conscripserunt.

XXIII. Objicient, instabuntque contra idem: Cassianus, qui aetate Sozomeni in Gallia scribebat, Collat. 21. cap. 27. de jejunio *Quadragesimae* inquit: *bi enim sibi sex hebdomadarum observantiam praefixerunt, qui putant die quoque Sabbati jejunandum*: at Romae potissimum *Sabbati* die jejunatum esse, testatur.

in pri.



in primis Epistola i. S. Innocentii I. Papae, & S. Augustinus, & Cassianus supra commemoratis: igitur Romae per id tempus non *Septuagesima*, sed *Quadragesima* sex hebdomadibus conclusa servabatur.

Respondetur, eos, qui *Sexagesimam* Melchiadis admiserunt, ut Autor sermonis de *Sexagesima* Dominica inter Ambrosianos, Carolus M. Epist. ad Alcuinum, Aenaeas Parisien. Episcopus, aliique plures, existimarunt in ea ipsa die *Sabbati* jejunium fuisse observatum; & tamen *Quadragesima* sex hebdomadarum non erat juxta illos, & quidem Romae. Loquitur ergo Cassianus de nonnullis Regionum Nationibus, ac suo tempore; non generatim de omnibus, de quibus & Socrates, & Sozomenus eodem tempore testantur in *sex* etiam *hebdomadibus* varie peractum esse jejunium etiam ab iis, qui *Sabbato* non esse jejunandum asseriebant, ut Graeci praesertim, & Orientales; quemadmodum supra n. 13. est demonstratum. Quod enim ait Socrates ibi: *qui Romae sunt, tres continuas hebdomadas ante Pascha... jejunant: annos idem est*, ac id, quod inquit Sozomenus: *alii tres* (hebdomadas) *Pascha immediate praecedentes continent*? Omitto, Cassiani tempore fieri potuisse jejunium *Quadragesimae* uno modo; tempore vero Leonis M. alio; scripsit enim Cassianus ad 29. annos ante Leonis I. Pontificatum opus *Collationum*.


XXIV. Objicient tandem contra id, quod eodem n. 18. pronunciaui: *Sozomeni* lectionem non videri falsam, quum ait; in *urbe Roma* nec Episcopum, nec quemquam alium in Ecclesia populum docere: Nam S. Ambrosius lib. de Virginibus 3. refert *sermonem* Liberii Papae habitum ab eo in die Natalis Domini in Ecclesia S. Petri; quem Baronius ad an. 357. n. 76. vocat *homiliam ad populum* recitatam: fuit autem Liberius Papa seculo integro ante Leonem Magnum: igitur falsa est Sozomeni lectio.

Respondetur, eam nequaquam fuisse homiliam ad populum; sed sermonem a Liberio PP. factum in Ecclesia quidem S. Petri, ac in die Natalis Domini; verumtamen ad Marcellinam S. Ambrosii sororem occasione, qua illa spiritualibus se nuptiis Deo perpetua virginitate dicabat: quapropter subdit post enarratum sermonem idem Ambrosius: *haec tecum sanctae memoriae Liberius, quae apud alios majora verbis, apud te minora exemplis &c.*

*plis &c.* Ea igitur non ad populum de more dixit Liberius; sed tantum occasione consecrationis Virginis; quod etiam ab aliis fieri consuevit, & solet; qui tamen homilias, aut sermones ad populum nunquam habuerunt, aut habent.

## Q U A E S T I O V.

*Quam fidei formulam Liberius PP. in exilio subscripserit, & quo anno.*

I.  UO mihi Quaestionem istam nunc fumerem examinandam, discrepantia Scriptorum effecit; qui quoniam eximiae sunt auctoritatis, & magni nominis agnoscuntur omnes; plus etiam difficultatis secum afferre videntur; ut quis quid verius senserit; non satis adhuc quidam internoscant. Scripserunt enim plures hac de re non solum olim, sed etiam prope nostra tempora, ac in primis in Annalibus Eccles. Baronius & fufe, & pro ratione temporum satis diligenter: post quem Petavius in Animadversion. Eusebian. Valesius in notis ad Socratem, & Sozomenum, ut & Pagius in Critica Baron. aliqua quidem observarunt, & castigarunt etiam, non ita tamen quin aliqua quoque in ipsis emendanda protulerint. Quod ut ostendatur, inter omnes convenire scimus, certumque esse; anno aerae Christianae 355. generale Mediolani coactum fuisse *Concilium*; idque sub initium anni ipsomet Pagio teste; cui Concilio interfuisse legimus Liberii Papae legatos, & eo ex coetu pulsos in exilium ab Arianis fuisse Catholicos Antitites, qui in Athanasium subscribere, eumque damnare renuerunt. Quo expleto, ac perpetrato, confestim Roma vi tractus Mediolanum est *Liberius* ad Imp. Constantium; ut & ipse calumniis appetitum Athanasium coram condemnaret: quod quia facere constanter recusavit, post *triduum* Berthoeam Thraciae relegatus est; atque, quantum conjectari licet, id ante diem *iv. Kal. Maii* anno 355. factum assevero.

II. Nam Marcellinus, & Faustinus Presbyteri Romani eo tempore viventes in libello ad Impp. de Schismate Ursicini narrata *Liberii* expulsionem subdunt: *post annos duos venit Roman*  
Con-

*Constantius; pro Liberio rogatur a populo: venit autem Constantius Romam iv. Kalend. Maias anno 357., ut habent Marcellinus Ammianus lib. 16. cap. 10., & Idacius in Fastis; igitur ante eum diem 4. Kalend. Maias, sive 28. Aprilis anno 355. Liberius in exilium trusus fuerat. Et quidem ipse S. Athanasius Epist. ad Solitarios inquit; Liberius post exactum in exilio biennium inflexus est; minisque mortis ad subscriptionem inductus est: ut & Apolog. 2., & Theodoretus lib. 2. cap. 17. biennio dilapso Constantius proficiscitur Romam... illustres foeminae accedunt ad Imperatorem... orant, ut urbis Pastore orbatae, & Luporum expositae insidiis misereatur. Quibus respondet Imperator; altero Pastore Civitati opus non esse; quippe cum haberet unum, qui ei posset providere (nempe Felicem intrusum). Sed cum mulieres significarent Imperatori; neminem ex habitatoribus Romae in Ecclesiam, dum ille intus erat, ingredi voluisse: qua de causa sic inflectebatur Imperatoris animus, ut Pastorem illum longe praestantissimum Romam redire, & utrosque communiter inter se Ecclesiam illam regere iuberet: atque quidem matronis Romanis ita respondisse Constantium Aug. Theodoretus habet. Sozomenus vero lib. 4. cap. 10., & post eum Nicephorus Callisti lib. 9. cap. 35. ajunt populo pro Liberio supplicanti: Imperator cum Episcopis re communicata redditurum se eis hominem pollicitus est, si in eandem cum Episcopis suis concederet sententiam.*

III. Memorati tamen Presbyteri Marcellinus, & Faustinus addunt, Constantium populo Romano pro Liberio deprecanti dixisse: *babetis Liberium, qui qualis a vobis profectus est, melior revertetur. Hoc autem de consensu ejus, quo manus perfidiae dederat, indicabat: igitur jam mense Majo anno 357., quo Romae moram traxit Imperator, per literas is certior factus fuerat, Liberium aut subscripsisse, aut subscribere paratum iis, quae praescribebantur, & ob quae in exilium amandatus erat. Nam nedom est incertum, Liberium extorrem & Sirmii, & coram Imp. Constantio Arianorum ecthesi subscripsisse; sed mihi plane fallum; & si quoque id dare velim; Constantium tamen Sirmii fuisse mense Junio, vel sub initium Julii anno 357. clare literis mandavit Ammianus Marcellinus lib. 16., cum ait: iv. Kalend. Junias ab urbe profectum per Tridentum iter in Illyricum festinasse: moxque ex Gallia Urscinum ad se venire praecepisse: & ille*

*ille literis gratanter acceptis Sirmium venit*: Posthac Mediolanum se contulit Constantius; ubi ex legibus promulgatis constat extitisse mensibus Novembri, atque Decembri; & exeunte anno *Sirmium* esse reversum: non autem Roma Mediolanum recta petivit; ibique usque ad anni finem permansit Imperator; ut quidam arbitrantur sed sine monumentis. Eapropter recte laudati Presbyteri dixerunt: *tertio anno* (idest inchoato) *rediit Liberius*, cui obvians cum gaudio populus Romanus exivit: *Felix notatus a Senatu, & populo de urbe propellitur*: & Natalis Alexander Hist. Eccles. sec. 4. c. 2. non male pronuntiavit; vix biennium in exilio egisse Liberium, quando ejus constantia fracta est. Cum enim ille Romam redierit die 2. Augusti anno 357., ieritque in exilium ante diem 28. Aprilis anno 355., biennio circiter cum *trimestri* extorris fuisse videtur: quando quidem creditur circa finem Aprilis an. 357. Arianis consensisse, & de ea re ad Imperatorem Romae commorantem m. Maio literas traditas esse: nonnisi tamen m. Julio permissus est Romam reverti, eoquod Romana Sedes occuparetur a *Felice*; quem Imperator, & Ariani extrudere noluerunt; sed tandem convenerunt, ut uterque federet, atque regeret.

IV. Ut igitur falsum est, *Liberii* lapsum *Sirmii* contigisse, vel saltem incertum, ita quoque incertum, num istum aliqua in Synodo perpetratum, aſo. Et cum opponunt, hujus Synodi meminisse Philostorgium, & Sozomenum; & quae a Sozomeno lib. 4. cap. 14. referuntur, in Concilio Episcoporum facta fuisse; quippe & *formula fidei* dicatur ibi conscripta ab Orientis, & Occidentis Antistitibus, quam Liberius subscripserit; & *Epistola* ab ipsis ad Felleem, Clerumque urbis Romae data; ut Liberium revertentem susciperent; & ambo simul Episcopatum administrarent: quae putant nonnisi a Synodo decerni potuisse; cum Ecclesiasticae repugnet regulae, in eadem Ecclesia duos una simul esse Episcopos: meminisse oportet, quid Phorius in Bibliotheca scripserit de Philostorgio; & Sozomenum, ut & Sozocratem, qui seculo sequenti floruerunt, confundere acta Concilii Sirmienſis in causa Phouini, atque Oſii; ipsumque Sozomenum fateri cap. 5. & 18. lib. 4., se plura scribere, ut audierat; & de quibus varius erat rumor, ideoque non omnia, quae perhibet accipienda ut vera. Nam erroris eum redarguunt litterae Libe-

Liberii ad Orientales Episcopos, quos quum impleret pro re-  
ditu ab exilio: dignamini communi consilio, ac studio elaborare;  
quatenus de exilio jam dimittar; & ad sedem, quae mihi divi-  
nitus credita est, revertar: quod & ab Episcopis Campaniae de-  
precatur Epist. 10. ad Vincentium Capuae Episcopum: quum-  
que addat; Demophilum Berthoeae Episcopum, apud quem exu-  
labat, veram, & Catholicam fidem, quae Sirmii a pluribus fra-  
tribus, & Coepiscopis nostris tractata, exposita, & suscepta est.  
(nempe anno 351, ut post videbitur) sibi exposuisse, eamque  
se admisisse; & literas ad haec super nomine ejus, (Athanalii)  
idest de damnatione ipsius per fratrem nostrum Fortunatianum  
(Aquilien. Antistitem) dedisse perferendas ad Imp. nostrum Con-  
stantium: quis non vider, id in Synodo Orientalium praesertim  
factum non fuisse; nec coram Imp. Constantio?

V. Idipsum ille scribit Ursacio Singedunensi, Valenti Mur-  
senfi, & Germinio Sirmienti Episcopis: & hoc etiam scire vos vo-  
lo; quod fratrem Fortunatianum petii, ut literas meas ad Clemen-  
tissimum Imperatorem perferat; quas ad Orientales Episcopos fe-  
ci... quas credo, quod pietas ipsius pro bono pacis gratulanter ac-  
cepit; quarum exemplar etiam Philagrio Imperatoris Eunucho pro-  
dat charitas vestra... Quapropter... dignemini ad Clementissimum  
Imp. Constantium Augustum pergere, & petere; ut bono pacis,  
& concordiae, in qua pietas eius semper exultat, me ad Eccle-  
siam mihi divinitus traditam inbeat reverti &c., igitur cum Libe-  
rius & formulam fidei Sirmiensem suscepit, subscripsitque; & A-  
thanasium a communione Ecclesiae segregavit; non Sirmii, non  
in Synodo; non coram Imp. Constantio fuit, sed in suo Berthoeensi  
apud Demophilum exilio. Veruntamen quum legati Orientalium  
Episcoporum; qui fuisse videntur Basilius, Eustathius, & Eleu-  
sius, ac Leontius a laudato Sozomeno memorati; nec non Oc-  
cidentalium nimirum Campaniae Antistites, quos Liberius oc-  
ciderat; Constantium Imp. adiissent; fieri quidem potuit id, quod  
idem Sozomenus affirmat: Liberium ab Imperatore Berthoea Sir-  
mii evocatum fuisse, ut ibi coram confirmaret, quae jam con-  
scripserat; idque sub initium circiter mensis Julii anno 357. Quo  
facto Episcopi, qui forte ibi aderant, scripserunt Felici, & Cle-  
ro Romano, ut Liberium recipiant &c., non quidem per Syno-  
dum, sed consulto unanimi cum Imperatore, qui hoc ipsum Ro-  
mae

mae edixerat, ut supra vidimus ex Theodoro: cui Imperatoris edicto cum populus in Circo reposuisset: *unus Deus, unus Christus, unus Episcopus*: subdit hic Auctor: *quibus vocibus cum pietate, & iustitia a pia plebe profusis, rediit Liberius Episcopus*: non illico, sed paulo post eodem anno.

VI. Similiter cum Liberius Epist. Ursacio, Valenti, & Germanio data dixerit: *cognoscat prudentia vestra, Athanasium, qui Alexandriae Episcopus fuit, priusquam ad Comitatum Sancti Imperatoris pervenisset, secundum literas Orientalium Episcoporum ab Ecclesiae Romanae communione separatum esse; sicut testis est omne Presbyterium Ecclesiae Romanae: sola haec causa fuit, ut tardius viderer de nomine ipsius literas ad fratres, & Coepiscopos nostros Orientales dare; ut Legati mei, quos ab urbe Roma ad Comitatum direxeram, seu Episcopi, qui fuerant deportati, & ipsi una cum his, si fieri posset, de exilio revocarentur: elicimus, eum prius Athanasium damnasse, quam Arianorum Ethesi subscriperet*: sed quo tempore, non facile conjicio. Possit & antequam in exilium iret, & etiam in exilio positus fecisse: siquidem potuit, cum iussus esset Mediolanum ad Imperatorem se conferre, cum Romano Clero convenisse; ut si utrumque servare non posset & *Athanasium, & fidem Catholicam*; Athanasii communionem dimitteret, dummodo Arianorum fidei non accederet. Nam & in Epist. idem Liberius ad Constantium anno 354. scripsit: *eius Legatos se quidem ante succumbere sententiis Orientalium voluisse (de subscribendo contra Athanasium); proposuisse tamen conditionem: si iidem Arianorum haeresim condemnassent; hoc genere se inclinandos eorum sententiis obedire*; & in Dialogo ipsius cum Imperatore Mediolani anno 355., cum Imperator postularet, urgeretque eum, ut *Athanasium* repudiaret, respondit Liberius: *At ego aequum censeo, ut prius proponatur generalis Episcoporum subscriptio, qua fides in Concilio Nicaeno exposita confirmatur; deinde ut fratribus nostris ab exilio revocatis, & ad suas ipsorum sedes restitutis; si isti, qui nunc tumultus cient, fidei Apostolicae assentire comperiantur; tunc omnes contendamus Alexandriam, ubi reus &c., cui Imperator reposuit: Res, de quibus constituta est formula; infringi nequeunt; siquidem plurimorum Episcoporum rata debet esse sententia*. Propterea cum nihil Imperator, & nihil Liberius obtineret; ivit is in exilium; ubi, quan-

quantum conjectari licet, tentavit primum dimitti *Athanasium* damnando; sed tandem & Arianorum *formulam* admittere coactus fuit.

VII. Illud etiam, quod memoriae proditum a praedictis Scriptoribus accepimus; alteram Synodum *Sirmiensem*, in qua lapsus est *Osius*, impiamque fidei formulam subscripsit, habitam fuisse anno 357. in finem vergente, & *Constantio* Sirmii commorante; falsum utrumque existimo. Quoniam pro comperto est, pulso in exilium *Liberio* nihil potius habuisse Arianos, quam *Osium* etiam perdere: ac proinde sine mora apud Constantium egerunt, ut illum ex Hispania ad se vocaret; & ad subscribendum ea, quae ipsi proposuerant, compelleret: itaque Imperator arcessit decrepitum senem *Osium*; statimque aut commiseratione, aut ratione permotus eundem in patriam remittit: & cum ante diem 28. Aprilis anno 355. *Liberius* in exilium iverit, ut supra ostensum est; vero consentaneum affirmo, paucis post mensibus *Osium* ab Imperatore Mediolani constituto vocatum fuisse & forsan mense *Iunio*. Et quia S. Athanasius Epist. ad Solitarios tradit, paulo post Constantium ab Arianis instigatum iterum arcessisse *Osium*, & pro exilio detinet illum integrum annum *Sirmii* nihil veritus impius Deum &c., quod factum conjici potest mense *Septembri*, vel *Octobri*, aut etiam incunte *Novembri* anno 355., cum hoc facinus urgerent Ariani: igitur expleto mense *Septembri*, vel *Octobri*, vel etiam *Novembri* an. 356. *Osius* est Sirmii lapsus, & alteram Arianorum formulam subscripsit: Nec enim est, cur id serius statuatur, & in annum 357. protrahatur.

VIII. Siquidem quod *Baronius* anno 357. n. 2. scribit: cum S. Hilarii *Pictavien.* assertionem pateat, *Sirmiensem* Synodum celebratam esse post triennium, ex quo *Saturnino* *Arelaten*si Episcopo negata est a Catholicis Galliarum Episcopis communio; affirmare necesse est, eo ipso anno eandem fuisse collectam; idcirco quod *Saturnini* apostasia contigit ante triennium, quo Constantius expugnato *Magentio* *Arelatem*, ubi *Conventiculum* est factum, se contulit: falsum est primum; cum id *Hilarius* non habeat; sed dicat: negata ipsi ( *Saturnino* ) usque ad hoc tempus toto jam triennio communione: dum nempe scriberet librum de Synodis; quem constat ab eo compositum circa finem

anni

anni 358., ut impleret Baronius ad eum ann. n. 12., & nupera Hilari Operum. Paris. editio perhibet. Et sane non anno 353. sed 355. post sanctorum virorum exilia Paulini, Eusebii, Luciferi, Dionysii quinto ab hinc anno a Saturnini, & Ursacii, & Valentis communione me cum Gallicanis Episcopis separavi: inquit idem Hilarius lib. contra Constantium anno 360. scripto: Igitur Sirmienfis Synodus, quam lib. de Synodis proxime factam commemorat, non est necessario habita post illud triennium, seu an. 357., sed dicit proxime collectam ad discrimen alterius an. 354. coactae, quam paullo post asserit olim congregatam. Deinde si etiam, ut putat Baronius, triennium illud sumendum esset ab anno 353. non autem 355., cur non anno 356. celebrata diceretur Synodus Sirmiensis, & post illud triennium; si Magnentius a Constantio Aug. expugnatus fuit anno 353. in eunte mense Augusto; & Arelatenfis coetus Octobri. m. coactus?

IX. At instat Baronius, Sozomenum lib. 4. cap. 5. tradere, Concilium hoc habitum esse Sirmii praesente Constantio Augusto; quod voluerunt & Philostorgius lib. 4. cap. 3., & Socrates lib. 2. cap. 26. lapsum Liberii, & Osii eorum Imperatore Constantio Sirmii contigisse scribentes: Constantius autem non anno 356., sed anno 357. post mensem Majum festinavit in Illyricum; Sirmiumque pervenit ex Ammiano Marcellino lib. 18. cap. 10. igitur non anno 356., sed 357. acta est altera Sirmienfis Synodus pro labefactanda Osii constantia. Verum, ut supra dictum est, Auctores isti hac de re minime sunt audiendi; cum confundant duo Concilia illud anno 354. Sirmii contra Phorinum convocatum cum isto anno 356. Sirmii etiam congregato ad impiam Osii fidei expositionem evulgandam; quare nemini mirum esse debet, eos tradidisse Osium praesente Constantio Aug. lapsum esse; cum certum sit, interfuisse eum primae Synodi Sirmienfi contra Phorinum ex Actis Synodi Seleucien. an. 359. celebratae. Caeterum cum formula secundae Synodi Sirmiensis, quam Osius accepit, habeat: in praesentia Valentis, Ursacii, Germinii, caeterorumque omnium: nec ibi memoretur Constantius; probe conicitur is abfuisse; & formula ea anno 356. edita fuisse, quo Constantius non Sirmii, sed Mediolani fuit. Hinc etiam Hermantius lib. 8. cap. 1. Vitae S. Athanasii, & Pagius ann. 357. n. 3. ap. Constantius fuerit praesens 2. formulae Sirmienfi, incertum esse fatentur.

X. Sed



X. Sed & illud consequitur, *Antiochenam* Eudoxii, & *Ancyranam* Basilii Synodos coactas fuisse non anno 358., ut statuit Pagius, sed anno 357., idque quidem paullo ante Pascha, quemadmodum nos docet *Ancyra* Synodica apud S. Epiphanium haer. 73., qua de causa plures Antislites ob hyemem accedere non potuisse legimus ea in Synodica; quod non videtur dici potuisse de Paschatis tempore anno 358., quoniam in vere factum est, cum in diem prid. idus Aprilis incidere; sed de Paschate anni 357., quod in hyeme, ac die xiii. Kal. Aprilis celebratum fuit, Deinde Synodus *Ancyra* dicitur convocata occasione *Dedicationis Basilicae* teste Sozomeno lib. 4. cap. 12., quae solemnitas tempore Quinquennialium, aliorumque huiusmodi festorum fieri consuevit juxta doctrinam Pagii; anno autem 357., non 358., in cursu erant 7. *Quinquennalia* Imperii Caesaris Constantii: igitur eo anno celebrata est Synodus, & non anno 358., praesertim cum acta sit etiam ad confutandam secundam fidei *Chbesim Sirmiensem* Olij, aliorumque: atqui haec anno 356. edita jam fuerat, ut superius ostensum est: ergo insequenti anno verisimile est convocatam fuisse Synodum *Ancyranam*; ideoque & *Antiochenam* eodem anno, vel paullo ante factam. Ut quid enim tam sero, anno scilicet 358., de ea *Chbesi* disputatum, ac deliberatum dicetur; cum statim edita quoquo verlus ab Ariani emissae fuerit?

XI. At, inquit Pagius, harum Synodorum epocha pendet ab initio Episcopatus Eudoxii; hic autem *Antiochenam* Ecclesiam invasit anno 358., ut ipse probare conatur sub an. 356. n. 13., eoquod successerit Leontio Socratis, Sozomenique testimonio: Leontius vero adhuc in vivis esset post lapsum *Liberii PP.*, quem anno 358. contigisse vult sub ann. 357. n. 12. & seqq., assertque S. Athanasii verba Epist. ad Solitarios, in qua de lapsu *Liberii* disserit, scribentis: *Leontius ille castratus, qui Antiochiae nunc Episcopatum tenet &c.* Verum laciniam eam esse, & additamentum interpolatoris hinc elicitur, quod antiquior Petri Nannii versio ita habet: *Leontius ille castratus, quem ne sub Laici quidem specie ad communionem admitti oportuit; eoquod se ipsum abscidit &c.*, quo loco loquitur Athanasius de Ursacio, & Valente anno 349. Julio Papae libellum offerentibus: Ex forsitan interpolator exscripsit ea verba ex ejusdem Athanasii *Apolo-*  
logia

*logia* de fuga sua anno 356. perscripta, quae incipit: *Audio Leontium, qui nunc est Antiochiae &c.* Simili quidem modo in ea ipsa Apologia refertur *Osi* lapsus secundum editionem, qua usus est Pagius; qui eo anno 356. n. 11. existimat parenthesis adjectam margini, & a Librariis imperite testui insertam: & sane translatio Nannii eam non habet. Hinc Sozomenus, cujus fides, ac autoritas potior est illa Philostorgii Ariani, ac interdum & Socratis, lib. 4. cap. 11. agit primum de obitu *Leontii*, Eudoxii-que ausu in Antiochena sede invadenda: mox cap. 12. subdit *Ancyranam* Synodum; & cap. 14. iter Constantii Roma Sirmium, Liberique lapsum, ac ejus ad Ecclesiam Romanam reditum; quod omne anno 357. evenisse ostendimus. Quare neque Pagii sententia probatur, neque altera Valesii, & Boschii in nupero de *Patriarchis Antiochenis* Tractatu Hist. Chronol. statuentium, *Leontium* obiisse diem anno 357. exeunte; sed ajo decessisse eum anno 356. circiter ante autumnii tempus.

XII. Baronius ad ann. 357. n. 68. arbitratur, *Sirmiensem Synodum*, tot fidei formulis in ea deletis, & renovatis, insequentem etiam annum constare fuisse perductam, quo & Liberium in urbem, sedemque suam restitutum putat ea potissimum ratione persuasus; quod de *immunitate Clericorum* Constantius edictum promulgans mense *Decembri* anno 357. non ad *Liberium*, quippe qui nondum Romam, inquit, fuerat reversus; sed ad *Felicem Episcopum* (quod ipsum adoptavit & Pagius) illud direxit. At quum illud Libri Pontificalis admittant, Liberium *Roman* iv. *nonas Augusti* ingressum esse; & illud concedant oportet, fuisse eum in exilio ultra *trichnium* contra antiquorum, & Synchrorum Scriptorum autoritatem. Deinde *Felicis* illius sedes, ac Ecclesia non exprimitur teste ipsomet Baronio; sed conjectura tantum creditur Romanus: ac si quoque detur, Antistitem certo fuisse Romanum; non propterea consequitur, Liberium nondum tunc Romam rediisse; sed cum statuisset Constantius, & quidam Episcopi, ut *Liberius* pristinae dignitati reditus una cum *Felice* Romanam regeret Ecclesiam, ut supra ex Sozomeno, & Theodoretto dictum est: quis non intelligit, legem illam, & edictum a Constantio datum esse ad *Felicem* a se intrusum; quem verum, potioreque Antistitem rebatur prae *Liberio* sibi diu repugnante; & a se iterum biennio post Roma expul-

expulso, eodem Sozomeno teste lib. 4. cap. 18. Tandem Liberium Romam reversum esse anno 357., non autem 358., colligo ex Marcellino, & Faustino Presbyteris supra memoratis, qui Liberii Romam ingressu, & Felicis expulsionem narratis subdunt: *post annos octo Valentiniano, & Valente Coss. x. Kalendarum Decembrium defunctus est Felix*: idest anno 365., ideoque anno 357. ante diem 22. Novembris & Felix pulsus fuerat; & Liberius Romam redierat; alias non *post annos octo*; sed post septem mortuus esset Felix; si anno 358. pulsus fuisset.

XIII. Quantum autem ad ipsam fidei expositionem, quam Liberius suscepit, subscripsitque, fuisse eam *I. Sirmiensem*, quae anno 351. adversus Photinum edita est; adeo perspicue a Baronio ad an. 357. n. 46. & seqq. demonstratum est, ut vix extet, quod addi queat. Tertiam enim quandam, quam videntur commenti Valesius, & Pagius anno 358. factam, & nullo monumento, aut ratione firmant; & nullo etiam negotio alii refellunt: siquidem Hilarius lib. de Synodis in fine anni 358. edito ad Galliae Episcopos initio profitetur; se *omnes fides, quae post S. Synodum Nicaenam diversis temporibus, & locis editae sunt, cum sententiarum omnium, atque etiam verborum additis per me expositionibus Episcopis destinare*: nec nisi quatuor fidei formulas exhibet *Antiochenam, Sardicensem, Sirmiensem I. contra Photinum, & Sirmiensem II. Olibi, Potamilique cum XII. Ancyranae Synodi contra II. Sirmiensem Anathematismis*. Sicut & Athanasius libro itidem de Synodis post annum 361. composito cunctas fidei Arianorum ectheses commemorans *tres tantum Sirmienses* recitat jam dictas, primam adversus *Photinum*; alteram latine scriptam; estque ipsa, quam *Osius* acceptavit; & tertiam cum *Consulibus* conscriptam, quae & Arimini anno 359 in Synodo lecta est: igitur tertia illa *Sirmiensis* formula, quae in annum 358. rejicitur, est plane fictitia; cum si extitisset, illam Hilarius, & Athanasius minime reticuisset.

XIV. Quod si Liberium *Ancyranam* velint, ut velle videntur, fidei subscripsisse formulam, videlicet in Sirmienfi 3., & Ancyrana Synodo exaratam; admitti potest, quantum quidem Ancyrana a *Sirmienfi prima* verbis, non sensu discrepat: at si eam ipsam contendant subscriptam; prorsus inficias inius: cum Hila-

rius in fragmentis habeat: *perfidiam autem apud Sirmium descriptam, quam dicit Liberius Catholicam a Demophilo sibi expositam, hi sunt, qui subscripserunt, Narcissus, Theodorus, Basilus, Eudoxius, Demophilus, Cecropius, Silvanus, Ursacius, Valens, Evagrius, & alii plures; qui legi possunt ibidem; quosque constat subscripsisse Synodo Sirmienti l. contra Photinum anno 351., & qui Baronio teste ad ann. 357. n. 43. leguntur post Epistolam Liberii Papae ad Orientales Episcopos supra relatam. Quocirca etiam Sozomenus lib. 4. cap. 14. tradit Liberio porrecta ad subscribendum fuisse decreta de Paulo Samosateno, & Photino Sirmiano; ac formulam fidei Antiocbenam, quae plane cum prima Sirmiensi convenit, nisi quod huic additi sunt contra Photinum *Anathematismi*: subditque Sozomenus, praesentes fuisse Basilium, Eustathium, & Eleusium Orientalium Episc. legatos; Athanasium, Alexandrum, Severianum, & Crescentem ex Africa legatos forsitan & ipsos, vel aliis de causis ad Comitatum Imp. profectos; necnon legatos Occidentalium Episc. cum Ursacio, Germinio, & Valente Pannoniae Episcopis.*

XV. Est quidam autem hodie, qui fere omnia, quae dixi, potissime de Synodis, loco movere contendit; & primam Synodum Sirmiensem in elabentem annum 358. retrahit; secundam vero sub initium anni 359., pauloque post Ancyranam Basilii congregatam scribit: idque propterea quod Sirmiensi primae interfuisse dicantur *Osius* Cordubensis post ann. 355. in exilium actus, & *Georgius* Alexandrinam in sedem anno 356. intrusus, & ab eadem anno 358. expulsus. At non advertit iste vir eruditus, Autores illos, unde haec ipsa depromsit, ea, quae tribus fuerant decreta Synodis Sirmiensibus, una simul enarrare; ac fidei tres formulas uni Synodo vindicare: quapropter cum *Photinus* anno 351. Sirmii condemnatus fuerit; *Osius* an. 356. Sirmii ceciderit; & *Georgius* Alex. intrusus anno 359. Sirmiensi tertiae formulae subscripserit; nil mirum, si apud eosdem Autores legimus, hos tres uni Synodo Sirmiensi interfuisse; quippe quod apud ipsos non error est in anno, atque Consulatu; sed in Synodorum numero. Sozomenus tamen, qui omnium castigatius incedit, quasi ea, quae lib. 4. cap. 5. dixerat, corrigeret, vel explicaret; posteaquam *Liberii* exilium cap. 10. de-

descripsit, insequenti cap. 11. casum, lapsumque Osi memorat; & postmodum Synodos Antiochenam Eudoxii, Ancyranamque Basilii; nec non Constantii Aug. iter Roma Sirmium; quod est inter ann. 355. & 357. gesta. Quomodo enim *Sirmiensis I.* Synodus in finem anni 358. rejici potest, si ei interfuisse invenitur *Cecropius* Nicomediensis Episcopus, qui eodem anno 358. mense Augusto oppressus asseritur terraemotu? & si inter subscriptos nullus *Osius*, & nullus *Georgius* occurrit? Et quo pacto *Synodus II.* Sirmiensis Osi ad initium anni 359. spectare potest, si eam respuerunt Galliarum Episcopi, scripseruntque ad Hilarium, qui eisdem rescripsit versus finem anni 358. non Epistolam, sed *librum de Synodis*, in quo illis exponit etiam Anathematismos Synodi *Ancyranae* Basilii, quae quidem Ancyrana Sirmiensis secundae profligatrix coacta est multo ante, quam tractaretur de Synodo *Nicomediae* congreganda; haec autem haberi non potuit ob terraemotum mense Augusto anni 358. factum ex Socrate lib. 2. cap. 31., & Sozomeno lib. 4. cap. 12. & 15.? Caetera hujus novi Scriptoris persequi nec vacat; nec est nostrae institutionis scriptio.

XVI. Sed contra id, quod n. 1. & 2. dixi, *Liberium* in exilium ante diem 28. Aprilis anno 355. relegatum fuisse, objicient illud Pagii ad ann. 355. n. 2., ubi ex Animone Episcopo Epist. ad Theophilum Alexandr. Antislitem de Vita SS. Pacomii, & Theodori cap. 4. probari contendit, Mediolanense *Concilium* actum esse inter dies 26. Aprilis, & 25. Maii: at, inquit; *Liberius* Roma tractus est Mediolanum post illud Concilium; ergo & post mensem Aprilem in exilium trusus: verba autem Ammonis sunt: *Persecutionis porro ejus, quae anno sexto, mense nono Athanasium Papam expulit, Julianus imperavit homo idololatra: usurpatque menses, inquit Pagius, Aegyptiacos, quorum Pachon nonus incipit a die 26. Aprilis, & die 25. Maii terminatur: igitur inter hoc intervallum & Julianus anno 360. dictus est Augustus; & Mediolani coactum est Concilium anno 355., in quo subscripta est S. Athanasii proscriptio.*

Responderetur, obscurum Ammonis esse dictum; ac incertum, utrum *persecutionis* Athanasii rempus desumar a Mediolanensi Concilio anno 355., an vero ab Antiocheno Concilio an. 354.

adversus eum congregato: nec non incertum; an, si sumatur etiam a sententia Concilii Mediolanensis tempus persecutionis, haec incoeperit ab ipso Concilio; an potius aliquot post mensibus quum Alexandriae nunciata, ac publicata fuit, atque incoepa per Diogenem Imperatoris Notarium mense Augusto. Sicut & incertum, num Ammon menseni, qui *nonus* est Aegyptiis, acceperit; an vero qui *nonus* est Athanasianae persecutionis; ut verisimilius videtur. Certe Ammianus Marcellinus lib. 20. cap. 4. narrat, *Julianum* a Militibus *Augustum* conclamatum; posteaquam ea retulit, quae mense Augusto an. 360. evenerant. Itaque certi nihil ex eo Autore constitui potest de tempore exilii Papae Liberii.

XVII. In hujus Quaestionis fine commonere volo, *Epigramma*, quod epiraphii loco positum est *Eusebio*, quodque ex Antiq. Inscript. in Append. exscripsit Baronius ad an. 357. n. 58., esse *S. Damasi* Papae, quantum ex stylo conjicere licet, pro *S. Eusebio* Rom. Pontifice, quem ex illo discimus in exilio Siculo diem suum obiisse eandem ob causam, qua *S. Marcellus* ejus antecessor; ideoque non posse *Epigramma* pertinere ad *Eusebium Presbyterum*, (ut existimavit dubitanter tamen Baronius) in Schismate *Felicii* contra Liberium, ut volunt, martyrio passum ex Martyrologio Romano sub die 24. Augusti; cujus vitam nuper vulgavit Baluzius lib. 2. Miscellan. ab Anonymo Luciferiano, ut putat Harduinus, editam: cum is *Eusebius* dicatur *Romae* passus, & in carcere defunctus sub Constantio Aug., ille vero expulsus in exilium Trinacrio in littore vitam reliquisse. Est autem *Epigramma* hujusmodi parumper inquinatum, sed quod ex illo *S. Marcelli* Papae corrigi potest.

*Heraclius vetuit lapsos peccata dolere:*

*Eusebius miseros docuit sua crimina flere.*

*Scinditur in partes populus gliscente furore: (leg. furore)*

*Sedet loca ede, bellum, discordia, lites. (leg. seditio, caedes,)*

*Exemplo pariter pulsi feritate Tyranno (leg. Exemplo paritur, pulsus feritate Tyranni,)*

*Integra cum Rector servasset foedera pacis,*

*Pertulit exilium omnino sub iudice laetus;*


*Littore Trinacrio Mundum, vitamque reliquit.*

XVIII. Ubi

XVIII. Ubi cum *Rektor* Eusebius appelleretur, quem titulum & Damasus, & alii illorum temporum Scriptores solis Episcopis tribuere consueverunt; perspicuum est, Epigramma non de Eusebio Presbytero, sed de *Eusebio Papa* differere. Et cum in eo similia referantur eorum, quae in illo *Marcelli Papae* legimus de lapsis non recipiendis sine praevia poenitentia; & de discordia, caedeque ob eam rem in populo patrata; conjici quoque potest, *Eusebium* praedecessoris sui *Marcelli* sententiam defendentem in exilium & ipsum, ut illum, esse depulsum ad Siculos, vel ad aliquam maris Siculi Insulam a *Tyranno* scilicet Gal: Maximiano, vel Severo Caesare anno 306., non 311., aut 310., uti scripserunt Baronius. & Pagius, alique; quemadmodum ostendo in restituta Rom. Pontificum *Chronotaxi*; in qua etiam adnotavi, praedictum epitaphium haud parum lucis accipere ab Autore *Praedestinati* lib. 1. cap. 16.; cum memorat ille (nominibus tamen, ac temporibus, ut solet non semel idem, inversis, & confusis) *Heracleonem* quendam haeresim adinvenisse in partibus Siciliae, nihil obesse baptizatis peccata; Siculos Episcopos de hac re certiores fecisse *Romanum* Pontificem; qui & eum scripto confutavit, & ad fugam arripiendam compulit: & alia, quae forsitan aliquando publici juris fient. Itaque de his nunc satis sit nobis.

## Q U A E S T I O VI.

*De Synodo II. Arelatenfi, aliisque duabus S. Caesarii Episcopi.*

I.  lectum est alias a me, & scripto quoque traditum, *Synodum II. Arelatensem*, quam adhuc fluctuantem apud Autores cernimus; & cujus statum tempus, Canonumque numerum hucusque controversi conscribunt; mihi probe inopertam esse; exploratumque tempus, & a quonam fuerit celebrata: ac futurum etiam, ut si quid unquam otii nanciscerer, cuncta literis, lucique proderem: nunc igitur, quoniam quod in optatis erat, advenit; meam existimavi liberare fidem; & ea, quae de hujus Synodi tempore,

Autore, Canonumque numero reperire potui, divulgare. Qua quidem in re nec mihi multum laborandum erit; nec quidquam respondendum iis, qui aut ad Constantini, Constantiique Impp. tempora, ut editores primi; aut ad Siricii Pontificatum eam Synodum referendam arbitrati sunt, ut Severinus Binius: vel iis, qui subsequenti seculo v. per Hilarium inter ann. 443. & 444., ut Marca, Baluzius, & Pagius; sive per Ravennium Antilicem anno 451., ut Labbeus, seu anno 452., ut Sirmondus, & Lanojus, celebratam esse voluerunt: quandoquidem nec autoritate veterum, nec ratione ulla, quae prober; sed conjectura tantum id ipsi, quod ajunt, adstruere noscantur.

II. Quapropter illud mihi faciendum erit, ut ostendam, hanc *Synodum Arelaten.* initio seculi Ecclesiae sexti a *S. Caesario* Arelatenfi Episcopo fuisse congregatam: & binas hunc alias hujus nominis *Synodos* coegisse: Canones vero, qui uni attribuntur, aliis quoque dividendos esse. Gratianus enim Monachus in sua Canonum Collectione c. *Prima adnotatio* d. 16. ex vetustissimo Autore refert hoc caput, quod & Isidorus, & Card. Deusdedit, nec non Anselmus in Prolegom. suarum Collect. habent; quodque continet, recensetque cunctas *Synodos Provinciales*, quae Canones condiderunt, usque ad Arelatensem v. anno 554. convocatam juxta quidem Isidori Collectionem; sed Vaticanus Codex habet usque ad Matifconensem I. circa ann. 582. coactam; Gratiani vero codices usque ad *Matifconensem II.* anno 585. celebratam. Adnotaruntque Romani Correctores Gratiani, Caput illud *Isidori* non esse; cum iste plura Concilia Hispaniae exhibeat; ille vero ne unum quidem; sed post quinque *Graecas*, Orientalesque, nec non *Sardicensem*, *Africanam*, & *Carthaginensem* Synodos reliquas xvi. *Gallias* dumtaxat profert; ideoque & *Gallum* fuisse Scriptorem, & versus vi. seculi finem Opusculum illud edidisse facile conjicitur; praesertim cum non habeat magnum Concilium *Parisiense* ad ann. 615. congregatum; & pluribus Canonibus celebratum.

III. Habet igitur is Autor post Orientales, Africanasque, quas viii. dixi, Synodos *nonam Arelaten. I.*, aitque sub *S. Sylvestro Papa*, & *Marino Episcopo* Arelatenfi factam; & mox subjungit; *Decima item Arelatenfis, in qua Patres xix. statuerunt Ca-*



*nones*, quorum autor maxime *S. Caesarius Arelatenfis Episcopus* extitit. Undecima item *Arelatenfis*, in qua Patres *xvi.* statuerunt *Canones*. Duodecima item *Arelatenfis* in vico *Hortensii*, in qua Patres *xi.* statuerunt *Canones*, quorum maxime autor *S. Caesarius Arelatensis Episcopus* fuit. Tertiadecima item *Arelatensis*, in qua Patres *xix.* statuerunt *Canones*, quorum autor maxime *Sarpidius* (al. *Sarpandus*) *Arelatensis Episcopus* extitit: & quidem *Arelatenfi v. Synodo* interfuerunt *xix.* Episcopi sub *Sapaudo Antistite* anno *554.* ex *Actis*. Quare cum *secundam*, *tertiam*, & *quartam* *Synodos Arelatenfes* Autor *Synchronos*, vel suppar affirmer habitas esse sub *S. Caesario Episcopo*, qui ab an. *502.* usque ad an. *542.* *Arelatensem* rexit *Ecclesiam*: perspicuum est, errasse eos, qui *Arelatensem II. seculo* vel *quarto*, vel *quinto* celebratam crediderunt; & haecenus ignoratum esse *S. Caesarium tria Arelatensia* convocasse *Concilia*; siquidem in *Collectionibus Conciliorum* unum tantummodo sub eo coactum an. *524.* innotescit.

*IV.* Et falsus est *Sirmondus*, qui primus evulgavit *Arelatense Concilium* a *Ravennio Episcopo* in causa *Theodori Forojulensis*, aliorumque *Episcoporum* cum *Fausto Lerinensi Abbate* anno circiter *455.* factum; vocavitque *III.*, illud vero a *S. Caesario* habitum anno *524.* *IV.*, repugnantibus antiquis *Codicibus MSS.*, qui ipsum minime nota numeri recensent; illud autem *S. Caesarii* constanter *III.* appellant: propterea quod veteres *Canonum Collectores* nonnisi ea numerabant *Concilia*, quae *Canones* condebant; cum igitur *Arelatense Ravennii* anno *455:* *Canones* non promulgaverit; consequitur ipsum nequaquam esse *III. Arelatense Concilium*; sed nulla numeri nota insigniendum; appellandumque verius *judicium*, atque *Conventum*, quam *Synodum*, aut *Concilium*. Nam *Arelatense I.* notum est, habitum esse initio seculi *iv.* anno *314.*, *Arelatense II.* seculo *vi.* incunte, ac inter annum *502.* & ann. *524.*, *Arelatense III.* anno *524.*, & *Arelatense IV.* anno incerto inter annos tamen *524.*, & *542.*, quo *S. Caesarius* vivendi finem fecit. Porro *Arelatense V.* jam constat factum fuisse anno *554.*, & *VI.* anno *813.*, quae sola, quia *Canones* ediderunt, iccirco nota numeri insignita dignoscuntur; caetera nequaquam; etsi quamplura, & illustria fuisse

comperiantur. Atque id quantum ad tempus, numerumque at-  
tinet: nunc autem de *Canonibus* cujuslibet Synodi dicendum.

V. Itaque Synodus *Arelatensis II.*, quae haecenus sub ann.  
452. legitur in Conciliorum Collectionibus, & *Canones LVI.* exhi-  
bet secundum Codicem Rhemensem, quo usus est Sirmondus;  
in Codd. Vaticano, & Pithoeano xxv. Canonibus tantummodo  
constatur; at Isidori Collectio Canones xxxiii. refert, ut & Co-  
dices Corbejen., Lugdunen., Fossaten., & Engolismensis; xxxvii.  
vero continent primae Concil. editiones, quemadmodum & Co-  
dex Parisiensis, qui creditur annorum amplius vccc. teste Har-  
duino; in eoque omittuntur Canones a 26. usque ad 46., qui  
ibi est 26. Binius etiam in editione sua post 25. Canonem no-  
tavit: *Capita haec sequentia in exemplaribus vetustis non habentur,  
nec habent titulos:* post subdit canonem 26. *De his, quos Cleri-  
catui &c.*, qui in novis editionibus Conciliorum est 45., ideo-  
que omissis 19. Canonibus antiquis in editionibus sunt Canones  
xxxvii., quem numerum, vel certe sine illis 19. regulis habuisse  
Codicem Gratiani liquet; eo quod c. *Si expositus* d. 87. appel-  
lat 32. *canonem Concilii 2. Arelatensis*, ut quidem est in editio-  
ne Biniana: alios vero Canones 2. 7. 19. 22. 24. & 25., quos  
refert d. 18. 50. 55. 87., & 3. q. 10., ac 33. q. 4., cum habeat  
eodem ordine, quo in aliis sunt editionibus; igitur Gratianus  
est usus Codice Canonum xxxvii., nam Codex xxxvi. Canonum  
omittere dicitur Canones 10. 11. 12. & 26. Caeterum *Canones*  
Canonibus hujus Synodi interpositos ad insequentem *III. Syno-  
dum Arelaten.* pertinere mox ostendetur.

VI. Synodus enim *III. Arelatensis*, quam constat celebra-  
tam anno 524. a Patribus xvi. secundum Gratiani lectionem  
supra n. 3. allatam, (legendum tamen *XIII.*, nam 13. Episcopos  
cum quatuor Presbyteris quinque Episcoporum legatis Acta fe-  
runt interfuisse); quaeque perperam, ut dixi, *IV.* appellatur a  
Sirmondo, aliisque post eum contra veterum MSS. Codicum,  
Scriptorumque fidem; *quatuor tantum Canones* habere legimus  
in editis; quorum duos adducit Gratianus c. *Nullus poenitentem*  
d. 55. *ex Concilio Arelatensi 3. cap. 3.*, & c. *Si forte* 21. q. 5. *ex*  
*Con. Arelatensi c. 4.*, quo quidem ordine extant & in editis.  
Sed alios habemus ex aliis Autoribus Canones: nam Martinus  
Bra-

Bracarenſis Epiſcopus in ſua Collectione cap. 69. hunc aſſert Canonem ex Arelat. III. c. 5. *Non liceat Chriſtianis prandia ad defunctorum ſepulchra deferre; & ſacrificare de re mortuorum:* & Gratianus c. *Qui non bene* d. 2. de Conſecrat. dicit eſſe Can. 6. Arelatenſis Concilii; c. vero *Sciendum eſt* 27. q. 1. *Can* 7. ejuſdem Concilii appellat; quos tamen fateor, ad hoc ul. : vel ad iv. inſequens Conciliū pertinere, haud ſatis mihi compertum eſſe.

VII. Porro cum ex Canonibus illis xix. aliis II. *Arelatenſis* Synodi interpolitis nonnulli citentur ex III. *Concilio* Arelatenſi; apparet illos, vel illorum ſaltem aliquos ad idem III., non autem ad II. ſpectare Conciliū. Etenim apud memoratum Gratianum c. *Praeterea placuit* d. 28. dicitur eſſe ex Concilio *Arelatenſi tertio*, cum nihilominus in ultimis Concil. editionibus ſit 43. canon Concilii II. Arelaten. *Placuit praeterea* ex canon 22. Concilii Arauſicani I. *Sedit praeterea* delumtus: & canon 41. nunc praediſti Concilii Arelat. II. *Si quis palam* ex canone 6. Arauſicano tractus *Qui palam* ab Ivone Carnutenſi dicitur eſſe *Concilii tertii Arelatenſis* cap. 3., ſed forſan legendum 13. Quocirca exputo conſtare, *Canones* illos 19., vel illorum plures, qui nunc a num. 26. uſque ad 45. leguntur inter Synodi II. Arelatenſis canones, cum nonnullis aliis ſupra num. praecedenti recenſitis Synodum III. Arelatenſem eſſe formaffe. Neque enim, ut quidam arbitrantur, *Canones* illi 19. ſunt omnes Synodi *Arauſicanae I.*, quemadmodum in novis, ulimiſque editionibus adnotatum extat; ſed exceptis 4. 8. 14. 15. 16. 22. & 23. Canonibus, qui pene ad verbum ſunt ex Arauſicanis exſcripti; caeteri omnes aut valde interpolati, aut prorsus diverſi referuntur, uti can. 31. *Si quis Clericorum*; 34. *Si quis in Eccleſia* &c.

VIII. Poſt quatuor Synodi III. *Arelatenſis* anno 524. celebratae Canones, qui in editis leguntur, in Conciliorum Collectionibus poſterioribus plures exponuntur *Canones Arelatenſes* velut incertorum Conciliorum, uti eſt c. *Praeterea placuit* ex Gratiani Collectione, ſed eſt 43. Canon Concilii II., ſeu poſius ul., ut proxime explicavi: c. *Energumeni* ex Ivone eſt can. 41. nunc Concilii II., & 16. Arauſicanus interpolatus: c. *Eos, qui fratribus* itidem ex Gratiano eſt 24. canon Synodi II. Arelatenſis


sis: & c. *De his, qui quibuscumque* constat esse can. 2. Concilii I. Arelat. an. 314. sub Marino Episcopo coacti: c. vero *Monasteria* etiam ex Gratiano est canon 2. Concilii v. Arelatenfis an. 554. a Sapaudo Antistite convocati: & c. tandem *Providendum ne-cesse* noscitur 6. canon Concilii vi. similiter Arelate habitum anno 813. a Johanne Metropolitano. Quapropter in futuris editionibus auferri debent, cum certam obtineant sedem: caeteri *Canones* ibi recensiti juxta aliquos decretorum libros ex Gandavo, ac S. Bavonis Monasterio; etsi non certo liqueat, cujus sint Synodi Arelaten., facile tamen *quartae* adjudicari possent; ut num. sequenti dicitur. Ad unam harum Synodorum pertinere puto etiam *binos Canones*, quos ex MS. Cod. Lucensi nuperrime vulgavit Autor Supplementi Conciliorum Labb. to. 1. sub ann. 682., ideo quod Codex cit. habeat: *ex Synodo Arelatense aera xx.*, ubi idem Autor in Praefat. Appendicis sentit reponendum esse *can.*, vel *cap. xx.*, sed quid si legendum sit, *Caesarii xx.*, vel *num. xx.*

IX. Synodus IV. *Arelatenfis* inter ann. 524. & 542. a S. Caesario Episcopo cum x. al. xi. Episcopis in vico Hortensii celebrata *Canones* & ipsa condidit; quemadmodum testatur antiquus, & suppar Autor supra n. 3. memoratus: sed quinam ii fuerint, haud facile quis dixerit; partim quia perisse possunt; partim vero quia confusi cum aliis Arelaten. Synodorum existimantur. Attamen cum aliqui inveniantur, qui aut nulli addicuntur; sed tantum *Arelatenfis Synodi Canones* appellantur; uti c. *Ut Episcopi provideant, quem honorem Presbyteri pro suis Ecclesiis facere debeant*: & c. *Laici, qui excubias funeris observant &c.*, legunturque post quatuor Canones Concilii ii. Arelaten. anno 524. coacti ex quibusdam Decretorum libris: aut dubie dicuntur Canones Concilii iv., aut v. *Arelatenfis* ibidem; ut c. *Nullum sine dote fiat conjugium*, diciturque *cap. 6.*, & est ex c. *Nullum* 30. q. 5., nec non c. *Viduae si priusquam continentiam profiteantur &c.*, extratque c. *Viduae si prius* 21. q. 1., & refertur etiam a Toletano Concilio ii. anno 589. facto can. 10. *Hoc sanctum &c.* Cum etiam hi duo *Canones* inter illos Concilii v. Arelate anno 554. congregati non legantur; cumque certo constet, Synodum iv. Arelaten. canones edidisse: adductus sum, ut magis huic,

huic, quam alteri hosce quatuor Canones adjudicarem; quouſque, ad quas pertineant Synodos, clarius innotefcat. Et haec de *Arelatenſi Synodo II.*, aliſque hujus nominis a S. Caefario Epifcopo celebratis ſint dicta. Plurima hujusmodi habeo ad Concilia corrigenda; ſed otii, commodique minimum ad edenda.

Q U A E S T I O VII.

*De Haereticorum, ac infidelium Infantibus cum Baptiſmo in fide parentum ſuſcepto decedentibus.*

I.  Emini, me paucis ab hinc annis in alia de *Haereticorum, Schismaticorumque Baptiſmo Diſputatione* Theor. v. Prop. iv. n. v. dixiſſe: num *Haereticorum Infantes* cum Baptiſmo extra Eccleſiam accepto decedentes Paradifi gloriam conſequantur; aliam quaestionem eſſe, aliufque loci; perinde atque id promiſerim, in meque receperim tractandum. Quod ne quis unquam expoſtulet, me non feciſſe; & ego ne praeteream aliquid quod ad illud argumentum augendum, complendumque pertineret; nunc aliquid loci naſtus veritatis illuſtrandae, magiſque per-  
cipiendae ſtudio Quaestionem; quam nondum a quoquam ex profeſſo pertractatam inveni: *utrum Haereticorum, ac Infidelium Infantes cum ſola parentum fide, ac extra Eccleſiam habito baptiſmo decedentes vitam conſequantur aeternam*: in medium aſſerre; & quid in hanc, vel illam partem adduci queat, exercitationis ergo proferre conſtitui. Quoniam ſi de *Miniſtro Baptiſmi* extra Eccleſiam poſito tantopere diſceptatum agnoſcitur, ut adhuc a Scriptoribus, Theologiſque in diſputationibus, & ſcriptis eam Theſim agitari videamus; nec etiam inutile prorsus cenſeri poterit, aliquantum diſſerere de ejusdem Sacramenti *Subſecto*, ut ajunt, ſeu de eo, qui extra Eccleſiam ſuſcipit Baptiſmum, non eo quidem adulto, de quo vel parum, vel nulla ſolet eſſe dubitatio; nam ſi qua erat, ſatis jam explicata ſcitur; verum de *Infante* praefertim perituro: cum ad id faciendum, diſceptandumque non minimum materiae

riae, ac occasionis praebeant variae antiquorum PP. autoritates, variaeque rationes.

II. Propterea quod inquit aliqui, ab Ecclesia definitum quidem legi, *baptismus* Haereticorum, eorumque, qui extra Ecclesiae castra militant, verum baptismum esse, & verum Sacramentum; sed eorum *Infantibus* prodesse ad aeternam, beatamque salutem assequendam, non legi definitum ab ullo. Quoniam si *sine fide impossibile est placere Deo* secundum Apostolum xi. ad Hebraeos: *Infantes* autem ob aetatem nullam profecto fidem habere possunt; & si quam habeant, aut habere dicantur; sane nonnisi eam, quae suorum parentum est: *Haeretici* porro, iique omnes, qui sunt extra Ecclesiam, inanem prorsus fidem, vacuamque tenent nec sibi, nec aliis proficiam ullo modo: ut idem Augustinus scribit lib. 2. contra Cresconium cap. 28. *fatemur nihil prodesse homini baptismum Christi, si apud Haereticos, vel Schismaticos baptizetur, eis ipsis tribuens baptismum, quo baptizatur: sed tunc ei prodesse incipere, cum transit ad corpus Christi, quod est Ecclesia Dei vivi*: quare cum loco supra relato de Baptismo lib. 7. cap. 53. ait: *nequaquam dubitarem, habere eos baptismum, qui ubicunque, & a quibuscunque illud verbis Evangelicis consecratum sine ulla simulatione, & cum aliqua fide accepissent; quanquam eis ad salutem spiritalem non prodesset; si charitate caruissent; qua Catholicae infererentur Ecclesiae*: liquet sine fide juxta eum non prodesse baptismum maxime ad salutem spiritalem consequendam: cum & S. Opratus Milevit. lib. 5. contra Parmen. dixerit: *In hoc Sacramento Baptismatis celebrando tres esse species constat: prima species est in Trinitate; secunda in credente; tertia in operante. Duas video necessarias; principalem locum Trinitas possidet, sine qua res ipsa non potest geri: hanc sequitur fides credentis: Trinitas enim semper ipsa est; fides in singulis una est: vim suam semper retinent ambae &c.*

III. Igitur si *Infantes* eorum, qui ad Ecclesiam non pertinent, non aliam habere queant fidem, nisi illam parentum suorum; aut eorum, qui parentum sunt loco: haec autem inanis sit, & vacua, nec non ad vitam aeternam obtinendam minime idonea: videtur consequi, *Infantes* ipsos cum ea sola quamvis unda

unda baptismatis tinctos ex hac vita demigrantes in aeternum perire; aut januam Coeli ingredi non posse. Nam eos, quicumque ii sint, *fide* parentum, qua Paradisi gloriam assequi valeant, indigere; communis fuit Ecclesiae, Sanctorumque Patrum consensus; in primisque S. Augustini libri 3. de libero arbitrio cap. 23. asserentis: *illud perscrutari homines solent; Sacramentum Baptismi Christi quid parvulis prosit; cum eo accepto plerumque moriuntur, priusquam ex eo quidpiam cognoscere potuerunt. Qua in re satis pie, recteque creditur prodesse parvulo: fides eorum, a quibus consecrandus offertur: & hoc Ecclesiae commendat saluberrima auctoritas &c.*, & lib. de Peccatorum meritis, ac remissione, seu de Baptismo parvulorum 1. cap. 19. *si autem propterea recte fideles vocantur, quoniam fidem per verba gestantium quodammodo profitentur &c.*, ut & cap. 33. ubi ergo parvulos ponimus baptizatos nisi inter fideles, sicut, universae ubique Ecclesiae clamat auctoritas? ergo inter eos, qui crediderunt: hoc enim eis acquiritur per virtutem Sacramenti, & offerentium responsionem scilicet de fide Christi.

IV. Item Sermone 8. de verbis Domini parentibus infantium inquit Augustinus: *Sic credite; cum ista fide parvulos ad gratiam Christi portate; ne si hanc fidem in corde non habueritis, pro quibus responderis, lingua vestra occidatis: & Sermone 14. item de verbis Domini: credunt & infantes: unde credunt? fide parentum: si fide parentum purgantur; peccato parentum polluti sunt.* Epistola vero 193. ad Marium Mercatorem scribens significat, eo jam adductos a se fuisse Pelagianos; ut infantes confiterentur per eos, a quibus baptizandi offeruntur, credere. Praeterea lib. de Poenitentiae medicina, sive homil. 50. de Pueris haec idem habet Augustinus: *quibus tamen ad consecrationem, remissionemque originalis peccati prodest eorum fides, a quibus offeruntur: & lib. 4. de Baptismo cap. 4. inquit: ideo cum alii pro eis respondent, valet utique ad eorum consecrationem (Baptismus); quia ipsi respondere non possunt: hoc autem est, sive parentes, sive qui locum parentum puerorum tenent; & ad Ecclesiam, ejusque baptismum eos offerunt; ac pro ipsis parvulis de fide respondent; fidem quoque praestare dicuntur; & juxta fidem praestitam Infantes ad Regna Caelorum evolare. Nos enim, inquit S. Cyprianus Epist. 76. ad Magnum de Baptis-*  
mo

mo Clinicorum, existimamus in nullo mutilari, & debilitari posse beneficia Divina; nec minus aliquid illic posse contingere, ubi plena, & tota fide & dantis, & sumentis accipitur, quod Divinis muneribus hauritur: igitur ex opposito &c.

V. Post S. Augustinum Autor Operis de *Vocatione gentium*, qui dicitur esse S. Prosper, lib. 2. c. 8. cum ait de parvulis: *Sicut enim aliena confessione credunt, ita ex aliena infidelitate, aut dissimulatione non credunt. . . cum etiam ipsis parvulis per alienae voluntatis subveniat obsequium: quid aliud voluit, quam quod idem Augustinus supra n. 2. disseruit, censuitque eos habere baptismum, qui ubicumque, & a quibuscumque illud verbis Evangelicis consecratum sine ulla simulatione, & cum aliqua fide acceperint; quanquam eis ad salutem spiritalem non prodesset &c.?* Et Autor antiquus Quaestionum ad Orthodoxos inter Opera S. Justin Martyris q. 56. de Infantibus ita & ipse judicat: *di-gui autem sunt Baptismi commodis fide eorum, qui illos ad baptismum offerunt: Gennadius vero Massiliensis lib. 6. de Dogmar. Eccles. cap. 52. affirmat: si vero parvuli sunt, vel bebetes, qui doctrinam non capiant, respondeant pro illis, qui eos offerunt, juxta morem baptizandi: & Concilium Toletanum XII. an. 681. celebratum can. 2. edixit: sicut Baptisma, quod nescientibus parvulis sine ulla contentione in fide tantum proximorum accipitur: ita poenitentiae donum, quod nescientibus illabatur. Honorius tandem Augustodunensis in Gemma Animae conscripsit: Parvuli, vel muti, vel surdi, vel fatui per petitionem fidelium catechizantur, baptizantur, & per fidem illorum salvantur. Et S. Bernardus Epist. 77. ad Hugonem a S. Victore respondit: Non quod vel ipsi (infantes) quando baptizantur, fide omnino careant, sine qua impossibile est vel ipsos placere Deo; sed salvantur & ipsi per fidem non tamen suam, sed alienam. . . Porro aliena opus est fide; nam sine sorde non nascuntur aliena. . . nec dubium, quod macula contruncta ab aliis aliorum quoque fide valeat, vel debeat emundari.*

VI. Nec nos fregit, XII. seculo nonnullos Scholasticae Theologiae professores coepisse sentire, ac literis mandare, Infantes etiam in *fide* Ecclesiae Baptismi Sacramentum accipere: idque fortassis hauserunt ex illis S. Augustini verbis Epistolae 23.

ad



ad Bonifacium asserentis: offeruntur parvuli ad percipiendam gratiam spirituales non tam ab eis, quorum manibus gestantur, quam ab universitate Sanctorum: ab omnibus enim recte offerri intelliguntur, quibus placet quod offeruntur; & quorum sancta, atque individua charitate ad communicationem Sancti Spiritus adjuvantur. Ita quidem pio sed de parvulis Catholicorum; quos primum in fide parentum, aut eorum, qui locum parentum obtinent, offeruntque, baptizari, perspicue colligitur ex illo Augustini Sermone 8. de verbis Domini: *Sic credite; cum ista fide parvulos ad gratiam Christi portate; ne si hanc fidem in corde non habueritis, pro quibus respondetis, lingua vestra occidatis.* Quoniam si sola Ecclesiae fides satis esset ad aeternam Infantum salutem, frustra ista haec parentibus, vel offerentibus ipsos ingererentur. Postea si intentionem Ministri in Sacramentorum administratione non supplet Ecclesia; supplebitne haec ipsa fidem parentum, vel offerentium infantes ad baptismi susceptionem? plane si negligentia parentum Baptismus non opportune tribuitur infanti, & iste infirmitate festina mori contingat; negligentiam eam Ecclesia nequaquam supplere dicitur; sed infans aeternae morti damnatus asseritur. Deinde si Ecclesia parvulis Infidelium invitis, eorum parentibus non praestat baptismum, praestabit ne ipsis fidem?

VII. Erunt, qui Tridentini Concilii producent Canonem 13. sess. 7. de Baptismo statuentis: *Si quis dixerit; parvulos, eo quod actum credendi non habent, suscepto Baptismo inter fideles computandos non esse; ac propterea cum ad annos discretionis pervenerint, esse rebaptizandos: aut praestare omitti eorum baptismum, quam eos non actu proprio credentes baptizari in sola fide Ecclesiae: anathema sit.* At Concilium agit adversus Anabaptistas, & quosdam novos Ecclesiasticorum dogmatum impugnatores, qui pueros quosunque ante usum rationis facti baptismaris unda initiandos inficiabantur: quae alia quaestio est, atque illa de Haereticorum, & Infidelium infantibus. Et cum ait; *parvulos baptizari in sola fide Ecclesiae:* primum dicent, adduci Novatorum verba, eaque de parvulis Catholicorum intelligi: est enim fides Ecclesiae fides parentum Catholicorum: deinde non excludi fidem parentum, vel fidelium offerentium; sed eam

eam dumtaxat parvulorum, eo quod actum credendi non habent : & ex 16. Marci Christum dixisse scimus: qui crediderit, & baptizatus fuerit, salvus erit: igitur e converso parvuli Haereticorum, quoniam nec ipsi credere valent; nec eorum parentes recte credere volunt; salvi esse non poterunt; si mors eos rapiat: quoties Ecclesia fidem parentum non suppleat: quod est id, quod in quaestionem venire, & controversi posse contendunt.

VIII. Quod si quis unquam illud proferre tentarit Johannis Moschi alias Evirati in Prato Spirituali cap. 198. habentis: Interrogatus est aliquando S. Athanasius, postquam Alexandriae Episcopus constitutus est; an posset quisquam sine fide baptizari secundum ritum, & praedicationem Christianorum; aut si credere se simulans aliquibus alias occasionibus baptizatus fuisset, quid de illo sentiendum; aut quomodo suscipiat illum Deus? & respondit dicens: audiui aliquando a senioribus nostris, quod B. Petro Episcopo Martyri; cum facta esset mortalitas, & plerique ad Baptisma mortis timore confugerent; apparuit Angelus humana specie dicens: quamdiu hic mittitis marsupia ista signata quidem, inania autem prorsus, & vacua, & nihil intus habentia? erant itaque, quantum ex Angeli voce conjicere licet, signum habentes Baptismi, quoniam & beneficium aliquod existimarunt se consequi, si Baptisma susciperent; atque ideo baptizati sunt. Primum responderunt, de adultis se non quaerere, sed de Infantibus: deinde non utrum baptizentur sine fide accedentes; sed utrum ita baptizatos etiam salvos esse dicamus; an vero inanem aliorum fidem suppleat Ecclesia. Certum enim esse debet, eorum, qui prorsus sine fide ad Baptismum accedunt, nulli prodesse baptismum; itaque abluta dici posse marsupia quidem signata signo interno siue charactere Sacramenti; etsi inania prorsus, & vacua, & intus nihil gratiae habentia juxta plane Catholicorum praesertim recentiorum placita: veteres namque plures nedum in eo, qui suscipit Baptisma; verum etiam in eo, qui ministrat, fidem voluisse, alias a me, aliisque satis demonstratum puto.

IX. In oppositum autem est illud Augustini Epist. 23. Bonifacio Episcopo sciscitanti: quomodo parvulis prodest, cum baptizantur, parentum fides; quorum eis non potest obesse perfidia: respondon-

spondentis: Nec illud te moveat, quod quidam non ea fide ad baptismum percipiendum parvulos ferunt, ut gratia spiritali ad vitam regerentur aeternam; sed quod putant hoc remedio temporali retinere, vel recipere sanitatem. Non enim propterea illi non regenerantur, quia non ab istis hac intentione offeruntur. Celebrantur enim per eos necessaria ministeria... offeruntur quippe parvuli ad percipiendam gratiam non tam ab eis, quorum gestantur manibus; quamvis & ab ipsis, si & ipsi boni fideles sunt, quam ab universa societate sanctorum, atque fidelium: ab omnibus namque offerri recte intelliguntur, quibus placet, quod offeruntur; & quorum sancta, atque individua charitate ad communicationem S. Spiritus adjuvantur. Tota hoc ergo mater Ecclesia, quae in sanctis est, facit, quia tota omnes, tota singulos parit: igitur fides Ecclesiae, non parentum &c.

Respondebunt fortasse, S. Augustinum loqui de parvulis in Ecclesia, non extra eam ablutis; siquidem quaestio erat de ipsis parvulis in Ecclesia jam baptizatis, & a parentibus lapsis, & apostatis ad Daemonum sacrificia delatis, utrum parentum perfidia eis noceret: & quomodo eis profit, cum baptizantur, parentum fides, quorum eis non potest obesse perfidia. Quare subdidit idem Augustinus: Nam si Christiani baptismi Sacramentum, quod unum, atque idipsum est, etiam apud Haereticos valet, & sufficit ad consecrationem, quamvis ad vitae aeternae participationem non sufficiat... quanto potius in Catholica Ecclesia etiam per stipulae ministerium frumenta purganda portantur; ut ad massae societatem mediante area perducantur. Postea Augustinus magis de intentione loquitur, quam de fide Christi.

X. Qua quidem Epistola responderi posse videtur ejusdem Augustini auctoritati n. 4. & 6. recitatae ex Sermone 8. de verbis Domini: ne si hanc fidem in corde non habueritis, pro quibus respondetis, lingua vestra occidatis: nam in hac inquit parentibus dici: nolite occidere parvulos vestros: quia in illis quidem interfectionem non faciant; sed quantum in ipsis est, interfectores fiunt: sicut ait Apostolus 1. Thess. 5. Spiritum nolite extinguere: non quia ille extinguí potest; sed quantum in ipsis est, extinctores ejus merito dicuntur; qui sic agunt, ut extinctum velint:

Y

Cum

Cum, & antea dixisset: *non enim scriptum est: nisi quis renatus fuerit ex parentum voluntate, aut ex offerentium, vel ministrantium fide: sed nisi quis renatus fuerit ex aqua, & Spiritu Sancto &c.*

Et haec sane praeclare satis dicta: sed tamen & voluntatem, & fidem in his requiri dicunt si non ad Sacramentum, saltem ad Sacramenti effectum, & salutem *qui crediderit, & baptizatus fuerit; salvus erit*; siue voluntate, ac fide propria; siue aliena. Quod si fides Ecclesiae pro parvulis stat loco fidei parentum, vel offerentium; ut quid, ajunt, tot illae supra commemoratae antiquorum auctoritates de fide parentum: *si fide parentum credunt; peccato parentum polluti sunt &c.* Numquid utraque requiritur; vel modo haec, modo illa? quandoquidem & dixit: *offeruntur parvuli ad percipiendam gratiam non tam ab eis, quorum gestantur manibus, quamvis, & ab ipsis, si & ipsi boni fideles sunt; quam ab universa societate Sanctorum, atque Fidelium &c.*

XI. Nec deerunt tandem, qui pro bent; Baptismi Christi esse potissimum Originale peccatum delere: Infantes autem Haereticorum, & Infidelium non nisi Originali peccato polluantur, & a Regno Caelorum excluduntur: igitur Baptismo quocunque possunt expurgari, atque adeo Caelorum Regnum adire. Sed respondebunt etiam alii; Baptismum quidem tollere peccatum originale, verum non sine fide juxta Evangelicum dictum: *qui crediderit, & baptizatus fuerit &c.*, haec autem parentum Infidelium, & Haereticorum nulla esse probatur; deest quoque illa Ecclesiae; si haec unquam adducatur: cum Apostolus per eam clamet: *quid ad nos de his, qui foris sunt?* igitur sine ea informe erit in illis Baptismi Sacramentum, nullumque eisdem aeternae vitae praestabit effectum. Adducent insuper memoratas in primis auctoritates Auctoris Operis de Vocatione Gentium, & S. Bernardi paulo ante n. 5. *parvulos, sicut ex aliena confessione credunt, ita ex aliena infidelitate, aut dissimulatione non credere: & aliena opus esse fide; nam sine sorde non nascuntur aliena*: non autem sorde Ecclesiae nascuntur; ergo nec Ecclesiae fidem opus esse eis. Ita quidem isti & ratione, & auctoritate suffulti: veruntamen adversae opinionis assertores contra

XII. Pos-

XII. Possent postremo probare, atque hoc modo argumen-  
tari: tribuit Ecclesia Haereticis, aliisque Infidelibus baptizando-  
rum puerorum potestatem; eorundemque Baptismum admit-  
tit, & ratum habet: non tribueret autem illis potestatem; nec  
admitteret, ratumque haberet ejuscemodi Baptisma, nisi effe-  
ctum istud consequeretur: ut quid enim aqua; quae foeder, non  
purget; tingat, signetque, servare vero nequeat? igitur Baptis-  
ma Haereticorum, aliorumque Infidelium &c.

Nihilominus tamen alii respondere possent; Ecclesiam In-  
fidelibus jus baptizandi permittere; non quod eorum ablutio  
semper expiare credatur, & una salutis effectum certo conse-  
quatur; sed quia quae non sanat in praesenti, sanare saltem  
potest in futuro: nam qui infans est, & tempore fieri, vel fieri  
potest adultus, si vita suppetet; ille idem, qui initio non pur-  
gatur; tempore purgari poterit; si quando fidem veram in-  
duerit: & quod pueris nequaquam prodest, adultis tandem  
prodesse proderit. Nec alia de causa creditur, ab Ecclesia ra-  
tum haberi quoruncumque Baptismum etiam adultis fictis, &  
haereticis, impiisque collatum; cum tamen ficti, Haeretici,  
caeterique impii, & infideles eo lavacro non purgentur, sed  
sordidentur: veruntamen quia interdum idem illo tandem  
expiari possunt; ideo eorum baptismus minime improbatur,  
sive a Catholica Ecclesia non rejicitur. Quae sunt profecto ea,  
quae in utramque partem dici poterunt disputationis, atque  
exercitii gratia.



## INDEX

## RERUM, AC VERBORUM.



**A**bbas Panormitanus. Cap. II. n. xlv.

*Abbatissae* quid sibi olim vindicarent. Q. II. n. xlv.

Abdicantes se dignitate an Ordinis potestatem retineant. Cap. X. n. xxviii.

Adrianus II. Cap. III. n. xxxii. & Cap. V. n. xxvii.

Adrianus VI. Cap. II. n. xlv.

Aeduenfis Stephanus. Q. II. n. xii.

Agapetus II. nullam dicit ordinationem intrusi, & Simoniaci. Cap. VII. n. x.

Agathense Concilium explicatur. Cap. III. n. ii.

Alcuinus. Q. II. n. ii.

Alexandri Alenfis ratio, cur quaedam iterari non possint. Cap. I. n. vi.

Citatur Cap. II. n. lx.

Alexander II. primus Subdiaconatum dixit Ordinem Sacrum. Q. III. n. iv.

Alexander III. Cap. II. n. xxii. & Cap. X. n. xxviii. ac xxx.

Alexander Natalis castigatur. Cap. III. n. x. laudatur. Q. V. n. iii.

Algerus Leodiensis refellitur. Cap. XII. num. l.

Altarium consecratio ejus juris. Cap. V. n. xxxi.

S. Ambrosii dictum quomodo accipiendum. Cap. III. n. vii. & Q. IV. n. xxiv.

Anastasius II. de proscriptorum Ordinationibus an audiendus. Cap. X. n. xxii. & seqq.

Anathema quo differat ab Excommunicatione. Cap. VI. n. l.

Anatholius CP. Episcopus an intrusus ab Haereticis. Cap. V. n. xl.

Ancyra, & Antiochena Arianorum Synodus quando coacta. Q. V. n. x.

Ancyrae Synodi Canonis sensus exponitur. Q. I. n. xiii.

Androgyni an ordinari queant, ac ordinare. Cap. XI. n. vii. & Cap. III. num. iii.

Anglorum ordinationes Eccles. quatenus irritae. Cap. VIII. n. xliii.

Antonius Andreae. Cap. XI. n. vi.

Apostolicae an Ordinis potestatem retineant. Cap. X. n. xxviii.

Arelatensis II. Synodus quo tempore habita. Q. VI. n. ii. & seqq.

III. Synodus quo anno celebrata. Ibidem n. iv. & vi.

IV. Synodus quo tempore, & quos

Can. ediderit. Ibidem n. iv. & ix.

Ariani quousque cum Catholicis misisti. Cap. VI. n. xvii. & seqq.

Arreptici Sacrorum Ordinum an capaces. Cap. III. n. xiv.

S. Athanasii lectio corrupta. Q. V. n. ii.

Ejus locus ab Adversariis adductus explicatur. Cap. XI. n. v.

Atto Vercellensis Episc. Q. IV. n. iii.

S. Augustinus in hac de ordinatione pravorum quaestione quomodo interpretandus. Cap. XI. n. vii. & seqq.

Aliud ejus dictum explicatur. Cap. XII. n. xiii. & Q. VII. n. ix.

Autor supplementi Conciliorum notatus. Q. V. n. xv. & VI. n. viii.

Autor rei Sacramentariae expensus. Cap. IV. n. xxii. & XII. n. xix.

Autor Synopsis Can. Eccles. Q. II. n. ii.

Auxilius Francus notatur, confutaturque. Cap. V. n. xvii. & xxx.

Cap. X. n. xvi.

In errorem attraxit multos, ac in primis Petrum Damiani. Ibidem.

B

- B**aptismus Haereticorum sub conditione repetendus. Cap. III. n. vi. sine fide collatus an verum Sacramentum. Q. VII. n. viii. tempore S. Cypriani fere ab universa Ecclesia explodebatur. Caput VIII. n. iii.
- Baptizandi jus multiplex, & quodnam amitti queat. Cap. XI. n. ix.
- Officium olim Diaconis usitatum. Q. II. n. xiii.
- Baronius Caesar notatus. Cap. X. n. xxi., Cap. XI. n. xix., Cap. V. n. xix. & xx. xxiv. Q. IV. n. i., & Q. V. n. viii. & xii. citatur. Cap. VIII. n. iii.
- S. Basilii Epistolarum loca interpretantur. Cap. XI. n. xvi., & Q. I. n. ix.
- Bellarminus Robertus notatus. Q. IV. num. i.
- Benedictio saepe pro Sacra Ordinatione sumta. Cap. VIII. n. xix. & seqq.
- Benedictus XIV. Cap. XII. n. ii.
- S. Berpardus. Q. VII. n. v.
- Bigami num Ordinibus Eccles. idonei. Cap. III. n. vii. & seqq.
- An omnes, & quoniam dispensari valeant. Ibidem n. x.
- S. Bonaventura. Cap. I. n. ii., & Q. III. num. i.
- Ejus argumenta pro ordinat. Haeret. expenduntur. Cap. XII. n. x. & seqq.
- Bonifacius VIII. Cap. III. n. xv.
- Bonitio Sutrinus Episcopus. Cap. VII. n. xx.
- Bonifacii haeretici an, & cur iterato ordinandi. Cap. VIII. n. xv.
- Boschius Jos. Bap. notatus. Q. V. n. xi.

C

- C**aelestinus I. Papa. Cap. IV. n. xxi. & Cap. XI. n. xvi.
- Num Autor jejunii quatuor Temporum. Q. IV. n. vii. & viii.

- S. Caesarius Arelaten. Episc. quor Synodos Arelate convocavit. Q. VI. n. iii.
- Cathari aliquando cum Catholicis communicarunt. Cap. XI. n. iv.
- Catechumeni num ordinari in Ecclesia possint. Cap. III. n. iv.
- Character Ordinis cur indelebilis. Caput I. n. v. & vi.
- an solus Cleric. constituat. Ibidem.
- Quor modis dicatur. Cap. II. n. ii.
- an ab Ordinis potestate secernatur, ac sejungatur. Ibidem n. iii. & seqq.
- Chorepiscopi an veri Episcopi. Q. I. n. iii. & seqq.
- an in Hispania fuerint. Ibidem num. xviii.
- Eorum dup. generis, uniusque quoniam Auctores. Ibidem n. ii. & iii.
- Quandonam Galli in eos insurrexerunt, & qua de causa. Ibidem.
- Christianitatem auferro, ac restituere quid. Cap. V. n. xxiv.
- Cicentensis Synodus. Q. II. n. xii.
- Clementis II. decretum de Simoniacis. Cap. VII. n. xii., & xxxii.
- Clinici num Sacris Ordinibus initiandi. Cap. VI. n. i.
- Compendiosae Concilium. Cap. III. n. v.
- Crimen quid ex S. Augustino. Cap. IV. num. xviii.
- Criminosi num semper ab Ordinibus Eccles. repellantur. Cap. IV. n. xviii.
- Curiae additi an Ordinibus Eccles. apti censcantur. Cap. IV. n. xxiii.
- S. Cyprianus. Cap. V. n. iii., Cap. XII. n. xiii., & Q. II. n. ii.
- Cyrillus Hierosolymit. Episcopus an intrusus ab Haeticis. Cap. IX. n. XLIX., & Cap. VIII. n. viii.

D

- D**amasus Papa. Cap. V. n. v., & Cap. XI. n. xviii.
- Ejus epitaphium pro S. Eusebio Papa. Q. V. n. xvi.

Damiani S. Petrus ab Auxilio Franco deceptus. Cap. V. n. xl.

S. Innocentii l. verba recte interpretatur. Cap. VIII. n. xii.

Ejus objecta dissuntur. Cap. VII. n. xxviii., & seqq.

Degradatio an idem atque depositio. Cap. X. n. i.

Depositi dignitate Eccles., ac exautorati an fiant Laici. Cap. XII. n. xii.

Deponuntur etiam, vel deponi dicuntur, qui nullum Ordinem Eccles. habent. Cap. VII. n. u.

Diaconi quanta olim munia exercerent in Ecclesia. Q. II. n. ii. & seqq.

An Sacerdotum munus etiam usurparint. Ibidem n. i. & seqq.

Eorundem eximia laus, unde & elatio. Ibidem n. xiv., & xv.

Dioscortus junior quare iterum ordinatus. Cap. II. n. Li., & Cap. V. n. xiii.

Donatiano in iudicio Rom. sub Melchade Papa an Schismatici. Cap. XI. num. i.

Eorum Ordinationes an ab Ecclesia receptae, & quare. Cap. XI. num. vii.

Duranti Gulielmus Mimatén. Episcopus. Q. III. n. xv., & Q. IV. n. vi. ac xvi.

## E

Floracense Concilium. Q. II. n. xii. Ecclesiae consecratio cuius juris. Cap. V. n. xxxi.

Eadem quibus de causis iteranda. Cap. VIII. n. xxii.

Electio, quae nulla sit, quomodo valere queat. Cap. VI. n. xv., & IX. num. xvii.

Electus, & quodammodo non confirmatus an ordinari possit. Cap. III. num. xiv.

Eliberit. Concilium. Q. II. n. ii.

Energumini num Eccles. Ordinibus addici queant. Cap. III. n. xiv.

S. Epiphanius. Cap. XI. n. xviii., Q. IV. n. iii.

Episcopi olim *Presbyteri* appellati. Q. I. num. xv.

Vulgo *ritulares* Chorepiscopis successisse videntur. Ibidem n. xxiii.

Error communis tribuit jurisdictionem, ac potestatem. Cap. V. n. xxxiii., & XII. n. xx.

Errandi causae Theologis, aliisque in Ordinis quaestione quae fuerint. Caput XII. n. xxii.

Evagrianorum Ordinationes cur repetitae. Cap. IV. n. iv.

Eugenius III. quo pacto Gratiani Canonum Collectionem approbavit. Caput XII. n. iv.

S. Eusebii Papae epitaphium. Q. V. n. xvi.

Obiit in exilio Siculo, non Romae. Ibidem.

Exautoratus an fiat Laicus, vel ordinis potestatem retineat. Cap. XII. num. xxi.

Excommunicatio quo discriminetur ab anathemate. Cap. VI. n. i. & ii.

Excommunicatus an, & cur ordinandi potestate careat. Ibidem n. iv., & seqq.

Execratus quid apud Eccles. Autores. Cap. V. n. xxxix.

Exordinare quid sit apud Scriptores Eccles. Cap. IX. n. viii.

Extra Ecclesiam baptizatus an ordinari queat. Cap. IV. n. i.

Extra Tempora num ordinari quis possit, & quomodo. Cap. IV. n. xxiv.

## F

Fallaces, falsarii inter criminosos reputandi. Cap. IV. n. xxv.

Felix II. intrusus, an verus Pontifex dicendus. Cap. V. n. xl.

Felix II. ab III. Rom. Pontifex. Caput VIII. n. xviii.

Fictus an, & quando Ordines Eccles. ha-



habere possit, vel conferre. Cap. III. n. v.  
 Flammeshur. Robertus impugnatur. Cap. IX. n. x., & xiii.  
 Foeminae num Ordinibus Eccles. idoneae. Cap. III. n. iii.  
 Formosi Papae Ordinationes sacrae cur controversae, & a nonnullis iteratae. Cap. X. n. xiv., & seqq.  
 Ejus defensor Auxilius, aliquae quales habendi. Cap. X. n. xvi.  
 Francofordien. Concilium. Cap. III. n. xiii., & Cap. VII. n. iv.  
 Frassen Claudius notatus. Cap. V. n. xxi., Cap. VIII. n. xi., Cap. X. n. ix., refellitur Cap. XII. n. xx.  
 C. *Fures* cujus Concilii sit. Q. II. n. xii.

G

S. **G**elasius I. Papa. Cap. II. n. xxx., III. n. i., Q. I. n. vii., & viii., II. n. vi. & vii., IV. n. x.  
 Gennadius Episcopus CP. Cap. VIII. n. xvii.  
 Gennadius Presbyter Massiliensis. Cap. III. n. i., VIII. n. xv., Q. VII. n. v.  
 Gerundenſe Concilium. Cap. II. n. xxiv., & VII. n. xvii.  
 Glossa decret. castigatur. Cap. X. n. xxix.  
 Goffredus Viandocinensis Abbas. Cap. V. n. xlv.  
 Graecorum Schismaticorum Ordinationes cur a Latinis admittuntur. Cap. XI. n. xxiv., & seqq.  
 Gratianus Canonum Collector quid primus de *irrito*. Cap. I. n. xi., VIII. n. xxxvii.  
 ejus lapsus. Cap. VII. n. xxii., & xxxiii., XII. n. iv. v. & xxiii., Q. IV. n. xii.  
 citatur. Cap. II. n. xl., VII. n. xxviii., X. num. xviii. xxii. & xxiv.  
 ejus Correctores notantur. Cap. X. n. xxiv., & XII. n. iv.

S. Gregorius I. Cap. IV. n. iii. & xviii., VII. n. vi., Q. III. n. v. & vi.  
 ejus auctoritates adductae interpretantur. Cap. XI. n. xii. & xiii.  
 S. Gregorii VII. locus explicatur. Cap. III. n. v., ejus Decreta quaedam. Cap. VII. n. xvi. & xvii.  
 Gregorius IX. Cap. V. n. xxxi., VI. n. xiv., VIII. n. xxii., XI. n. xxv. Q. II. n. x.  
 Gregorius Turonensis Episcopus. Cap. II. n. lxi., VIII. n. xxi. & xxv., Q. IV. n. xvii.  
 Guilelmus Parisiensis Episcopus. Cap. II. n. xlii., VI. n. iii., VIII. n. xix. & xxviii.  
 ejus auctoritati respondetur. Cap. X. n. xl.

H

**H**aeretici quidam dicuntur, & non sunt. Cap. VIII. n. i.  
 Qui Episcoporum nomen habent, & quinon. Cap. XI. n. xxvi.  
 Eorum Ordinationes an *validae* sint, ac suscipiendae ab Ecclesia, & quando. Cap. VIII. n. i., & seqq., Cap. XII. n. xiii.  
 Herembaldi Equitis, ac Martyris factum. Cap. II. n. lvi., & VI. n. x.  
 Hermantius. Q. V. n. ix.  
 Hermaphroditus an, & quando ordinari valeat. Cap. II. n. vii.  
 S. Hieronymus. Cap. II. n. l., VIII. n. viii., IX. n. i., XI. n. v., Q. II. n. v. xiii. & xv., Q. IV. n. xvi.  
 Ejus dictum exponitur. Cap. XII. n. i., III. n. xii.  
 S. Hilarius Pictaviensis Episcopus. Cap. VI. n. v.  
 Hincmarus Rhemensis Episcopus. Cap. X. n. x., XI. n. xv., Q. I. n. xxi.  
 Hispaniensis Synodus II. Cap. I. n. ix. III. n. vi. & viii., VII. n. n.  
 ejus textus corruptus. Q. I. n. xviii.  
 Hormisda Pontifex Rom. Cap. XI. n. xxvi.

- I**Conoclastae an Haeretici, vel Schismatici. Cap. XI. n. xv.
- J**ejunium quatuor Temporum a quo institutum. Q. IV. n. vii. & viii. an prius bidui, vel tridui fuerit. Ibidem n. n.
- Vetus feriarum 4. & 6. num sit abolutum. Ibidem n. vii.
- Sabbati quando, & a quo initium habuit. Ibidem n. iv. & v.
- I**llegitimi an Ordinibus Eccles. apti. Cap. IV. n. xxii.
- I**licitum quot modis entuncietur. Cap. I. n. viii. ix. & x.
- Illiterati num sacris Ordinibus initiari queant. Cap. IV. n. xxii.
- Imagines Sacrae cujus sint cultus. Cap. XI. n. xv.
- I**nefficax idem interdum ac irritum. Cap. I. n. xiii.
- I**nfantēs Infidelium cum Baptismo in fide parentum suscepto decedentes an salvi sint. Q. VII. n. i. & seqq.
- An sola Ecclesiae fides profit eis. Ibidem n. v.
- I**ntrusi, & Invasores an Ordines Eccles. vere obtineant. Cap. V. n. i. & seqq.
- Eorum crimen an gravius haerese, & Schismate. Ibidem n. xlii.
- S.** Innocentii I. autoritas adducitur, & defenditur. Cap. III. n. ix. & seqq.
- I**nnocentius III. explicatur. Cap. IX. n. xviii. & XII. n. n.
- Ejus lapsus de Subdiaconatu unde fluxerit. Q. III. n. iv.
- I**nnocentii IV. opinio singularis. Cap. II. n. xlv.
- S.** Joannes I. Papa an Arianorum Ecclesias iterum sacrauerit. Cap. II. n. lii. & VIII. n. xxi.
- J**oannes VIII. iterandam docet Ordinationem ab excommunicato factam.

- Cap. II. n. lii. & Cap. VI. n. viii. & ix.
- I**nvadere Ecclesiam alienam contra Divinae legis traditionem affirmat. Cap. V. n. xxix.
- Ubi Phorium suscepit, locum quoque diuturno Schismati dedit. Ibidem n. xxxii.
- I**rritum an multimodis dicatur, ut *Illicitum*. Cap. I. n. xi. & xii.
- Juenin Gaspar notatus. Cap. XI. n. ii. & XII. n. xxii.
- Juo Carnuten. Episcopus. Q. II. n. xi. & IV. n. iii.

## L

- L**aici qui, curae a sacris Ordinibus arceantur. Cap. IV. n. xxiii.
- Laodiceanae Synodi canon 57. declaratur. Q. I. n. xvi.
- Lateranensis Concilia I. II. & III. irritas dixerunt Haeticorum Ordinationes. Cap. VIII. n. xxxiii. & xxxiv.
- Leonis Magni sententia assertur, & a pravis interpretationibus vindicatur. Cap. V. n. ix. & seqq.
- Ejus Epistolae nonnullae exponuntur. Cap. XI. n. xi. Q. IV. n. xii. & xiii.
- Leonis III. decretum de Chorepiscopis quanti faciendum. Q. I. n. xx. & seqq.
- Leo IX. quid contra Simoniacos. Cap. II. n. lv. & VII. n. xi. & xii.
- Ejus decretum exponitur, & veritati magis commendatur. Cap. XI. n. xxii.
- Leontius Antiochiae Arianorum Anabaptistae quo anno obierit. Q. V. n. xi.
- Liberius Papa quo anno lapsus est, Romamque rediit. Q. V. n. ii.
- Quam fidei formulam subscripserit. Ibidem n. xiv.
- Londinense Concilium. Q. II. n. xii.
- Lucifer Calaritanus Episcopus. Cap. V. n. iv.

Lucius III. Cap. II. n. xxxiv., III. n. ix., VII. n. i., & XII. n. xiii., IX. n. xiii.  
 Luitprandus Ticinen. castigatur. Cap. X. n. xvi.  
 Lupus Christianus notatus Cap. IV. n. xxiv., V. n. xxiii., VIII. n. x., Q. IV. n. v.  
 laudatus Q. I. n. x. & IV. n. xx.

M.

Macedoniani diu cum Catholicis misti. Cap. XI. n. xviii.  
 Mabillonius Joannes. Cap. V. n. xxvii. & Q. I. n. i. & xxii., notatus Cap. IV. n. xx.  
 S. Martinus L. Cap. V. n. xiv. & VIII. n. xxv.  
 Martinus Bracaren. Episcopus. Cap. III. n. ix., IV. n. ix., XI. n. i., & Q. I. n. xviii.  
 Massalianorum Ordinationes an, & cur iterandae. Cap. XI. n. x.  
 Matrimonium verum, & non ratum. Cap. XII. n. i.  
 Mayronus Franciscus. Cap. II. n. xlv., & III. n. i.  
 Maximus Antiochenus. Episcopus an intrusus. Cap. V. n. xli.  
 Meclinenſe Concilium quid de Haereticorum Baptismo. Cap. III. n. vi.  
 Mediavilla Richardus. Cap. I. n. i., X. n. xx., XII. n. ix., refellitur Cap. X. n. v., & XII. n. xx., & xxi.  
 Meletianorum Ordinationes an repetitae, & quare. Cap. X. n. vi., & IX. n. ii.  
 Meletius Antiochenus Episcopus an ab Haereticis ordinatus. Cap. XI. n. xix.  
 Metaphrastes Simeon Q. IV. n. v.  
 Metrophanes Smyrnenſis Antistes reprehensus. Cap. VIII. n. xviii.  
 Midenſis Synodus. Q. I. n. xxi.  
 Moguntinum Concilium ii. Cap. IV. n. xi.

Monothelitarum Ordinationes expenduntur. Cap. xi. n. xx.  
 Morinus Joannes notatus. Cap. IV. n. xx., & VIII. n. xxxiv., defenditur Cap. X. n. xv., & XI. n. xxi.

N.

Neesefariense Concilium. Cap. IV. n. xxv., & VIII. n. xix., Q. I. n. xiv., & II. n. ii.  
 Neophiti num. ordinibus Ecclef. initiandi. Cap. IV. n. xxi., qua lege arcentur. Cap. III. n. x.  
 Nicaenum Concilium I. Cap. II. n. xvi., IV. n. ii., xi. xx. & xxv., X. n. vi. & vii., Q. I. n. xi., & II. n. ii. & vi.  
 ejus Canonis 8. vox varie interpretata. Cap. XI. n. i., & ii.  
 Nicephorus Orator, & Philoſophus. Cap. V. n. xxxii.  
 Nicolaus I. quid de Photii ordinatione &c. Cap. V. n. xxv., X. n. xv., XI. n. xv., XII. n. xii.  
 quid de Chorepiscopis. Q. I. n. vi., vii., & xix., de jejunio Sabbathi. Q. IV. n. v.  
 Nicolaus II. Cap. IV. n. vi. ejus Decreta. Cap. V. n. ix., & VII. n. xiii., ac xv.  
 S. Nilus junior quid de jejunio Sabbathi. Q. IV. n. v.  
 Northufen. Concilium. Cap. VIII. n. xxxiii.  
 Novatianorum Ordinationes cur ab Ecclesia ſuſceptae. Cap. XI. n. i. & ſeqq.  
 cum Catholicis diu communicaverunt. Ibidem n. iv.  
 Novatianus Schismaticorum Antefignanus an vere ordinatus Pontifex. Cap. V. n. i. & ii.

O.

Oſſerre quid apud Scriptores Ecclef. Q. II. n. i. & ſeqq.  
 Of.

- Officium Eccles. quid, & quotaplex. Cap. I. n. vii.  
 Optatus Milevitan. Episcopus. Cap. I. n. vu., IV. n. xi., VIII. n. v., & IX. n. iv.  
 Ordinatio quæ, & cur iterari non possit, aut non debeat. Cap. I. n. vi.  
 Prava, ac invalida an, & quomodo sanari valeat ab Ecclesia. Cap. VI. n. xvi.  
 Ordinationes privatae an semper licitæ. Cap. IV. n. ii.  
 Ordinatus a pluribus non idem præstantibus qualis. Cap. III. n. vi.  
 Ordo sacer, & Eccles. quid. Cap. I. n. i. & seqq., quor. modis dicatur. Ibidem n. iv. & vii.  
 Ejus natura, atque essentia quæ. Ibidem n. iv.  
 Quibus consulari dicatur. Cap. II. n. i.  
 Quotuplex sit sacer. Q. III. n. i. & xiii.  
 Ordo Romanus. Q. II. n. xi.  
 Osius Corduben. Episcopus quo anno lapsus. Q. V. n. vii.  
 Osius Episcopus Henricus. Cap. IX. n. xiv.

## P

- Pacianus Barcinonen. Episc. Cap. V. n. ii. & X. n. v.  
 Pagius Antonius notatus. Q. V. n. i. Citatur. n. ix. x. xi. & xv.  
 Parisiense Concilium. Cap. IV. n. xiii., alterum Q. I. n. ii., & xix. ac xx.  
 Paschalis II. Cap. VII. n. xxiv., VI. n. ii. & xii., VIII. n. xxi. & xxv. & xxi., & XI. n. xxiii.  
 Paulinus Antiochenus Episcopus quomodo ordinatus. Cap. IV. n. iv.  
 Pelagius I. Papa. Cap. II. n. xx., & IX. n. v.  
 Pelagius II. continentiae fibulam Subdiaconibus Siculis imposuit. Q. III. n. vi.

- Peregrinus Martinus castigatus. Cap. V. n. xxxi.  
 Petavius Dionysius. Cap. XI. n. xv., notatus Q. V. n. i.  
 Petrus Cantor. Q. II. n. xii.  
 Petrus Lombardus. Cap. I. n. i., II. n. xlvii., VII. n. xxvii., VIII. n. xxxvi.  
 Pharenfis Synodus de Paschate. Cap. IX. n. vi.  
 Photii CP. intrusi Ordinationes a quibus rejectæ, aut receptæ. Cap. V. n. xxiv. & seqq.  
 Nullæ cum fuerint, quo modo sunt factæ validæ. Ibidem n. xxxiii.  
 Pictaviensis Synodus. Q. II. n. xi.  
 Poenitentiae Sacramenti ministerium an olim Diaconis permissum. Q. II. n. xi. & xii.  
 Pontificalis libri Autor emendatur. Cap. V. n. xxii., citatur Cap. I. n. ii., V. n. xvi., X. n. xxii., Q. II. n. xii. Q. IV. n. xv. & xvi.  
 Potestas jurisdictionis quomodo confertur, & aufertur. Cap. II. n. xlv.  
 Potestas Ordinis an stare queat sine charactere. Cap. II. n. iii. & seqq.  
 An depositis, & excommunicatis auferatur. Cap. X. n. iii.  
 Praepositiivus Theologus refutatur. Cap. XII. n. v.  
 Presbyter qui non est, an Episcopus esse possit. Cap. III. n. xii.  
 Presbyteri quæ olim sibi arrogarint, Q. II. n. viii. & ix.

## Q

- Quadragesima quot modis fiat, & dicatur. Q. IV. n. xiv.  
 An Romæ olim peracta, uti modo fit; an secus. Ibidem num. xiii., & xxi.  
 Ejus initium, causaque proditur. Ibidem n. viii.

Qua-

Quatuor temporum jejunium quando,  
& a quo incoeperit. Q. IV. n. vii.  
& viii.  
an olim trium temporum dumtaxat fuerit. Ibidem n. ix.  
Quenellus Paschasius notatus. Cap. V. n. ii., Q. IV. n. xiii. & xviii.  
Quinquagesima quae, & quot modis scia. Ibidem n. xiv., & xv. ac xvi.

R

**R**abanus Maurus Chorepiscoporum vindex. Q. I. n. v.  
Ratisponense Concilium an certum. Q. I. n. xx.  
Ratum in effectu an sit, quod in se tale non est. Cap. I. n. xii., & XII. n. iv.  
Ratum, & verum Sacramentum, vel verum, & non ratum quodnam sit. Cap. XII. n. ii.  
Ravennaten. Concilium Joannis VIII. Cap. II. n. xxi.  
Ravennat. Archiepiscopus, & Antipapa. Cap. VIII. n. xxxi.  
Rebaptizati num Ordinibus Eccles. idonei. Cap. IV. n. i.  
Remense Concilium. Cap. IV. n. v., alterum Cap. VII. n. xxv., VIII. n. xxxix., IX. n. viii.  
Romae ante S. Leonem I. quis doceret in Ecclesia. Q. IV. n. xviii. & xxiv.  
Quomodo tunc ibi jejunium Quadragesimale. Ibidem n. xi. xviii. & xxi.  
Romanus Pontifex quid interdum oeconomiae causa possit, & faciat. Cap. VI. n. xv.  
Romana Concilia. Cap. II. n. xxii. xxxvii. lxx. lvi., III. n. xiii., IV. n. v. vii. xviii., V. n. xvi. xxxvi., VI. n. i. ii., VII. n. xvi., VIII. n. xxv. xxxv., X. n. xiv.  
Romualdus Salernitanus Archiepiscopus. Cap. IX. n. x.

Rubion Gulielmus Cap. I. n. ii., II. n. xlv., III. n. ii., & XII. n. xv.  
Rufinus Aquilejensis. Cap. VIII. n. viii., & XI. n. ii. & iii.  
Rupertus Abbas Tuitien. Cap. VIII. n. xxx. & xxxvi.

S

**S**acramenta Christi extra Ecclesiam non esse qui asseruerint. Cap. VIII. n. xxxii.  
Malorum quando valeant, & quando non. Cap. XII. n. xiii.  
Sanderus Nicolaus. Cap. VIII. n. xliii.  
Scotus Jo: Duns. Cap. I. n. i. iii. iv. viii. xii., II. n. i. v. ix. xxxvii., III. n. ii. v. xiii., VIII. n. xxxix., X. n. xx. & xxvi.  
Ejus rationes, & argumenta expendantur. Cap. XII. n. xvi. & seqq., III. n. ii.  
Schisma quot modis in Ecclesia contingat. Cap. IX. n. i.  
Magnum sub Joanne VIII. quando extingendum. Cap. V. n. xxxii.  
Maximum sub Urbano VI., & una dubium. Cap. IX. n. xvii.  
Sardicense Concilium. Cap. IV. n. x., V. n. iv., & X. n. viii.  
Semiariani quando ab Ecclesia Catholica damnati. Cap. XI. n. xviii.  
Septima Synodus quando Oecumenica coepit haberi. Cap. XI. n. xv.  
Servi, ac mancipia an, & quomodo Ordinibus Eccles. idonei. Cap. IV. n. vii.  
Septuagesima quae, & a quo inventa. Q. IV. n. xvi. & seqq.  
Sexagesima a quo dicitur instituta, & quare. Ibidem n. xv. & seqq.  
Simoniaci varii generis. Cap. VII. n. i., eorum Ordinationes quae. Ibidem, & seqq.  
Sine titulo num ordinari quis queat. Cap. IV. n. xiii.  
Siricius Papa. Cap. III. n. viii. & xi., IV. n. xii. & xxix., Q. I. n. vii.  
Sir-

Sirmondus Jacobus notatus. Q. VI. n. iv. & vi.  
 Socrates Histor. Cap. V. n. xl., XI. n. iv., an erraverit. Q. IV. n. xi. & xviii.  
 Sozomenus Hermias. Cap. V. n. vii., XI. n. xvii. & xviii., an lapsus sit. Q. IV. n. xviii. xxiv., V. n. iv. & ix.  
 Stephanus I. Cap. V. n. xiii., II. Q. I. n. xxii., III. Q. III. n. vi., V. Cap. V. n. xxvii.  
 Stephanus VI. a. VII. verus Pontifex, non intrusus. Cap. X. n. xv. & seqq.  
     Schisma Photianum extinxit; vel Photii nomen admisit. Cap. V. n. xxxii.  
 Subdiaconatus ordo a quo primum dictus ordo Sacer. Q. II. n. iii. & iv. Quam ob causam dictus est Sacer. Ibidem n. ix. & x.  
     Ex quo tempore continentiae legi addictus. Ibidem n. vii. & seqq.  
 Subditi alieni num ordinari queant, & quando. Cap. IV. n. ix.  
 Sveffionen. Concilium II. Cap. II. n. xix., V. n. xxii., & X. n. x. & seqq.  
 Summus Pontifex quis. Cap. II. n. xxvii. & xxix.  
 Suspendi an Ordinis potestate potantur. Cap. X. n. xxvi. & xxx.  
 Sylverius Papa num intrusus fuerit. Cap. V. n. xxxiii.  
 S. Sylvester I. Papa an institutor jejunii Sabbati, & 4. Temporum. Q. IV. n. i. v., & vi.  
 Sylvester II. Papa quidnam sanxerit. Cap. X. n. xxxi.

## T

**T**Abula quid in Ecclesia significationis habeat. Q. I. n. xxii.  
 Tarasius CP. Episcopus qualis tempore VII. Synodi. Cap. XI. n. xxi.

Quid contra Simoniacos statuerit. Cap. VII. n. viii.  
 Tarraconen. Concilium. Q. II. n. xxi.  
 Tertullianus Septimius. Cap. IV. n. xxiii., Q. IV. n. ii. & iv.  
 Theodoretus Cyri Episcopus. Cap. III. n. xii., IV. n. iv., V. n. xxxix., X. n. vi., XI. n. i. & vii.  
     Ejus nonnulla verba interpretantur. Q. I. n. xvii.  
 Theodorus Cantuarien. Archiepiscopus. Cap. IX. n. vi. Q. II. n. ii.  
 Theodorus Oxyrinchi Episcopus. Caput II. n. xlvii. & xlviii., X. n. v.  
 Theodosius junior Imp. Cap. III. n. ii.  
 Theophanes Histor. Cap. II. n. l., V. n. xii., VIII. n. xxi.  
 Theophilus Alexandr. Episcopus. Caput XI. n. ii. & iv.  
 S. Thomas Aquinas. Cap. I. n. i. vi. vii. viii., VIII. n. l. xxii. xl., XII. n. xx. xxi., Q. III. n. l.  
     Expenditur Cap. II. n. v. & xi., III. n. x., XII. n. vi. & seqq.  
 Thomassinus Ludovicus notatus. Q. I. n. vi.  
 Titulo carentes an sacris Ordinibus initiari possint. Cap. IV. n. xii.  
 Titulo tenus Episcopi an ordinare valeant, & quo pacto. Cap. IV. n. xiv.  
 Toletana Concilia. Cap. IV. n. ii., III. n. i. IV. n. ix. xvi., V. n. xxxi. xxxix., VII. n. vii. xxxi. VIII. n. xx. xxiv., XI. n. vi. xiv. Q. II. n. vi. vii. & ix., VII. n. v.  
 Tolosanum Concilium. Cap. I. n. vi., II. n. xxxii., IV. n. xxiv.  
 Tournely Honoratus. Q. II. n. l., Cap. V. n. xxx., & VIII. n. xliii.  
 Triburiense Concilium. Caput IV. n. viii. ix. & x. Q. II. n. ii. xii.  
 Tridentinum Concilium. Cap. I. n. iv., vi. xi., II. n. ix. xxxvi., IV. n. xiii., XII. n. xxi., Q. VII. n. vii.  
 Trullanum Concilium. Cap. III. n. xii., XI. n. xiii., Q. II. n. vii.  
 Turonense Concilium II. Cap. IV. n. xi. VII. n. v., & Q. II. n. xii. IV. n. xvii.

V

- Valesius Henricus notarius. Q. V. n. l. & xi.  
 Vasquez Gabriel. Cap. I. n. iil. vi., II. n. vi., XII. n. l. & ix., notatus Cap. V. n. xxxi., X. n. xxiv., XII. n. xix. impugnatur. Q. III. n. xi.  
 Venericus Vercellensis Schismaticus. Cap. VIII. n. xxxi. & xxxii.  
 Veneticum Concilium. Cap. IV. n. xi. Q. III. n. viii., alterum Cap. IX. n. ix. & X. n. xxxiv.  
 Vermeriense Concilium. Cap. II. n. xviii., IV. n. xiii., VII. n. v.  
 Vernense Concilium. Cap. IV. n. xiii.  
 Verum, & non ratum Matrimonium. Cap. XII. n. il.  
 Verum est quod legitimum, quomodo. Cap. V. n. il.  
 Vgo Flaviniacen. Cap. V. n. xxiv., VI. n. x. & xi., VIII. n. xxxii.  
 Vgo Victorinus. Cap. I. n. i., notatur Cap. XII. n. il.  
 Victor III. Cap. V. n. xxix. & xxxvi.

- Vigilius Papa an Simoniacus. Cap. V. n. xliii., citatur Cap. VIII. n. xv.  
 Vitiati corpore num apti Eccles. Ordinibus, & quinam. Cap. III. n. xiii.  
 Wigbertus Ravennas Antipapa. Caput VIII. n. xxxi.  
 Witasse. Carolus castigatur. Cap. V. n. vi. & seqq. VII. n. il. & seqq., VIII. n. il. & seqq., IX. n. x. & seqq., X. n. vii. & xxi., XI. n. x. & seqq., Q. I. n. v. & seqq.  
 Urbanus II. Cap. V. n. xxxvii., II. n. lvi., VI. n. il. & xii., VII. n. xviii. & xxx., VIII. n. xxvi. & xxxix., IX. n. vii.  
 An primus Subdiaconatum dixerit Ordinem Sacrum. Q. III. n. il., & seqq.

Z

- Zacharias Papa. Q. I. n. xix. & xxxi., Cap. IV. n. xii.  
 Zofimus Papa. Cap. I. n. il., II. n. xxvii., IV. n. xx., & X. n. ix. ac xxvi.



## ERRATA

## CORRIGE

Pag.	lin.		
11	11	porerit	poterit
16	18	tertiam	tertium
27	10	Eemiliae	Aemiliae
38	31	malae	male
39	36	Da 16.	Da 26.
41	4	q. 2.	q. 10.
44	18	facinus	facinus
	2	illo	ille
49	2	hoc	alio
50	1	IV.	II.
52	1	IV.	III.
74	1	IV.	V.
76	12	infirmatatis	infirmatis
86	27	urbnam	ubnam
93	17	esse	esse
110	1	V.	VI.
110	4	validaeque	valideque
131	33	Urbano	Urbano II.
143	27	deleantque	doleantque
144	39	VII.	At
163	35	cur, spernantur	cur spernantur
181	2	ta	ita
181	17	ordinazione	ordinationes
191	2	Chrysofomi	Chrysofomi
195	12	Sancto	Sancta
197	30	Galicani	Gallicani
200	25	consecrati	consecrari
202	2	sumpserit	sumpserint
	8	Sacerdotali	Sacerdotale
	36		§. 7. Objecta.
203	28	transgressorem	transgressorem
	16	admittatur	amittatur
205	5	aeconomiae	oecunomiae
212	20	traslacione	translatione
214	2	Opusc.	Opusc.
215	31	Machinaeum	Manichaeum
218	17	actio, non	actio non
217	8	qui e vere	quievere
214	1	titulis, Episcopi	titulis Episcopi
212	16	moderantur	moderantur
277	13	Diaconis	Diaconi
285	11	Urbanii	Urbani
288	29	Subdiaconibus	Subdiaconibus
299	10	confinat	confirmat
309	32	Setxae	Sextae
310	15	Palestina	Palaestina
311	8	existimarunt	existimasse



Errata alia Corrigere.

Pag. lin.		
2. 32.	Salamon	Salomon
19. 34.	agnoscitis	agnoscitis
21. 38.	Phrygia	Phrygia
23. 31.	nec	ne
30. 28.	potestatem	potestate
43. 34.	Collydiorum	Collyridianorum
47. 20.	Hispale si	Hispalensis
51. 35.	Hic num. vel s. ad Caput IV. pertinet.	
75. 19.	Gathedram	Cathedram
87. 31.	habito	habitu
88. 31.	Colled.	Colled.
94. 2.	magneque	magnæque
97. 3.	ordinationem	dedicationem
101. 27.	præcepta	præcepta
109. 39.	Pontificum	Pontificum
133. 18.	difficillimum	difficillimum
134. 33.	Episcopum	Episcopum
141. 1.	baptizatus	baptizatus
141. 2.	Hebræus	Hebræus
174. 15.	potest.	debet.
174. 24.	Eduardi	Eduardi VI.
177. 37.	potius non	potius, non
178. 37.	similiter Ecclesia. similiter. Ecclesia	similiter Ecclesia. similiter. Ecclesia
181. 26.	Schismati	Schismatici
184. 18.	dictum	dictum est,
197. 2.	potest	potest
200. 12.	scripserint	scripserit
215. 15.	Frodardus	Frodoardus
212. 19.	Egyptius	Ægyptius
212. 22.	Juenin	Juenin
215. 30.	Manichæos	Manichæos
248. 5.	Sed	; sed
249. 36. n. 21.	n. 21.	n. 21.
271. 2.	Wilkins	Wilkins
271. 37.	admisuros	admisuros
277. 31.	Palentinæ	Palentinæ
281. 4.	Wilkins	Wilkins
281. 15.	Innocentii	Alexandri
281. 4.	Ecclesiæ	Ecclesiæ
297. 6. & 7.	& 6.	& 6.
300. 23.	Collat.	Collat.
338. 28.	ad nos de his	mihi de his
339. 17.	proderit.	poterit.

Errata alia Corrigere.

Pag. lin.		
340. 2.	7. III.	II.
15. 12.	15. 12.	XIII.
22. XXII.	22. XXII.	XXXIII.
25. X.	25. X.	XI.
b. 8. II.	b. 8. II.	XXIV.
20. XIV.	20. XIV.	XV.
341. a. 33. XV.	341. a. 33. XV.	XVI.
342. a. 23. Donatiano	342. a. 23. Donatiano	Donatiani
42. XIV.	42. XIV.	XVI.
45. XIV.	45. XIV.	XV.
343. a. 13. XIII.	343. a. 13. XIII.	XIV.
b. 16. XII.	b. 16. XII.	XIII.
344. a. 33. III.	344. a. 33. III.	VIII.
b. 1. LII.	b. 1. LII.	LIII.
346. b. 34. XII.	346. b. 34. XII.	XIV.
34. XV.	34. XV.	XVI.
347. b. 14. XXXVII.	347. b. 14. XXXVII.	XXXVII.
15. XIII.	15. XIII.	IX.
24. VII.	24. VII.	IX.
43. XIII.	43. XIII.	XV.
44. XI.	44. XI.	IX.
348. a. 27. IX.	348. a. 27. IX.	XI.
39. XIX.	39. XIX.	XX.
32. XXVII. & XXXI.	32. XXVII. & XXXI.	XXVIII. & XXXI
b. 7. XII.	b. 7. XII.	XIV.
14. XLVII. XLVIII.	14. XLVII. XLVIII.	XLVII. XLIX.
15. I.	15. I.	XIII.
16. L.	16. L.	LI.
26. XIII.	26. XIII.	XV.
37. XXXII.	37. XXXII.	XXXIII.
43. XXXVI.	43. XXXVI.	XXXVII.
46. 12.	46. 12.	XIII.
349. a. 10. XI.	349. a. 10. XI.	XII.
11. VIII.	11. VIII.	IX.
12. X.	12. X.	VIII.
14. XVII. . . XIII.	14. XVII. . . XIII.	XIX. . . XIV.
15. XII.	15. XII.	XIV.
19. I.	19. I.	XI.
b. 4. XIII.	b. 4. XIII.	XV.
13. LVI.	13. LVI.	LVII.
22. XXVII. . . XX.	22. XXVII. . . XX.	XXVIII. . . XXII.

Page 1

Page 2

Page 3

Page 4

Page 5

Page 6

Page 7

Page 8

Page 9

Page 10

Page 11

Page 12

Page 13

Page 14

Page 15

Page 16

Page 17

Page 18

Page 19

Page 20

Page 21

Page 22

Page 23

Page 24

Page 25

Page 26

Page 27

Page 28

Page 29

Page 30

Page 31

Page 32

Page 33

Page 34

Page 35

Page 36

Page 37

Page 38

Page 39

Page 40

Page 41

Page 42

Page 43

Page 44

Page 45

Page 46

Page 47

Page 48

Page 49

Page 50

Page 51

Page 52

Page 53

Page 54

Page 55

Page 56

Page 57

Page 58

Page 59

Page 60

Page 61

Page 62

Page 63

Page 64

Page 65

Page 66

Page 67

Page 68

Page 69

Page 70

Page 71

Page 72

Page 73

Page 74

Page 75

Page 76

Page 77

Page 78

Page 79

Page 80

Page 81

Page 82

Page 83


Page 84

Page 85

Page 86

Page 87







10-11-12



